

M

C
I

TUN

FI
IN

P.
O

SUM

THEOLOGIÆ
MORALIS
DECALOGALIS

PER MODUM
CONFERENTIARUM
CASIBUS PRACTICIS
ILLUSTRATÆ ET APPLICATÆ
AD USUM
TUM CURATORUM, TUM ETIAM PRO
ANIMARUM CURA EXAMINANDORUM

Griff. PARS II. *LL. Eremitar*
DE
FIDE, SPE, ET CHARITATE,
Camel. NEC NON *Infante Vigrensis.*
IN PRIMUM PRÆCEPTUM DECALOGI

DE
VIRTUTE RELIGIONIS,
Vititsque iisdem Virtutibus oppositis.

AUTHORE
P. F. BENJAMIN ELBEL,

Ordinis FF. Minorum Recollectorum, Almæ
Provinciae nostræ Argentinae seu Superioris
Germaniæ SS. Theologiæ Lectore
Jubilato.

EDITIO QUINTA.

AUGUSTÆ VINDEL. & OENIPONTI.
SUMPT. JOSEPHI WOLFF. MDCCLVIII.

THEOLOGICAL
MORALS
DECALOGUS

Int. mod. 22

W. H. H.

Int. mod. 22

W. H. H.

By Riem. F. I. 12



Licentia Ordinis.

Ego infra scriptus totius Ordinis Sacerphici Difinitor, ac Nationis Germano-Belgicae Commissarius Generalis &c. virtute praesentium facultatem facio Rever. Pat. Fr. BENJAMIN ELBEL, SS. Theologiae Lectori Jubilato, ac Provinciae Nostrae Germaniae Superioris sive Argentinae Ord. Fratrum Minorum Recollect. Custodi, Tractatum Theologico-Moralem de Fide, Spe & Charitate &c. à se compositum, & à duobus Sacerdotibus Ordinis nostri Theologis, ad id specialiter deputatis, revisum ac approbatum, servatis aliàs de jure servandis typo publico committendi. In quorum fidem &c. signatum sub meo Chirographo Officii que Sigillo. Monasterii Westphaliae die 2. Febr. Anno 1734.

Fr. Godefridus Stüve,
mppr.




F A C U L T A S
Admodum Rev. P. Ministri
Provincialis.

Ego Fr. Bonifacius Schmid Ord. FF.
Min. S. Francisci Recollectorum Pro-
vinciæ Argentinæ, seu superioris Germa-
niæ Minister Provincialis, hisce, quantum
in me est, facultatem concedo, ut *Con-*
ferentiæ Theologico-Morales, seu Tracta-
tus secundus in Decalogum, de Spe, &
Charitate, nec non de Virtute Religionis
&c. à R. P. Benjamin Elbel, SS. Theolo-
giæ Lectore Jubilato, & Provinciæ nostræ
Custodum Custode compositus, atque à
Theologis ad id depuratis lectus, & cen-
suratus, prælo dari possit. In cujus fidem
has Officii mei sigillò munitas, & propriâ
manu subscriptas dedi in Præsidentia no-
stra Fremerspergensî die 5. Martii, Anno
1734.

Fr. Bonifacius Schmid,
qui suprâ mppr.

Appro-



Approbatio Theologica I.

De mandato A. R. P. M. Provincialis hunc Tractatum Theologico-Moralem de *Fide, Spe, & Charitate* à Reverendo P. BENJAMIN ELBEL, SS. Theologiæ Lectore Jubilato, ac Provinc. Argent. seu German. super. Custode actuali compositum pari studio, animique attentione legi, in eoque nihil, quod bonis moribus, aut Fidei Orthodoxæ contrarium esset, inveni: quin etiam attestor, præsentem Tractatum doctrinæ soliditate, ac dictionis perspicuitate superiores Tractatus ab eodem Authore in lucem editos (habito respectu materiarum) per omnia exæquare: dignissimum proinde censeo, qui publicæ utilitatis gratiâ in lucem publicam prodeat. Dabam in Conventu nostro Salisburgensi ad B. Virginem in Cœlos assumptam die 18. Mens. Jan. 1734.


Fr. Victorianus Steidle,
ejusdem Ord. ac Provinc. SS.
Theologiæ Lector Emer. ac
p. t. Conventus Salisburgens.
Guardian.

Approbatio Theologica II.

Tractatum hunc de Virtutibus Theologicis, & primo Decalogi Præcepto, à Rev. P. BENJAMIN ELBEL, SS. Theologiæ Lectore Jubilato, & Almæ nostræ Provinciæ Germaniæ superioris Custode actuali elaboratum, pro debito Commissionis meæ perlegi accuratè, nec in eo quidquam, nisi commendatione, & typo dignum deprehendi. Si enim materiam spectes, nedum est utilissima, sed & omnibus, iis præsertim, quibus aliorum in doctrina Christiana incumbit institutio, summè necessaria. Si dicendi, docendique rationem penses, solida est, & nervosa: si methodum, facilis ac ordinata; si denique normam, ubique & in omnibus Fidei Orthodoxæ, ac bonis moribus est admensurata. Unde ex illo non tantum ipsi præclaro Authori ulteriorem pro meritis famam, verum etiam studiosè perlecturis plurimam utilitatem præfagio. Datum in Conventu nostro Salisburgensi ad B. Virginem assumptam die 21. Januar. 1734.

*F. Cherubinus Mayr,
SS. Theol. Lector Ordinarius.*

Appro-




Approbatio Censoris.

Tractatus iste Theologicus de Fide, Spe,
& Charitate &c. prioribus jam editis in claritate, utilitate, eruditione & doctrinæ soliditate per omnia simillimus est; hinc etiam prælo & luce publica dignissimum censeo. Augustæ 28. Martii 1734.

Imprimatur H.S.

*Jo. Adam. Nieberlein, Suffragan. Ey-
stett. Can. Cath. Ec-
cles. Aug. & Vicar.
Generalis mppr.*

*Franc. Jos. de Handl,
SS. Theol. Lic. Rev.
& Seren. Princ. &
Episc. Aug. Consil.
Eccles. Maj. Pœnit.
& Libr. Censor. nec
non insig. Eccles. ad
S. Mauritium Cano-
nic. & Parochus.*



Benevole Lector!

Posteaquam in primo Tractatu
præliminari Actuum humano-
rum naturam, eorundemque prin-
cipia ac regulas pro modulo no-
stro explanavimus, & casibus pra-
cticis illustravimus; progredimur
jam ad explanandum eadem me-
thodo Decalogum, id est, decem
præcepta, Dei digitò, vel Ange-
licis manibus in tabulis lapideis
descripta, & Moyfi in monte Si-
nay tradita; è quibus juxta D. Au-
gustini aliorumque Theologorum
receptissimam opinionem, tria
priora (utputa 1. *Non habebis*
Deos alienos &c. 2. *Non assumes*
nomen Domini in vanum 3. *Me-*
mento



mento ut diem Sabbati sanctifices
&c. vocari solent præcepta primæ tabulæ; eò quòd hominem in sanctitate ad Deum ordinent: reliqua septem appellantur præcepta secundæ tabulæ, eò quòd hominem ordinent ad proximum in justitia.

Hujus igitur Decalogi explanandum suscipimus primum præceptum sequentis tenoris: *Non habebis Deos alienos coram me, non facies tibi sculptile, neque omnem similitudinem - - non adorabis ea, neque coles* &c. *Exod. 20. v. 3. 4. & 5.* Liquet autem ex ipso tenore verborum, hoc præceptum primariò esse negativum, utpote quò interdicitur semel & pro semper cultus cujuscunque demum Idoli; secundariò autem esse affirmativum, in quantum nos adstringit,



git, ut solum Deum verum colamus & adoremus, veluti Magister noster cœlestis clariùs explicuit *Matth. 4. v. 10.* dicendo : *Domini Deum tuum adorabis, & illi soli servies.*

Cùm verò cultus veri Dei necessariò præsupponat Fidem, Spem, & Charitatem; *nemo enim (inquit S. Augustinus lib. 1. Enchirid.) colit Deum, nisi credens in Deum, sperans ab Eo bonum, Eumque diligens*; hinc ordo doctrinæ nos constringit, ut aliorum more Doctorum ea, quæ de his cuivis fidelium, & vel maximè etiam animarum Curatoribus seu Pastoribus scitu necessaria videbuntur, priùs examinemus, vel etiam resolvamus.

Itaque in hac secunda Parte per diversas Conferentias discutiemus

1mò



1^{mò} naturam, necessitatem & obligationem Fidei divinæ: 2^{dò} Spei, & 3^{tiò} Charitatis theologicæ: postea etiam, virtutem Religionis inter morales præstantissimam, quippe quæ tota quanta circa cultum Deo debitum, primò præcepto Decalogi nobis singulariter inculcatum occupatur, pertractaturi.

Porro post singulas virtutes mox recensitas singula vitia iisdem virtutibus contraria examinabimus, præmissis semper principiis practicis per casus practicos eadem ventilando, & tandem corollaria inde deducendo. Majoris verò claritatis gratiâ præmittendum duxi Elenchum, qui singularum conferentiarum ordinem, materiam & casus practicos repræsentet in compendio, veluti



veluti è proxima pagella patebit.

Id unum benevole Lector te obsecro quàm humillimè, ut errores, quos in hoc opusculo fortassis legendo deprehenderis, pro tua discretione ac prudentia excuses vel corrigas, laboribus autem meis eo, quo tibi eosdem nunquam non consecratos volui, animo ac fine utaris, scilicet tum ad propriam, tum ad aliorum etiam salutem, nec non ultimatè ad majorem Dei gloriam in omnibus, & per omnia quomodocùmque demum promovendam. Vale.



ELEN-

ELENCHUS
CONFERENTIARUM,
ET CASUUM.

CONFERENTIA I.

De natura Fidei divinæ, ejusdémque neces-
sitate. Pag. I

C A S U S.

- I. Cujusdam personæ acatholicæ, quæ, licèt apprehenderit Fidem Catholicam esse verosimiliorem, nihilominus in sua secta constans perseveravit. 29
- II. Cujusdam Confessarii, qui pœnitentem de sufficientia doctrinæ christianæ suspectum, ob confluxum populi sinè ulteriori examine absolvit. 32
- III. Alterius cujusdam Confessarii, qui ad personam acatholicam moribundam vocatus, præseidit omninò ab articulis fidei controversis, eandémque ad contritionem dispositam sub conditione absolvit. 35.

CONFERENTIA II.

De obligatione Fidem exterius profitendi. 45
CASUS



C A S U S.

- I. De quodam Sacerdote Catholico à Confistorio Anglicano examinato de sua fide &c. 64
- II. De quodam Chalcographo Catholico, qui sua servitia addixerat cuidam alteri acatholico, dissimulans prorsus fidem catholicam. 69
- III. De quodam Præcone Ariano, qui imminente sibi mortis periculo petiit Sacerdotem catholicum, in vestibus tamen sæcularibus compariturum. 73

CONFERENTIA III.

De Infidelitate. 80

C A S U S.

- I. Cujusdam Catholici, qui animò explorandi fidem alterius de hæresi sibi suspecti, dixit, se velle amplecti fidem Lutheranam. 93
- II. Cujusdam acatholici, petentis à quodam R. D. Parocho unà cum filio suo duodenari instrui in fide catholica. 96
- III. Cujusdam Subdiaconi, nolentis credere, quòd omnes Consodales sanctæ Ursulæ fuerint Virgines. 100

CONFERENTIA IV.

De Communicatione fidelium cum infidelibus,



bus, & de lectione librorum hæreticorum &c.

113

C A S U S.

- I. Cujusdam Uxoratæ Catholicæ, quæ igno-
ranter sortita fuit Maritum hæresi Luthe-
rana infectum. 132
- II. Cujusdam Bibliopegæ catholici, dubi-
tantis, an non peccet compingendô li-
bros hæreticos. 137
- III. Cujusdam alterius personæ acatholicæ,
quæ ob evitandum periculum gravis in-
famix cogeatur sæpius cuidam Rustico
illiterato, & hæresi Lutherana infecto
prælegere Biblia Lutheri, & alios libros
hæreticos. 140

CONFERENTIA V.

De Poenis hæreticorum, nec non de potesta-
te absolvendi ab iisdem.

151

C A S U S.

- I. De quodam Religioso Apostata, qui post
simulatam aliquoties hæresin inter Luhe-
ranos, tandem miseriis pressus rediit ad
suum Monasterium. 173
- II. De quadam vetula, quæ multis argumen-
tis & rationibus vix tandem persuasa fuit,
ut abjuraret suam hæresin. 177
- III. De quodam Pastore, qui noluit exci-
pere



pere confessionem foeminae prægnantis,
eò quòd hæc de hæresi sin minus convi-
cta, saltem violenter suspecta fuerit. 181

CONFERENTIA VI.

De virtute Spei theologicæ, vitiis que eidem
oppositis. 189

C A S U S.

- I. De quodam concubinario, qui meretri-
cem suam non nihil tergiversantem tan-
dem ad consensum permovit sequenti epi-
phonemate: *Item sumus perdit: ad quid
ergo temperemus voluptatibus nostris?* 207
- II. De quadam vetula Marito suo exosa, quæ
licet gravissimè decumbens, renuit tamen
sumere medicinam, soli patrocinio B. Vir-
ginis Mariæ confisa. 211
- III. De quodam desperabundo, qui à Prin-
cipe suo officio orbatus, delatorem pro-
vocavit ad duellum. 215

CONFERENTIA VII.

De Virtute Charitatis tum Deo, tum etiam
proximo debitæ. 227

C A S U S.

- I. Cujusdam Personæ, quæ, ut mortem in
manibus Carnificis subeundam sibi conci-
liaret, proprio motu occidit infantem in-
nocentissimum. 247
- II. Cu-



II. Cujusdam honestissimæ puellæ, quæ à quodam lascivo homine stupri causâ obruta, lamentabiliter imploravit opem cujusdam alterius. 251

III. Cujusdam pœnitentis, interrogantis Confessarium, an cum periculo vitæ teneatur succurrere proximo suo in extremo vitæ periculo constituto. 255

CONFERENTIA VIII.

De Dilectione inimicorum. 266

C A S U S.

I. Cujusdam Conjugatæ, quæ odium implacabile conceperat erga quandam puellam à se educatam, novissimè verò in flagranti adulterio deprehensam. 281

II. De quadam Vetula, quæ gravissimè tulit, quòd ab alia fœmina ter fuerit amore Dei interpellata, ut dissolveret maleficium. 287

III. De quodam Malefactore condemnato ad patibulum, qui Judices paulo ante suam mortem provocavit ad vallem Josaphat, seu ad extremum judicium. 290

CONFERENTIA IX.

De Eleemosyna. 303

C A S U S.

I. De quadam fœmina, quæ, ut liberiùs posset
() ()



set indulgere genio suo, ficto sub Schemate paupertatis hinc inde colligit, vel potius exercitavit eleemosynas. 318

II. De quodam Libertino, qui amplum patrimonium suum non quidem in pauperes, sed in commessationes & compotationes dissipavit. 323

III. Cujusdam pauperculæ multum conquirentis, vel potius murmurantis contra constitutionem nuper editam de mendicitate publica omnino sublata seu prohibita. 325

CONFERENTIA X.

De Correctione Fraternali. 334

C A S U S.

I. Cujusdam famulæ, referentis suspectum lascivum consortium filiæfamilias cum suo proco. 347

II. De quodam Marito, gravato Uxore & famulo vitiis multum deditis. 351

III. De quodam Religioso, dubitante, an teneatur suum Confratrem immediatè denunciare suo Superiori, prætermissa omni correctione fraternali. 355

CONFERENTIA XI.

De odio aliisque vitiis Charitati oppositis. 366

CASUS.



C A S U S.

- I. Cujusdam Uxoratæ, quæ dum advertit Maritum suum gravissimè affligi doloribus Calculi & podagræ eidem sincerissimè exoptavit majorem intensiorem dolorum. 382
- II. Cujusdam Ancillæ, asserentis, se summo-
pere averfari immò odisse famulum quen-
dam condomeesticum. 385
- III. De quodam Professore assueto impu-
gnare sententias sui Collegæ, esto illas
agnoverit verissimas. 388

CONFIDENTIA XII.

De Scandalo.

396

C A S U S.

- I. Cujusdam Uxoratæ, quæ se, suâsque pro-
les de rebus à Marito furtivè hinc inde
ablatis sustentare solet. 413
- II. De quodam libidinoso milite, assueto
coram aliis passim proferre verba impu-
dica. 418
- III. Cujusdam Civis, qui putans se domum
locare honestæ Matronæ, paulò post in-
audiit, se eam locâsse Meretrici. 421

CONFIDENTIA XIII.

De Virtute Religionis in genere, & de Ora-
tione.

435

)()(2

CASUS



C A S U S.

- I. De quadam persona, quæ orando sæpiùs à Deo postulavit, ne supposito etiam lapsu in fornicationem evaderet prægnans, vel diffamaretur coram Mundo. 450
- II. De alio quodam, qui preces vi confederationis debitas pro defuncto ad aliquod tempus distulit, eò quòd ab eodem olim fuerit offensus. 453
- III. Cujusdam desponsatæ, quæ Deum cœlitésque implorare consueverat, ne sponsus mutató animo Monachum induens à sponsalibus resiliret. 457

CONFERENCENTIA XIV.

De Adoratione, cultúque Sanctorum & SS. Reliquiarum. 467

C A S U S.

- I. De quodam acatholico converso, qui nulum Sanctum invocare voluit. 490
- II. Cujusdam Personæ, quæ certas quasdam Recolas seu Reliquias de venerabili Abbatissa Maria Joanna de Roveredo in multa veneratione habere solet. 494
- III. De quodam Famulo, qui Domino suo quandam cistulam Sacris Reliquiis referatam abstulit. 498

CONFERENCENTIA XV.

De Superstitione in Genere, nec non de Idolatria in Specie. 506

CASUS



C A S U S.

- I. De quodam Religioso Confectore & Com-
mendatore schedularum Lucanarum, seu
immaculatæ conceptionis. 515
- II. Cujusdam militis, assueti ante solis or-
tum dicere certam orationem eo fine, ut
sefe redderet per 24. horas invulnerabi-
lem. 521
- III. Cujusdam pœnitentis, dubitantis an li-
ceat uti virga Coryli in ordine ad dete-
genda maleficia. 526

CONFIDENTIA XVI.

De Divinatione, & vana observantia. 534

C A S U S.

- I. Cujusdam Cabalistæ, qui per hanc artem
assueverat explorare, essetnè evasurus ex
suâ infirmitate vel non. 558
- II. De quodam Juvene, qui dum in nocte
sancti Andreæ in quodam profluente co-
natus fuit, perspicere formam futuræ Con-
jugis, in idem flumen præceps prolapsus
fuit. 562
- III. De quadam Conjugata, quæ caligis sui
Mariti clam insuerat quendam fasciculum
herbarum eo fine, ut à lusu excessivo de-
inceps averteretur. 565



CONFERENTIA XVII.

De Magia & maleficio.

576

C A S U S.

- I. De quodam lascivo Juvene, qui ope diaboli nisus fuit puellam in suam trahere sententiam. 594
- II. Cujusdam poenitentis, qui ad recuperandam pecuniam furtivè sibi subtractam ab Ariolo jussus fuit infigere clavum cistulæ, è qua pecunia fuit sublata. 597
- III. De quodam puero decenni, qui D. Parocho suo ingenuè fassus fuit, se à Caco-dæmone didicisse artem magicam. 602

CONFERENTIA XVIII.

De Tentatione Dei, & Sacrilegio.

614

C A S U S.

- I. De quodam Prædicatore Evangelico, qui ex Zelo indiscreto Hæreticis convertendis promisit miraculum à Deo impetrandum. 628
- II. De quodam lascivo homine, assueto in Ecclesia diebus festivis oculos lascivè pascere, sponsam ad turpia sollicitare &c. 632
- III. Cujusdam Custodis Ecclesiæ dubitantis, an Ecclesia sibi concredita non fuerit



rit polluta, eò quòd una mulier ab altera rixando percussa sanguinem è narribus in ea effuderit.

636

CONFERENTIA XIX.

De Simonia.

645

C A S U S.

I. De quodam Capellano, qui intuitu ulterioris promotionis ad beneficium Ecclesiasticum multis annis exstitit à servitiis cuidam Comiti.

665

II. De alio quodam Clerico, aspirante ad quoddam Beneficium, & pecuniis corrumpente alium Corrivalem, quatenus is abstineret à petitione ejusdem.

670

III. De alio Clerico, qui ob recommendationem & preces cujusdam Domicellæ obtinuit insignem Parochiam.

672

CONFERENTIA XX.

De pœnis Simoniacorum, & de onere restitutionis inde contracto.

685

C A S U S.

I. Cujusdam pœnitentis, dubitantis, an beneficium, quod à suo Parente simoniacè sibi procuratum inaudiit, tutâ conscientia retinere possit.

701

II. Cu-



II. Cujusdam Simoniaci à S. Pœnitentiaria dispensati, dubitantis, an conditioni (*liberè dimittendi beneficium*) satisfecerit, illud dimittendo sub schemate permutationis. 704

III. Cujusdam Parochi Emeriti, qui coram Episcopo simulaverat, se gratis resignare beneficium suo ex fratre Nepoti, revera autem ex conventione privata resignavit sub conditione, & onere annuæ pensionis 710



CON.



CONFERENTIA PRIMA.

De Natura Fidei Divinæ, ejusdémque
necessitate.

S U M M A R I U M.

1. Virtus ut sic rectè dicitur ; habitus perficiens substantiam rationalem.
 2. Dividitur communiter ex triplici capite, scilicet
1. ex parte subjecti. 2. ex parte objecti, & 3. ex parte causæ efficientis.
 3. Virtus Theologica est habitus supernaturalis, à Deo infusus.
 4. Eaque triplex, scilicet 1. fides, 2. spes, 3. charitas.
 5. Quas ob causas virtutes Theologicæ deperire soleant.
 6. Nomine fidei ut sic intelligitur assensus ob auctoritatem dicentis præstitus. Unde
 7. Fides Divina illa dicitur, quæ innititur auctoritati Divinæ ?
 8. Et hæc rursus subdividi solet in habituales, & actuales.
 9. Objectum materiale Fidei est omnis veritas à Deo revelata.
 10. Objectum verò formale motivum est infinita Dei veritas, falli & fallere nescia.
 11. Notatur breviter duplex necessitas ad salutem scilicet *medii*, & *præcepti*.
 12. Fides habitualis omnibus omnino hominibus, tam parvulis, quàm adultis. est simpliciter necessaria.
- R. P. Elbel, Pars II. de Fide &c. A ria

- ria ad salutem : fides verò actualis adultis ad justificationem ;
13. Non verò simpliciter ad salutem, prout multi asserunt.
 14. Satisfit cuidam instantiæ.
 15. Quid sit fides explicita, & quid implicita?
 16. Omnibus omnino adultis ratione præditis ad justificationem obtinendam est simpliciter necessaria fides actualis explicita, & quidem supernaturalis in Deum, & Remuneratorem.
 17. Et juxta multos etiam in Sanctissimam Trinitatem, nec non in Christum Dominum.
 18. Insuper quivis adultus rationis compos necessitate præcepti tenetur saltem quoad substantiam scire, & explicitè credere articulos fidei in symbolo Apostolorum contentos.
 19. In Pastoribus verò animarum meritò requiritur major notitia credendorum.
 20. Præterea quivis Christianus tenetur scire 1. Orationem Dominicam. 2. Præcepta Decalogi & Ecclesiæ, nec non 3. Sacramenta ad salutem necessaria.
 21. Sufficit tamen ea nōsse quoad substantiam
 22. Symbolum Apostolorum vel Orationem Dominicam non addiscere memoriter, an, vel quale peccatum sit?
 23. Omnes adulti ratione pollentes tenentur per se & directè ad præstandum internum assensum fidei, quàmprimùm hujus mysteria eisdem sunt satis proposita.
 24. Quandonam hæc satis proposita censeantur?
 25. Et quid de pueris ac puellis usum rationis primò adeptis circa hoc tenendum?
 26. Multi Doctores existimant, præceptum fidei per se non obligare ad sæpius eliciendum actum fidei;
 27. Oppositum tamen velut verosimilius hodie est tenendum.
 28. Certum insuper est, quòd sæpius per accidens saltem teneamur ad eliciendos actus fidei.
 29. Retolvitur Caus I. cujusdam personæ acatholicæ,
quæ,

quæ, licèt apprehenderit fidem Catholicam esse verosimiliorem, nihilominus in sua secta perseveravit.

30. Quomodo tali personæ à Confessario sit occurrendum?

31. Resolvitur Casus II. cujusdam Confessarii, qui pœnitentem de sufficientia doctrinæ Christianæ suspexit ob confluentem fluxum populi absque ulteriori examine absolvit;

32. Altera verò vice reversum velut hominem salutis incurium increpando dimisit sine absolutione.

33. Quomodo Confessario practicè procedendum cum talibus?

34. Resolvitur Casus III. alterius cujusdam Confessarii, qui ad personam acatholicam moribundam vocatus præscidit ab articulis controversis, eandémque ad contritionem dispositam sub conditione absolvit.

35. Occurritur cuidam instantiæ contra resolutionem hujus casus factæ.

36. An licuerit, hanc personam sepelire in loco Sacro?

37. Præcepto fidei non satisfacit per hoc præcisè, quòd quis generaliter credat, quidquid à Deo fuit revelatum.

38. Quivis fidelium post adeptum rationis usum tenetur addiscere articulo fidei juxta suam capacitatem.

39. Parentibus incumbit gravis obligatio instruendi suas proles in rebus fidei ad salutem necessariis.

40. Idipsum à fortiori dicendum est de Pastoribus animarum.

41. Hæreticus, cui fides Catholica videtur minùs probabilis, vel omnino probabilior suâ secta, non tenetur illico eidem assentiri.

42. Satisfacit cuidam instantiæ in contrarium factæ.

43. Quidnam Confessario specialiter sit observandum circa pueros ac puellas, de quibus dubitare licet, an unquam satisfecerint præcepto fidei?

§. I.

*Præmittuntur, & breviter resolvuntur qua-
sita, scitu necessaria ad resolvendos casus
præcticos circa naturam & neces-
sitatem fidei.*

I Quæres primò, quid & quotuplex sit vir-
tus ut sic?

R. ad primam partem hujus quæsitæ. Vir-
tus ut sic rectè describitur, quòd sit habitus
perficiens substantiam rationalem, & ad bo-
nam operationem inclinans. Ita ex *commu-
ni DD. Reiffenstuel Theolog. mor. tr. 4. dist.
1. n. 3.* Bonitas autem & convenientia hu-
jus descriptionis vel inde haud difficulter col-
ligi potest; nam virtus hìc sumitur, prout
opponitur vitio: ergo quemadmodum vi-
tium malum reddit hominem ejusdémque
opus vitiosum, ita & virtus rectè dicitur ha-
bitus *perficiens substantiam intellectualem &c.*
Et licèt virtus non rarò sumi soleat pro actu
virtutis v. g. humilitatis patientiæ &c. me-
lius tamen, & magis propriè describitur no-
mine habitus inclinantis ad actus virtuosos?
neque enim illico virtuosus appellari solet,
qui, unum vel alterum duntaxat actum vir-
tutis v. g. patientiæ aut humilitatis exercet,
sed qui ex hujusmodi actibus frequentatis
jamjam acquisivit habitum sive promptitu-
dinem sic operandi, veluti etiam constat de
artificibus virtuosis, utputa Musicis, pictori-
bus &c. &c.

R. ad

2
R. ad secundam partem hujus quæsit.
Virtus ut sic, mox descripta convenienter
ex triplici capite dividi potest & solet, sci-
licet 1. *ex parte subiecti*, in moralem & in-
tellectualem. 2. *ex parte objecti* in Theolo-
gicam & moralem, & 3. *ex parte causæ effi-*
cientis in acquisitam & infusam. Ita rursus
cum *communi D.D. Reiffenstuel loc. cit. n. 5.*
Explico breviter singula membra per indu-
ctionem.

I. Itaque Virtus intellectualis dicitur illa,
quæ intellectum, in quo subiectatur, perfic-
cit: tales secundum Aristotelem 6. *Ethic.*
3. c. Sunt quinque, videlicet intellectus,
scientia, sapientia, ars, & prudentia; quibus
à Theologis meritò superaddi solet fides in-
fusa & Theologica, quam Philosophus utpo-
te gentilis, ignoravit. Virtus moralis illa
dicitur, quæ subiectatur in appetitu rationa-
li, id est, in voluntate, & versatur circa di-
rigendos mores juxta dictamen rectæ ratio-
nis, uti sunt justitia, misericordia, temperan-
tia, forritudo, Religio &c.

II. Virtus Theologica illa nuncupatur,
quæ versatur immediatè circa Deum, rectè
propterea dicta Theologica, quia Theologis
principaliter incumbit de his virtutibus tra-
ctare. Ex quo liquet, virtutes Theologicas
ex parte objecti rectè distinguere à virtutibus
moralibus proximè descriptis, quia hæ non
versantur immediatè circa Deum, sed potius

circa mores, seu etiam circa hominem in suis operationibus moralibus dirigendum.

III. Denique virtus infusa meritò appellatur illa, quæ nobis à Deo immediatè infunditur, uti revera vi baptismatis nobis infundi solent Fides, Spes, Charitas, juxta Concilium Tridentinum, & communem Theologorum. Acquisita verò dicitur illa, quæ nostrâ industriâ & conatu, seu etiam actibus virtuosis sæpiùs frequentatis obtineri solet, uti experientia probat de virtutibus moralibus & intellectualibus. Verùm pro meliori intellectu

Quæres jam 2dò, quid & quotuplex sit virtus Theologica?

3. R. ad primum, virtus Theologica est habitus supernaturalis à Deo infusus, elevans animam, ut immediatè feratur in Deum. Ita in re communis DD. nominatim Henno *tract. 2. de virt. quæst. proem. conclus. 1.* Bene autem asseritur; quòd sit habitus; tum ob rationem mox suprâ n. 1. datam; tum etiam, quia certum esse debet ex c. *Majores. de baptismo*, quòd virtutes Theologicæ reperiuntur in parvulis baptizatis: at, non minùs certum est, quòd in iisdem non dentur actus virtutum, quarumcunque demum: ergo &c.

4. R. jam ad 2dum. Virtus Theologica ut sic rectè dividitur in tria membra, scilicet in Fidem, Spem & Charitatem. Ita omnes Ratio est: quia hisce duntaxat tribus propriè convenit descri-

descriptio virtutis Theologicæ proximè data. Fatendum nihilominus est, quòd mox enumeratæ virtutes à Theologis rursus distinguantur in habituales & actuales, quo nomine intelligunt actus, seu actuale exercitium dictarum virtutum, scilicet fidei, spei, & charitatis.

Quæres 3tiò, quomodo dictæ virtutes Theologicæ cessare soleant in subjecto, vel quas ob causas depereant?

R. cum distinctione; nam virtus charitatis depeditur per quodvis peccatum mortale, ècontra tamen virtus fidei non nisi per peccatum infidelitatis, & virtus spei per peccatum desperationis depereunt. Ita cum *communissima DD. Reiffenstuel tr. 4. dist. 1. n. 14.* Ratio est: quia ex ordinatione divina habitus virtutum supernaturalium infusarum non destruuntur, nisi per actus sibi respectivè oppositos: atqui charitati Theologicæ (saltem ex ordinatione Divina) opponitur simpliciter omne peccatum mortale, ècontra verò fidei duntaxat opponitur peccatum infidelitatis, & spei peccatum desperationis: ergo charitas depeditur &c.

Quæres 4tò, quid sit fides, & quotuplex? 6

R. Nomine fidei communiter intelligitur assensus alicui propositioni datus ob auctoritatem dicentis. Et quia subin assensum præbemus vel propter auctoritatem Divinam (quæ, utpote simpliciter summa infallibilis,

de jure meretur assensum firmissimum, prout paulò pòst videbimus) vel etiam propter auctoritatem hominis duntaxat ; hinc fides generatim sumpta & mox descripta communissimè dividi solet in humanam, & Divinam. Verùm fide humana, utpote nimiùm quantum fallibili relicta in suo esse, ad solam fidem Divinam, quippe quæ nostri fori est, convertimur. Unde

Quæres 5tò, quid sit fides Divina ?

7

R. Fides Divina velut virtus Theologica rectè describitur, quòd sit virtus supernaturalis Theologica, inclinans intellectum ad firmiter assentiendum omnibus à Deo revelatis, idque propter auctoritatem revelantis. Ita in re *communissima* DD. Bonacina *de fide disp. 3. q. 2. punct 1.* Babenstuber *tr. 5. disp. 1. art. 1. n. 1.* Ratio hujus descriptionis facile constabit ex dictis hactenus ; de jure enim meretur nomen virtutis ; quia substantiam rationalem mirum in modum perficit : rectè etiam dicitur supernaturalis ; quia fides Divina est donum Dei excedens vires naturæ, non acquisitum, sed à Deo infusum, veluti jam constat ex hactenus dictis, & amplius constabit ex dicendis.

8

Quocirca tamen rursus notandum venit, etiam hanc virtutem seu fidem communissimè à Doctõribus dividi in habitualem, & actuaalem. Nomine habitualis intelligitur illa qualitas supernaturalis, quæ juxta Tridentinum

num mox infra allegandum etiam parvulis in baptismo infunditur, vi cujus inclinamur ad firmiter assentiendum omnibus à Deo revelatis. Nomine autem fidei actualis intelligitur assensus firmus & certus, etsi propter obscuritatem ipsius rei revelatæ obscurus, datus alicui veritati à Deo revelatæ, prout diffusius explicat Spores *tr. 2. c. 1. sect. 1. n. 3.* Reiffenstuel, Castropalao & alii.

Quæres 6to, quodnam sit objectum materiale, & quodnam formale fidei Divinae?

R. Objectum fidei materiale est omne id, quod velut à Deo revelatum fide Divina creditur: & hoc rursus secernitur in complexum, & incomplexum. Objectum incomplexum (seu etiam subiectum) dicitur illud, de quo aliquid creditur: & quia de Deo ipso principales fidei articuli sunt credendi, hinc Deus dicitur objectum incomplexum principale & primarium fidei Divinae: Objectum verò materiale complexum dicitur omnis veritas seu propositio à Deo revelata & fide Divina credenda. Ex. gr. in hac propositione: *Verbum Divinum, seu Deus fuit incarnatus*; ly Deus est objectum incomplexum & simplex: tota autem propositio simul sumpta est objectum materiale fidei complexum, & quasi compositum, prout bene explicant Castropalao, Filliucius & alii.

R. Jam ad 2dam hujus quæsitæ partem. Objectum formale motivum fidei Divinae est

A 5

infinita

infinita veracitas Dei, falli & fallere nescia. Ita post S. Thomam 2. 2. q. 1. art. 1. & Scotum 3. dist. 23. q. un. cum communi DD. tenet Tannerus tom. 3. disp. 1. q. 1. dub. 3. n. 31. Ratio est: quia objectum formale motivum fidei Divinæ rectè dicitur illud, quod hominem prudentem potest, ac debet movere ad præbendum assensum veritatibus à Deo revelatis: atqui veracitas Dei infallibilis, vi cuius Deus nec falli potest in cognoscendo verum, neque etiam fallere in dicendo seu revelando verum, potest ac debet hominem prudentem movere ad præbendum assensum veritatibus à Deo revelatis; nam interrogatus v. g. cur credat Deum esse in Essentia unum, in Personis autem trinum? prudentissimè respondet, se ideò hoc credere: quia Deus infinite verax, falli & fallere nescius hoc revelavit: ergo pro objecto formali motivo fidei Divinæ rectè statuitur infinita Dei veracitas, necdum in cognoscendo, verum insuper in revelando; non quòd ipsa revelatio se habeat per modum motivi, sed potius per modum conditionis sine qua non cognosceremus mysterium revelatum, & hòc ipso nec possemus eidem præbere assensum.

Quæres 7timò, quomodo Fides sit necessaria ad salutem?

11 Ante responsionem breviter advertendum, hanc quæstionem intelligendam esse

1. tam

1. tam de fide habituali, quàm actuali. Item
2. tam de necessitate medii, quàm de necessitate præcepti pro cuius majori dilucidatione supponendum est, illud dici necessarium necessitate medii in ordine ad aliquem finem v. gr. ad obtinendam æternam salutem, sine quo, sive culpabiliter, sive etiam inculpabiliter non obtento aut applicato, salus æterna absolutè obtineri nequit: hõc modo Sacramentum pœnitentiæ in re vel voto susceptum, post baptismum relapsis; itemque baptismus in re susceptus parvulis, adultis verò in re vel saltem voto susceptus est necessarius ad salutem æternam.

Econtra necessitate præcepti ad salutem necessarium dicitur illud, quod sine gravi culpa negligi vel omitti non potest, uti est v. g. restitutio boni alieni &c. nisi ignorantia inculpabilis, vel impotentia ab hoc excuset; in hoc enim præcipuè differre noscuntur necessitas præcepti & medii, quòd ab hac necessitate, medii scilicet, nulla prorsus excuset impotentia vel ignorantia, bene verò ab illa. h. n.

R. jam ad præsens quæsitum. Fides habitualis omnibus omnino hominibus, tam parvulis, quàm adultis est simpliciter necessaria ad salutem. 2. Fides verò actualis adultis nondum justificatis eodem modò, simpliciter scilicet, necessaria est in ordine ad obtinendam justificationem, & per consequens

quens ad salutem. Hæc resolutio quoad primam partem est recepta ab omnibus: quoad 2dam verò tenetur à Castropalao *part. 1. tr. 4. disp. 1. punct. 8. n. 3.* Herincx *part. 3. tr. 1. disp. 7. n. 32.* Illsung. *tr. 3. disp. un. n. 30.*

Ratio prioris desumitur tum ex illo Apostoli ad Hebr. 11. *sine fide impossibile est placere Deo*: tum etiam inde: quia nullus salvatur, nisi sit justus: at, quicumque justus est, necessariò debet habere fidem habitualement; nam juxta Concilium Trident. ff. 6. *de justif. c. 7. in ipsa justificatione cum remissione peccatorum hæc omnia simul infusa accipit homo per Jesum Christum, cui inseritur, fidem, spem, & charitatem*, scilicet habitualement. Ratio autem posterioris est hæc: quia omnis adultus ad justificationis gratiam obtinendam tenetur sese disponere ad eandem mediantibus actibus supernaturalibus fidei, & spei, & charitatis; nemo quippe adultus & ratione utens, juxta Tridentinum mox *cit. cap. 7. & 8.* consequitur justificationis gratiam, nisi hanc speret, & de peccatis doleat, Deumque super omnia saltem virtualiter diligat: at hoc fieri nequit, nisi adultus justificari volens credat, & Deum esse, & posse omnia hæc bona sibi conferre, veluti satis clarè innuit Apostolus *loc. cit.* dicens: *Accedentem ad Deum oportet credere, quia est, & inquirentibus se Remunerator sit*: ergo omnibus adultis

ultis ratione utentibus in ordine ad justificationis gratiam obtinendam absolute simpliciter, seu necessitate medii necessaria est fides actualis & supernaturalis.

Dixi : *Adultis in ordine ad justificationis gratiam obtinendam &c.* 13 Minus enim verisimile mihi videtur id, quod multi sine hæitatione asserunt, scilicet, fidem actualem omnibus adultis ratione pollentibus esse simpliciter, absolute & necessitate medii *necessariam ad salutem* : minùs, inquam verosimile, & nimis generaliter hoc dictum mihi videtur; nam si infans baptizatus paulò post adeptum usum rationis moriatur, vel si baptizatus jam grandævus à nativitate cæcus surdus & mutus invincibiliter ignoret Dei existentiam, & sine peccato mortali commissio decedat ex hac vita, procul dubio velut amicus & filius Dei adoptivus ob baptismi gratiam consequetur beatitudinem æternam, velut jure hæreditario sibi debitam, esto supponatur nunquam elicuisse actum fidei : ergo hîc dici non debet simpliciter & absolute necessarius ad salutem. Dicere autem, quòd impossibile sit, ut adultus moriatur sine actu fidei, vel quòd Deus hujusmodi hominem perpetuò surdum & mutum &c. ante mortem teneatur miraculoso modò illustrare &c. videtur paradoxum : licèt sanctus Thomas, alique magni nominis Theologi bene & sapienter omnino asserant, quòd,
si

si homo rationis usu præditus etiam in sylvis aut inter bestias educatus legem naturæ observaret, procul dubio à Deo ulterius illuminaretur, & duceretur in cognitionem sui auctoris & ultimi finis, scilicet Dei, quippe qui solet illuminare *omnem hominem venientem in hunc mundum.* Joan. 1. c.

Dices contra hoc. Innocentius XI. inter alias etiam damnavit sequentem n. 22. propositionem : *Non nisi fides unius Dei necessaria videtur necessitate medii, non autem explicita Remuneratoris :* ergo necessario cogimur fateri, fidem explicitam Remuneratoris esse simpliciter necessariam ad salutem.

14 R. *Distinguendo consequ.* cogimur fateri, fidem explicitam Remuneratoris esse ad salutem necessariam illis, qui nondum sunt iustificati, idque in ordine ad justificationis gratiam obtinendam, *concedo*, illis, qui jam supponuntur iustificati, *nego consequ.* Eoipsò enim, quòd hi velut iustificati habeant gratiam sanctificantem, non amplius indigent alio medio simpliciter ad salutem necessario, veluti, rem bene ponderanti de facili constabit.

Cæterùm illa propositio in terminis generalibus, prout jacet, sumpta & intellecta, meritò velut falsa & erronea fuit damnata, eoquòd (ut ex hæcenus dictis constat, & amplius constabit ex dicendis n. 16.) neget fidem explicitam in Remuneratorem iustifican-

ficandis in ordine ad assequendam justificationis gratiam esse simpliciter necessariam: quemadmodum bene damnetur sequens propositio: *Sacramentum pœnitentiæ non est simpliciter necessarium ad salutem.* Videatur Cardinas in *Crisi Theolog. dissert.* 15, ad dictam propositionem c. 1. à n. 2.

Quæres 8tavò, quænam mysteria necessariò sint credenda explicitè necessitate medii & quænam necessitate præcepti?

Ante responsionem rursus supponendum 15 est, quodvis mysterium credi posse vel *explicitè* creditur, dum intellectus assentiendo immediatè fertur in tale mysterium, illud in particulari, & in se ipso credendo: ut si quis dicat: credo, verbum D. fuisse incarnatum: credo Deum esse unum in Essentia, & in Personis trinum, talis dicitur explicitè credere mysterium Incarnationis, & SS. Trinitatis. Implicitè verò creditur, dum aliquòd mysterium non in seipso distinctè & particulariter attingitur, sed solùm in aliquo alio, in quo implicitè continetur. Ex.gr. qui credit, *quidquid Ecclesia Catholica credit, vel credendum proponit*, implicitè credit omnia mysteria fidei. Porro in ipsa quoque fide explicita dantur quidam gradus, prout sapienter advertit Herincx noster *part. 3. disp. 7. n. 41.* nam alia est confusa, alia distincta, una quoque est confusior vel generalior alterâ, una distinctior alterâ. Hòc notato R. jam

16 R. jam ad quæsitum 1. necessitate medi-
 dii (in ordine scilicet ad obtinendam justi-
 ficationis gratiam) quivis adultus ratione
 præditus tenetur credere hæc duo saltem,
 scilicet, quòd *Deus sit, & quòd inquirentibus*
se Remunerator sit. Ita teste Illsung tr. 3.
disp. un. n. 31. omnes Theologi. Ratio est:
 quia quisquis ad justificationis gratiam obti-
 nendam tenetur se per proprios actus dispo-
 nere, eò ipso quibusdam mentis quasi passi-
 bus, tenetur Deum accedere: atqui juxta
 effatum Apostoli *ad Hebr. 11. accedentem ad*
Deum oportet credere, quia est, & quòd in-
quirentibus se Remunerator sit: ergo &c.
 Certum insuper & exploratum habetur, quòd
 quivis adultus ratione pollens teneatur,
 quamprimum in Dei cognitionem venerit,
 in eundem tendere per Fidem, Spem, & Cha-
 ritatem: at, implicat absolutè ut quis per
 Spem & Charitatem tendat in Deum ceu
 ultimum finem nostrum, nisi credat & Deum
 esse, & esse Remuneratorem: ergo &c. Nec
 abs re Deus id à nobis exigit; sublata enim
 Fide & Spe præmiorum, tolleretur prorsus
 nedum omnis cogitatio de immortalitate ani-
 mæ, verùm insuper omnis sollicitudo æter-
 næ vitæ; per consequens nemo Deum ex
 toto corde quæreret, nemo vitam suam, ut
 oportet, componeret in ordine ad salutem
 obtinendam: meritò proin saltem hæc duo
 jubemur credere.

Dixi:

Dixi : *saltem hæc duo* ; etenim quamplures etiam, insignissimi DD. uti D. Thomas, S. Bonavent. Scotus &c. existimant, defacto post promulgatum Evangelium quemlibet adultum insuper necessitate medii teneri credere, & quidem explicitè, mysterium SS. Trinitatis, nec non mysterium Incarnationis ; idque satis clarè convinci existimant tum ex Symbolo S. Athanasii ubi absolute dicitur : *Quicumque vult salvus esse, ante omnia opus est, ut teneat Catholicam Fidem - - Fides autem Catholica hæc est, ut unum Deum in Trinitate, & Trinitatem in unitate veneremur &c.* Et post pauca in eodem Symbolo habetur : *Sed necessarium est ad æternam salutem, ut Incarnationem quoque Domini nostri Jesu Christi fideliter credat &c.* Tum etiam ex illo, quia Christus Dominus *Marci ultimo* legitur, præcepisse suis Apostolis, *ut euntes in universum mundum prædicarent Evangelium* (consequenter etiam mysterium SS. Trinitatis & Incarnationis) *omni creaturæ*, & absolute subjungit : *qui non crediderit, condemnabitur* ; ex quo nonnulli volunt inferre, Fidem actualem in Sanctissimam Trinitatem, nec non in Christum, esse simpliciter & absolute omnibus adultis necessariam ad salutem. His tamen non obstantibus censeo, cum Patre Laymann, Sporer & aliis probatis Doctoribus, ex allegatis textibus plus non convinci, quàm, Fidem ex-

R. P. Elbel, Pars II. de Fide &c. B pli-

plicitam in SS. Trinitatem & Christum necessariam esse necessitate præcepti post satis promulgatum Evangelium, sicut ex illo: *Si vis ad vitam ingredi, serva mandata &c.* non rectè inferretur observantiam mandatorum esse necessariam necessitate medii ad salutem. Cùmque aliunde certum sit, Fidem actualem explicitam in SS. Trinitatem & in Christum non esse medium simpliciter necessarium ex natura rei in ordine ad justificationem & salutem consequendam; hinc mihi videtur satis probabile, hanc Fidem explicitam non esse simpliciter necessariam necessitate medii, sed necessitate præcepti duntaxat. Et ita hodie dum tenent insignes Doctores quarumvis Scholarum, nominatim Paulus Mezger, Reding, Pettschacher, Babenstuber, Vega, Herincx, Sporer, Reiffenstuel, Suarez, Lugo, Laymann, Illsung, Castropalao *part. 1. tr. 4. disp. 1. punct. 9. n. 7. Viva ad proposit. 64. ab Innocent. XI. damnatam n. 10. & alii plures.*

- 18 R. jam 2dò. Quilibet adultus, & rationis compos necessitate præcepti Divini tenetur scire, & explicitè credere articulos Fidei, in Symbolo Apostolorum contentos, saltem quoad substantiam, ita, ut eos vero aliquo conceptu, licèt imperfecto apprehendat. Ita *communis* & receptissima DD. Sententia cum S. Thoma 2. 2. q. 1. art. 8. & S. August. *Serm. 181. de Temp.* quos refert, & sequi-

sequitur P. Babenstuber *tr. 5. disp. 1. art. 1. n. 17.* Ratio hujus desumenda est tum ex praxi & consuetudine Ecclesiæ, quæ omnibus fidelibus articulos Fidei in Symbolo Apostolorum contentos nedum proponit, sed etiam inculcat velut necessariò credendos; tum ex eo etiam: quia in Ecclesia admitenda est aliqua scripta Regula, per quam populus Christianus dirigatur in iis, quæ Fide Divina sunt credenda: atqui nulla brevior aut magis accommodata assignari potest, quàm Symbolum Apostolorum, quippe quod juxta S. Leonem Papam *serm. 11. de Passione D.* est *brevis* quidem, sed & *perfecta Fidei Christianæ Confessio*: ergo quivis adultus rationis compos tenetur explicite illos articulos credere & scire saltem quoad substantiam. Et licet nonnulli Doctores excipiant articulum de communione Sanctorum, eò quòd hic hominibus rudioribus saltem videatur captu nimium difficilis; nihilominus huic etiam exceptioni meritò sese opponunt Castropalao *tract. 4. disp. 1. punct. 10. n. 5.* Sporer *tr. 2. c. 2. Sect. 2. n. 12.* Babenstuber, aliique satis communiter; quia hic articulus nihil aliud innuit, quàm quòd in Ecclesia inter fideles detur communicatio bonorum spiritualium, utputa meritum, orationum, suffragiorum &c. atqui hanc communicationem ne rudioribus quidem incognitam esse, vel exinde haud obscure colligi potest, quòd

ipsimet aliorum precibus & suffragiis sese recommendare assueverint : ergo &c.

- 19 Dixi: tenetur scire saltem *quoad substantiam* &c. pro cuius pleniori intellectu notes velim ex Filliucio *tr*, 22. c. 2. n. 35. memoratos Fidei articulos tripliciter sciri posse, scilicet 1. quoad substantiam, 2. quoad modum, & 3. quoad difficultates etiam, seu controversias circa eosdem agitari solitas : primò modò illos scit, qui simpliciter apprehendit, quidnam vocibus illis significetur v. g. quòd nomine Sanctissimæ Trinitatis intelligatur Deus in Essentia unus & trinus in Personis, 2dò modò illos scit qui novit communem eorum declarationem seu expositionem, quam habent communiter adjectam præsertim in Catechismo Romano. 3tiò modò illos scit, qui potest solvere difficultates ab hæreticis moveri solitas. Itaque fidelibus quà talibus, præsertim rudioribus, sufficit nòsse articulos Fidei quoad substantiam : econtra in pastoribus animarum, utputa Episcopis, Parochis, Confessariis & Concionatoribus meritò requiritur scientia prædictorum articulorum etiam quoad secundum & tertium modum. Ratio est : quia ipsis vi officii sui incumbit alios fideles instruere, nec non hæreticorum fundamenta refutare, ubi opus fuerit : at, hoc certè nunquam poterunt præstare, nisi in articulis Fidei sint versati etiam secundo & tertio modo : ergo &c.

Ergo-

Ergonè, inquires fortassis, sufficit, quòd quilibet fidelis quà talis sciat, & credat ea duntaxat, quæ in Symbolo Apostolorum continentur?

R. Fideli quà tali sufficeret, quia ex præcepto Fidei non tenetur plura scire; nihilominus vi aliarum virtutum, utputa Spei, Charitatis, Pœnitentiæ, Religionis &c. quarum exercitium sæpiùs nobis incumbit, tenetur præterea quilibet fidelium explicitè scire 1. Orationem Dominicam. 2. præcepta Decalogi & Ecclesiæ, & 3. Sacramenta illa, quæ jure Divino sunt necessaria ad salutem, utputa baptismum, pœnitentiam, & Eucharistiam. Ita cum communi Theologorum Castropalao *tract. 4. disp. 1. pu. 10. à n. 3.* Sanchez *lib. 2. in decalog. c. 3. n. 6. & seqq.* Tamburinus *lib. 2. in decalog. c. 1. §. 1. à n. 5.*

Ratio est: quia quilibet vi suæ professionis nôsse debet ea, quæ pertinent ad ipsius statum, aut officium: atqui omnia mox commemorata pertinent ad statum & officium hominis Christiani: quomodo enim præcepta Decalogi vel Ecclesiæ observaret? quomodo ad pœnitentiam, vel Eucharistiam sese disponderet, nisi ea cognosceret? &c. ergo &c.

Quocirca tamen rursus proximè allegati Doctores aliique communiter observant, quòd non quilibet fidelium teneatur hæc omnia scire memoriter, multò minùs quoad

modum, & difficultates; sed sufficit, quòd illa sciant quoad substantiam, ita, ut desuper interrogati vel examinati sciant commodè & aptè respondere, tametsi hoc non sufficeret in Pastoribus animarum, veluti proximè dictum fuit.

- 22 Nihilominus etiam plebeios (nisi hebetudo ingenii, vel labilitas memoriæ illos excuset) qui Symbolum Apostolorum, & orationem Dominicam non addiscunt memoritur, noxæ venialis, & crassioris quidem, meritò condemnant Doctores citati: eò quòd tales salutis suæ, rerumque Divinarum nimis incurii & negligentes debeant argui: profectò qui quantumvis exiguum Christianè vivendi, salutemque æternam assequendi desiderium fovant in animo, vel à puero similia addiscere, memoriæque commendare satagunt, prout praxis recepta fidelium docet.

Quæres 9nò, quandonam tum fideles, tum infideles etiam per se teneantur ad præbendum assensum internum Fidei articulis sibi propositis ad credendum?

- 23 R. Omnes adulti, tam infideles, quàm fideles per se & directè (id est, obligatione hac immediatè orta ex præcepto Fidei Divinæ) tenentur ad præbendum assensum internum Fidei, quàm primum mysteria Fidei nostræ salvificæ iisdem fuère sufficienter proposita velut à Deo revelata. Ita communis &

& certa omnium Thelogorum habet sententia. Ratio est : quia assensus Fidei est quidam cultus & reverentia Divinæ auctoritati exhibenda : atqui sana ratio suadet, hanc reverentiam Divinæ auctoritati utpote infallibili illico esse exhibendam ; quemadmodum vi legum civilium tenemur v. g. alicui Regi & Principi nobis præsentī exhibere reverentiam politicam : ergo similiter dicendum, quòd quivis fidelium teneatur præbere assensum veritatibus à Deo revelatis, quamprimùm agnoscit, illas à Deo revelatas.

At, inquires rursus, quandonam igitur cuiuspiam vera Fides satis proposita censeri debet ?

R. Adultis infidelibus (idem tenendum est de fidelibus baptizatis, semper tamen inter infideles educatis) tunc vera Fides censeri debet sufficienter proposita, quando hujus mysteria rationibus desumptis, seu etiam desumendis ex notis veræ Ecclesiæ, utputa ex antiquitate, & sanctitate doctrinæ & morum, ex innumeris miraculis à Deo in hujus veritatis confirmationem factis, ex innumerablem quasi multitudine Sanctorum Confessorum & Martyrum, hujus doctrinæ veritatem effusione proprii sanguinis oblitterantium &c. quando, inquam ex hujuscemodi motivis, accedente præsertim interiori Spiritûs S. illustratione, ita proponuntur velut vera & credibilia, ut recta & sana ratio di-

ctet nostram Fidem esse veram, contrariam verò sectam, qualiscunque demum illa sit, esse falsam. Ita Sanchez *lib. 2. in decalog. c. 1. n. 6.* Bonacina, Reiffenstuel & alii. Ratio est: quia tunc censeri debent sufficienter proposita, quando proponuntur cum tot, tantisque motivis, ut hominem prudentem meritò debeant movere ad assensum: at, si mysteria Fidei proponuntur ex motivis mox allegatis profectò hominem prudentem, non præoccupatum sinistra aliqua passione, aversione, vel obstinatione, debent movere ad assensum, prout multiplex experientia docuit: ergo &c.

- 25 Cæterum puellæ ac pueri inter fideles nati & educati, tenentur assensum internum Fidei præbere, quamprimùm usum rationis affecuti à suis Parentibus, vel Parochis, aliisvè instructoribus intelligunt, hæc mysteria fuisse à Deo revelata, & ab Ecclesia proponi velut credenda; secus enim (nisi juvenilis imprudentia, levitas, inadvertentia seu etiam ignorantia illos excuset) impingerent in præceptum Fidei, veluti hætenus dicta perpendenti de facili constabit. Quocirca tamen Doctores communiter notant, in praxi cum pueris ac puellis in hoc puncto non nimis scrupulizandum; nam si hanc obligationem (assentiendi scilicet) advertunt, absque mora assentiri solent: sin autem illam non apprehendant, eò ipso à peccato possunt & debent

bent excusari. Adde insuper, quòd homines usu rationis pollentes huic obligationi satisfaciant per actus Fidei, occasione aliarum virtutum, utputa Spei, Charitatis, Pœnitentiæ, Religionis &c exercitos, prout benè adverterunt Tamburinus, Sanchez, Castropalao Sporer, & Herincx *part. 3. disp. 7. de Fide n. 76.*

Ergonè, inquires, præceptum Fidei per se non obligat, sæpiùs ad præbendum internum assensum ?

R. Equidem multi insignes Doctores existimant, hoc præceptum elicito semel assensu deinceps per se non obligare sæpiùs, eò præsertim, quòd nequeat assignari certum tempus hujus obligationis, prout vel inde haud obscurè colligere fas est, quòd nonnulli putent, hoc præceptum per se obligare saltem semel in anno ; alii diebus Dominicis & Festis ; alii aliter, prout refert Sanchez *lib. 2. in decalog. c. 1. num. 3.* Neque huic doctrinæ quidquam præjudicari autumant ex eo, quòd Innocentius XI. damnaverit sequentes propositiones quarum prior, *num. 17.* ita habent : *Satis est, actum Fidei semel in vita elicere*, posterior verò : *quæ est ultima ita sonat : sufficit illa Mysteria* (scilicet SS. Trinitatis & Incarnationis) *semel credidisse* ; quia (inquiunt) cùm juxta communem Theologorum teneamur saltem per accidens sæpiùs elicere actus Fidei ; hinc dictæ

26

propositiones justissimè fuerunt damnatæ. Et ita hodie dum tenent Tamburinus *lib. 2. in deecalog. c. 1. §. 1. n. 9.* Lugo & alii, quos sequitur Babenstuber *tr. 5. disp. 1. art. 1. num. 39.*

- 27 Nihilominus censeo probabilius, & verosimilius, quemlibet fidelium per se & directè, id est, obligatione immediatè orta ex præcepto D. Fidei sæpius teneri ad eliciendum actum internum Fidei. Ita *communior* & procul dubio tutior habet sententia, quam tenent Cardenas *in 2. crisi Theolog. diff. 11. n. 46. & dissert. 42. c. 2. n. 5.* Viva *ad 1. propos. ab Alexandro VII. damnatam n. 7.* La Croix *lib. 2. n. 10.* Illsung *tract. 3. disp. un. n. 37.* Henno *tr. de virtut. disp. 3. q. 7. concl. 3.* Matthæucci *in cautela Confessarii lib. 1. c. 1. n. 5. & rursus lib. 2. c. 11. n. 3.* Ratio nostra est: quia homo vi obligationis naturalis tenetur diversis temporibus, potissimum verò in principio vitæ post adeptum scilicet usum rationis & in illius fine in Deum seu ultimum finem tendere: at, nequit aliter in Eundem tendere, nisi per actus Theologicales, scilicet Fidei, Spei, & Charitatis, quibus deficientibus impossibile est, ut homo vitam suam rectè instituat, aliæque salutis media fructuosè usurpet: concludendum proin est, quòd quivis fidelium per se teneatur ad eliciendos actus Fidei, esto hujus obligationis certius tempus assignari non possit,

possit, quàm illud diluculum, quò primò recipit sufficiens lumen rationis in ordine ad dignoscendas Fidei veritates, item occasus vitæ, quo scilicet ad suum Creatorem habet pergere, & per consequens mediantibus actibus Fidei, Spei & Charitatis eidem sese specialiter conjungere : ex quibus insuper liquet, jure meritissimo ab Alexandro VII. damnatam fuisse sequentem propositionem num. 1. *Homo nullo unquam tempore vitæ suæ tenetur elicere actum Fidei, Spei, & Charitatis, ex vi præceptorum Divinorum ad eas virtutes pertinentium.* Ab Innocentio verò XI. sequentem n. 16. *Fides non censetur cadere sub præceptum speciale & secundum se.*

Quæres tandem decimò, an, vel quoties teueamur saltem per accidens & in directè ad eliciendum actum Fidei?

R. Toties ad hoc tenemur, quoties adstringimur ad ponendum actum alterius virtutis, qui sine prævio actu Fidei poni non potest. Ita rursus *communissima* & certa DD. sententia, Ratio est : quia quisquis tenetur ad aliquem finem, eodem præcepto tenetur ad ponenda media in eundem finem necessaria : atqui actus Fidei sapissimè est necessarius ad ponendos aliarum virtutum actus, ut puta amoris, spei, contritionis &c. impossibile enim est, ut quis speret in Deum, Eundem amet, vel propter offensam Dei de suis peccatis doleat, nisi credat, & Deum esse,

esse, summo amore dignum, & hoc ipso non esse offendendum. Perbenè autem Theologi asserunt, in hisce casibus nos per accidens & indirectè duntaxat obligari ad actum Fidei; quia scilicet talis obligatio non proficiscitur immediatè ex præcepto Fidei, sed ex obligatione aliarum virtutum, uti visum est. Inde fit, quòd is, qui neglexit v. g. Confessionem, aut Communionem Paschalem &c. in Confessione postea non teneatur se singulariter accusare ob neglectum actum Fidei (nisi ex infidelitate, seu etiam incredulitate ad hujusmodi neglectum fuisset inductus) sed satisfaciat dicendo: neglexi voluntariè Confessionem, seu etiam Communionem Paschalem, veluti ex *communi DD.* Sententia tradunt Reiffenstuel *tract.* 4. *dist.* 2. *n.* 37. & Sporer *tr.* 2. *in decal.* c. 2. *sect.* 3. *num.* 20. ubi mox à *n.* 21. recenset alios quatuor casus, in quibus per accidens adstringimur ad ponendum actum Fidei, scilicet 1. quando homo tenetur aut vult recuperare justificationis gratiam. 2. Quando vult suscipere aliquod Sacramentum. 3. Quando urgetur gravi tentatione contra quamcunque virtutem, quam putat se vincere non posse, nisi fortiter resistat in Fide. 4tò, denique quando quis exterius tenetur profiteri Fidem v. g. coram Tyanno, qui conatur à vera Fide divertere, ita scilicet, ut fidelis revera existimet se in periculo negandi veram Fidem,

Fidem nisi per actus Fidei fortiter resistat; quo casu tamen non tam vi præcepti affirmativi, quàm negativi, de non neganda Fide, adstringitur ad actum Fidei eliciendum.

§. II.

Proponuntur & breviter resolvuntur Casus practici de natura, necessitate, & obligatione Fidei.

CASUS PRIMUS.

Titia à Parenibus acatholicis nata & educata, posteaquam ad usum rationis pervenit, Catholicorum mores, ritus, & devotiones accuratiùs notare cæpit, & de iisdem non modicè sibi complacuit, ed præsertim, quòd hinc inde intellexerit eandem Fidem Catholicam multis miraculis à Deo fuisse confirmatam. Verùm cùm non minùs multiplici experientia didicisset, illas, qui parentum suorum Fidem, quã semel imbuti fuere, abnegant, ab aliis etiam melioris notæ hominibus passim despici ac vilipendi, simulque sine gravissima Parentum suorum, immò totius illustris familiæ suæ offensa id facere non potuisset, tandem secum ratiocinando ita conclusit: video sanè meliora apud Catholicos, probòque, verùm cùm in articulis fundamentalibus conveniamus, simulque sine graviore offensa Parentum &c. eandem fidem amplecti non liceat: hinc deteriora sequor, maneoque in mea Fide semel susce-

suscepta : si Deo placuisset aliud , potuisset procul dubio æquè faciliter facere , me à Catholicis Parentibus prognasci. Quæritur jam 1. quid de hac resolutione censendum ? Et 2. quomodo Titia occurrendum , casu quo postea consilii causâ veniret ad Sacerdotem vel Confessarium Catholicum ?

29

R. ad primum quæsitum hujus casus, hanc resolutionem nullatenus esse probandam, nec dubitandum, quin Titia perseverando in sua secta per se loquendo peccaverit, immò vixerit in continuo statu peccati mortalis. Ratio est : quia cùm habuerit tot ac tanta motiva credibilitatis, interioresque stimulos, ut Religio Catholica eidem visa fuerit longè melior, procul dubio eidem pariter visa fuerit verosimilior, ac probabilior : esto proin fortassis hætenus nondum fuerit convicta de falsitate suæ sectæ, neque plenariè informata de mysteriis Fidei Catholicæ, proptereaque non illicò obligata ad abjurandam suam sectam ; nihilominus certum esse debet, eam jam fuisse obligatam ad inquirendam omnimodam veritatem ; quod, cùm nondum fecerit, procul dubio saltem per se loquendo (nisi scilicet ignorantia vel inadvertentia hujus obligationis, de qua in praxi specialiter foret examinanda, laboraverit) graviter deliquit, veluti haud obscure colligere fas est ex illa *num. 4ta* propositione ab Innocentio XI. damnata : *Ab infidelitate excusa-*

cusabitur infidelis non credens, ductus opinione minus probabili (suæ sectæ scilicet.)

R. jam ad 2dum. Titia in tali casu persuadendum, & à Confessario remonstrandum fore, hanc in articulis fundamentalibus (ut ipsi loquuntur) convenientiam cum Catholicis non esse sufficientem ad salutem, immò esse nullam, & meram inanem persuasionem acatholicorum; quia cum pro omnibus fidei articulis militet idem motivum formale, scilicet infinita Dei veracitas falli & fallere nescia, secundum dicta n. 10. consequens perfectò est, quòd is, qui pertinaciter negat unum, hòc ipso neget infinitam Dei veracitatem, neque hoc motivo credat vel credere possit alium, veluti pluribus rationibus & argumentis id probat R. P. Pichler in sua *theolog. polem. part. 1. contra Indifferentist. art. 9. n. 15. & seqq.*

Esto etiam durum sit relinquere Parentes amicos, offendere familiam Illustrem, & fortassis ingentem bonorum temporalium jacturam subire; quia tamen & sana ratio & fides vera docet, hæc bona temporalia esse postponenda æternis, juxta illud infallibile Christi Domini effatum apud *Matth. 10. c. v. 37. Qui amat Patrem aut Matrem plus quàm me, non est me dignus & qui amat filium aut filiam super me, non est me dignus;* hinc minimè eximi potest ab hac obligatione.

CASUS

CASUS SECUNDUS.

Sempronius Sacerdos benè advertit, quendam pœnitentem plebejum sua peccata valdè rudi & imperfecto modo, immò sinè distinctione numerica & specifica, & sinè ulla prorsus mentione de dolore ac propositio emendandi &c. expressisse; quia tamen ea die fuerat ingens populi confluxus, hinc ut se brevius expediret, prorsus nil aliud interrogavit, quid: utrum doleat de suis peccatis? & an nolit ea deinceps committere? quo respondente: Ita Domine, eundem non sinè remorsu conscientiae absolvit, hac de causa alia tempore reversum, velut suspectum de sufficientia doctrinae christianae paulò accuratiùs examinavit, & illicò deprehendit eum ne mediocriter quidem tinctum in materia fidei, aliisque ad pœnitentiae valorem necessariis, quam ob rem eundem velut hominem salutis suae nimis incurium objurgando & increpando repulit, negata eidem absolutione usque dum ea, quae ad salutem scitu sunt necessaria, meliùs didicisset. Quæritur jam, an Confessarius iste benè processerit?

31 R. Nequaquam benè, certè non quoad primum, dum scilicet illum nuper absolvit, esto nec numerum expresserit, neque speciem (si tamen supponatur attulisse peccata mortalia) Ratio est: quia Confessario sub gravi culpa incumbit in materia necessaria supplere defectum pœnitentis, eundem examinando de numero & specie peccatorum, nec

nec non de dolore ac proposito &c. ne scilicet Sacramentum exponat periculo sacrilegæ nullitatis, veluti diximus *in theolog. Sacram. part. 2. Confer. 17. n. 432. ex cap. omnis utriusque sexûs de pœnit. & remiss.* Neque excusari potest ex eo, quòd fuerit ingens concursus; tum quia concursus non excusat ab integritate materiali confessionis, veluti liquet ex propositione 59. ab Innocentio XI. damnata, quæ dicebat, quòd ratione magni concursus pœnitentini liceat dimidiare tantum confessos absolvere sacramentaliter; tum etiam, quia præstat paucioribus ritè tamen dispositis hoc Sacramentum administrare cum fructu, quàm plures sed indispositos absolvere sine fructu & sacrilegè.

Dixi etiam Sempronium non benè fecisse 32
se quoad primum; quoad secundum enim æquè malè processisse mihi videtur; nam si pœnitens ea, quæ necessariò scire debuisset & credere, ignoravit ex labilitate memoriæ, vel naturali inadvertentia, commiseratione potius, quam increpatione dignus fuit, ut de se patet. Si autem supponatur illorum notitiam neglexisse ex mera desidia & incuria salutis, tunc potius ad adhibendam majorem diligentiam blandè fuit exhortandus & adjuvandus pro possibili, quàm severiori animadversione repellendus; experienciâ quippe multiplici constat, duriore increpationes nocuisse sæpissimè, nunquam verò,
R. P. Elbel, Pars II. de Fide &c. C vel

vel admodum rarò profuisse ad salutem : solent enim hujusmodi homines à Confessionibus & reliquis Divinis abstertere, aut omnino reddere pusillanimes ; quod, utinam altius cordi imprimerent nonnulli Rigoristæ (fortassis melius dicerentur impatientistæ) & in hoc imitarentur exemplum Salvatoris ac Magistri nostri, qui nullibi legitur increpasse, vel cum indignatione repulisse poenitentes.

At, inquires, quomodo Confessarius hominem tam rudem, tamque salutis suæ incurium in tam modico temporis spatio satis erudiet ?

- 33 R. Poterit procul dubio, dummodo ex ipsius parte non deficiat Charitas proximi, & patientia in simili casu necessario usurpanda : neque enim necessum est, ut poenitens omnia credenda sciat memoriter vel ordinate quoad modum, sed sufficit, quòd illa sciat secundum substantiam, uti diximus *num. 21*. Practicè itaque Confessarius procedat hoc aut simili modo : proponat hujusmodi poenitenti rudi & ignaro præcipuos Fidei articulos, & ad singulorum propositionem conetur cum eo elicere actum fidei supernaturalis v. g. hòc modo, charissime fili, nunquid scis, & credis, Deum esse unum in essentia & trinum in personis ? si respondeat : Ita : ulterius instet Confessarius : nunquid etiam credis in Jesum Christum, qui pro nobis passus,

sus, crucifixus, & mortuus fuit &c. rursus illo respondente: *Ita*, uti communiter solent; ulterius conetur cum illo elicere actum formalem fidei, id est, ex formali motivo fidei, v. g. hoc aut simili modò: dicito ergo charissime fili, & ex toto corde dicito Symbolum Apostolorum, dicito insuper: credo quidquid sancta Mater Ecclesia credendum proponit, quia Deus infinitè verax id revelavit &c. quò tandem obtento adhortetur illum, ut velit deinceps meliùs addiscere ea, quæ fide divina sunt cuilibet fidelium credenda; secùs enim non esset absolute dignus, prout liquet ex propositione 64. ab Innocentio XI. damnata in sequentibus terminis: *Absolutionis capax est homo, quantumvis laboret ignorantia mysteriorum fidei, & etiamsi per negligentiam etiam culpabilem nesciat mysteria SS. Trinitatis, & incarnationis Domini nostri Jesu Christi. Tum verò securâ còscientia illum absolvat.*

CASUS TERTIUS.

Caja Lutheranzæ Sectæ amore capta statuit patris lares (in quibus hætenus Lutheranismus impunè nunquam fuerat toleratus) deserere, & aliò ubi demum ejusdem Religionis exercitium toleraretur, emigrare. Verùm vix patriam egressa (nescio quò fato) in alieno territorio seu pago merùm Catholico incidit morbum lethalem: hinc sponsus Caja, qui

cæteroquin bonus Catholicus cæco duntaxat amore eandem fuerat comitatus, de salute animæ non minus, quàm corporis sollicitus, accessit R. Dominum Parochum loci, ubi Caja decubuit, ab eo humiliter petens, quatenus dignaretur Cajam invisere, eamque ad bonam seu Christianam mortem disponere, ita tamen, ut de purgatorio, de indulgentiis, de confessione auriculari &c. utpote nunquam persuadendis Cajæ, omninò præscinderet. R. D. Parochus tum animæ tum etiam divini honoris zelo ductus illicd secutus est sponsum, cùmque Cajam invenisset jamjam cum morte luctantem, elicitò prius actu Fidei in Deum unum & trinum, nec non in Jesum Christum &c. eandem ad dolorem universalem de peccatis concipiendum disposuit, quò obtento Cajam sub conditione absolvit. Queritur jam, an R. D. Parochus benè egerit?

- 34 R. Omninò benè & laudabiliter. Ratio est: quia conatus fuit modo meliori, quò in his circumstantiis fieri poterat, procurare animæ salutem, disponendo scilicet infirmum tam ad verum dolorem supernaturalem de peccatis, tum etiam ad assentiendum fidei mysteriis simpliciter ad salutem creditu necessariis. Benè proin egit, partim quòd eam absolverit, ne fortassis cum sola attritione decedens ex hac vita incurreret æternam damnationem, quæ accedente simul beneficio absolutionis fortassis obtinuit salutem æter-

æternam; parçim etiam, quòd non absolute, sed sub conditione duntaxat illam absol-
verit; quia quotiescunque ex una parte af-
fulget probabilis spes valoris hujus Sacra-
menti, ex altera verò timendum est pericu-
lum frustrationis, tunc urgente casu necessi-
tatis potest, immò & debet administrari non
absolute, sed sub conditione ad consulendum
tum animæ saluti, tum etiam reverentiæ Sa-
cramenti, veluti diximus in *theolog. Sacram.*
part. 2. Conf. 8. n. 200. & seqq. atqui in hoc
casu revera erat summum periculum animæ:
ex altera verò parte nonnulla spes valoris
Sacramentalis apparuit, etsi periculum irre-
verentiæ & nullitatis Sacramenti ob pertina-
ciam Cajæ, utpote educatæ in partibus Ca-
tholicorum procul dubio fuerit majus: ergo
R. D. Parochus benè egit, eam sub conditio-
ne absolvendo.

At, inquires, Caja in facie Ecclesiæ fuit
hæretica, simulque pertinax, veluti liquet ex
relatione sponsi, neque erat parata corrigi ab
Ecclesia: ergo nullatenus debuisset absolvi,
nequidem sub conditione.

R. Negando conseq. Ex hoc enim plus 35
non conviincitur, quàm, quòd non debuerit
absolvi absolute; enimverò multi procul du-
bio reperiuntur hæretici, pertinacissimè con-
tradicentes S. Pontifici, vel Ecclesiæ Roma-
næ, eò quòd de hac nil, nisi scabiosum & in-
famatorium unquam audiverint, qui, si agno-
scent

scerent veritatem fidei Catholicæ, procul dubio incunctanter eandem amplecterentur: & licet Caja utpote nata & educata in partibus Catholicorum procul dubio videatur minus excusabilis ab hæresi & culpa formali, potuit nihilominus ob instantissimum animæ periculum sub conditione absolvi. Sapienter proin ait La Croix *lib. 6. part. 2. n. 1866*, quòd si Sacerdos Catholicus intelligat, hominem acatholicum, ad extrema deductum, prudenter faciat (nisi quid aliud obftet) eum accedendo: cumque eodem actus Fidei, Spei, & Charitatis eliciendo, manendo in illis, quæ nobis communia sunt cum hæreticis, si tamen circumstantiæ patiuntur (pergit idem) potest postea rogare, an non vellet amplecti Fidem salvificam & veram, si sciret, se non esse in vera Fide? Item an non vellet amplecti omnia ad salutem necessaria, confiteri, & absolvi? &c. Monet tamen rectè Vindex Gobati *ad propos. 4.* quòd, si spes sit de amplectenda Religione Catholica, simulque tempus & circumstantiæ patiantur, hanc debere proponi infirmo. Videatur La Croix *loc. cit.* vel ea, quæ diximus *part. 2. Theolog. Sacram. Confer. 8. n. 213*.

Ergone, inquires, Caja sepeliri potuit in loco Sacro?

36 R. Potuit sinè dubio, modò abfuerit scandalum. Ratio est: quia supponitur in mortis articulo dedisse signa Pœnitentiæ, & à censu-

censura sicut & à peccatis saltem probabili-
ter validè fuit absoluta. Et licèt videatur
ingens dubium, an non fuerit hæretica for-
malis potiùs, quàm materialis; nihilominus
stante dubio videtur potiùs inclinandum in
partem benigniorem pro favore defunctæ,
ait rectè La Croix *lib. 7. n. 263*. Addo insu-
per, ab Henriquez, Suarezio *de censur. disp.*
12. sect. 4. num. 2. in fine, & à Laymanno *lib.*
1. tr. 5. part. 2. c. 4. n. 9. velut probabile su-
stineri, quòd excommunicatos non vitandos
(qualis eatiam erat Caja) modò ante mor-
tem manifesta signa dederint, tametsi ab hæ-
resi absoluti non fuerint, liceat sepelire in
loco Sacro, quemadmodum pro iisdem licet
offerre orationes publicas, & Sacrosanctæ
Missæ Sacrificia. Nihilominus cùm in tali
casu de facili natum sit oriri scandalum, &
alia plura incommoda in plebe, præsertim in
loco merè Catholico; hinc sapienter monet
Laymann *loc. cit.* Episcopum priùs hac de re
esse admonendum, qui si velit, etiam post
mortem absolutionem ab excommunicatio-
ne potest impendere.

§. III.

Corollaria ex dictis inferenda.

Colliges ex hactenus dictis primò, non sa- 37
tis esse, quòd homo rudior seu de com-
muni plebe credat articulos Fidei implicite
duntaxat, id est, in genere præcisè credendo,

*quidquid credit S. Mater Ecclesia, vel quid Deus revelavit &c. Ratio est: quia status & professio hominis Christiani haud dubiè exigit, ut præcipua Fidei Divinæ mysteria seu articulos & cognoscat, & credat: atqui hoc non præstat, qui in genere duntaxat credit, quidquid Deus revelavit, vel Ecclesia proponit &c. ergo. Hac de causa teste Rending apud Babenstuber tract. 5. disp. 1. art. 1. n. 20. Gregorius XI. in direct. inquisit. 1. p. q. 10. hæres. 8. damnavit sequentem propositionem. *Laici non tenentur ad aliquem articulum Fidei explicitè credendum, sed sufficit illis ista conclusio in genere, quòd credunt omne illud, quod Sancta Dei Ecclesia credit.**

- 38 Colliges 2dò, Fideles quamprimùm pervenerunt ad usum rationis, teneri juxta capacitatem & statum suum talem ac tantam adhibere diligentiam in ordine ad addiscendos Fidei articulos, qualem quisque prudentum adhibere solet in addiscenda re vel arte sibi multùm utili ac proficua. Ratio de se liquet: quia scilicet cognitio præcipuorum Fidei mysteriorum cuius fidelium nedum proficua, sed omninò necessaria est salutem secundùm hætenus dicta. Tenentur proin frequentare Parochiam, seu etiam catechesin, quatenus in rebus Fidei ad salutem necessariis instruantur, secus enim juxta qualitatem desidii graviter vel leviter peccabunt,
uti

utî benè observat Matthæucci *in caut. Confess. lib. 2. c. 14. n. 12.* Atque hinc ulterius

Colliges 3tiò, Parentibus incumbere obligationem gravissimam instruendi (sive de- 39
in per se ipsos immediatè, sive per alios, ut-
puta Præceptores, Ludimagistros &c.) suas
proles in rebus Fidei ad salutem necessariis,
adeò, ut si eos impédiant, vel commodita-
tem non procurent, vel instructionem pror-
sus negligant, gravissimè peccent. Ratio est:
quia hòc modo deficiunt in puncto gravi ab
eo, quod iisdem tam jure naturæ, quàm Di-
vino etiam & humano incumbit. Adde in-
super, quòd ex tali neglectu sequatur in pro-
libus haud exiguum salutis præjudicium: id,
quod vel maxime inculcandum est homini-
bus aggressibus, qui proles suas, dum vix in-
cipiunt ratione uti, applicant pascendis pe-
coribus, & rarò permittunt eas templum ad-
ire, ac rariùs conciones, neque easdem domi
instruere solent, prout multiplex experien-
tia docuit. Ulterius

Colliges 4tò, Pastores animarum, quibus 40
cura pascendi commissa est, sub gravi culpa
adstringi ad erudiendos subditos suæ curæ
commisos in Fide, aliisque ad salutem ne-
cessariis, ita ut secus facientes pro gravitate
incuriæ aut desidii peccent mortaliter, sicut
& illi, ait Sporer *tr. 2. in decalog. c. 2. n. 14.*
qui scienter promovent Pastores ignaros, aut
quos sciunt suos subditos non instruere in
C f. neces

necessariis ad salutem. Ratio est : quia hi nedum ex charitate vel pietate, uti parentes, sed insuper ex iustitia tenentur procurare salutem spiritualem suorum subditorum : ergo si id culpabiliter negligant, graviter peccant, possuntque censuris Ecclesiasticis eò compelli, uti benè docent Sanchez *lib. 2. c. 3. num. 15.* Laymann, Filliucius & alii. Videatur La Croix *lib. 2. n. 29.*

41

Colliges 5tò, hæreticum non teneri ad deferendam suam sectam (& consequenter eam non deferendo non peccare) quamdiu iudicat, eam esse verosimiliorem & credibiliorem Fide Catholica. Ratio est : quia quamdiu hoc eidem videtur, pronum est colligere, vel quòd fundamenta Fidei nostræ eidem nondum fuerint satis proposita, vel certè quòd ea hætenus nondum satis penetraverit : at, quamdiu hæreticus non agnoscit fundamenta Fidei Catholicæ, tamdiu non tenetur, immò nec potest iisdem præbere assensum Fidei, quippe qui debet esse firmissimus. Quin immò, tametsi existimaret, Fidem nostram Catholicam esse probabilius veram, si tamen stante tali opinione adhuc quodammodo formidet, ne non sit vera, nondum tenetur, immò nec potest præbere assensum Fidei Divinæ ; quia hæc niti debet motivo infallibili, quò præciso prudenter nequit dari assensus firmissimus : ergo quamdiu hæreticus non agnoscit, vel certè non penetrat motiva in-

falli-

fallibilia Fidei Catholicæ, tamdiu non potest præbere verum assensum Fidei, prout ulterius haud obscure colligere fas est ex illa propositione *num. 21.* ab Innocentio XI. damnata: *assensus Fidei supernaturalis & utilis ad salutem stat cum notitia solum probabili revelationis, immò formidine, quâ quis formidet, ne non sit locutus Deus.*


Atqui, inquires, idem Innocentius XI. damnavit etiam sequentem propositionem *num. 4tam*: *ab infidelitate excusabitur infidelis non credens, ductus opinione minus probabili*: ergo quamprimùm apprehendit Catholicam Fidem esse magis probabilem & verosimiliorem suâ secta, tenetur immediatè præbere assensum dogmatibus Catholicis.

R. Neg. conseq. quia ex hoc solum erui valet, quòd post adeptam semel notitiam de majori probabilitate & veritate Fidei Catholicæ culpabiliter perseveret in sua secta sibi visa minus probabili. Et meritò; quamprimùm enim advertit, se probabilius versari in errore Fidei (quæ utique est materia gravissimâ concernens Dei gloriam & animæ salutem) tenetur ulterius invocare Spiritûs S. gratiam, & pro possibili indagare in omnimodam veritatem, quò facto procul dubio Deus illum diriget ad talem, à quo accedente Spiritûs S. gratiâ plenariè illustrabitur, & omnimodam veritatem deprehendet, veluti plura de hoc nobis exstant exempla: quodsi
autem

autem neglexerit ulteriorem inquisitionem, absque dubio culpabiliter perseverabit in suis erroribus, nec excusari potest ab infidelitate adhærendo suæ sectæ, ductus opinione minus probabili. Videatur Cardenas in 2. *Crisi Theolog. dissert. 4. c. 2.* vel La Croix lib. 2. num. 48.

- 43 Colliges denique 6tò, in praxi non esse necessarium, ut Confessarius Pœnitentem interroget, vel ut pœnitens seipsum examinet, utrum satisfecerit præcepto affirmativo de eliciendo actu seu assensu interno Fidei. Ratio est: quia moraliter loquendo ferè semper & infallibiliter quasi contingere solet, ut homo Christianus fidem Christi semel ex corde amplexus ac confessus nedum per annum, sed etiam per diem aut certè per mensem plures exerceat actus fidei, utputa dum Missam audit, confitetur, aut concioni interest, tametsi non ita reflexe attendat ad eosdem actus fidei. Fatendum nihilominus est, quòd neque Confessarii suo benè fungantur officio, qui dum à pueris vel puellis hac super re generaliter examinatis, an omnia credant, quidquid S. Mater Ecclesia credit, vel credendum proponit? &c. audiunt frigidum *ita*, illicò contenti aquiescunt & absolunt; sæpius enim quàm par est respondendo asserere solent, Le credere, qui tamen ulteriùs examinati *cur credant?* nesciunt dare ullam prorsus rationem: quem-
- admo-

admodum examinati & interrogati an doleant de suis peccatis? promptissimè quidem respondere solent: ita Domine; Qui tamèn ulteriùs examinati motivum, cur doleant; prorsus ignorare deprehenduntur, cur de peccatis sit dolendum: sicut proin talis dolor, utpote motivo supernaturali destitutus prorsus insufficiens est ad valorem Sacramenti; ita sanè fides destituta motivo supernaturali, auctoritatis divinæ scilicet, prorsus est insufficiens ad salutem. Inculcandum proin in praxi est hujusmodi hominibus motivum formale fidei, cumque illis elicendus actus supernaturalis fidei v. g. hoc aut simili modo: *Credo, Deum esse unum in essentia, & trinum in personis &c. quia ipse velut infinitè verax hoc revelavit &c. aut: Credo, Verbum Divinum fuisse incarnatum, eò quòd S. Mater Ecclesia hoc velut à Deo infinitè veraci revelatum proponit &c. Videatur de hoc la Croix lib. 2. n. 30. & seqq.*



CONFERENTIA SECUNDA.

De Obligatione fidem exterius profitendi.

S U M M A R I U M.

44. Datur obligatio fidem veram exterius profitendi.

45. Id-

45. Idque toties, quoties vel 1. honor Dei & Christi, vel 2. salus propria, aut 3. salus proximi id exigit.
46. 47. & 48. Breviter declaratur, quando illud honor Dei, vel salus propria, aut proximi censetur exigere.
49. Quanam sit differentia inter dissimulare fidem propriam, & inter simulare fidem alienam.
50. Ob gravem causam quandoque licet dissimulatur fides vera, modò non instet præceptum vel obligatio hanc exterius profitendi.
51. Recensentur breviter nonnulli casus, in quibus vi juris Pontificii datur obligatio deponendi professionem fidei.
52. Nunquam prorsus licet negare fidem veram seu Catholicam; quæ
53. Tripliciter, scilicet vel verbis, vel factis, vel denique signis negari potest.
54. Quandoam quis censetur fidem negare verbis.
55. Quandoam factis; Et
56. Quando signis: breviter declaratur.
57. Quidnam hic nomine signorum veniat intelligendum?
58. Signis aut vestimentis distinctivis Nationis duntaxat à Natione; vel etiam Religionis à Religione ex gravi causa probabiliter licitum est uti, non item signis potestativis falsæ sectæ.
59. & 60. Satisfit duabus instantiis in contrarium factis.
61. Resolvitur Casus I. de quodam Sacerdote Catholico à Consistorio Anglicano examinato de sua fide &c.
62. Qui nullatenus tenebatur fateri conditionem sui status.
63. Quin etiam tutâ conscientia utendo restrictione mentali negare potuit, se quidpiam scivisse de constitutione anglicana prohibitiva &c. &c.
64. Resolvitur Casus II. de quodam chalcographo Catholico.

tholico, qui sua servitia addixerat cuidam alteri A-
catholico, dissimulans fidem propriam.

65. An peccaverit negligendo divina, vel observan-
tiam præceptorum Ecclesiasticorum?

66. Et undenam practicè loquendo species vel nume-
rus peccatorum ab eo commissorum colligendus sit?

67. Resolvitur Casus III. de quodam Præcone Aria-
no, qui imminente sibi mortis periculo petiit Sa-
cerdotem Catholicum, in vestibus sæcularibus com-
paritum.

68. Quidsi talis nulla ratione eò adduci possit, ut fi-
dem Catholicam per se ipsum ante obitum publi-
cè profiteatur?

69. Quidsi persona privata tantum id recusaret?

70. An Præco Arianus post recuperatam valetudinem
potnerit diutius dissimulare externam professionem
fidei?

71. Universim omnia illa verba vel facta, quæ signi-
ficant abnegationem fidei, à Catholico vitari om-
nimodis debent.

72. Interrogatus à persona privata per se loquendo
non tenetur respondere, sed potest eludere inter-
rogantem.

73. Catholicus, cernens SS. Eucharistiam, vel Cru-
cifixum ab hæretico indignè tractari, tenetur se
opponere, modò id possit utiliter.

74. An, vel quando permillum sit fugere tempore
persecutionis, præsertim Pastoribus animarum?

75. Per se loquendo non impingit in præcepta fidei,
qui profert talia verba aut gesta, ex quibus alii
possunt colligere, quòd non proferantur animò
obnegandi veram fidem.

§. I.

*Premittuntur, & breviter resolvuntur qua-
sita, scitu necessaria ad debitè resolvendos
casus practicos circa externam pro-
fessionem fidei.*

Quæ.

Quæres primò, deturné obligatio seu præceptum de fide exterius profitenda?

44

R. Datur sinè dubio obligatio seu præceptum, & quidem duplex, unum affirmativum, vi cuius jubemur fidem veram exterius profiteri, prout insinuat Apostolus *Rom. 10. Corde enim* (inquiens) *creditur ad justitiam, ore autem Confessio fit ad salutem*: alterum est negativum, quò jubemur fidem nunquam negare; id, quod Christus Servator noster innuit *Matth. 10.* dicens: *Qui me negaverit coram hominibus, negabo & ego eum coram Patre meo.* Idipsum rursus innuit Doctor Gentium 2. *Timoth. 2. Si negaverimus eum* (ait) *& ille negabit nos.* Ex quo liquet, hoc præceptum graviter obligare; sicut negari à Christo gravis est pœna secundum omnes.

Quæres 2dò, quandonam, vel quoties teneamur fidem nostram exterius profiteri?

45

R. Jure naturali ac divino per se teneamur ad hoc toties, quoties id exigit vel 1. honor Dei aut Christi, vel 2. salus propria animæ, vel denique 3. salus proximi. Ita D. Thomas 2. 2. q. 3. art. 2. quem sequuntur alii DD. communiter Sanchez in decal. lib. 2. c. 4. n. 2. & segg. Sporer tr. 2. decal. c. 2. sect. 4. n. 23. Reiffenstuel theolog. mor. tr. 4. dist. 2. n. 43. Ratio est: quia cum juxta Apostolum 1. ad *Timoth. 1. Finis præcepti sit charitas*; hinc dicendum, quamlibet virtutem

tem obligare tunc, quando charitas, vel erga Deum, vel erga nos ipsos, vel erga proximum postulat exercitium talis virtutis: at, in casibus mox specificatis charitas supponitur postulare professionem externam Fidei: ergo hæc cadit sub præceptum.

At, inquires fortassis; quandonam igitur honor erga Deum aut Christum, & quando salus propria vel proximi censi debent exigere hanc professionem externam Fidei?

R. ad hoc i. Tunc honor Dei & Christi 46
exigit à nobis externam professionem Fidei, quando alioquin ex nostra taciturnitate Deo aut Christo vel subraheretur magnus honor, vel iisdem, aut Sanctis, Religionivè Catholicæ inferretur blasphemia vel injuria &c. quò casu tenemur nos manifestare tanquam Catholicos & verè Fideles Christo, ac Sanctæ Religioni, utpote hanc, commendando, laudando, pro viribus defendendo, injuriámque impediendo &c. idque etiam cum periculo vitæ. Ita ex *communi DD.* tenet Suarez, *disp.* 14. *de Fide sect.* 2. Eúmque secutus D. August. Michel *Theolog. Canon-moral. Tom. 2. p. 1. q. 1. §. 3. n. 3.* Ratio est: quia ratio naturalis dictat, cuilibet Vasallo incumbere, ut pro viribus defendat honorem sui Principis vel Principalis: quidni ergo id ipsum teneatur facere Christianus, ubi periclitatur honor Dei & Christi? profectò id ipsum nos docuere innumera Sanctorum
R. P. Elbel, Pars II. de Fide &c. D Mar-

Martyrum exempla, qui pro defensione Divini honoris & Fidei Catholicæ sanguinem & vitam dederunt. Ex quo Doctores communissimè inferunt, quòd quivis Catholicus auctoritate publica (quantumvis in odium Fidei) examinatus, teneatur, non obstante periculo vitæ, suam Fidem publicè profiteri, exemplò Petri & Joannis *Actor. 4.* Verè etenim magnus honor Deo, Christo, Fideique Catholicæ accrescit ex eo, quòd Christianus coram Principibus & Magistratibus hujus sæculi, quantumvis oblatrantibus & contradicentibus, Fidem suam publicè profiteatur; quia hòc modo ejusdem Fidei veritas mirum in modum confirmatur, immò & propagatur.

Secus dicendum, si quis ab homine privato, nullam habente auctoritatem, examinaretur: quò casu tametsi nefas foret Fidem negare, nihilominus licebit Fidem veram dissimulare, vel interrogantem illudere v. g. dicendo: *quid ad te?* aut: *sum addictus illi Fidei, in qua me salvari posse existimo* &c. Excipiunt tamen Doctores: nisi vir interrogatus esset permagnæ Auctoritatis, ita, ut ex hujus taciturnitate alii scandalizarentur, aut dubitare inciperent de firmitate Fidei Catholicæ. Videatur de hoc Tambürinus *lib. 2. decalog. cap. 1. §. 2. num. 3.* Sporer *ubi supra n. 24.* Filliuc. *tr. 22. n. 63.* Mezger *tr. 10. disp. 19. art. 3. n. 15.* Babenstuber *tract. 5. disp. 1. art. 1. n. 63. & seqq.* R. 2dò,

R. 2dò. Salus propria tunc exigit pro- 47
fessionem externam Fidei, quando ex hujus
dissimulatione quispiam se advertit exposi-
tum periculo abnegandæ Fidei, aut certò co-
geretur multa agere contra conscientiam
propriam, & legem Dei, utputa frequenta-
re acatholicorum Ecclesias, conventicula,
eorum Coenæ communicare &c. Ita Sua-
rez *l. cit. n. 8.* Castropalao *part. 1. tr. 4.*
disp. 1. punct. 13. n. 7.

R. jam 3tiò. Tunc salus proximi exigit 48
à nobis externam Fidei professionem quan-
do alioquin ex nostra dissimulatione pericli-
taretur; vel quia proximus ab hæreticis se-
ductus fidem veram omnino abnegaret; vel
quia scandalizaretur, utpote existimans, ob
nostram taciturnitatem vel dissimulationem
professionis, veram Fidem sat solidis destitui
fundamentis; vel quia hæretici in sua secta
amplius confirmarentur &c. in his ac simili-
bus casibus quivis fidelium tenetur Fidem
suam manifestare, hæreticorum fundamen-
ta, vel potiùs oblatrationes minùs fundatas,
pro viribus confutare, vacillantes in vera
Fide confirmare, errantes reducere vel in-
struere &c. modò utiliter & prudenter id pos-
sit; idque non solùm ex virtute charitatis, sed
etiam ex virtute seu præcepto Fidei; quia vir-
tute hujus non solùm obligamur ad præben-
dum assensum mysteriis Fidei, sed insuper et-
iam ad procurandum pro viribus, ut proxi-
mus

mus noster firmiter assentiatur, veluti benè tradunt Sporer *l. cit. n. 27.* Castropalao *cit. n. 8.* Michel ubi suprà *n. 4.* Cardenas in *Crisi Theolog. ad propof. 18. ab Innocent. XI. damnatam. Differtat. 12. c. 2. n. 19.*

Quæres 3tiò, sitnè aliquando licitum Fidem veram dissimulare?

- 49 Ante responsionem ad hoc quæsitum dandam notandum est & benè advertendum, longè aliud esse *dissimulare seu occultare veram Fidem*, & aliud *factis simulare Fidem seu sectam falsam*. Simulatio falsæ Fidei tunc fit, quando quis verbis aut gestis significat, se profiteri illam sectam v. g. Zwinglianam &c. Dissimulatio autem veræ Fidei tunc censetur fieri, quando Catholicus in factis & gestis suis ita se exhibet, ut alii colligere nequaquam possint; sitnè Catholicus, necnè? Omnis itaque, qui verbis aut factis Fidem veram exterius negat, eam pariter, etsi fortassis in mente adhucdum retentam, occultat, non tamen vicissim omnis, qui Fidem veram occultat vel dissimulat, censendus est eam negare, ait sapienter Herincx *disp 8. n. 33. b. not.*

- 50 R. jam ad quæsitum. Per se loquendo licitum est dissimulare veram Fidem idque toties, quoties nec honor Christi aut Dei, neque salus propria vel proximi postulat externam Fidei professionem. Ita ex communid DD. Herincx *part. 3. tract. 1. disp. 8. n. 34.* Reiffen-

Reiffenstuel *Theolog. mor. tr. 4. dist. 2. n. 45.* Ratio est: quia extra casus mox specificatos præcepto Fidei Divinæ non tenemur Fidem nostram exterius profiteri: ergo hujus professionem licitè dissimulamus. Quin etiam hujusmodi dissimulatio potest subinde esse multum proficua, immò ad Dei gloriam & animarum salutem necessaria, utputa ad confortandos Catholicos in medio hæreticorum degentes: ergo in simili casu prudenter omnino dissimulatur Fides Catholica, sive fugiendo aut declinando examen, sive utendo vestibus aut signis alienæ nationis vel conditionis seu etiam statûs hominum, veluti amplius patebit ex proximè dicendis.

Dixi: *per se loquendo* licitum est dissimulare &c. fatendum quippe est, quandoque per accidens (vi scilicet juris humani positivi) dari obligationem professionem Fidei exterius deponendi: nam 1. Concilium Tridentinum *ss. 24. c. 12. de Reform.* præscribit professionem juratam Fidei omnibus provisis de beneficiis curatis, aut de Canonicatibus & dignitatibus in Ecclesiis Cathedralibus, nec non promotis ad Episcopatum vel Archi-Episcopatum &c. Quod Pius IV. Motu proprio *Injunctum Nobis* extendit ad Prælatos Monasteriorum seu locorum Regularium, & insuper motu proprio *In Sacrosancta* &c. ad omnes Doctores, Magistros, Regentes, & alios quoscunque cujuscunque ar-

tis & facultatis Professores, idque sub gravissimis pœnis. Ex quibus Rodriguez *tom. 22. qq. Regul. q. 73. art. 2.* aliique Doctores communiter inferunt, hanc obligationem esse gravem, licet in pluribus Religionibus hæc constitutio non videatur recepta quoad Prælatos, ait Herincx *cit. n. 5.* De quo utiliter videri potest Sanchez *moral. lib. 2. c. 5. per tot.* vel Michel *Theolog. Canon-moral. tom. 2. q. 1. §. 3. n. 13.*

Quæres 4tò, sitné etiam aliquando licitum Fidem Catholicam exterius negare?

52

R. In nullo prorsus casu, ne quidem mortis evadendæ causâ fas est Fidem veram seu Catholicam negare, sive verbis, sive etiam factis, aut signis. Ita *Omnes Orthodoxi* contra Gnosticos, Samseitas, Priscillianistas, Anibaptistas, aliósque sat multos hæreticos & politicos, vel potiùs libertinos hujus temporis, existimantes, satis esse, quòd Fidem veram retineant in pectore, licet in Foro externo eandem negent. Ratio autem hujus est: quia præceptum de *nunquam neganda Fide* est negativum: atqui ea est natura præceptorum negativorum, quæ semper ac pro semper soleant obligare &c.

Et certè talis negatio est mendacium non minùs perniciosum Fidei, quàm injuriosum Christo, quasi verò is non esset tantæ auctoritatis vel veritatis, ut mereatur publicam coram hominibus professionem. Quamobrem

rem ipsemet Christus posteaquam *Matth.* 10. præcepit, ne timeamus Tyrannos, qui in odium Fidei ac doctrinæ Catholicæ occiderent corpus &c. illico subjunxit: *qui autem negaverit me coram hominibus, negabo & ego eum coram Patre meo &c.* at, hæc negatio procul dubio supponit gravem culpam: ergo &c.

Dixi notanter, nunquam prorsus licitum esse, Fidem veram negare, sive *verbis*, sive etiam *factis* aut *signis*: pro cujus pleniori intellectu sciendum rursus est, Fidem dupliciter negari posse, scilicet 1. *directè* seu etiam *explicitè*. 2. *indirectè* vel, ut alii loquuntur, *implicitè*. *Directè* Fidem negat, & negando mortaliter peccat (per se loquendo) quisquis apertis verbis sive seriò sive fictè quidem, sed ita, ut nemo advertat fictionem, prolatis, dicit, se non esse Christianum, vel non esse Catholicum, Papistam &c. vel qui dicit se non credere hunc vel illum articulum Fidei Catholicæ v. g. de existentia purgatorii, veri Sacrificii Missæ &c. de existentia Christi sub speciebus Eucharisticis &c. vel qui dicit, se esse Lutheranum, Calvinistam, Turcam &c. *Indirectè* autem & interpretativè Fidem veram negare censetur, & negando mortaliter peccare, qui vel veram Fidem eò tempore, quò urget præceptum Confessionis externæ dissimulat, vel sectam falsam signis, operibusvè simulat. Verum

rùm pro majori dilucidatione hujus responsi ulterius

Quæres 5to, quisnam implicite saltem censendus sit negasse veram fidem verbis?

54

R. ad hoc, illum censendum esse implicite saltem negasse fidem verbis, qui de sua fide interrogatus vel examinatus, præsertim publica auctoritate, respondet verbis ambiguis & æquivocis, ita, ut ab audientibus judicari debeat fidem Catholicam negasse ut puta si à Magistratu Lutherano examinatus, an sit Evangelicus? in partibus, ubi nomine Evangelicorum ab omnibus communiter intelliguntur Lutherani, prout fit in imperio, qui, inquam responderet, se esse Evangelicum, esto sub intelligeret, verum Evangelium Christi, & non aliud, quod Lutherus corripit; vel qui v. g. in Anglia interrogatus an sit fidei Regiæ (quò nomine defacto communiter intelligunt fidem acatholicam) responderet se esse fidei regiæ, subintelligendo, quòd profiteatur fidem antiquorum Regum Angliæ, quæ fuit Catholica, & salvifica. Ita Sporer *n.* 31. & Tamburinus *lib.* 2. c. 1. §. 2. *n.* 4. & alii DD.

Quæres 6to, quinam censeantur negare veram fidem factis?

55

R. Factò veram fidem negare convincitur, quisquis voluntariè exercet opus seu actionem, quæ vel ex natura sua, vel ex institutione hominum, vel certè ex circumstan-

tiis

tiis loci, temporis, personarum &c. professionem falsæ sectæ significat uti sunt 1. thus Idolo incendere: coram eo venerationis causâ genuflectere, pectus tundere &c. 2. Profanæ hæreticorum Cœnæ communicare, aliavè ministeria ad eorum sectam spectantia exercere, utputa cantare cum Lutheranis in eorum templis, præsertim tales cantus, quibus Religioni nostræ Catholicæ, aut Ecclesiæ Catholicæ vel quod idem est, Papistis aut Papæ malè imprecari solent &c. 3. Sectariorum Conventus, Conciones vel templa ordinariè frequentare, ita scilicet, ut à reliquis sectariis meritò credatur quasi unus ex illis, scilicet hæreticis; idque præsertim in casu, quò Rex, Princeps, aut Magistratus Aatholicus in odium Religionis Catholicæ mandaret, ut omnes in protestationem sectæ illius frequentent Ecclesiam, & communibus exercitiis Religionis Aatholicæ intersint, prout olim in Anglia factum fuisse constat: quò casu nulli Catholicorum liceret obedire ejusmodi edicto, nequidem sub prætextu vel cum protestatione, quòd nolit intrare illam Ecclesiam animò protestandi alienam sectam, sed præcisè animò obtemperandi mandato Regis &c. cum enim Rex edictum fecerit in odium Religionis Catholicæ, atque ideo frequentatio Ecclesiæ Anglicanæ saltem ex institutione humana habuerit rationem signi protestativi sectæ Calvinisticæ,

hinc protestatio privati hominis utpote contraria facto ingredientis scilicet Ecclesiam &c. minimè cohonestare potuit talem ingressum, prout iu hoc ipso casu declarâsse legitur Paulus V. apud Sanchez, *lib. 2. moral. c. 4. num. 27.* & Filliuc. *tr. 22. n. 87.* 4tò denique ipsò facto fidem negare meritò præsumitur, qui diebus ab Ecclesia interdictis sinè justa causa aliis cognita ordinariè comederet carnes cum hæreticis, vel more hæreticorum, vel qui semel duntaxat illas manducaret, sed in iis circumstantiis, in quibus ab hæretico fuissent appositæ in odium Papæ, vel Ecclesiæ Romano-Catholicæ &c. Videantur de his Sanchez *loc. cit.* Michel *ubi supra num. 22. & seqq.* vel Sporer *tract. in decalog. c. 2. sect. 4. à n. 37.*

Quæres denique septimò, quandonam quis censeatur fidem veram abnegare signis?

56

R. Omnis ille meritò præsumitur fidem veram signis interpretativè saltem negare, qui tametsi non instet præceptum de fide externè profitenda, utitur signo aliquo directè vel indirectè manifestativo hæresis, seu etiam infidelitatis, Ratio est: quia ipsò facto vel signo, utpote infidelitatis manifestativo seu protestativo supponitur, imò debet supponi, quod velit hæresin aut infidelitatem protestari, prout ampliùs constabit ex proximè dicendis; unde pro majori dilucidatione hujus resolutionis ulterius

Ad-

Advertendum est, nomine signorum prout à factis distinguuntur, hîc potissimum intelligi vestimenta, aut certum modum vestiendi, sen etiam ornandi corpus : hac de causa Doctores communissimè distinguere solent triplex signorum seu etiam vestimentorum genus. Primò namque dantur signa seu etiam vestimenta distinctiva Nationis à Natione vel Gentis à Gente non tamen sectæ, uti sunt vestitus Turcicus, Persicus, & Anglicus &c. 2dò, alia reperiuntur signa vel vestimenta : quæ ex primaria institutione ad naturalem usum, utputa corporis vestiendi, tegendi, vel etiam ornandi sunt destinata, postea verò, sive ex consuetudine, sive etiam ex pacto & lege vel institutione politica obtinuère vim distinguendi infideles à fidelibus, prout de facto habent Romæ, flavus pileus Judæorum, & alibi fascia seu tobalia alba Turcæ, item habitus Prædicantium &c. Denique 3. alia dantur signa seu etiam vestimenta merè instituta ad falsum cultum, qualia sunt illa, quibus utuntur Sacrificuli Idolorum in suis Sacrificiis & superstitiosis ritibus. Insuper sapienter advertunt Sanchez *lib. 2. decalog. c. 4. n. 16.* & Sporer ubi suprâ *n. 35.* dari nonnulla signa, quæ non solum sunt distinctiva Sectæ à Secta, sed insuper protestativa sectæ vel hæreseos, ita quidem, ut quicumque demum tale signum portat, intelligatur se manifestare velut sectatorem ejusdem hæreseos. At,

At, inquires, quibusnam ergo signis uti fas est absque præjudicio fidei, & quibus non?

58 R. ad hoc quæsitum cum distinctione; enimverò signis primi generis ex mox recensitis uti fas est ex quacunque rationabili causa: similiter ex gravi & verè ponderante causa licitum est uti signis 2di generis, modò NB. absit scandalum, & non urgeat vel obliget præceptum profitendi fidem exterius: at verò signis 3tii generis uti quacunque demum de causa, probabilius nefas est. Hæc responsio quoad primùm membrum est communiter recepta, quoad 2dum verò & 3tium multos patitur Adversarios.

Ratio autem nostræ resolutionis in praxi verè probabilis hæc est: quia, tametsi nunquam liceat exterius profiteri fidem aut sectam falsam, nihilominus ob gravem & verè rationabilem causam fas est dissimulare fidem veram: at, qui utitur signis aut vestibus merè distinctivis Nationis à Natione, aut infidelium quidem à fidelibus, sed ex fine duntaxat politico, uti est flavus pileus Judæorum Romæ, vel flavus annulus Francofurti, per hoc minimè cenferi debet velle profiteri Judaismum, vel aliam sectam falsam, benè verò is, qui utitur signis protestativis falsæ Religionis: ergo prioribus uti fas est ex motivo rationabili v. g. occultandi fidem vel statum ob bonum animarum, &c. non

non item posterioribus. Neque propterea quòd v. g. Sacerdos Catholicus se induat vestibus sæcularibus eo fine, ut securius in partibus merùm acatholicis v. g. in Anglia &c. degat, censeri debet fingere, aut mentiri voluisse; non enim eo fine utitur vestitu laicorum, ut alii credant se esse laicum, sed utitur eo fine, quatenus is, primariò deservit ad tegendum corpus, secundariò autem ad occultandum suum statum, quem non tenetur aliis hic & nunc pandere, ac denique ad evadenda alia pericula vel incommoda. Verùm contra hoc

Dices: si licet uti vestibus infidelium distinctivis à fidelibus, eò quòd deserviant tum ad tegendum corpus, tum etiam ad occultandum statum vel evadendum periculum, permessa interim deceptione aliorum existimantium hunc hominem (qui Sacerdos est) esse laicum, vel esse infidelem &c. ergo ex eodem fine licebit uti vestimentis nedum distinctivis, sed etiam protestativis falsæ sectæ; siquidem & hæc vestimenta deserviant ad tegendum corpus &c. &c.

℞. Equidem ob hanc rationem à Sanchezio, Lugone, Sporer, aliisque multis & per magni nominis Doctoribus permitti usum similium vestimentorum aut signorum, modo præter vim protestativam insuper habent alium usum indifferentem, prout revera habere videntur vestimenta :

Nihilo.

Nihilominus contraria opinio & resolutio mox data, quam hodieum mordicùs tenent Henno *tr. de virtut. disp. 4. q. 1. Resolut. 5. ad Dices 4tò.* Castropalao *part 1. de fide tr. 4. disp. 1. pu. 17. n. 17.* Toletus, Navarrus, Lopez aliique plures ab eodem relati, nedum tutior, sed & probabilior, immò propè certa, ideóque omnimodis tenenda mihi videtur hac ratione: quia gestatio talis vestis, utpote protestativæ (ut supponitur) importat actualem cultum & honorem falsæ sectæ, qui honor & cultus superstitiosus probabilissimè separari nequit à gestatione: ergo quicumque utitur hujusmodi veste, peccat peccato infidelitatis, quantumvis intrinsecè protestetur, se nolle uti tali habitu, nisi in quantum deservit ad honestè tegendum corpus: ferè quemadmodum is, qui Idolo thus incenderet, in fidei legis impingeret, esto non haberet alium animum incendendi seu adolendi thus, quàm caput per hujusmodi incensum confortandi. Aliud longè est de eo, qui portat vestimentum merè politicè distinctivum fidelis ab infidelibus; quia cum hæc signa aut vestimenta instituta sint ex fine merum politico (v. g. ut sciatur ubinam habitare, vel quantum tributum aut pedagium pendere debeat, qui illud portat) profectò ex hujusmodi portatione minimè arguere aut inferre licet, quòd per tale vestimentum vel signum intendat particularem

rem cultum aut honorem exhibere falsæ sectæ.

At, replicabis adhuc : Qui verbis diceret : *Ego sum Turca*, vel : *Ego sum Judæus* &c. procul dubio peccaret contra externam professionem Fidei : ergo similiter peccat, qui verbis, aut qui vestimentis idipsum dicit.

R. Negando suppositum conseq. & paritatem ; cum enim verba non habeant alium finem, quàm expressionem mentis, seu conceptum mentalium ; hinc fit, quòd quicunque demum assertivè dicit, se esse Judæum &c. nisi aliunde ex circumstantiis constet, quòd non loquatur seriò & ex mente, judicari debeat esse Judæus &c. Econtra cum juxta dicta vestimenta habeant duplicem finem, scilicet primarium, qui est *tegere corpus* & secundarium, qui est distinguere Nationem à Natione, vel infidelem à fideli : hinc qui utitur tali signo aut vestimento, quod non est simul protestativum alienæ sectæ, non illico à videntibus argui vel judicari potest, quòd hoc faciat in ordine ad profitendam alienam seu falsam sectam. Nunquid enim (ait rectè D. Michel *part. 1. q. 1. §. 3. n. 22.*) qui Romæ patratò homicidiò, ut fugeret tutius, assumpsisset habitum proprium Judæorum, & fuisset deprehensus tanquam à fide Apostata puniretur ? minime. Nunquid qui ejusmodi vel aliud grave delictum Augustæ commisisset, & ad evadendum arripuisset

ripuisset habitum alicujus Prædicantis, propterea reus ageretur hæresis Lutheranae? minimè gentium: consequenter (subdit idem) evidens signum est, talia, licèt vel lege vel usu sint accessoriè discretiva infidelium à fidelibus, posse gravi de causa usurpari à fidelibus sine læsione fidei.

§. II.

Proponuntur & breviter resolvuntur Casus practici circa externam professionem fidei.

CASUS PRIMUS.

Titius Religiosus & Sacerdos Londoni in Anglia in cujusdam prædivitis Mercatoris domo clam ad aram stetit, Deoque litavit: paulò post verò à quodam Apostata proditus, mox altera die ad Consistorium (uti vocabant) Anglicanum citatus fuit, ibidemque in pleno confessu à quodam Cancellario sequentia interrogatus. 1. quod ei nomen? 2. quæ patria? 3. an sit Catholicus? 4. an etiam Sacerdos? 5. an, vel quoties præsumpserit legere Missam, & quibus in locis? 6. an non sciverit, hoc vi constitutionum Anglicarum gravissimè esse prohibitum? Sacerdos ad hæc liberrima voce respondit: Vocor Titius: Patria sum italicus, & nedum Catholicus, sed & Sacerdos. Missam hinc inde jam sæpiùs celebravi, ubicunque demum occasionem commodam nactus fui,

fui, & hodieum celebrarem, modò mihi offerretur occasio. De cætero, ut jam audistis, Anglus ego non sum, nec intelligo linguam anglicanam, unde nec mirum, quòd de vestra tam gravi prohibitione divinorum hactenus nihil audiverim. *Cancellarius post modicam deliberationem, & collecta in absentia Titii vota à reliquo confesso mox sequentem tulit sententiam: Gratias (ajebat) referas Deo, quòd nostras constitutiones hactenus ignoraveris; secus enim lumen coeli fortassis non ampliùs videres: scias interim à toto confesso peremptoriè tibi præcipi, ut intra spatium viginti quatuor horarum hac civitate, proximis verò diebus reliquo nostro Regno exulas, secus si feceris, quamprimùm deprehensus infallibiliter perpetuò incarceraberis. Hæc ex ore Titii reducis intellexi. Jam verò ad nostrum propositum dubitare licet 1. an fuerit obligatus fateri se esse Catholicum? 2. an fuerit obligatus fateri statum Sacerdotalem, & quòd jam sæpius in Anglia ad aram hinc inde steterit? 3. an salvâ conscientia potuerit negare, se quidpiam de constitutionibus anglicanis, tam graviter prohibitis scivisse?*

R. ad hanc speciem facti 1. Titius non ob- 61
stante quocunque periculo tenebatur fateri se esse Catholicum. Ratio est: quia secundum dicta n. 45. & 46. tenemur profiteri fidem veram, quotiescunque id exigit honor

R. P. Elbel, Pars II. de Fide &c. E Dei

Dei & Christi ; quippe cui revera magnus honor fuisset ademptus, casu quo Titius sive ex timore , sive ex verecundia negâisset se esse Catholicum, seu quod idem est, profiteri illam doctrinam, quam Christus Servator noster docuit, voluitque ubivis locorum publicè contestatam coram Regibus ac Principibus terræ ; id quod ampliùs confirmari potest ex illa propositione n. 18. ab Innocentio XI. damnata : *Si à potestate publica quis interrogetur, fidem ingenuè confiteri, ut Deo & Fidei gloriosum consulo: tacere ut peccaminosum per se, non damno.*

Quin etiam secundum dicta in simili casu ne quidem licet uti verbis æquivocis, ex quibus interrogantes possent ac deberent præsumere, respondentem non esse Catholicum, sed alterius sectæ : nec unicum duntaxat, sed multiplex peccatum committit, qui publicè interrogatus fidem negat, nam 1. mentiendo peccat contra veracitatem. 2. peccat contra virtutem Religionis peccato commissionis contra præceptum negativum de nunquam neganda fide. 3. peccat peccato omissionis contra præceptum affirmativum de profitenda fide. 4. insuper peccat peccato scandalii, si alii ex taciturnitate vel potius negatione inducantur ad abnegandam veram fidem, vel etiam ad pertinaciùs inhærendum falsæ sectæ. Videatur de hoc Matthæucci *in cautel. Confessar. lib. 2. c. 12. n. 3.*
 R. jam

62
R. jam ad 2dum. Titius minimè fuit obligatus fateri statum Sacerdotalem, neque quòd in Anglia jam sæpiùs hinc inde ad aram steterit. Ratio est: partim quia Consistorium Anglicanum non habuit legitimam potestatem examinandi Sacerdotem Catholicum, præsertim in odium fidei veræ: partim etiam, quia per hoc, quòd negaverit suum statum, minimè censi debet negasse fidem veram; secus enim & laicus negando se esse Sacerdotem, dici deberet, negare fidem. Accedit insuper, quòd Consistorium Anglicanum quartum & quintum interrogatorium non posuerit in ordine ad explorandam fidem Titii, quippe quam ex responsione ad 3tium jamjam habuit exploratam, sed potius ad dignoscendum crimen (quale tamen non commisit) seu etiam transgressionem constitutionis Anglicanæ, ad quam pariter in conscientia non fuit obligatus. Et datò etiam, non concesso, quod per 4tum & 5tum interrogatorium voluisset explorare fidem Titii, nihilominus negando se esse Sacerdotem, aut se unquam celebrasse, per hoc non negasset fidem, sed potius aliquid accessoriè & merùm per accidens se habens ad veram fidem. Insuper rectè advertit Sporer *tr. 2. c. 2. sect. 4. n. 24.* quòd quavis deum auctoritate examinatus; an sit Sacerdos? an Monachus? an Sacrum legerit? an jejundet diebus ab Ecclesia Catholica interdictis?

E 2

ctis? &c. etiam si advertat, ex mente interrogantis idem esse ac quærere, an sit Catholicus? nihilominus sine præjudicio fidei & tutâ quidem conscientia, modò utatur debita restrictione mentali, negare possit, se esse Sacerdotem &c. quia multi dantur non Sacerdotes, non Monachi, non legentes Sacrum, non servantes jejunium &c. qui tamen sunt boni Catholici. Secus dicendum foret, casu quis interrogatur, an sit Papista? quia hæc interrogatio æquivalet huic: an sit Catholicus? quemadmodum igitur nunquam licet negare, se esse Catholicum, ita nec licet negare, se esse Papistam. Videantur de his Tamburinus *lib. 2. Decalog. c. 1. §. 3. num. 3.* Matthæucci *ubi supra c. 12. n. 8.* Henno *loc. cit. Resol. 8.* vel Kresslinger *in addit. post. n. 52. ad tr. 4. dist. 2. R. P. Reiffenstuel.*

- 63 R. jam ad 3tium. Esto Titius non ignoraverit Constitutionem Anglicanam, vi cujus Catholicis interdicitur exercitium Religionis, potuit nihilominus utendo debita restrictione mentali negare se quidpiam scivisse, intelligendo scilicet de constitutione iusta & obligante, de qua Judex interrogâsse censendus est. Ratio est: quia dicta constitutio, utpote in odium Christianæ Religionis & in perniciem animarum facta, re ipsa coram Deo non est iusta, neque habet vim obligandi, æquè parùm ac illa Principum Syna-

Synagogæ *Actor. 4. v. 18.* vi cujus prohibuere Apostolis, ne evangelizando gentibus Christum annuntiarent: prout jam diximus *tract. prælim. Confer. 9. num. 253.* Et certe Cancellarius ille Anglicus respectu Titii nostri ceu Sacerdotis Catholici non fuit Judex legitimus: atqui Judici non legitimo vel non legitimè interroganti, nullus tenetur respondere. Adde insuper, quòd quicumque demum & quantumcunque reus possit Judici probabiliter cum restrictione non purè mentali respondere, si prævideat, se aliter non evasurum imminens sibi periculum mortis, exilii, carceris perpetui, aliudvè consimile grave malum, veluti docet Palavicinus *de fide c. 2.* eundemque secutus la Croix *lib. 3. part. 1. n. 287.* at, Titius alià via in his circumstantiis non potuit declinare carcerem &c. ergo

CASUS SECUNDUS.

SEmpronius Chalcographus Catholicus dissimulata fide sua servitia Augustæ locavit cuidam Chalcographo Acatbolico in hac arte Magistro; tum quia artificem Catholicum, cui sua locasset servitia, invenire non potuit; tum etiam quia ab illo Acatbolico se in hac arte amplius perfectum iri sperat; hac de causa jam ab aliquot mensibus egit quasi unus ex illis, id est, Lutheranis; nam 1. nullam prorsus hactenus fecit crucem. 2. Ecclesias Eorundem regulari-

ter frequentavit. 3. Diebus ab Ecclesia interdictis comedit carnes. 4. Diebus festivis Missam non audivit. 5. Denique dum subinde fidem Paptizicam (uti appellare solent) ejusdemque ritus traduci audivit, ne dum non contradixit, verum etiam ut fidem suam protinus dissimularet, iisdem corripit. Quæritur jam, an Sempronius peccavit vel quomodo?

64 R. Sempronium hæc & similia factitando peccasse procul dubio graviter nedum contra præceptum affirmativum de fide Catholica exterius profitenda, sed etiam contra præceptum negativum de fide non neganda. Ratio hujus evidenter colligi potest ex dictis n. 55. quisquis enim ordinariè frequentat Sectariorum Ecclesias, Conciones &c. ita, ut videatur, & ab omnibus quasi habeatur, aut certè haberi debeat quasi unus ex illis, præsertim si fidem Catholicam traducuntibus corrideat &c. non solum hanc minimè profitetur, sed potius negasse censendus est: at, hoc fecit Sempronius, veluti constat ex specie facti hujus: ergo.

Nec dubitandum, quin Sempronius ex ulteriori cohabitatione & conversatione cum hæreticis foret expositus periculo omnimodis abnegandi fidem; nam corridendo traducuntibus ritus, fidemque Catholicam satis videtur ostendere, quòd hanc exiguo habeat in pretio, & quasi pudeat, esse se Catholicum. Quin etiamsi supponeretur hæc & similia

similia non fecisse animo abnegandi vel spernendi suam fidem, sed præcisè occultandi, proptereaque perfectiùs addiscendi suum artificium, quia tamen in hoc loco cogitur se gerere quasi unum ex illis, profanando dies festos, non servando jejunium, imò Eorundem Ecclesiam & conventicula seu etiam Conciones frequentando, cum maximo detrimento bonorum spiritualium, hinc à Confessario tutà conscientia absolvi non potest, nisi sanctè adpromittat, se quamprimum moraliter potuerit, deserturum hanc conditionem, suaque servitia alteri Catholico locaturum, ubi habuerit occasionem Catholicè vivendi, Deoque modò debito serviendi. Videatur Gobat *Theolog. experim. tr. 5. n. 321. & 337.* vel noster A. R. P. Kazenberger *in Supplemento I. P. Sargar, confer. 24. n. 24.*

Ergonè, inquires, judicandum aut concludendum est, Sempronium toties peccâsse mortaliter, quoties Sacrum neglexit, vel jejunium Ecclesiasticum non observavit?

R. Minimè gentium; certum quippe esse debet, dari multas causas excusantes tum ab auditione Sacri, tum etiam ab observantia festorum, prout apud omnes etiam catholicè sentientes in confesso est. Profectò R. P. Gobat insignis Auctor & Moralium Professor *in sua Theolog. experim. tr. 5. n. 441.* conformiter ad mentem aliorum, quos ibi

à num. 437- refert & citat, docet, ab auditione Sacri excusare saltem mediocrem incommoditatem in bonis animi, corporis, famæ vel fortunæ: at, minimè dubitandum est, quin Sempronius interim deferendo hanc conditionem debuisset subire haud modicam fortunæ suæ jacturam; cùm supponatur, non potuisse invenire alium Dominum, cui sua locâset servitia: ergo intuitu hujus incommodi declinandi potuisset una alteravè vice dissimulare auditionem Sacri vel observantiam jejunii, eò quòd Ecclesia ceu pia & sapientissima Mater ex similibus motivis velit filiis suis condescendere, uti benè advertit Sanchez in *Consil. moral. l. 7. c. 2. dub. 45*. Cogendus nihilominus est Sempronius ad deferendam quantocyùs hanc conditionem, ob rationes mox datas.

- 66 Et quia secundùm dicta *de actib. hum. Confer. 3. n. 62*. bonitas & malitia actuum humanorum vel maximè dependent à judicio practico prudentiali; hinc ad practicè in hoc casu colligendum tum numerum, tum etiam speciem peccatorum vel maximè juvabit examinare Sempronium, qua mente, quavè fide aut conscientia frequentaverit Lutheranorum Ecclesias, Conciones &c. carnes comederit, & Sacrum neglexerit? an nunquam, vel quoties de peccato mortali sibi timuerit? &c. & ex responsis ejusdem facile erit colligere numerum ac speciem peccatorum.

CASUS

CASUS TERTIUS.

*C*Ajus Præco Arianus dignatione superna tum ex lectione Scripturarum, tum etiam ex interiori Spiritûs Sancti illustratione satis clarè cognovit sectæ suæ falsitatem; quam ob rem tempore gravis infirmitatis, quâ decubuit, postulavit ad se vocari Sacerdotem Catholicum, & quidem in vestibus secularibus compariturum, quatenus hâc modo declinaret coram suis omnem suspicionem abjurandæ hæreseos. Sacerdoti verò coram apparenti aperuit illicò suam mentem, petens humiliter baptizari, sed cum duabus exceptionibus expressis, scilicet 1. ut si ex hoc morbo decederet, sibi liceret dissimulare fidem Catholicam & baptismum susceptum. 2. Ut si denuò reconvalesceret, permetteretur exspectare occasionem magis commodam, quâ Fidem Catholicam sinè ulteriori periculo fortunæ honorûmque temporalium posset exterius profiteri. Quæritur jam, an hæc à Sacerdote Catholico potuerint licitè permitteri Cajo?

R. ad primam conditionem, eam Cajo neutiquam potuisse accordari, quippe qui ante mortem saltem tenebatur hæresin damnare Arianam, errorésque, quos publicè docuerat revocare, tum ad gloriam Dei, tum ad aliorum etiam salutem; secus tutâ conscientia velut indispositus baptizari non potuisset. Ratio hujus resolutionis petenda

E 5.

est

est ex dictis paulò superiùs n. 24. quia quivis fidelium tenetur Fidem suam exteriùs profiteri (non obstante quacunque demum iactura) casu quo id exigit honor Dei ac Christi, vel salus proximorum: atqui in his circumstantiis nedum honor Dei & Christi, sed etiam salus proximorum exigebat à Cajo professionem publicam Fidei Catholicæ; secus enim alii à Cajo vel seducti, vel certè in erroribus suis confirmati procul dubio ulteriùs perseverassent in suis erroribus, utique non sinè evidentissimo animarum & salutis dispendio, Divinique honoris detrimento: ergo &c.

At quid, inquires; si Cajo nullis rationibus potuisset persuaderi, ut ante mortem suam coram plebe ariana revocaret suos errores, & publicè profiteretur fidem Catholicam?

- 68 R. Huic tam facilè non esse condescendum, sed potiùs omnimodis inducendum esse, ut per seipsum vel vocaliter vel scriptotenus revocet: si tamen ad hoc tentatis omnibus persuaderi non valeat, ultimi remedii loco pro salute animarum eidem persuadendum putarem, ut si tempus vel status infirmitatis id permittant, coram duobus aut tribus testibus protestetur, se huic homini (Sacerdoti scilicet Catholico) aliquid Religionem & animarum salutem concernens concredidisse, quod post obitum suum ipsis
velit

velit seriò inculcatum, moxque in præsentia Arianorum roget Sacerdotem Catholicum, quatenus post suum (Caji scilicet) obitum velit illud secretum reliquis Arianis suo nomine efficaciter proponere & inculcare; hoc enim modo probabiliter suæ satisfaciet obligationi, evadetque subjectum capax baptismi, prout in casu haud multum absimili cum Laymanno *lib. 3. T. 6. c. 5. §. un. n. 25.* & A. R. P. Kazenberger *in supplement. decal. P. Sporer c. 2. n. 233.* diximus *tr. de Restit. Conf. 9. n. 249.* de quadam malefactorice, quæ ob timorem gravioris supplicii incurrendi non vult per se ipsam & ante, sed post mortem primùm per Confessarium retractare falsam calumniam alteri innocenti impositam.

A fortiori hoc consilium practicari potuisset, si Cajus non fuisset Præco Arianus, sed 69
communi de plebe homo, qui neminem unquam seduxisset aut confirmasset in sua falsa secta; quia cùm in tali homine nec honor Dei, neque salus animarum periclitetur, neque aliunde urgeat præceptum de fide Catholica exterius profitenda, hinc ob verè rationabilem & gravem causam posset facilius in tali homine dissimulari externa professio fidei. Nec refert, quòd propterea fortassis crederetur, ab aliis decessisse ex hac vita in secta Ariana, & tanquam infidelis: non, inquam refert: quia ob verè gravem causam possu-

possumus permittere hanc falsam & erroneam existimationem ab aliis conceptam, modò absit scandalum, & præceptum confessionis fidei non urgeat, prout præter alios benè docent Sanchez *lib. 2. decalog. c. 4. n. 29.* & Filiucius *tr. 22. c. 3. n. 90.*

Ex quibus ulterius

- 70 R. jam ad alteram conditionem à Cajo propositam, Cajo scilicet tutâ conscientiâ potuisse permitti, ut recuperata valetudine ad aliquod tempus dissimularet professionem externam fidei Catholicæ exercendo interim actus velactiones communes Arianis cum Catholicis, usque dum occasionem magis commodam sibi, suisque prospiciendi invenisset: nullatenus tamen eidem permittendum fuit, ut exerceret actus protestativos sectæ Arianae, utpata exercendo officium Pastoris Ariani, Sacramenta ipsorum more administrando, vel sermonibus, operibusvè in illorum secta eos confortando &c. Ratio hujus petenda est ex dictis *n. 52.* quia in nullo casu fas est falsam sectam profiteri, aut fidem veram negare, benè tamen ob verè rationabilem causam fidem veram dissimulare, at, Cajus exercendo actus protestativos sectæ Arianae fidem veram negaret, non item exercendo actus communes Arianis cum Catholicis: ergo hoc posterius licitè facit, non item illud prius. Videatur de hoc Tamburinus *lib. 2. in decalog. c. 1. §. 3. n. 12.*

§. III.

§. III.

Corollaria ex dictis inferenda.

Colliges ex hætenus dictis 1. vi præcepti 71
divini nobis esse vitanda omnia illa ver-
ba, actiones vel opera, quæ vel ex se & na-
tura sua, vel certè ex circumstantiis signifi-
cant internam abnegationem fidei: è con-
tra illa, quæ vel ex se, vel certè ex circum-
stantiis non significant internam fidei abne-
gationem ob rationabilem causam licitè ex-
ercemus. Hanc velut Regulam universa-
lem vix non iisdem terminis tradit Tambu-
rinus *loc. cit.* §. 3. n. 2. eumque secutus Spo-
rer *tr. 2. c. 2. sect. 4. n. 30.* Ratio hujus est:
quia ex præcepto divino tenemur fidem ve-
ram nunquam negare, licèt fas sit, eandem
in certis circumstantiis dissimulare, veluti
constat ex hætenus dictis: at, qui observa-
verit mox traditam regulam, fidem veram
non negat &c. ergo non peccat.

Colliges 2dò, interrogatum à Persona 72
privata, quæ scilicet nullam præsefert aucto-
ritatem publicam, non teneri respondere,
cujus sit fidei, sed posse interrogantem illu-
dere v. g. dicendo: *quid ad te?* vel *teneo*
fidem semel susceptam &c. quia secundùm di-
cta per hoc non periclitatur honor Dei, vel
Christi, neque salus propria aut proximi,
utì supponi debet. Supponendum insuper
est, quod ex tali dissimulatione fidei vel ta-
citur-

citurnitate ad interrogationem factam cesset scandalum; nam quòd subinde tacens de sua fide etiam dum publicè examinatur, argui non possit eandem abnegare, quin potius profiteri, sapienter advertunt Cardenas *in crisi theolog. dissert.* 12. n. 15. eumque secutus la Croix. *lib. 2. c. 2. n. 56. & 57.*

- 73 Colliges 3tò, quemvis Catholicum, casu quo videret SS. Eucharistiæ Sacramentum, Crucifixum, aliàsve SS. Images &c. indignè & sacrilegè ab hæreticis, vel alio quocùnque demum tractari, fore obligatum nedum ad fidem Catholicam exteriùs publicè profitendam, verùm insuper ad impediendam pro viribus hujusmodi injuriam quia in tali casu urget honor Dei & Christi, ut de se liquet. Si tamen prævideres in his vel illis circumstantiis tuam protestationem vel conatum nihil profuturum, non erit, unde obligeris, inquit Sporer *loc. cit. n. 25.*

- 74 Colliges 4tò, eum, qui tempore persecutionis instantis fugit, minimè arguendum esse, quòd velit fidem negare: quin potius hujusmodi fuga signum est, quòd velit libentiùs alia, quæcunque demum hætenus possedit, deferere, quàm veram fidem. Quare per se loquendo (ubi scilicet salus animarum, vel honor Dei aliud non requirit) haud quamquam illicitum erit fugere, quin potius aliquando consultum, v. g. in casu, quò Pastor prævideret, hujusmodi fugam condu-

conducturam ad aliorum plurium salutem, præsertim, si alium locò sui substitueret, qui animarum curam interim ageret : quod tamen cautè, & non nisi cum consensu, Reverendissimi Ordinarii saltem rationabiliter præsumpto attentandum est. Videantur de hoc Tamburinus *loc. cit. n. 6.* Sporer *n. 28.* Henno *ubi supra q. 1. Resol. 5.* vel Herincx *cit. disp. 8. n. 15. & seqq.* ubi hoc punctum accuratè examinat, & sapientissimè resolvit.

Colliges tandem 5^{to}, etiam Catholicis 75
ex gravi & rationabili causa absque præjudicio fidei permitti posse sequentia 1. in Comœdiis agere personam Sacrificuli vel Idololatræ, & coram Idolo thus immolare. 2. ingredi templa hæreticorum unâ alteravè vice, animò videndi illa, seu etiam explorandi, quidnam ibi agatur. 3. Insuper in nostra præsertim Germania haud illicitum est assistere, vel etiam comitari funus hæretici, ex mera politia vel civilitate, uti passim fieri solet etiam reciprocè ab A catholicis. 4. Etiam in locis merùm A catholicis ubi sponsi Catholici morari tenentur &c. coram Magistratu civili, vel etiam ministro hæretico velut testibus præcisè inire matrimonium tanquam contractum civilem &c. Ratio est : quia hæc & similia vel non sunt signa protestativa alienæ sectæ, vel si quidem talia sunt ex se, uti est incensatio Idoli &c. nihilominus

nus ex circumstantiis loci, personarum &c. satis evidenter datur intelligi, quod non fiant animò alienam seu falsam Religionem vel Sectam protestandi, sed potius animò repræsentandi id, quod Sectarii seu etiam Idololatræ faciunt, aut facere consueverunt. Ita reipsa fert communis Doctorum opinio. Henno *tr. de virtut. disp. 4. q. 1. conclus. 1. Resolut. 1. & seqq.* Herincx *inoster part. 3. tract. 1. disp. 8. n. 29. & seqq.* Babenstuber *tract. 5. disp. 1. artic. 1. à n. 54.*



CONFERENCE TERTIA.

De Infidelitate.

S U M M A R I U M.

76. Infidelitas ut sic importat defectum contra fidem.
77. Alia dicitur merum negativa, alia verò positiva.
78. Hæc posterior rursus subdividitur in tres species, scilicet 1. in Paganismum, 2. Judaismum, & 3. Hæresin.
79. Breviter declaratur quid sit Paganismus; &
80. Quid Judaismus; & denique
81. Quid formaliter importet hæresis.
82. Hæresis alia dicitur materialis, alia formalis.
83. Pertinacia hæreticum formalem constituens consistit in obstinatione voluntatis, vel potius iudicii contra iudicium Ecclesiæ.
84. Quale, & quam grave peccatum sit infidelitas?
85. An, vel quando dubitans de aliqua veritate fidei habendus sit pro hæretico?

86. Quid

86. Quid, & quoruplex sit Apostasia?
87. Quid sit Schisma, vel, esse schismaticum?
88. Resolvitur Casus I. cujusdam Catholici, qui animò explorandi fidem alterius de hæresi sibi suspecti dixit, se velle amplecti fidem Lutheranam.
89. Qua de causa Confessarius eidem postea negavit beneficium absolutionis, sed malè.
90. Satisfit cuïdam instantiæ in contrarium.
91. Resolvitur Casus II. cujusdam acatholici, potentis à quodam R. D. Parocho unà cum suo filio duodenni instrui in fide Catholica.
92. Undenam colligendum, an fuerit hæreticus materialis duntaxat vel verò formalis, ideóque absolvendus vel non?
93. Et quid tenendum de eo, qui à Patre Catholico, Matre verò acatholica natus asserit, se credere quidquid parentes sui credunt?
94. Resolvitur Casus III. cujusdam Subdiaconi, nolentis credere, quòd omnes consodales S. Ursulæ fuerint Virgines;
95. Insuperque asseruit, se hoc nunquam crediturum, tamen à S. Pontifice è Cathedra proponerentur ut tales, id est, Virgines.
96. Quidsi hujus facti pœnitens ex post facto dicat, se suspensurum suum judicium de hac re?
97. Minimè dubitandum videtur, quin hodie dum dentur multi hæretici merùm materiales.
98. Enimverò multi etiam vincibiliter ignorantes mysteria nostræ fidei, vel suæ sectæ adhærentes, non semper reputari debent hæretici formales.
99. Habendus tamen est pro hæretico, qui negat veritatem, quam agnoscit à Deo certè, licet privatim sibi revelatam.
100. Idem ferendum judicium de iis, qui decisiones in materia fidei & morum à SS. Pontificibus è cathedra nolunt admittere in eo sensu, quò intelligendæ proponuntur; quod
101. Breviter magis dilucidatur.

102. Quid iudicii de iis, qui negant Summum Pontificem esse supra Concilium?
 103. Fides habitualis non amittitur per quodcunque peccatum infidelitatis.
 104. Infideles tamen, quicumque demum, exactæ sunt instruendi in rebus fidei, priusquam ad hujus professionem publicam admittantur.

§. I.

Præmittuntur, & breviter resolvuntur quæsitæ, scitu necessaria ad resolvendos casus practicos de Infidelitate.

76 **Q**uæres primò, quid, & quotuplex sit infidelitas?

R. ad primum. Infidelitas ut sic est peccatum, seu etiam defectus contra fidem. Ita ex communi DD. tradit Sporer tract. 2. in decalog. c. 3. sect. 1. assert. 1. Ratio hujus descriptionis de se patet; nam infidelitas impræsentiarum sumitur, prout opponitur fidei divinæ: atqui peccatum vel defectus contra fidem opponitur fidei, ut de se liquet, ergo infidelitas haud ineptè describitur per defectum &c. &c.

77 **R.** jam ad 2dum. Infidelitas ut sic rectè partitur immediatè in positivam & negativam. Ita rursus communis DD. Et ratio est: quia omnis infidelis vel ignorat mysteria fidei, vel positivè aliquid fidei contrarium sibi habet persuasum: at, si ignorat, dicitur meritò infidelis negativè, in quantum habet vel carentiam vel etiam negationem fidei;

si

si verò aliquid veræ fidei contrarium negat, dicitur infidelis positivè, id est, imbutus errore positivo sanæ & salvificæ fidei contrario. Cæterum utraque hæc infidelitas meritò à Theologis solet distingui in culpabilem, & inculpabilem; experientia quippe constat, dari nonnullos homines, qui inculpabiliter ignorant mysteria fidei, vel quia nondum sunt capaces talis scientiæ, veluti sunt infantes (qui propterea appellantur infideles negativè) vel tametsi fuissent capaces, nihil tamen unquam audierunt de fide vera, vel certè de uno alterovè mysterio (& hi rectè dicuntur infideles privativè tales) denique etiam reperire est alios, qui defectu sufficientis instructionis credunt aliquid fidei positivè contrarium: hi omnes dicuntur infideles inculpabiliter tales. Econtra alios reperire est, qui culpabiliter mysteria fidei ignorant, vel contrarium sibi persuasum habent, eò quòd scilicet nunquam studuerint addiscere ea, quæ sunt necessariò Fide Divina credenda, vel pro mero arbitrio credant, quidquid demum arridet, aut eorundem genio placet: qui proin haud immeritò dicuntur infideles culpabiliter tales, juxta *communissimam DD. quam tenet Reiffenstuel Theolog. moral. tract. 4. dist. 4. num. 3.*

Quæres 2dò, quot de factò dentur species infidelitatis?

78

R. Tres hodie communiter recensentur species infidelitatis positivæ, scilicet 1. Paganismus. 2. Judaismus, & 3. Hæresis. Ita Doctor Angelicus 2. 2. q. 10. art. 1. *communiter à Theologis receptus*. Ratio est: quia universim tot species vitii rectè assignantur, quot modis contingit ipsum repugnare virtuti sibi oppositæ: atqui vitium infidelitatis vel repugnat veræ fidei simpliciter, id est per omnia, quia scilicet talis infidelis fidem prorsus nunquam suscepit, & tunc dicitur Paganismus; vel repugnat solum quantum ad Novum Testamentum, ita ut veram fidem semel in figuris quidem suscepit, & etiamnum protestetur saltem quoad Vetus Testamentum, & tunc dicitur Judaismus; Vel denique repugnat fidei habitualiter saltem reipsa vi baptismatis susceptæ, & tunc talis infidelis appellatur hæreticus, prout mox amplius patebit ex dicendis. Interim pro majori claritate

Quæres jam 3tiò, quid sit Paganismus, & quid Judaismus?

79

R. ad primum. Paganismus est infidelitas ante susceptam Fidem veritatibus Fidei Catholicæ universaliter contradicens. Ita post alios Sporer *l. cit. c. 3. n. 9.* Rectè autem paganismus per hoc discriminatur à Judaismo & hæresi, quòd universaliter dicatur contradicere Fidei Catholicæ; esto enim Turcæ (qui habentur pro Paganis) nobiscum

cum convenient in eo, quòd credant Deum esse unum, vel esse futurum iudicium &c. hæc tamen convenientia materialis potiùs, quàm formalis dicenda est; quia idem objectum materiale non credunt nobiscum ex eodem motivo formali, scilicet revelationis Divinæ, sed quatenus propositum ab ipsorum falso Propheta, scilicet Machomete.

R. jam ad 2dam partem hujus quæsit. 80
Judaismus est infidelitas admittens quidem fidem susceptam in typo & figuris Veteris Testamenti, repugnans tamen fidei nostræ quantum ad novum Testamentum. Ratio est: quia Judæi per hoc à nobis differunt, quòd Vetus quidem Testamentum nobiscum admittant, non tamen novum; firmiter enim sibi persuasum habent, nondum advenisse verum Messiam in lege promissum, sed primum adventurum in Mundum cum potestate magna &c. Ex quo liquet, eos meritò haberi pro infidelibus.

Quæres 4tò, quid sit Hæresis & quotuplex?

R. ad primum. Hæresis ut sic est hominis Christianam Religionem professi error intellectualis contra aliquam fidei veritatem. Ita communis Theologorum. Perbenè autem dicitur error, non qualiscunque, sed intellectualis; nam sicut fides in intellectu ceu principali parte hominis residet; ita & hæresis utpote fidei veræ è diametro opposita in ea-

dem potentia suum figit domicilium: ac proin rectè dicitur error intellectualis.

- 82 R. ad 2dam partem hujus quæsti. Hæresis ut sic duplex est, alia scilicet merùm materialis, alia etiam formalis. Ita rursus Doctores *communissimè* cum sancto Thoma 2. 2. q. 11. art. 1. Prior, hæresis scilicet materialis, importat quidem errorem, sed ex ignorantia provenientem, & absque pertinacia perseverandi in tali errore; ut si quis ex mera simplicitate, vel etiam defectu sufficientis instructionis credat, non dari nisi duo aut tria Sacramenta, vel Deum non esse nisi unum &c.

Posterior autem, hæresis scilicet formalis rectè describitur, quòd sit *voluntarius & pertinax error intellectus contra aliquam vel plures fidei veritates in homine Christianam Religionem professò*. Error voluntarius idè dicitur; quia quemadmodum ad verùm actum meritorium fidei requiritur pia quædam voluntatis affectio, ità ad hæresim formalem ceu actum demeritorum necessaria est quædam prava affectio voluntatis. Deinde hæresis formalis est peccatum: omne autem peccatum dependet ab arbitrio humano: ergo &c. Dicitur insuper error contra *aliquam* vel *plures*: ad hæresim enim sufficit, quòd quis contradicat saltem uni, vel alicui veritati; quia talis reverà errat à via veritatis infallibilis: contra plures etiam veri-

veritates hæreticus errare potest, absque eo, quòd evadat Paganus aut Judæus, veluti liquet de Lutheranis, Calvinistis &c. Insuper dicitur *in homine Christianam Religionem professò &c.* Qui enim hanc nunquam professi fuère sive in baptismo sive aliò modo, simulque aberrant à vera fide, potius gentilibus vel Judæis, quàm hæreticis annumerari merentur. Illud verò singulari nota dignum est, quòd dicatur error *pertinax*; quia pertinacia est formale constitutivum & distinctivum hæreseos formalis ab hæresi merum materiali proximè descripta.

Ast in quo ergo (inquies fortassis) propriè consistit hæc nota characteristica hæreticorum, scilicet pertinacia?

℞. Pertinacia consistit in eo, quòd quis 83 articulo seu etiam pluribus articulis fidei sibi sufficienter propositis (ita scilicet, ut de illorum veritate non amplius dubitare possit prudenter) nihilominus teneat contrarium, idque nolit relinquere, nequidem propter auctoritatem Ecclesiæ vel aliam quamcunque, nisi fortè manifestè convictus. Unde ad hanc pertinaciam minimè necessaria est longior mora, sed sufficit ad formalem hæresin incurrendam voluntaria & obstinata oppositio judicii proprii veritati satis propositæ. Et licèt intellectus ceu potentia naturalis veritati satis sibi propositæ & agnitæ nequeat resistere contradicendo; nihilomi-

nus hæretici formales (quales meritò præsumi possunt ac debent Præcones, seu, ut vocant, Pastores Acatholicorum, illi saltem, qui veritati, indagandæ seriò incumbunt aut incumbere volunt) communiter id faciunt hac de causa; quia sinistra affectione, vel aliis motivis temporalibus absteriti nolunt impendere aciem intellectûs ad agnitionem veritatis, quin potius illicò sese convertunt, ad alia motiva quantumvis futilia, quæ sibi suisque persuadeant errores contrarios: sicut ex similibus motivis Principes Synagogæ noluerunt agnoscere innocentiam Christi, tametsi eandem potuissent satis evidenter agnoscere, modò voluissent. Videatur de hoc Herincx *disp. 9. n. 22.* vel Babenstuber, *tr. 5. disp. 1. art. 2. n. 14.*

- 84 Quæres 5^{to}, quale peccatum sit infidelitas?
 R. Infidelitas formalis est peccatum commissionis, & quidem 2. gravius reliquis omnibus, quæ contra virtutes morales committuntur, licet 3. non sit gravissimum simpliciter, seu gravius iis, quæ pugnant contra virtutes Theologicas. Ità rursus satis communiter Doctores, nominatim Herincx *noſter part. 3. tr. 1. disp. 9. num. 11.* Castropalao *tr. 4. disp. 2. punct. 1. n. 11.* & alii.

Ratio primi est: quia infidelitas formalis secundum dicta consistit in erroneo, eoque voluntario iudicio contra fidem: at hoc importat commissionem, non omissionem;
 hinc

hinc fit ut omittens actum fidei eo tempore, quò urget præceptum, peccet quidem, sed non peccato infidelitatis, quemadmodum omittens actum dilectionis tempore debito, non propterea peccat peccato odii. Ratio 2di est: quia peccatum tantò est gravius, quantò magis hominem à Deo avertit: atqui peccatum infidelitatis vel maximè avertit hominem à Deo, quippe per quod vera Dei cognitio aufertur: ergo infidelitas est gravius peccatum, quàm illa, quæ committuntur contra virtutes morales. Ratio autem 3tii hæc est: quia peccatum odii erga Deum, quod Charitati Theologicæ adversatur, omnium confessione excedit in gravitate reliqua peccata repugnantia virtutibus Fidei & Spei Theologicæ: ergo peccatum infidelitatis nequit dici simpliciter gravius omnibus peccatis, etiam iis, quæ committuntur contra virtutes Theologicas.

Quæres 6tò, an etiam ille dicendus sit infidelis vel hæreticus, qui solùm dubitat de aliqua veritate fidei?

R. affirmativè, loquendo de dubitante 85 post veritatem fidei satis propositam (secus enim dicendum est de dubitantibus ante veritatem fidei satis sibi propositam; talibus enim dubia vitio verti nequeunt, ut de se liquet)

Ratio autem nostræ resolutionis (quam contra Sanchez, Malderum, Canum, &

paucos alios) tenent Castropalaus *tract.* 4. *disp.* 3. *punct.* 2. *n.* 9. Coninck *disp.* 18. *dub.* 7. *conclus.* 6. *n.* 102. Suarez & alii plures, quos sequitur Michel *Theol. canon. mor. part.* 1. *q.* 1. *punct.* 1. *n.* 5. *pap.* 353. est: quia dubitans de aliquo articulo fidei v. g. de reali præsentia Christi in Sacrosancto Eucharistiæ Sacramento, licet per hoc quòd dubitet, realem præsentiam ceu veritatem fidei non neget, nihilominus dubitando de ea satis manifestat, se non credere infallibilitatem Ecclesiæ: at, qui hanc non credit, vel in dubium revocat, meritò habetur pro hæretico. Hac de causa *cap.* 1. *X. de hæreticis* dicitur: *dubius in fide est infidelis.*

Quæres 7timò, quid & quotuplex sit Apostasia?

- 86 R. Nomine Apostasiæ ut sic communiter intelligitur *discessio quædam*, seu etiam *defectio*, & hæc ab aliis dicitur triplex, ab aliis omninò quadruplex, scilicet 1. Apostasia à Religione. 2. ab Ordine Sacro. 3. ab Obedientia, & 4. à Fide. Ita in terminis Sporer *tr.* 2. *c.* 3. *sect.* 1. *n.* 11. Explico breviter singulas species. Apostasia à Religione definitur, quòd sit criminosa & mortifera discessio à Religiosi Ordinis instituto sinè animo revertendi: ita *jus commune*, licet in nostra (fortassis etiam aliis pluribus Religionibus) pro Apostatis habeantur, & ut tales puniri soleant, qui sub alio prætextu Religionem

nem
lati
habe
stasia
in C
tum
auct
sia a
obed
here
tur,
scep
do a
qua
nequ
per
apost
expl
dem
desc
cret
Chr
insu
con
flex
tæ p
sequ
pro
lita
cit.
totu

nem aut monasterium sine legitimi sui Prælati obedientia vel licentia deserunt, esto habeant animum denuò revertendi. Apostasia à *Sacro Ordine* dicitur, dum Clericus in Ordinibus majoribus constitutus ad statum laicalem vel matrimonialem propria auctoritate se transferre præsumit. Apostasia *ab obedientia* appellatur, dum quis ab obedientia legitimi sui Superioris sese subtrahere nititur. Denique Apostasia à fide dicitur, dum quis à vera fide in baptismo suscepta & explicitè professà deficit, assumendo aliam Religionem vel sectam falsam. Ex qua descriptione liquet 1. neque paganos, neque Judæos, neque etiam hæreticos semper in hæresi natos & educatos dici posse apostatas; quia hi omnes nunquam fuere explicitè professi veram seu Catholicam fidem. Liqueat insuper 2. Apostatas à fide mox descriptos incurrere pœnas in hæreticos decretas, prout etiam statuitur *cap. contra Christianos. 13. de Hæreticis in 6to.* Liqueat insuper 3. ab Apostatis explicandum esse in confessione, ad quam falsam Religionem deflexerint: quia infidelitates mox suprâ relatæ procul dubio specie morali differunt, consequenter etiam peccata quæ committuntur pro diversitate Religionum vel potius infidelitatum diversarum. Videatur Sporer *loc. cit.* vel Laymann *lib. 2. tr. 1. c. 16. per totum.*

Quæ-

Quæres tandem 8tavò, quid sit Schisma, & quid esse Schismaticum?

87

R. Schisma est peccatum, quò quis se separat ab unitate Ecclesiæ, quatenus hæc est unum quoddam corpus mysticum ex diversarum conditionum fidelibus tanquam membris tum inter se, tum etiam cum capite summo scilicet Pontifice connexis constitutum. Ita post Valentiam, Laymann *lib. 2. tr. 3. c. 11. n. 4.* quem sequitur Babenstuber *tr. 5. disp. 1. à 2. n. 34.* Ex qua descriptione facilè liquet, illum meritò dici schismaticum, qui à corpore Ecclesiæ sese sequestrat, eò quòd renuat se gerere ut membrum hujus corporis, vel subesse capiti. Quodsi admittitur quidem omnibus fidei articulis solùm nitatur se sequestrare à reliquo corpore Ecclesiæ, dicetur purus schismaticus: è contra si se separet, simulque neget unum vel plures fidei articulos, dicitur schismaticus simul & hæreticus, proptereaque incurrit omnes pœnas hæreticorum, quamprimum suum schisma hæreticum exterius manifestat, uti bene docent Laymann *loc. cit. n. 5.* & Tamburinus in *decalog. lib. 2. c. 1. §. 5. n. 5.* Bubenstuber *loc. cit. n. 36.* aliique plures ab iisdem Doctoribus relati.

§. II.

Proponuntur & breviter resolvuntur Casus practici de infidelitate.

CASUS

CASUS PRIMUS.

Titius in hospitio Cujusdam pagi merùm Catholicici offendit hominem, quem ex diversis indiciis suspicabatur esse Præconem Lutheranum; quare ut omnimodam rei veritatem exploraret, eidem sese jungendo propius familiariter, occultè tamen & clanculò quasi quæsit. an non esset Præco Lutheranus? sciscitanti verò, quam ob causam id quæreret? ulterius respondit Titius noster, sibi jam pridem displicuisse fidem Catholicam, propterea quæ cogitare de amplectenda fide Lutherana. Hoc postea (quod totum joci causâ fecerat) Titius in confessione aperuit: moxque à Confessario repulsam absolutionis tulit, jussus alium quærere, qui se ab hæresi vel potius ab excommunicatione ob hæresin incursum absolveret. Jam ad nostrum propositum quæritur 1. quid de hoc facto Titii 2. quid de responso Confessarii tenendum sit?

℞. ad primum, Titium malè fecisse: esto 88
enim hoc totum non fecerit animò serio, & fortassis nil minùs intenderit, quàm abnegare veram fidem, quia tamen in foro externo simulavit se seriò loqui, asserendo sibi fidem Catholicam jam pridem displicuisse, propterea quæ velle amplecti lutheranam; hinc sinè dubio saltem per se loquendo (nisi scilicet simplicitas aut levitas animi, quâ hujusmodi homines subinde sibi persuadent similia non esse graviter peccaminosa, modò in animo

mo non ita sentiant) graviter peccasse censendus est; quia sin minus corde, saltem ore, contempsit fidem Catholicam, quod sinè gravi injuria in Christum per se loquendo fieri neutiquam potest. Quia tamen fatetur se non fuisse locutum ex animo, nec unquam in mente ita sensisse, hinc nec potest, nec debet dici hæreticus; quia secundum dicta *n. 81.* hæresis necessario importat errorem in intellectu contra aliquam veritatem fidei, simulque pertinaciam in voluntate, prout ex *communi DD.* tradit Reiffenstuel *Theolog. mor. tr. 4. dist. 4. n. 11.*

Ex quibus ulterius

89

R. jam ad 2dum quæsitum, Confessarium similiter malè fecisse, negando beneficium absolutionis Titio, eundemque ablegando ad alium gaudentem potestate absolvendi ab hæresi. Ratio patet: quia Titius nullam incurrit hæresin, neque excommunicationem vel reservationem &c. ergo nec indiguit absolutione ab excommunicatione, per consequens imprudenter & sine justa causa beneficio absolutionis fuit fraudatus, immò injustè gravatus onère, sua peccata iteratò alteri confitendi; ad quod revera minimè tenebatur.

At, inquires, Titius in foro saltem externo videbatur seriò contestari, quòd fides catholica sibi displiceat, proptereaque cogitet amplecti fidem Lutheranorum: ergo in foro

exter-

exter
in hæ
foro
se: E
verò
dist. 3.
non p
R.
non p
que in
omni
bonu
absol
co mi
foro
neque
vatio
dem
Profe
ut qu
curra
omni
conco
festet
tis m
eteni
thera
se, se
vel ad
dicat
nond

externo saltem incurrit excommunicationem in hæreticos latam, quidquid demum sit de foro interno, in quo supponitur aliter sensitse: Ecclesia enim judicat de externis, non verò de occultis, ut habetur *c. Erubescant, dist. 32. Et c. sicut tuis. de simonia*: ergo Titius non potuit absolvi à quolibet Confessario.

R. negando conseq. Nam in primis Titius 90 non postulavit absolvi pro foro externo, neque indiguit absolutione in hoc foro; cum ab omnibus semper fuerit reputatus tanquam bonus catholicus: sed postulavit duntaxat absolvi in foro conscientiae de culpa ex illo loco minùs utique laudabili contracta: atqui in foro conscientiae non fuit noxius hæreseos, neque incurrit excommunicationem vel reservationem: ergo malè fecit confessarius eundem sinè absolutione dimittendo ad alium. Profectò juxta communissimam Doctorum, ut quis in foro externo seu facie Ecclesiae incurrat culpam vel poenam hæreticorum, omnino necessum est, ut hæresin mente conceptam exterius clarè & distinctè manifestet: atqui per allegata verba Titius non satis manifestavit hæresin mente conceptam; etenim dicendo quòd velit amplecti fidem lutheranam, non eò ipso dicendus est asseruisse, se actu credere, quod Lutherani credunt, vel actu esse talem: quemadmodum is, qui dicit se velle amplecti statum Religiosum, nondum intelligitur actu esse Religiosus. Esto
insuper

insuper dixerit, fidem Catholicam jam pridem sibi displicuisse, proptereaque cuiquam potuisset videri suspectus de hæresi; nihilominus si rem velimus maturius perpendere, deprehendimus, quòd hæc verba non clarè significant, seu manifestent hæresin, nam & Catholico potest displicere fides, non quidem simpliciter, vel quasi suspecta de veritate, sed quia post se trahit diversa onera, utputa jejunium Ecclesiasticum, abstinentiam à carnibus, confessionem auricularem & similia. Cùm proin aliunde constet, in dubio potius in mitiorem partem inclinandum esse, Reòque favendum, vel ut dicitur *c. 49. de R. 7. in 6tò: in pænis benignior interpretatio est facienda*; hinc dicendum, quòd Titius ne quidem in foro externo fuerit habendus pro hæretico vel excommunicato. Videatur de hoc Filliucius *tr. 22. n. 185*. Vel Reiffenstuel *cit. dist. 4. n. 12*.

CASUS SECUNDUS

SEmpronius homo cæteroquin satis prudens, nec de infima plebe unàcum filio suo duodenari venit ad quendam Parochum Catholicum, postulans ab eodem ampliùs erudiri & imbui dogmatibus Catholicis: fatetur autem candidè jam pridem sibi præplacuisse fidem Catholicam, nihilominus tamen hactenus semper perseverasse in sua secta Lutherana, eò quòd de nonnullis articulis fidei nostræ nondum fuerit satis convictus,

victus, præsertim de existentia purgatorii, de invocatione Sanctorum, de reali præsentia Christi in Sacramento Eucharistiæ, & denique de communione sub una tantum specie laicis danda &c. Quæritur jam 1. an Sempronius censendus sit hæreticus formalis? 2. an nedum ipse, sed etiam filius duodennis debuerint, aut potuerint à R. D. Parocho absolvi ab excommunicatione in hæreticos lata? Quid iudicii?

R. ad primum quæsitum, Sempronium 91
 probabilius nedum infidelem, sed & hæreticum formalem hactenus fuisse; enim verò ad hanc incurrendam minime opus est, ut quis de veritatibus fidei Catholicæ jam sit plenè convictus, sed sufficit, eas fuisse sufficienter propositas & agnitas, ita scilicet, ut perpen-
 sis omnibus credibilitatis notis non amplius relinquatur dubium prudens: hoc autem probabilius contigit respectu Sempronii. Nihilominus ad plenius dignoscendum peccatum infidelitatis, vel potius hæresis formalis, juvabit ulterius Sempronium examinare
 1. utrum agnoverit obligationem inquirendi omnimodam fidei veritatem? 2. an studuerit etiam illam addiscere? 3. an fuerit etiam paratus eam amplecti, quàm primum hæc sibi fuerit satis proposita? Si dicat, se non apprehendisse hanc obligationem, vel ea quidem apprehensa studuisse deprehendere omnimodam veritatem, non tamen habuisse hominem, à quo erudiretur, & præsertim

R. P. Elbel, Pars II. de Fide &c.

G

fi

si fuit semper paratus corrigi post sufficientem informationem, habendus erit pro hæretico merè materiali, per consequens nedum ipse, sed etiam filius duodennis (de quo facilius præsumi potest, errasse inculpabiliter, & hætenus defectu sufficientis iudicii fuisse hæreticum merè materiale) tutâ conscientia posset absolvi à R. D. Parocho, immò a quolibet Sacerdote approbato, nisi quid aliud exigat consuetudo Diæceseos, prout sapienter limitat Laymann *lib. 2. tract. 1. c. 13. n. 4.* Ratio est: quia ex hac suppositione non fuissent hæretici formales, consequenter nec obnoxii aut irretiti vinculo excommunicationis. Ex quo patet quid ad 2dam partem quæsitæ sit respondendum.

92

At verò, si Sempronius fateatur, se quidem apprehendisse obligationem indagandi veritatem, immò sæpiùs disceptasse cum Catholicis rem intelligentibus, noluisse tamen acquiescere, quousque plenariè *convinceretur* circa articulos in casu relato specificatos, tametsi non ignoraverit ab Ecclesia Romano Catholica contrarium doceri, præsumendus erit hæreticus formalis, proindeque minimè præsumendum à quocunque demum Sacerdote non gaudente potestate absolvendi ab hæresi, ut talem absolvat; præsertim in hisce partibus nostris, ubi consuetudine jam antiquata receptum fuit, ut A catholici revertentes ad ovile & gremium

S. Ma-

S. Matris Ecclesiæ, non nisi ab habentibus Auctoritatem publicam, vel specialem potestatem à Reverendissimo Ordinario, vel ipso Summo Pontifice Roma obtentam, ab hæresi absolvantur, & Communioni fidelium restituantur. Videantur de hoc Sanchez *lib. 2. in Decalog. c. 7. n. 29.* Sporer *tr. 2. Decalog. c. 3. n. 16.* Vel Babenstuber *tract. 5. disp. 1. art. 2. num. 3.*

Sed quid iudicii (inquies) formandum de illo, qui à Patre Catholico, Matre verò Acatholica natus & educatus, posteaquam usum rationis videbatur adeptus, de sua fide examinatus respondit, se credere id, quod sui Parentes credunt?

R. Concludendum est de tali, quòd sit 93
vel stultus, vel certè idiota & simplex homo; nam si scivit, Parentes suos credere articulos sibi contradictorios, utputa dari purgatorium, & non dari, solam fidem in Christum & non solam fidem iustificare, item bona opera iustorum esse meritoria (uti Pater Catholicus) & non esse meritoria (uti Mater Acatholica) sibi persuasum habet; si, inquam similia scivit, non potuit prudenter credere utrumque, ut de se facile liquet: Si autem ignoravit, quidnam Pater credat, & quidnam Mater, vel in quo fides unius differat a fide alterius, habendus est potius pro simplici, Idiota, & hæretico materiali, quàm pro formali, ac proin absolvi potest à quo-

à quolibet Confessario, modò paratus sit soli Patri, vel potius soli fidei Catholicæ deinceps acquiescere.

CASUS TERTIUS.

Cajus Subdiacomus fatetur se novissimè recitando Breviarium pro Festo S. Ursulæ incidisse in illam historiam, quòd omnes consodales Sanctæ Ursulæ fuerint Virgines, seu, ut habet Breviarium in terminis, agmen Virgineum, proptereaque vehementer dubitasse, an inter tot (undecim mille scilicet) omnes fuerint Virgines, tandèmq; post maturam & multam deliberationem ita conclusisse, se scilicet hoc nunquam crediturum, tametsi Summus Pontifex è Cathedra id ipsum definiret! nibilosecius (subjungit idem Cajus) si in hoc quamcumque demum culpam infidelitatis incurrissem, jam hujus pænitens factus me desuper accuso, adpromittoque, quòd circa hoc dubium deinceps meum judicium velim suspendere. Jam ad nostrum propositum circa hanc facti speciem dubitare licet 1. an Cajus peccatum infidelitatis vel hæreseos inciderit, deliberatè dubitando, an omnes S. Ursulæ consodales fuerint Virgines, prout Breviarium Romanum innuit? 2. Quid judicii de eo, quòd asseruerit, se id nunquam crediturum, tametsi S. Pontifex hoc è Cathedra credendum proponeret? 3. An præcepto Fidei satisfaciat per hoc, quòd modò pænitens dicat, se circa
boc

boc dubium deinceps suspensurum suum judicium?

R. Ad primum punctum hujus Casus, 94
Cajum ex eo præcisè, quòd dubitaverit, an
integrum agmen S. Ursulæ fuerit Virgineum,
imò & negaverit, omnes fuisse Virgines,
non incidisse peccatum infidelitatis, neque
hæreseos. Ratio est: quia S. Mater Eccle-
sia non omnia, quæ in Breviario continen-
tur, præsertim quoad Legendas seu vitas
Sanctorum, velut de fide infallibiliter cre-
denda proponit, sed potius legenda velut ve-
rosimilia fide humana duntaxat credenda, &
imitanda: & certè multa, quæ in Brevia-
rio continentur, ab aliis Catholicis Auctori-
bus in dubium revocantur prout videre licet
apud Mr. Godeau *Tom. 2. Histor. Ecclesiast.*
ad Annum Christi 324. lib. 4. §. 17. Eusebium
Cæsariensem & alios;

Nec refert, quòd cuiquam fortassis vide-
riposset, ne quidem verosimile, quòd omnes
ex Sodalitio S. Ursulæ fuerint Virgines; nam
potuerunt esse & haberi Virgines saltem in
facie Ecclesiæ, quidquid demum sit de hoc,
an etiam omnes ac singulæ fuerint tales men-
te & corpore: hoc enim in lectionibus ab Ec-
clesia ad orandum præscriptis nullatenus
continetur.

R. Jam ad 2dum dubium, Cajum ne- 95
dum incidisse peccatum infidelitatis, sed
etiam saltem per se loquendo poenam Excom-
muni-

municationis in hæreticos latae, ex eo, quòd protestatus sit, se hoc nunquam crediturum, tametsi S. Pontifex è Cathedra idipsum definiret.

Ratio est: quia per hoc satis innuit, se non credere infallibilitatem Ecclesiæ, seu etiam Pontificis è Cathedra loquentis in materia fidei, ideòque suum iudicium pertinaciter præferre iudicio Ecclesiæ, minimè paratus ab ea corrigi: quòd propriè hæreticorum est. Neque verò ea duntaxat credere tenemur, quæ Pontifex universali Ecclesiæ in individuo velut de fide credenda proponit, sed insuper hoc, quod nihil à parte rei non verum possit è Cathedra velut fide Divina credendum proponere, & proponendo errare. Hac de causa Sanchez *lib. 2. in decalog. c. 7. n. 30.* Filliucius *tract. 22. n. 177.* Herincx noster *p. 3. tr. 1. disp. 9. n. 26.* alique plures rectè docent, eum, qui falsò existimat, Ecclesiam aliquid velut de fide credendum definiisse; vel, qui tam pertinaciter adhæret alicui opinioni, quam existimat esse fide Divina credendam &c. ut, etiamsi Ecclesia contrarium decerneret, tamen non esset paratus acquiescere huiusmodi decisione, habendum fore pro hæretico formali excommunicationi in hæreticos latae obnoxio.

96

¶ Jam ad 3tium dubium cum distinctione. Si enim iudicium suum Cajus suspendat de hoc, an omnes fuerint Virgines à parte rei?

rei? &c. non impingit in præcepta fidei; quia secundum dicta *n.* 94. non jubemur hoc credere fide Divina: at verò si animo supponatur ita comparatus, ut vellet suum iudicium suspendere, tamen si Ecclesia vel Summus Pontifex hoc definiret ex Cathedra tanquam fidei articulum &c. minimè satisfaciet præcepto fidei, sed potius habendus erit pro hæretico, non quidem ex eò præcisè capite, quòd suum iudicium suspendat, sed quia hanc suspensionem iudicii contestando satis manifestat, se non credere Ecclesiam, vel S. Pontificem è Cathedra loquentem infallibilem, aut suo dignum assensu. Adde insuper, quòd secundum dicta *n.* 23. quilibet fidelium teneatur præbere positivum assensum mysteriis fidei ab Ecclesia ad credendum satis propositis: atqui per declarationem Summi Pontificis è Cathedra loquentis (seu, quod idem est: universali Ecclesiæ aliquid velut honestum &c. vel etiam ut à Deo revelatum proponentis &c.) satis censentur proposita huiusmodi mysteria, modò talis locutio fidelibus innotescat: ergo quisquis se pertinaciter opponit, nolens audire Ecclesiam &c. habendus est pro infideli, immò pro hæretico.

§. III.

Corollaria ex dictis inferenda.

COLLIGES ex hactenus dictis primò : nedum esse possibiles , sed probabiliùs hodieum reperiri multos hæreticos merum materialiter tales : immò tales meritò præsumuntur illi , qui , sive à Catholico , sive etiam ab hæretico ministro baptizati , postea inter infideles , aut etiam hæreticos educantur , apud quos de fide nostra seu Religione Romano - Catholica vel nihil , vel non nisi diffamatoria , nefanda & abominanda audiunt , utputa Papam esse Antichristum , Bestiam , à Catholicis pro Deo cultam , & nos omnes esse idololatrias &c.

Ratio est : quia infidelitas formalis debet esse voluntaria , conjuncta cum pertinacia post veritatem satis agnitam : at , homines hujus infaustæ sortis nunquam satis agnoverunt fidei Catholicæ veritatem , quippe quæ iisdem nunquam supponitur fuisse proposita : ergo non possunt dici hæretici formales. Ex quo rectè infert Laymann *lib. 2. tract. 1. c. 12. circa fin.* fieri posse , ut hujusmodi homines , utpote ignorantia invincibili laborantes , habitum fidei in baptismo

sibi

sibi infusum retineant, simulque illa mysteria ad salutem necessaria, scilicet SS. Trinitatis, Incarnationis, Passionis &c. nobiscum velut communia credentes salvi fiant. Videatur Doct. cit.

Colliges 2dò, vincibilem ignorantiam, 98
etiam crassam posse subinde excusare à pertinacia, & consequenter ab hæresi formali, modò (quod bene notandum) taliter errans paratus sit corrigi, & aliter sentire, casu quo fuerit melius instructus in fundamentis fidei. Ita Herincx noster *part. 3. tr. 1. disp. 9. n. 20.* Ratio est: quia etiam vincibiliter errans potest esse animò ita affectus, ut velit credere, quidquid noverit à Deo revelatum, & ab Ecclesia propositum ut tale, quàm primùm sibi fuerit ut tale satís propositum: immò verò talis potest credere, & actu credit veritatem, circa quam errat, cum non habeat voluntatem pertinaciter renuentem credere, quidquid velut à Deo revelatum noverit. Hac de causa superiùs *Confer. 1. n. 34.* diximus, in mortis articulo absolvi potuisse illam personam emigrantem, quæ probabiliùs laboravit ignorantia vincibili, utpote educata in patria Catholica, simulque videbatur pertinax, ita, ut nihil voluerit audire de purgatorio &c. his enim non obstantibus potuit contingere, ut de similibus nunquam satís fuerit instructa, licèt ex propria culpa: & quia simul institit evidens
G 5 pericu-

periculum animæ, casu quo non obtenuisset beneficium absolutionis, hinc sub conditione saltem potuit absolvi.

- 99 Colliges 3^{ti}o, eum qui negat aliquam
 8e veritatem, quam certò agnoscit à Deo, licet privatim sibi revelatam, habendum esse pro hæretico formali. Ita Sanchez *lib. 2. in Decalog. c. 7. n. 32.* Castropalao *tr. 4. disp. 3. pu. 2. n. 14.* Laymann *lib. 2. tr. 1. c. 13. num. 6.* Sporer *ubi supra c. 3. Sect. 2. n. 19.* licet hi duo posteriores existiment, talem in rigore loquendo non esse hæreticum, nec obnoxium pœnis in hæreticos latis, eò quòd negando aliquam veritatem privatim sibi revelatam non se opponat pertinaciter alicui dogmati ab universali Ecclesia proposito & acceptato. Ratio autem nostræ resolutionis mox datæ hæc est: quia quisquis negat verum esse id, quod à Deo revelatum esse certò agnoscit, ipso factò convincitur negare summam & infinitam Dei veracitatem: sed qui hanc negat, negat unum è principalioribus Fidei articulis, ab universali Ecclesia receptum: ergo nedum infidelis, sed etiam hæreticus formalis dici meretur. Nec dici valet, quòd talis homo non neget Deum esse summè veracem, sed neget duntaxat, suam revelationem fuisse à Deo summè veraci factam; supponi enim debet in hoc dubio, quòd talis homo certitudinaliter agnoscat revelationem fuisse à Deo factam;

secus

secus quippe non posset mysterio revelato præbere assensum fidei, prout dictum fuit suprâ *Confer.* 1. n. 41. atqui revelationem certitudinaliter agnitam prudenter negare non potest: ergo convincitur negare ipsam Dei veracitatem, & per consequens esse hæreticus formalis.

Colliges 4tò, idemnet iudicium esse formandum de iis, qui decisiones è Cathedra in materia fidei & morum à Summis Pontificibus factas, v. g. circa propositiones damnatas, vel canonizationem Sanctorum aut beatificationem &c. nolunt admittere in eo sensu, quò proponuntur ab Ecclesia. Ita Viva in *quæst. prodroma ad Tbes. damnat.* n. 18. La Croix *lib.* 1. n. 202. Malderus *q.* 11. de *fi-*
de art. 1. *membr.* 5. S. Antoninus 3. *part.*
tit. 12. c. 8. §. 2. Matthæucci in *Cautel. Confess. lib.* 3. *cap.* 3. n. 103. & noster P. Cherubinus Mayr. in *suo Trismegisto dist.* 1. c. 3. n. 93. Ratio est: quia Ecclesia semper censuit, Summum Pontificem in materia fidei ac morum è Cathedra (id est, pro universali Ecclesia infallibiliter tenendum) aliquid proponentem, loqui velut Organum Spiritûs Sancti, & ex hujus infallibili assistentia Ecclesiæ promissa: at, qui contradicit universali Ecclesiæ, habendus est velut hæreticus; non enim vult audire Ecclesiam, immò nec ipsum Spiritum Sanctum, cui se pertinaciter opponit: ergo &c. Et hac, aliisque

100

101

que pluribus rationibus præter jam allegatos DD. noster A. R. P. Kazenberger in *Supplem. I. Conferent. P. Sargar Confer. 23.* & Pichler in *sua Theolog. Polem. I. c. 4. art. 2. n. 14.* & *art. 3. n. 11.* tenent, pariter illos, qui negant modernum Pontificem, utpote ab universali Ecclesia propositum & agnitum, esse legitimum Christi Vicarium in terris, item qui negant, illum in materia fidei & morum è Cathedra loquentem, esse infallibilem, habendos esse pro hæreticis; enimverò si è Cathedra loquens posset errare in materia fidei & morum, utpote approbando turpia vel reprobando honesta &c. tunc etiam posset errare, immò actu erraret universalis Ecclesia credendo talia tanquam de fide: atqui hoc posterius nullatenus dici vallet, secus enim Ecclesia non ampliùs esset *columna & firmamentum veritatis*, ut eam appellat Apostolus 1. *Timoth. 3.* Et *portæ inferi* adversus eam jam actu prævaluissent, contra infallibilem Christi promissionem Ecclesiæ factam *Matth. 16. v. 18.* ergo quisquis pertinaciter hoc negat, convincitur esse hæreticus formalis.

101 Diximus tamen notanter: qui nolunt admittere *decisiones in eo sensu, quò proponuntur ab Ecclesia.* Pro cujus ampliori notitia, præsertim propositiones damnatas concernente, sciendum est, non omnes propositiones, eò ipso quòd damnatæ sint, habendas esse

esse velut hæreticas, sed pro diversa exigentia materiarum diversis censuris fuisse affectas, prout ex Bullis SS. Pontificum (videndis apud Reiffenstuel in frontispicio, & apud La Croix) constat: aliæ enim damnantur velut *hæreticæ*, id est, formaliter oppositæ alicui articulo fidei: aliæ ut *suspectæ de hæresi*, quæ scilicet ex circumstantiis videntur innuere seu etiam continere latentem hæresin: aliæ *hæresi proximæ*, id est tales, quæ à plerisque habentur velut contrariæ fidei saltem indirectè & deductivæ: aliæ ut *Scandalosæ*, id est, præbentes occasionem ruinæ spiritualis: aliæ *laxæ*, quæ in materia morum nimis relaxant fræna libertati: *aliæ temerariæ*; quæ vel nullo, vel levi & inani fundamento nituntur: aliæ autem ut *temerariæ*, quæ scilicet nullam pro se verè gravem, contra se verò gravissimas habent rationes &c. aliæ *erroneæ*, id est, contradicentes conclusioni Theologicæ deductæ ex duabus præmissis, quarum una est de fide, altera verò evidens. Aliæ rursus damnantur velut *blasphemæ*, id est, continentes verbum contumeliosum contra Deum, B. Virginem vel alios Sanctos &c. vel impiæ, id est, repugnantes cultui Deo, B. Virgini vel aliis Sanctis debito &c. Dicimus itaque omnes fideles teneri ad acceptandas seu etiam profitendas propositiones ab Ecclesia damnatas in eo sensu, quò damnatæ fuere scilicet hæreticas,

reticas, ut hæreticas, scandalosas, ut scandalosas &c. secus enim contradicendo S. Pontifici è Cathedra loquenti, immò & Ecclesiæ universali, præter notam hæreseos incurrerent peccatum mortale, immò & excommunicationem latæ sententiæ, prout cernere licet ex Bullis Summorum Pontificum, & ex communi DD. tradit La Croix *lib. 1. n. 225. & 226.*

At, inquires adhuc, quid tenendum de illis, qui negant Summum Pontificem esse supra Concilium, id est, majoris potestatis vel auctoritatis, quàm Concilium universale?

102 R. Etiam tales habendos esse pro hæreticis nedum asserunt, sed & mordicè defendunt Matthæucci, Kazenberger, & Pichler *locis mox supra cit.* quin immò hanc veritatem à diversis Conciliis, scil. Nicæno I. *can. 39.* Calcedonensi, Lateranensi, Sinuessano &c. fuisse decisam, satis clarè demonstrat idem R. P. Pichler *l. c. art. 2. n. 16.*

Placet nihilominus quoad hoc judicium nostri V. P. Cherubini Mayr, *loc. cit. num. 98.* respondentis cum distinctione, scilicet, quòd illi habendi sint pro hæreticis, qui putant Concilium esse supra Papam ita, ut possit revocare, vel etiam immutare decreta fidei priùs ab eodem condita; quia tales revera negant infallibilitatem S. Pontificis &c. illos è contra, qui solùm asserunt, Pontificem

Con-

Concilio subesse quoad disquisitionem factorum personalium, non attingentium ipsam fidei vel morum doctrinam, probabiliter non esse hæreticos; eò quòd oppositum hujus asserti non sit expressè definitum: hoc ipsum tamen assertum esse erroneum, vel saltem errori proximum, temerarium & scandalosum, utpote parum distans ab illa propositione per Alexandrum VIII. damnata ordine 29. *Futilis, & toties convulsa est assertio de Pontificis Romani supra Concilium Oecumenicum Auctoritate, atque in fidei quæstionibus decernendis infallibilitate.*

Colliges 5tò. Fidem habitualement seu habitum fidei supernaturalis non amitti per quodcunque peccatum contra fidem. Ratio est: quia culpabiliter ignorans mysteria fidei, vel exponens se periculo incidendi hæresin, esto hanc non incidat, peccat contra præceptum fidei: id ipsum tenendum est de eo, qui fidem exterius sive ex timore, sive ex alio motivo humano negat, quam tamen in mente firmissimè retinet: at, hic omnes non amittunt habitum fidei, hic enim solum deperditur propter peccatum infidelitatis positivæ, id est, per errorem positivum fidei contrarium. Vid. Herinex ubi suprâ *disp. 9. num. 29. Lugo disp. 17. sect. 5. num. 28. vel Babenstuber tr. 5. disp. 1. art. 2. n. 2.*

Colliges denique 6tò, infideles quoscunque, sive hæretici materiales sive formales existite-

existenterint, priusquam ad fidei professionem vel ad Confessionem admittantur, esse benè instruendos, & examinandos de necessariis tum ad salutem, tum præsertim ad Sacramentum Pœnitentiæ. Ita benè monet Laymann *lib. 2. tract. 1. cap. 13. n. 4.* Ratio est: quia meritò timendum, ne, si secus fiat, multi vel fictè, vel certè minùs instructi accedant, quo fiet, ut multi inconstantes vel dubitantes in fide Catholica diuturno tempore permaneant, vel apertè etiam ad pristinos errores revertantur. Quare ante omnia Confessarius quærat ex ejusmodi conversis, vel converti volentibus, & primò confitentibus, utrum firmiter, & ex animo quidem, seu toto corde credant ea, quæ Sancta Mater Ecclesia Romano-Catholica credenda proponit, & utrum in hac fide semper perseverare, ac mori parati sint? Ita Laymann *loc. cit.* Singulariter insuper, quamprimùm veniunt postulantes instrui in fide Catholica, examinandos esse arbitròr, quo fine, vel quibus motivis ducti cogitent suam deferere sectam: sæpe sæpiùs enim allegare solent motiva nullius prorsus momenti, vel vana, reipsa nil aliud intendentes, quàm ut sibi necessaria quoad victum & vestitum præstentur aut procurentur: cautè proin cum similibus procedendum est, prout sapienter monet noster A. R. P. Kazenberger in *Supplemento I. Conferent. P. Sargar Confer. 33.*

n. 33.

n. 33. nec dicendum aliquid vel faciendum à Confessario, quod is dictum aut factum nollet, casu quo hujusmodi conversus ad vomitum rediret &c. &c.



CONFERENTIA QUARTA.

De Communicatione fidelium cum infidelibus, & de lectione librorum hæreticorum.

S U M M A R I U M.

105. Quænam communicatio cum infidelibus seu non baptizatis fidelibus sit prohibita?
106. Quænam sit prohibita fidelibus cum Judæis?
107. An Judæi à Principibus Christianis sint tolerandi inter fideles?
108. Quænam communicatio cum hæreticis sit interdicta fidelibus?
109. Sinitur hæretici inter Catholicos tolerandi?
110. An fidelibus permittendum, ut famulentur hæreticis?
111. Fidelibus simpliciter, & iustissime quidem fuit sub pœna excommunicationis latæ Sententiæ prohibitum 1. legere libros hæreticos. 2. eos retinere. 3. eos imprimere, vel 4. eosdem quovis modo defendere.
112. Nihilominus ad hanc excommunicationem ratione lectionis incurrendam sex conditiones interveniant, necessum est.
113. Quænam quantitas materiæ ratione lectionis censeatur gravis, vel non gravis?

R. P. Elbel, Pars II. de Fide &c.

H

114.

114. Quidnam requiratur ad incurrendam hanc censuram præcisè ratione retentionis ?
115. Quinam veniant nomine imprimantium ; &
116. Quinam nomine defendentium librum hæreticum ?
117. Præter libros hæreticos in Bulla Cænæ prohibitos insuper exstant permulti alii libri in Indice Romano prohibiti ;
118. Qui index hodie communiter dividi solet in tres classes.
119. Quarum lectio sub diversis pœnis fuit prohibita.
120. An , vel qualiter obligent pœnæ tum in Bulla Cænæ , tum etiam in præfato indice Romano latae contra legentes hujusmodi libros ?
121. Resolvitur Casus I. cujusdam Uxoratae , quæ ignoranter sortita fuit Maritum hæresi Lutherana infectum.
122. Proptereaqué dubitat , an non teneatur illum denunciare Reverendissimo Officio , eò quòd multos libros hæreticos in suo tugurio teneat absconditos , & ex iisdem nitatur etiam proles subvertere.
123. Quid consilii huic mulieri à Confessario sit suggerendum ?
124. Resolvitur Casus II. cujusdam Bibliopegæ Catholici , dubitantis , an non peccet compingendo libros hæreticos.
125. Quid , si tales libros diu penes se retineat , priùs , quàm illos compingat.
126. An Civis Catholicus , qui præter omnem expectationem coactus fuit acceptare præfatos libros hæreticos in compensationem debiti , tutà conscientia potuerit eosdem alteri vendere ?
127. Resolvitur Casus III. cujusdam personæ Catholicæ , quæ ob evitandum periculum gravis infamiæ cogebatur sæpiùs cuidam Rustico illiterato & hæresi Lutherana infecto prælegere Biblia Lutheri , & alios libros hæreticos.
128. An , vel quomodo propterea peccaverit ?

129. An comitando eundem Rusticum spontè emigrante peccaverit, vel excommunicationem inciderit?
130. An paulò post reversa in suam patriam indiguerit absolutione ab excommunicatione Bullæ Cænæ?
131. Non omnis, qui legit librum hæreticum, illicò habendus est pro excommunicato.
132. Qui in auctore aliunde sibi ignoto reperit unam alteramvè hæresin, tenetur inquirere, sitnè Catholicus vel hæreticus, & interim ab ulteriori lectione abstinere.
133. Legens controversias hoc tempore agitari solitas, & ab auctore Catholico scriptas, laude potiùs, quàm vituperio dignus videtur.
134. Legens librum hæreticum in eodem volumine cum auctore seu etiam antagonista Catholico compactum, incurrit censuram Bullæ Cænæ.
135. Legens quemcunque librum perniciosum, esto non hæreticum, per se loquendo peccat.
136. Et quid tenendum de legentibus Sacra Biblia?

§. I.

Præmituntur, & breviter resolvuntur quæsitæ, scitu necessaria ad debite resolvendos casus practicos de Communicatione cum infidelibus, & lectione librorum hæreticorum &c.

Quæres primò, an vel qualis Communicatio Fidelibus cum Infidelibus sit prohibita?

¶ Jure naturæ & Divino prohibitum est fidelibus communicare cum infidelibus, id est, non baptizatis, in ipsorum cultu seu ritibus supersticiosi, utpotè intrinsecè malis.

Eodem jure 2. interdicta censi debet omnis communicatio, ex qua fidei imminet periculum subversionis. 3. Eodem jure D. fidei prohibetur inire connubium cum infidei, prout innuit Apostolus 2. *Cor.* 6. 4. Insuper jure Ecclesiastico Fidelibus prohibetur admittere infidelem ad participationem aliorum Sacramentorum, immò etiam ad SS. Missæ Sacrificium *per can. Episcopus* 67. *de consecrat. dist.* 1 Denique s^{to}, jure Ecclesiastico per X. 1. *inter comm. de Judæis*, nec non per Bullam Cœnæ §. 7. interdicatur Fidelibus sub pœna excommunicationis latæ Sent. Summo Pontifici reservatæ, ne infidelibus ceu hostibus Christiani nominis arma, aliavè belli instrumenta & materialia deferant, aut vendant, nevé *in Christianorum perniciem & damnum ipsos Turcas & Christianæ Religionis inimicos, nec non hæreticos in damnum Catholicæ Religionis certiores faciant, illisque ad id auxilium, consilium vel favorem quomodolibet præstent.* Videantur de hoc Palao *tract.* 4. *disp.* 2. *pu.* 9. Sanchez *lib.* 2. *mor. cap.* 31. Schmalzgrueber *ad Tit. de Judæis*, vel Babenstuber *tr.* 5. *disp.* 1. *art.* 2. n. 14.

Quæres 2dò, quænam Communicatio Fidelibus cum Judæis sit interdicta?

106

R. Præter illam in Divinis, vel cum periculo subversionis (quam jure naturæ ac Divino interdictam diximus) insuper jure Eccle-

Ecclesiastico cap. *Judæi*, de *Judæis* & alibi sæpius prohibetur Fidelibus familiaritas cum Judæis. Præterea interdiciuntur sequentes modi communicandi cum ipsis 1. cum eis habitare, in eadem scilicet domo. 2. Judæum Medicum habere, vel ejus operâ uti. 3. Ab iisdem præparatas medicinas recipere (quæ tamen intelligi debent extra casum necessitatis, quo lex Ecclesiastica non obligat) 4. Eorum azyma comedere vel 5. eidem cum iisdem convivio interesse, aut 6. eodem balneo uti (scilicet ex conducto; nam secus dicendum, si Fidelis cum Judæo per accidens & præter intentionem in eodem hospitio aut balneo conveniat) 7. Nefas itidem est in eorum domibus agere nutricem infantium, vel 8. agere famulum, aut 9. iisdem servitute subjici. 10. Non licet ipsis in Testamento legata relinquere, neque 11. publica officia inter Christianos iisdem committere.

Ratio horum est: quia ex his & similibus timendum est periculum subversionis, aut certè dignitas Christianæ Religionis quodammodo vilipenderetur. Cæterum si caveatur familiaritas, haudquaquam nefas erit suas operas Judæo sive, in sive, extra domum locare, modò Judæus non supponatur assidue præsens: insuper non prohibetur cum iisdem negotiari, modò præscindatur à familiaritate, uti jam dictum. Vid. Palao tr. 4. disp. 2. punct. 9. n. 6. & seqq. Sanchez ubi

suprà *num.* 13. & *seqq.* Filliuc. *tr.* 22. *c.* 5. à *n.* 126. Tamburin, *lib.* 2. *decal. c.* 1. §. 10. *n.* 6.

Quæres 3tò, an Judæi inter fideles sint tolerandi à Principibus Christianis?

- 107 R. Possunt Principes Christiani in suis territoriis tolerare Judæos, eisdemque permittere, ut suas Synagogas restaurent, non autem novas ædificent. Ita *Cap. consuluit. de Judæis.* Item possunt iisdem permittere, ut ritus Judaicos exerceant, libros edant, quibus Vetus Testamentum exponitur, non autem quibus Christiana Fides oppugnatur. Ita S. Thomas *q.* 10. *art.* 11. S. August. *lib.* 18. *de civit.* *c.* 46. quos refert, & sequitur Laymann *lib.* 2. *tr.* 1. *c.* 17. *n.* 5.

Ratio est: quia ritus Judaici evangelicam veritatem figurâ adumbrant, eidemque testimonium præbent, quæ causa est, cur Deus Gentem Judaicam non penitus deleri voluerit, sed tanquam veritatis ac justitiæ exemplum toto orbe dispergi; convenit proin (inquit Laymann *loc. cit.*) Judæos tali immunitate gaudere: tametsi hodie plures existent Principes Catholici, qui justissimas ob causas coegere Judæos suis exulare territoriis.

Quæres 4tò, qualis communicatio Fidelibus cum hæreticis sit interdicta?

- 108 R. Nedum jure naturali & Divino, verum insuper humano nefas est communicare cum hæreticis vel 1. in crimine hæreseos, utputa credendo, favendo, recipiendo aut defen-

defendendo ; vel 2. in profanis eorum sacris seu ritibus ac ceremoniis propriis. Ita ex *communi DD. Sporer tract. 2. in decalog. c. 3. sect. 3. ass. 4.* Ratio est : quia quicumque consentit, vel quomodolibet favet peccanti, mortaliter in causa peccati, vel se exponit evidenti periculo salutis æternæ, peccat mortaliter : at, hoc facit, quisquis communicat cum hæreticis in crimine hæreseos, sive credendo, id est, eorum erroribus assentiendo ; sive favendo, id est, favorem ad liberiùs diffundendum venenum hæreseos sub quocunque demum prætextu, etiam necessitatis &c. præstando, sive eos recipiendo, id est, domo seu hospitio illos excipiendo, ne ob hæresin capiantur vel puniantur &c. sive denique defendendo, id est, in vel extra iudicium assistendo, ut evadant in hac causa. Qui verò cum periculo perversionis communicat cum hæreticis, in eorum Sacris præsertim, utputa cum iisdem cantando, vel communionem profanam participando, infantem ad baptismum offerendo, vel denique matrimonium coram Ministro hæretico contrahendo &c. præter injuriam Religioni Catholicæ illatam insuper se procul dubio exponit evidenti periculo subversionis & æternæ salutis : ergo tales peccant mortaliter saltem per se loquendo nisi scilicet eos excuset ignorantia, simplicitas, vel etiam levitas animi.

Quæres 5tò, sintnè hæretici inter Catholicos tolerandi ?

109 R. Neque hæretici, neque ipsorum exercitia in territoriis Catholicorum Principum toleranda sunt, nisi omnibus perpensis id necessum sit vel ob pacis fœdera, vel ad majora mala in Republica impedienda, vel ad majus bonum, utputa conversionis &c. promovendum. Ita post Div. Thomam, Cajetanum, Valent. Becanum & alios plures Laymann *prox. cit. c. 17. n. 4.* & fusissimè nec minùs fundatè P. Reiffenstuel *l. 5. decret. tit. 7. §. 4.* ubi id *an. 139. & seqq.* probat nedum auctoritate SS. Canonum, verùm etiam rationibus; tum scilicet quia hæresis nedum summè injuriosa est Deo, verùm etiam quia ex cohabitatione cum hæreticis fidelibus imminet majus periculum scandali & subversionis, quàm ex cohabitatione cum Judæis vel paganis; tum etiam quia pax & tranquillitas publica id exigunt summo opere; ubi enim animarum & fidei dissensio reperitur, ibi vera & firma pax vel concordia stare non potest, uti benè advertit S. Ambrosius 3. *offic.* ubi ait: *Vix firma esse possunt pacis jura, inter quos est fidei bellum*, id, quod experientia passim oculis oberrans hisce temporibus comprobatur.

Quæres 6tò, sitnè fidelibus prohibita communicatio cum hæreticis in famulatio, eisdem scilicet serviendo, vel propriam operam locando ?

R. Ta

R. Talis communicatio certè non licet, 110
 casu quo famulus aut famula ex hujusmodi
 servitio advertit sibi imminere periculum
 subversionis. Et dato etiam, quod non ha-
 beat timere hoc periculum, si tamen propte-
 rea frequenter vel omninò regulariter impe-
 diatur in observatione præceptorum Eccle-
 siasticorum, ut si debeat diebus vetitis come-
 dere carnes, diebus festivis laborare servili-
 ter, vel negligere Missam &c. hujusmodi ser-
 vitium per se loquendo est illicitum, & hoc
 ipsò à Confessario interdicens, nisi sci-
 licet excuset notabile incommodum. Ita
 Navarrus, Bonacina, Laymann, la Croix
lib. 2. n. 102. & fusissimè Gobat in Quin. tr. 5.
c. 33. d. n. 93. & in Theol. experim. tr. 5. d.
n. 319. Ratio hujus resolutionis est, quia
 præcepta Ecclesiæ ad sui observantiam obli-
 gant, nisi excuset gravè damnum: tunc au-
 tem esset grave damnum respectu talis famuli
 aut famulæ, si vel deberet amittere suum sa-
 larium, vel non posset invenire Dominum
 Catholicum, à quo acciperet ultra dimidium
 illius, quod ab hæretico accipit. Videantur
DD. citt.

Quæres 7timò, sitnè fidelibus permis-
 sum legere libros hæreticos?

R. Nequaquam; enimverò in Bulla Cœ- 111
 næ §. 1. ipsò facto excommunicationi subji-
 ciuntur omnes, qui hæreticorum libros, hæ-
 resin continentes, vel de Religione tractantes

sinè auctoritate Sedis Apostolicæ scienter legunt, aut retinent, imprimunt, seu quomodolibet defendunt, ex quavis causa, publicè vel occultè, quòvis ingenio vel colore &c. Ex quo liquet, vi hujus constitutionis fidelibus severissimè interdici hæc quatuor scilicet 1. legere. 2. retinere. 3. imprimere, vel 4. defendere libros hæreticos. Verùm pro pleniori horum intellectu.

112

Notandum hic venit, ad incurrendam hanc censuram ratione lectionis à Doctoribus communiter desiderari sex conditiones. Primò scilicet, ut talis liber legatur *scienter*, id est, sinè ignorantia *juris* prohibentis lectionem, & simul sinè ignorantia *facti*, quâ scilicet nescitur hunc librum esse hæreticum, ut proin ab hac censurâ incurrenda probabilissimè excuset ignorantia etiam crassa, modò hæc non sit cum ingenti temeritate conjunctâ, prout tenent Sanchez, Palao, Kazenberger, Tambur. *lib. 2. in decalog. c. 1. §. 7. n. 27.* & alii plures. 2. necessum est, ut legatur *sinè facultate Sedis Apostolicæ*, prout expressè continet Bulla Cœnæ *loc. cit.* Quocirca sapienter advertunt Marchantius noster *Trib. Tom. 2. tr. 2. sect. 4. q. 3. dub. 1.* & Laymann *lib. 2. tr. 1. c. 15. n. 5.* quantum ad hoc dari posset locum EpiKeiæ. v.g. in Episcopo, vel alio viro prudente, si scilicet legat hujusmodi librum, vel locum contradictionis in hæretico contentum eo fine, ut
alium

aliud convincere, vel ad agnitionem veritatis perducere valeat. 3^{to} requiritur, ut legatur *liber*, id est, opus vel opusculum in ea quantitate compositum, ut in morali hominum existimatione verè censeatur liber, sive dein sit magnus, sive etiam parvus, id est, ut aliqui autumant, ad minùs decem foliorum; nec refert, sitne compactus vel non impressus aut manuscriptus &c. prout post Suarezium *disput.* 30. *de fide sect.* 2. Sanchez *lib.* 2. *mor.* c. 19. n. 35. tenet Sporer *ubi suprà c.* 3. *sect.* 4. n. 39. 4^{to} requiritur, ut sit liber *hæreticus*, id est, ab hæretico auctore compositus, esto is nunquam fuerit denunciatus. Ex quo Doctores communissimè inferunt, hanc excommunicationem Bullæ Cœnæ in legentes latam non incurri à legentibus Hebræorum Thalmud, vel Alcoranum Machometis, quia revera isti non sunt libri hæretici seu hæreticorum, sed potius infidelium; Nihilominùs qui hujusmodi libros legunt, peccant graviter, & incurrunt excommunicationem non reservatam, sicut & illi, qui legunt libros theologiæ judiciaræ, vel scripta de arte Geomantiæ, Hydromantiæ, Acromantiæ, aut de arte Cabalistica. Similiter ii, qui legunt librum ab auctore Catholico compositum, esto hæreses contineat vel etiam referat, uti faciunt Bellarminus, Becanus & alii, non incurrunt excommunicationem in Bulla Cœnæ in legentes

gentes libros hæreticos latam; quia de talibus dici non valet, quòd legerint librum hæreticum, esto adhuc graviter peccare possint, casu quo adverterent, sibi ex tali lectura imminere periculum subversionis, vel, si lectis hujusmodi dogmatibus hæreticorum assensum præbeant, quem, si exterius manifestent, insuper incidunt excommunicationem Bullæ Cœnæ, prout patebit ex dicendis in *proxima Confer. à n. 139.* 5^{to} necessum omninò est, ut talis liber *hæresin contineat, vel de Religione tractet.* Quò fit, ut vi hujus non censeatur prohibitum legere libros hæreticorum merè historicos, philosophicos, medicos, aut juridicos, modò nullam hæresin in se contineant. Quia etiam si talis liber hæreticus, ex instituto non tractans de Religione, obiter aliquam hæresin, vel etiam scommata contra Romanam Ecclesiam vel Summum Pontificem (more hæreticis valdè familiari) contineat, propterea que in rigore loquendo censeri deberet prohibitus vi Bullæ Cœnæ, nihilominus in nostris saltem partibus septentrionalibus, utpote in quibus Bulla Cœnæ cum tanto rigore non videtur recepta, secluso ulteriori periculo subversionis, impunè legi posse probabiliter hodie dum tenent Laymann *ubi supra c. 15. n. 4.* Sporer *n. 40.* Stoz *l. 2. p. 3. n. 534.* Dicastillo *n. 1177.* Busenbaum, Michel, eosque secutus la Croix *lib. 7. 332.* id, quòd praxis

praxis
tum d
in Bib
sinè s
curre
Cœna
positu
gione
in se
volui
gunt
tem,
de Re
tando
logica
resolv
vult f
aqua
marg
num.
partir
ad av
versio
A
tas leg
suram
B
alioru
nimis
esse n
secun

praxis fermè quotidiana confirmare videtur; tum quia hujusmodi libri passim asservantur in Bibliothecis; tum etiam quia à timoratis sinè scrupulo legi solent. Et tandem ad incurrendam hanc excommunicationem Bullæ Cœnæ sufficit librum ab hæretico fuisse compositum, simulque de fide aut de Religione tractare, esto nullam prorsus hæresin in se contineat. Ratio est: quia Pontifex voluit excommunicationi subjectos, qui legunt librum hæreticum hæresin continentem, vel (NB. sub disjunctione loquentem) de Religione tractantem, utputa interpretando Scripturam Sacram, quæstiones theologicas circa Deum, Sanctos, vel circa fidem resolvendo. Ratio est: quia Ecclesia non vult filios suos ex fonte tam turbido haurire aquas salutis, vel ex luto putrido colligere margaritas, inquit Sporer *tr. 2. c. 3. sect. 4. num. 41.* ideòque justissimè hoc interdicat, partim in odium hæreticorum; partim etiam ad avertendum à fidelibus quodcunque subversionis periculum.

At, inquires, quænam materiæ quantitas legi debet ad incurrendam præfatam censuram?

R. ad hoc quæsitum breviter (omissis 113 aliorum placitis, qui vel nimium rigidi, vel nimis laxi videntur) in hac re attendendam esse materiam non tam secundum se, quàm secundum finem prohibentis, qui principaliter

liter voluit excludere periculum subversionis. Itaque si aperiendo librum hæreticum incidas in doctrinam, quæ directè est contra fidem, poteris paucas etiam lineas legendo peccare mortaliter & incidere excommunicationem; quia te periculo exponis, & agis contra totum finem legis. Econtra si advertas, materiam esse indifferentem, etiam paginam legendo non peccabis mortaliter, neque censuræ eris obnoxius. Ita Sanchez, Sporer & la Croix *l. 7. n. 340.*

- 114 Notandum jam 2dò est, ad incurrendam hanc excommunicationem ratione retentionis, satis esse, quòd quis librum hæreticum (hæresin scilicet continentem, vel de Religione tractantem scienter per notabile tempus retineat,) sive dein suò, sive alieno nomine sive in propria, sive etiam in aliena domo eundem conservet. Contra hanc constitutionem vel maximè impingere possunt Bibliopolæ, retinendo hujusmodi libros eò animo, ut rursus vendant aliis; quia, ut benè advertit Lessius *in auctario V. Hæreticor. lib. cas. 17.* per hoc moraliter disseminant thæresin.

Quin insuper librarios, aromatarios & mercatores utentes ejusmodi libris aut foliis hæreticorum ad involvenda aromata, merces & alios libros possunt incurrere hanc censuram, juxta multorum opinionem, quos citat la Croix *suprà n. 348.* ubi is sapienter monet,

monet, ad discernendum peccatum grave aut leve ratione retentionis commissum considerandam esse tum quantitatem temporis, tum etiam intentionem retinentis, qui, si una alteravè duntaxat die retineat talem librum eo fine, ut postea commodius possit tradere ad manus Inquisitionis, vel Episcopi &c. nullatenus peccabit, neque censuræ obnoxius fiet. Ita etiam Sanchez, Castropalao, Pignatellus, Spörer, aliique videntur apud la Croix *loc. cit.*

Notandum 3tò, nomine imprimentium 115 illos venire, qui ad impressionem libri hæretici scienter, & quidem propinquè coöperantur; quales meritò reputantur 1. Dominus officinæ, in qua fit impressio. 2. qui librum imprimendum tradit. 3. qui typum seu characteres ordinat. 4. qui chartam seu papyrum humectant, vel atramentum seu colorem, uti vocant imponunt, aut prælum premunt, & 5. probabiliter etiam is, qui corrigit impressionem; cùm ad hanc saltem correctè imprimendam proximè concurrat. Et certum omninò videtur, quòd tam Corrector, quàm etiam ille, qui facit expensas pro impressione hujusmodi libri, incidunt hanc excommunicationem, saltem ex eo capite, quòd faveant hæreticis. Ita Pignatell. *pag.* 484. & Krimer *n.* 753. relati à la Croix *lib.* 7. *n.* 356.

Notandum denique 4tò, nomine defen- 116 den-

dentium illos intelligi, qui librum hæreticum ut talem commendant, laudant, aliove modo sive verbis, sive scriptis, sive etiam factis tuentur v. g. ne in manus Inquisitionis tradatur, aut comburatur &c. Ita Krimer. *n.* 754. & 755. Tamburinus *lib.* 2. *c.* 1. *§.* 7. *n.* 54. Sporer *ubi supra n.* 47.

- 117 Quæres octavò, utrum præter libros hæreticorum, quos diximus vi Bullæ Cœnæ interdictos, dentur etiam alii libri prohibiti?

R. Dantur sinè dubio & quidem plurimi, ut videre licet in Indice Romano librorum prohibitorum, quem Pius IV. juxta decretum Concilii Tridentini primitus curavit confici, postea verò alii Pontifices, nominatim Pius V. Clemens VIII. & Alexander VII. alique Successores continuare, seu etiam augere assueverunt; Quocirca

- 118 Observandum rursus venit, hunc Indicem hodie communiter dividi in tres classes, ita quidem, ut in prima collocentur Auctores hæretici, qui vel tractant de Religione vel ex professo hæresin continent. In eadem classe prima porro collocantur omnes Hæresiarchæ, id est, Capita & inventores hæresum, quales fuere Arius, Calvinus, Lutherus, Zwinglius: quorum opera, est fortassis aliqua non tractent de Religione, neque hæresin contineant, nihilominus sub excommunicatione fuere prohibita; nam damnato Auctore aliquo etiam censentur damna

damnari ejusdem libri, Scripturæ, & opera, veluti communissimè habent DD. Sporer, Reiffenstuel *loc. cit.* §. 3. num. 100. & habetur in *summario cap. fraternitatis. 4. de hæreticis.*

Porro ad 2dam classẽ referuntur libri illi, qui fuere prohibiti propter doctrinam non sanam, suspectam, scandalosam, bonis moribus seu honestati repugnantem, veluti sunt libri de arte magica &c. de rebus superstitiosis, seu etiam obscænis & lascivis tractantes. Quò pariter revocandi sunt libri Philosophici, Medici, Juridici &c. ab hæreticis scripti cum hæresibus hinc inde sparsis, etsi non, nisi obiter probatis.

Ad 3tiam denique classẽ pertinent libri, ob doctrinam sive Religioni sive bonis moribus contrariam damnati, quorum auctores ignorantur, sintnè hæretici vel Catholici &c. qui libri, ut rectè advertit S. Pontifex Alexander VII. in *sua constit. speculatores Domus Israël &c.* plerique multò peiores sunt, quàm in prima & 2da classe recensiti, ntpote maximè inverecundi, & hòc ipso pestilentissimi.

Sub quibus ergo pœnis, inquires, interdicitur lectio dictorum librorum?

R. ad hoc breviter. I. Librorum ad primam classẽ pertinentium lectio prohibetur sub pœna excommunicationis ipso factò incurrendæ, non tamen summo Pontifici re-

R. P. Elbel, Pars II. de Fide &c.

I ser-

servatæ, nisi de Religione tractent, vel hæresin contineant: tunc enim vi Bullæ Cœnæ sunt prohibiti.

II. Libri verò 2dæ & 3tiæ classis, si ob hæreseos aut falsi dogmatis suspicionem fuere interdicti, cujusvis demum Auctoris, etiam incogniti sint, pariter sunt prohibiti sub pœna excommunicationis, at non reservatæ. At verò, si non ob hæreseos aut falsi dogmatis suspicionem, sed præcisè ob doctrinam minùs sanam, seu etiam honestati & bonis moribus repugnantem fuere prohibiti, legentes peccant quidem mortaliter, nullam tamen propterea excommunicationem incidunt ipsò facto, sed solùm jubentur ob reatum peccati mortalis judiciò Episcopi severè puniri, prout habet *Regula X. indicis circa finem*, & P. Reiffenstuel *loc. cit. num. 103. & seqq.*

120 Quæres denique 9nò, utrum prædictæ pœnæ etiam in nostra Germania, ubi Catholici cum hæreticis permixti habitant, uti Augustæ, Ulmæ, Memmingæ &c. à legentibus præfatos libros incurrantur?

R. Probabilissimè incurruntur. Ita mordicùs tenet R. P. Reiffenstuel. *lib. 5. decret. tit. 7. §. 3. num. 80. & seqq.* ubi hanc sententiam præsertim quoad pœnas in Bulla Cœnæ contentas acriter propugnat; eò potissimùm, quòd S. Sedes Apostolica justissimè potuerit, & nunquam non voluerit quoscun-

que

que etiam Germanos obligare ; cūque aliunde, præsertim *ex proposito. n. 18.* ab Alexandro VII. damnata certò constet, legis acceptationem non dependere ab arbitrio populi, neque etiam in Germania nostra videatur posse occurrere causa sufficiens, hanc constitutionem utpote justissimam non acceptandi ; hinc dicendum videtur, quòd pœnæ Bullæ Cœnæ etiam in nostra Germania à quocunque demum non privilegiato incurrantur. Nec dubium, quin hæc opinio nedum tutior, verum etiam oppositâ probabilior sit, utpote validissimis rationibus, nec minori auctoritate suffulta ;

Nihilominus non desunt Doctores, præsertim Germani, qui hodiedum probabile censent, neque Indicem librorum prohibitorum, neque etiam Bullam Cœnæ quoad dictas pœnas in legentes seu etiam retinentes libros hæreticos latas in hisce partibus nostris septentrionalibus esse cum tanto rigore receptam. Ita præter Laymannum, Sporer, Stoz & alios DD. jam suprà *n. 112.* citatos, tenent P. Engel *in manuali part. 3. cap. 2. de pœnit. in catalog. excommunic.* Michel *Theolog. Canon moral. part. 1. tom. 2. q. 1. §. 7. n. 9.* Becanus *Tom. 2. tract. 1. de fide cap. 15. q. 80. n. 5.* quibus novissimè subscripsit R. P. Pichler *in suo compendio Jurisprud. lib. 5. tit. 7. n. 7.* ubi fatetur, se planè existimare cum Laymanno „Bullam Cœnæ non ubique in no-

I 2

stra

„stra Germania in omni rigore receptam esse,
 „nec ubique observantiam ejus in toto rigo-
 „re, & quoad pœnas urgeri à Summo Ponti-
 „fice, qui prudenter præsumitur consentire
 „in non observantiam, ubi contraria consue-
 „tudo nimium quantum invaluit, & tales
 „sunt circumstantiæ, in quibus observantia
 „rigida urgeretur sinè fructu, immò cum
 „animarum graviori detrimento.„ Hacten-
 „us Doctor laudatus.

Ego hanc posteriorem sententiam duxi
 intimandam, non quòd eam velim consule-
 re, præsertim cum aliunde constet pœniten-
 tibus tutiora esse consulenda saltem per se lo-
 quendo; sed ideò duntaxat, ut Confessario
 innuerem, quidnam in praxi cum tali pœni-
 tente debeat, vel possit agere, præsertim
 ex post facto, id est, post jam lectum vel re-
 tentum librum hæreticum.

§. II.

*Proponuntur & breviter resolvuntur Casus
 practici de Communicatione cum hæreti-
 cis, nec non de lectione librorum hæ-
 reticorum &c. &c.*

CASUS PRIMUS.

*Titia lamentabunda conqueritur, quòd sor-
 titæ fuerit maritum, qui in foro exteriori
 se quidem simulat Catholicum, revera autem
 interiùs pertinacissimè fovet Lutheranismum,
 multosque libros acatholicos in quodam angu-
 stissimo*

stissimo tugurii sui latibulo asservat, ex quibus
 & proles hætenus susceptas tempore nocturno
 potissimum instruere vel potius pervertere ni-
 titur, nec permittit, ut Titia vel in minimo
 sese opponat, quin potius eandem tum verbis,
 tum verberibus etiam durissimè tractat: quod-
 que caput rei est (pergit Titia) non audeo,
 neque possum eundem denuntiare Judici, secus
 enim in hisce partibus nostris illico cogeretur
 more aliorum exulare seu emigrare: quidenim
 tunc cum prolibus mihi incipiendum, qui ali-
 unde depauperati pane arcto & aqua brevi mi-
 serè sustentamur: profectò si unquam scivissem,
 quòd maritus meus non sit Catholicus, nun-
 quam prorsus eidem nupsissem. Hætenus Titia.
 Jam ad nostrum propositum circa hanc speciem
 facti dubitare licet 1. an Matrimonium Titiae
 valeat? 2. an stantibus etiam præfatis difficul-
 tatibus non peccet, dissimulando manifestatio-
 nem hæreseos, & librorum A catholicorum,
 quos scit à Marito asservari? 3. denique, quid
 consilii à Confessario Titiae sit suggerendum?

R. ad primum quæsitum hujus casus, de
 valore hujus matrimonii minimè dubitan-
 dum esse; licet enim secundum dicta part. 3.
 Theolog. Sacr. Confer. 8. n. 180. & seqq.
 diversis juribus & Conciliis matrimonium
 Catholici cum hæretica vel vicissim justissi-
 mas ob causas fuerit prohibitum, nulla ta-
 men lex, nullum jus Divinum aut humanum
 extare noscitur, vi cuius hujusmodi matri-
 monia

monia irritarentur, prout ex communissima DD. tradunt Bellarminus & Sporer: ergo si in hoc casu nullum aliud impedimentum, jure Divino, vel naturali vel certè Ecclesiastico dirimens intercessit, dicendum, quòd Matrimonium subsistat. Nec refert, quòd Titia afferat, se nunquam fuisse consensuram in Matrimonium, si scivisset sponsum esse infectum hæresi &c. Non, inquam refert: quia in contractu matrimoniali non attenditur id, quòd sponsus aut sponsa fecisset, sed quod actu fecit, prout rursus diximus eadem *part.* 3. *Conf.* 4. *n.* 95. atqui Titia supponitur actu consensisse in Matrimonium, simulque potuit validè consentire: ergo &c.

122. R. ad 2dum quæsitum. Nisi supponatur imminere periculum toti Communitati, Titia probabiliter non peccabit, tametsi ob rationes allegatas dissimulet denuntiationem mariti hæretici, seu etiam librorum.

Ratio est: quia juxta probabilissimam sententiam Farrinacii *de hæresi*, *q.* 198. *n.* 49. *fin.* Uxor non tenetur denunciare maritum hæreticum, etiam in illis locis ubi hæresis impunè non toleratur. Ratio est: quia Uxor reputatur una caro, & quasi una persona cum marito: ergo sicut nullus se ipsum prodere obligatur, ita ob eandem rationem probabiliter Uxor non tenetur prodere Maritum in puncto hæreseos: hanc eandem sententiam veram existimat Castropalao *part.* 1. *tr.* 4.

disp. 3.

disp. 3. punct. 4. n. 16. saltem in casu, quo Uxor ex tali revelatione timeret sibi à Marito mortem parari, aut aliud grave damnum eventurum, prout in hac ipsa specie facti eventurum timet.

Scio equidem oppositum absolutè doceri à Matthæuccio *in cautel. Confess. lib. 1. c. 4. n. 9.* Verùm La Croix *lib. 2. num. 215.* sapienter ait, quòd plures Viri prudentes & eximie docti censeant, Bullas Pontificias, quibus denuntiatio hæreticorum præcipitur, in hisce partibus, Germaniæ scilicet, quoad hoc non esse usu receptas. Dixi, Titiam probabiliter non teneri &c. Unde.

R. jam ad 3tium quæsitum, Titiam nedum posse tutâ conscientia, si velit, sed & prudenter acturam denunciando apud Judicem legitimum maritum suum hæreticum, ejusdémque libros hæreticos manifestando; id quod & Titia omnimodis videtur consulendum, ob rationes mox dandas.

Ratio prioris, quòd scilicet possit, si velit, hæc est: quia aliunde nedum jure Divino & naturali, verùm etiam humano hæretici in illis locis, ubi non tolerantur, jubentur manifestari; eò quòd summopere sint perniciosi bono animarum & Reipublicæ christianæ nedum quoad salutem animæ, sed & quoad bonum pacis, prout Titia nostra hætenus satis superque fuit experta; neque aliunde ex parte mariti hujus occurrit rationabilis causa dissimulandi

manifestationem: ergo licitè eundem prodit.

Quod insuper in hac nostra Archi-Dioecesi, ubi casus contigit, id ipsum Titia sit consulendum, cuius prudentum de facili suaderi posse arbitror sequentibus de causis: primò: quia ex ulteriori cohabitatione nedum Titia sola, sed insuper etiam proles manebunt semper expositæ evidenti periculo subversionis & æternæ salutis; qua de causa 2. jura ob hæresin matrimonio ex alterutra parte supervenientem concedunt divortium. *cap. Quæsiuit. cap. de illa cap. Quantò. de divortijs. item cap. ult. de convers. conjugat. & alibi*: ergo Titia licet prætereundum & quærere divortium à marito hæretico ob ejusdem hæresin & perversam voluntatem priùs quidem ignoratam, modò autem satis superque agnitam; nam in jure paria censentur, *aliquid supervenire & præcedens fuisse ignoratum seu incognitum*; vel non esse, & non apparere, *L. in lege ff. de contrahend. empt.* Hinc ulterius 3tiò, cùm periculum animæ ex ulteriori cohabitatione Titia, ejusdemque pauperculis prolibus imminens sit verè ingens, è contra verò emolumentum temporale, miseræ scilicet sustentationis hæctenus à marito obtentæ, valde sit exiguum, aliunde verò fides nos doceat, in pari periculo semper præferendam esse salutem animæ saluti corporis, profectò à Confessario consulendum videtur Titia, ut postposito quocunque demum emolumento corporis

sefe

sefe
mise
ritur
ri qu
facil
exta
hoc
seqq.

Sem
t
Bibl
mera
muna
rò e
pron
noru
re b
rum
gæ t
inau
Bibl
di li
pron
sibi
tem
vane
præ
pecc
næ.

sefe divinæ providentiæ totaliter unacum
 misellis prolibus confidat, & prodendo ma-
 ritum suum hæreticum ab eodem divortia-
 ri quærat; quod procul dubio hic loci de
 facili impetrabit, prout de hoc plura nobis
 exstant exempla recentissima. Videatur de
 hoc Gobat in *Quinar. tr. 6. c. 33. n. 6. &*
seqq.

CASUS SECUNDUS.

*Sempronius civis catholicus cujusdam civi-
 tatis orthodoxæ fidei addictissimæ alicui
 Bibliopolæ acatholico locaverat certam Ca-
 meram pro conservandis libris venalibus in
 nundinis suo tempore exponendis, tandem ve-
 rò eodem Bibliopola ad incitas redacta, Sem-
 pronius locò census jam per complurium an-
 norum curricula sibi debiti cogebatur accepta-
 re baud exiguam partem librorum deposito-
 rum, è quibus dum unum alterumvè Biblio-
 pegæ tradidisset compingendum, ab eodem mox
 inaudiit, libros esse hæreticos. Dubitat jam
 Bibliopega, an tuta conscientia possit ejusmo-
 di libros compingere. Dubitat insuper Sem-
 pronius & sciscitatur è Confessario, an non
 sibi liceat hujusmodi libros hæreticos aliis sal-
 tem hæreticis vendere, ad se indemnem ser-
 vandum? Quid ad hæc confessarius?*

R. ad primum quæsitum. Bibliopega, 124
 præcisè compingendo libros hæreticos non
 peccat, neque incurrit censuram Bullæ Cœ-
 næ. Ratio est: tum quia in dicta Bulla non

comprehenduntur compactores librorum hæreticorum seu Bibliopegæ; tum etiam, quia libri hæretici non compacti legi possunt, ideoque compingens per se loquendo non reddit causam Catholicorum deterio- rem, præsertim si casus contingeret, prout revera sæpius contingere natus est in locis, ubi Catholici vivunt mixti cum acatholicis in eadem civitate v. g. Augustæ, propterea- que iidem libri facilè compingerentur ab alio Bibliopega catholico.

Certum insuper esse debet, Bibliopegam non peccare compingendo librum hæreticum pro tali, qui gaudet potestate legendi eundem librum, vel pro aliqua Communitate Religiosa, in quibus similes libri nedum asservari solent, inclusi carceribus Bibliothecarum, sed insuper regulariter saltem loquendo, semper reperiuntur tales, qui præditi sunt potestate legendi libros hæreticos, & ab hæresi absolvendi. Ita tenent Lessius *Cas. 18.* Pignatellus *pag. 482.* Oviedo & alii plures, quos referens sequitur la Croix *lib. 7. n. 353.*

125

Dixi tamen, Bibliopegam *præcisè compingendo* librum hæreticum probabiliter non peccare; secus enim dicendum existimarem, casu quo ejusmodi librum diu, v. g. per aliquot septimanas penes se retineret, esto non proprio, sed alieno nomine; tunc enim *vi retentionis* incurreret censuram Bullæ Cœ-
næ,

næ, quemadmodum etiam, si librum hæreticum compingeret animò favendi hæreticis, eorúmve sectam hac via promovendi : si tamen per unum præcisè alterúmve diem librum penes se retineat usque dum compingat, vel compactum Domino restituat, non peccat graviter ne quidem ratione retentionis ; quia talis mora retentionis censenda est respectivè levis, prout rectè docent Sanchez, Pignatellus, Castropalao, Sporer & alii, videndi apud la Croix *cit. n.* 348.

R. Jam ad secundum quæsitum hujus casus cum distinctione ; Nam, si Sempronius supponatur obtinuisse multos libros, vel certè libros hæreticos magni pretii (quod tamen in civitate merùm Catholica, ubi à Revendissimo Officio accuratè solet inquiri) vix, aut ne vix quidem supponi potest aut debet, posset illos probabiliter tutâ conscientia vendere Bibliopolæ acatholico, vel pro libris Catholicis commutare ; tum quia Ecclesia velut pia Mater præsumitur, nolle cum tanto onere fideles obligare, saltem in hisce partibus nostris ; tum præsertim, quia si aliunde apud Hæreticos habeatur talium librorum copia, causa Catholicorum inde non fit multùm, immò nihilò deterior. Ita velut probabile tenent Lessius, la Croix *l. cit. n.* 354. quos sequitur noster A. R. P. Kazenberger in *Supplement. I. R. P. Sargar Conferent.* 45. Fateor nihilominus, oppositum & rationi

tionem & menti Ecclesiæ mihi videri conformius, & hoc ipso probabilius, præsertim si damnum ex combustionem talium librorum imminens non sit adeò considerabile seu grave, vel si libri sint tales, qui nequidem ab ipsismet hæreticis de facili ampliùs comparari possint. His enim suppositis S. M. Ecclesia in abominationem pestiferi veneni hæretici iustissimè præcipit fidelibus, ut satagant huiusmodi libros vel tradere ad manus inquisitionis (ubi hæc viget) vel ubi non viget, comburendo eliminare ex universo, vel certè (quod in tali casu consultissimum putarem) eosdem dare alicui Communitati Religiosæ, perpetuis carceribus Bibliothecæ (quales semper in iisdem reperire est) includendos.

CASUS TERTIUS.

Caja ex incestu gravida, ad tegendum scelus & evadendum periculum infamiæ sibi imminens aliquot mensibus delituit in domo cuiusdam Rustici Pinzgoiensis hæresi infecti, cui, utpote prorsus illiterato cogeatur sæpiùs prælegere Biblia Lutheri, aliosque, quos clam in suo tugurio asservavit absconditos; quin etiam paulò post sponte emigrantem, unacum prole jamjam in lucem edita, comitata fuit, licet nunquam habuerit animum vel hæresi assentiendi, vel eandem profitendi, sed præcisè infamiam vel periculum ex incestu commissò in patria sibi imminens hac viâ declinandi. Hinc
cum

cum post exiguum itineris spatium emensum proles spuria obiisset, Caja, utpote existimans se jamjam evasisse periculum, rediit in patriam, in qua, ut demuo reciperetur, obtulit se ad deponendam professionem publicam fidei. Jam ad nostrum propositum dubitare licet 1. Utrum Caja ex præfato timore Rustico prælegendo Biblia & alios libros hæreticos peccaverit, & censuram Bullæ Cænæ incurrerit? 2. An tutâ conscientiâ potuerit comitari Rusticum emigrantem? denique 3. an redux in patriam indiguerit absolutione à Censura vel nova professione fidei?

R. ad primum quæsitum hujus Casus, 127
Cajam probabilius peccasse mortaliter toties, quoties præfata Biblia Lutheri aliosvè libros hæreticos Rustico prælegit.

Ratio est: quia prælegendo proximè concurrit ad peccatum formale Rustici, utpote libros hæreticos in morali hominum existimatione legentis per Cajam: at, quisquis ad formale peccatum alterius proximè concurrit, peccat graviter aut leviter pro qualitate delicti: ergo &c. Et licèt Caja merùm permissivè se habuerit in ordine ad assensum hæreticum à Rustico præstitum doctrinæ sibi prælectæ, dici tamen minimè potest, quòd merùm permissivè se habuerit in ordine ad lectionem librorum, quandoquidem hujus causa proxima exstiterit, veluti rem perpendenti facile constabit. Nihilominus censeo,
quòd

quòd Caja ex verè gravi metu ac timore incurrendi infamiam & alia majora incommoda, Rustico prælegit, probabiliter propterea non inciderit censuram Bullæ Cœnæ.

Ducor ad hoc asserendum hac ratione: qui juxta *communissimam DD.* quam amplectitur la Croix *lib. 7. n. 98.* à censura incurrenda excusat metus verè gravis, esto is fortassis non excuset à peccato (modò metus non supponatur incussus in contemptum fidei vel Religionis:) at si Caja non potuit alia via evadere periculum infamiæ &c. sibi imminens, nisi prælegendo, revera fuit adacta & compulsa gravi metu, veluti liquet ex ipsa specie facti: ergo probabilissimè propter hanc lectionem non incidit censuram.

At, inquires contra hoc. Per Bullam Cœnæ excommunicantur omnes, quicunque finè licentia Sedis Apostolicæ *ex quavis causa* libros hæreticos legunt vel retinent: ergo Cajam ne quidem metus gravis, eximit à censura.

128 R. Neg. Conseq. & dicendo, per ly *quavis causa* intelligendam esse causam non justam, non sufficientem &c. prout innuere videntur verba mox subsequētia: *quo vis ingenio, vel colore,* non item intelligi debet causa justa, gravis, uti erat infamia hoc modo declinanda &c. &c. & hoc ipsò sufficiens, prout à pari colligere licet de retentione; nam qui ex verè rationabili & gravi causa
librum

librum hæreticum penes se retinet v. g. eo fine, ut postea eundem commodius possit extradere inquisitioni &c. non peccat, neque fit obnoxius excommunicationi secundum dicta n. 114.

R. jam ad 2dum quæsitum cum distinctione. Nam si Caja Rusticum fuit comitata sub prætextu eandem hæresim Lutheranam alibi profitendi, peccavit mortaliter contra præceptum negativum, scilicet de non neganda fide, quia hoc modò fidem minus ex saltem implicite negavit in foro externo. Similiter si supponatur habuisse animum comitandi Rusticum usque ad partes Acatholicorum cum præviso periculo abnegandi veram fidem, sicut revera prævidere potuit ac debuit, rursus peccasset mortaliter, eò quòd sese exposuerit periculo abnegandi veram fidem. Econtra tamen, si Caja dogmatibus Lutheri nunquam præbuit assensum nec se Lutheranam in foro externo seu etiam coram Judice professã fuit, neque etiam habuit animum comitandi Rusticum usque ad partes Acatholicorum &c. sed præcisè emigrandi extra Patriam ad tegendum scelus commissum, & ad conservandam suum honorem, per se loquendo non peccavit; tum quia comitiva sola emigrantibus præstita non fuit signum abnegatæ fidei; cum revera multi famuli Catholici heros acatholicos, sponsi sponsas, Uxores Maritos fuerint comi-

comitati, nescio quibus è motivis profanis, qui tamen publicè protestati fuère, se id minimè facere animò abnegandi veram fidem, vel falsam profitendi; tum etiam quia Caja habuit causam verè prægnantem quærendi modum evadendi extra patriam, & infamiam sibi imminentem declinandi.

Ex quibus

130

R. jam ad 3tium quæsitum pari cum distinctione. Enimverò si Caja supponatur (id quod ex ipsius mente colligendum erit) absque ullo assensu, & ex mero timore prælegisse Biblia Lutheri, & alios libros hæreticos, neque etiam fidem veram in foro externo negasse, nec sese Lutheranam professam fuisse, nullam prorsus incurrit censuram ob rationes jam datas. Secus dicendum procul dubio foret, si assensum dogmatibus Lutheri semel aut sæpiùs etiam præstitum exterius manifestasset, vel se Lutheranam in foro externo saltem seriò professam fuisse, tunc enim vi prioris incidisset excommunicationem, vi posterioris autem indiguisset absolutione saltem in foro externo, utpote in quo supponeretur incidisse excommunicationem. Quinam autem ab ista excommunicatione valent absolvere, constabit ex dicendis in Conferentia proxima à n. 146.

§. III.

§. III.

Corollaria ex dictis inferenda.

Colliges ex hæcenus dictis primò, non ¹³¹
omnem, qui librum hæreticum legit, illico habendum esse pro excommunicato, aut propterea sinè omni ulteriori indagine beneficio absolutionis privandum, vel ad alium Confessarium potestate in casus Bullæ Cœnæ præditum mittendum vel ablegandum, prout nonnulli assueverunt minùs, oporteret discreti. Ratio hujus corollarii seu etiam illationis est: quia sæpiùs usuvenit, ut legentes vel laborent ignorantia juris, utpote non scientes lectionem hujus libri esse de jure prohibitam, vel certè ignorantia facti, utpote non scientes, hunc vel illum librum esse hæreticum, aut ab hæretico compositum: atqui secundùm dicta *num.* 112. ab hac censura incurrenda excusat tam ignorantia juris, quàm facti: ergo &c. Itaque Confessarius ex tali pœnitente gnaviter inquirat 1. an sciverit, librum esse hæreticum, & 2. an sciverit talem lectionem sub pœna excommunicationis fuisse prohibitam? Si dicat, quòd utrumque, vel alterutrum saltem ignoraverit, minimè tractandus est velut excommunicatus, neque indiget absolutione ab hac censura. Secus concludendum erit, casu quo pœnitens respondit se nulla laborasse ignorantia, utpote præviè informatum vel admonitum à Confessario, vel alio viro,

R. P. Elbel, Pars II. de Fide &c. K cui

cui fidem tenebatur adhibere. Sanchez *lib. 2. moral. c. 10. n. 38.* Laymann *lib. 2. tr. 1. c. 14. n. 4.* Reiffenstuel *lib. 5. decret. tit. 7. §. 3. num. 55.*

132

Colliges 2dò, quodsi in aliquo Auctore legendo, unam alteramvè hæresin reperiās, nec aliunde tibi constet, eundem Auctorem esse Catholicum, sub gravi peccato tenearis inquirere Auctorem libri, & interim abstinere ab ulteriori lectione: Secus enim faciendo te exponeres periculò transgrediendi legem Ecclesiasticam graviter obligantem. Nihilominus si stante tali dubio pergas ulterius legere, probabilius non incurres excommunicationem, tametsi ex post facto certò deprehendas librum fuisse ab hæretico compositum. Ita noster A. R. P. Kazenberger in *Supplement. I. P. Sargar Confer. 43.* secutus Sanchezium *lib. 2. cap. 10. n. 38.* & alios. Ratio est: quia de te dici non potest, quòd *scienter* legeris librum hæreticum.

Nec verum est, quod sibi persuadet Matthæucci, in hoc puncto nimis rigorosus, videlicet, in tali casu legenti jam constare de Auctore hæretico, esto non constet de Auctore certo; falsum quippe est omnem librum, qui hæresin continet, esse & ab Auctore hæretico compositum, neque hoc indiget ulteriori proba.

133

Colliges 3tiò, legentem controversias hisce temporibus Catholicos inter & hæreticos agitari

agita
ptas,
Bulla
est hæ
refes
Indic
thore
passim
partit
cis, a
tem t
taxar
audin
dum,
jusm
tinge
que p
possi
prehe
dogm
ptere
suffic
sent i
& m
idque
A
duos
rum t
sive n
fine,
R

agitari solitas, & ab Auctore Catholico scriptas, non incurrere excommunicationem Bullæ Cœnæ. Ratio est: quia talis liber non est hæreticus, sed Catholicus, esto etiam hæreses aliorum referat. Et licet Regula VI. Indicis Romani caveatur, ne hujusmodi Auctores controversistici in vulgari idiomate passim permittantur: nihilominus in hisce partibus nostris ubi Catholici juncti hæreticis, ab his non rarò impugnari solent, vel saltem tentari, & passim orthodoxam doctrinam taxari, imò diversis scommatibus proscindi audire coguntur, profecto minimè carpendum, sed laudandum potiùs arbitror, qui hujusmodi controversias legit eo fine, ut in contingentia facti hæreticis occurrere, eorùmq; perveraciam & impudentiam frangere possit. Nolim tamen hac resolutione comprehendere illos, qui de hæreticorum falsis dogmatibus nihil unquam audièrunt, proptereaque ex similium lectione utpote sibi insufficientes, varia dubia, scrupulos &c. possent incurrere: tales enim sine dubio tutiùs & meliùs agunt abstinendo, quàm legendo, idque propter periculum animæ ipsis imminens.

At, inquires, quid de illo tenendum, qui duos Antagonistas Catholicum unum, alterum hæreticum, utrùmq; in 8vo impressum, sive majoris commoditatis gratia, sive alio ex fine, curavit sibi unâ simul compingi?

R. Ad hoc dubium breviter, quòd si 134

materia illa ab hæretico scripta sit in ea quantitate, ut secundum se sumpta verè liber reputari possit & debeat, legens hunc librum incurreret excommunicationem.

Ratio est: quia revera *scienter legit* librum hæreticum, & quidem (uti supponi debet) sinè Auctoritate vel facultate Sedis Apostolicæ: neque enim compactura facit, ut definat esse talis, seu ut evadat Auctor Catholicus. Non tamen fieret obnoxius censuræ legendo præcisè librum Catholici Antagonistæ quantumvis compactum cum hæretico; quia non legit librum hæreticum: quemadmodum enim secundum mox dicta compactura non facit, ut auctor hæreticus evadat Catholicus, ita sanè ex Auctore Catholico facere nequit hæreticum. Hac de causa Sanchez Bonacina Lugo de fide *disp.* 21. *n.* 79. eosque secutus La Croix *lib.* 7. *n.* 338. rectè tenent, quòd si in una compactura contineantur plures partes libri hæretici, quarum aliquæ non habent hæresin, nec tractant de Religione, ut proin NB. tales partes habeant aliquò modò rationem *libri distincti*, eum, qui talem partem de Religione non tractantem, neque hæresin continentem legit, non fieri obnoxium censuræ, licèt totus liber seu volumen ita compactum nec legi, neque etiam tutâ conscientia retineri possit, uti bene advertit Pignatelli apud la Croix *loc. cit.*

num libros scandalosos, esto non hæreticos, v. g. de magia, divinationibus superstitiosis, Astrologia judiciaria, vel aliàs lasciva &c. peccare mortaliter contra prohibitionem Indicis Romani Regula VI. VIII. & X. licèt propterea excommunicationis censuram non contrahat teste Laymann *l. 2. tr. 1. c. 15. n. 8.* Ratio gravis peccati de se liquet: quia legentes hujusmodi libros sese exponunt periculo animæ cum gravi offensa Dei, & inobedientia erga Ecclesiam. Nihilominus si omnibus perpensis dubitetur sitnè talis liber hæreticus, perniciosus, vel prohibitus in Indice, nec aliunde possit deprehendi omnimoda veritas, legens talem nec reatum culpæ neque censuram incurreret, modò aliunde non sentiat lecturam illius sibi esse perniciosam.

Ratio est: quia cuilibet fas est legere quemlibet librum aliunde non prohibitum nec sibi perniciosum: ergo quamdiu non constat de prohibitionem, manet quisque in possessione suæ libertatis, veluti constare potest ex dictis *in tract. prælim. Confer. 6. n. 151. & 152.*

Dices adhuc. Sed quid tenendum de iis, qui Biblia Sacra vulgari idiomate edita legunt, prout in nostra Germania frequenter fieri assolet?

R. Per Regulam IV. Indicis jam sæpiùs allegati sapienter omnino caveri, ne Biblia vulgari lingua passim sinè discrimine permittantur, idque partim quia S. Scripturæ sensus & intel-

intellectus multis in locis est satis obscurus, intellectu, & captu difficilis, ideóque simplices inde de facili possent conjici in diversa dubia, animi perplexitates, & pericula temerè errandi etiam in iis, quæ sunt de fide, partim etiam quia, si passim sine examine permetteretur vernacula lectio scripturæ, facilè in manus fidelium venire possent versiones corruptæ, utputa Lutherana, Calviniana, Genevensis, Wicleffiana &c. quarum lectio procul dubio fidelibus foret perniciofa, aut certè periculosa. Sapientissimè proinnox allegata Regula ait, *hac in parte iudicio Episcopi aut Inquisitoris esse standum, ut cum consilio Parochi vel Confessarii Bibliorum à Catholicis auctoribus versorum lectionem in vulgari lingua eis concedere possint, quos intellexerunt ex huiusmodi lectione non damnum, sed fidei & pietatis augmentum capere posse.* Et si praxis Germaniæ non ferat, ut fideles hanc licentiam scripto tenus petant. Parochi itaque aut Confessarii erit disquirere, an Biblia sint authentica: tunc autem erunt talia, quando fuerint fideliter translata juxta normam & exemplar latinæ veteris Editionis, quæ alio nomine *vulgata* appellatur, de qua sola Concilium Tridentinum *ss. 4. decret. 1. & 2.* testatur, quod quoad omnes libros, omnesque librorum partes sit habenda pro Sacra, Canonica, & authentica. Videatur de hoc la Croix *lib. 7. n. 378.*

CON-

CONFERENTIA QUINTA.

De Pœnis hæreticorum, nec non de potestate absolvendi ab iisdem.

SUMMARIUM.

137. Recensentur brevissimè hæreticorum Pœnæ tum Canonicae, tum etiam civiles.
138. Ad quas incurrendas requiritur hæresis formalis;
139. Et quidem exterius manifestata per actionem moraliter peccaminosam.
140. Prædictæ pœnæ civiles ab hæreticis toleratis in Germania non incurruntur, bene tamen pœnæ Canonicae.
141. A Clerico autem tam civiles quàm Canonicae (paucis exceptis) incurrerentur.
142. Quoad pœnam irregularitatis tamen cum hæreticis in hisce partibus nostris nonnihil mitius proceditur.
143. Quibusnam pœnis subjiciantur Apostatae à fide, & Schismatici?
144. In ordine ad absolutionem graviter distingui debet inter hæresin occultam & notoriam seu ad forum contentiosum deductam;
145. Nec non inter forum in- & externum, & Sacramentale, & non Sacramentale.
146. Episcopi Germaniæ hodie dum possunt absolvere hæreticos pro foro externo: pro interno autem possunt per accidens.
147. An per se etiam id valeant pro foro interno? permulti probabiliter asserunt.
148. De Prælati Regularibus respectu suorum (Regularium scilicet) idem videtur tenendum, quod de Episcopis respectu suorum mox dictum fuit.

149. Quantum in ordine ad absolutionem ab hæresi valeant privilegiati, id est illi, qui Româ obtinuere quinquennalem licentiam?
150. Quidnam circa hoc valeant Confessarii non privilegiati?
151. Utrum Episcopi dispensare valeant in irregularitate ob hæresin incurta?
152. Utrum etiam Prælati Regulares in hac pœna dispensare valeant cum suis subditis?
153. Resolvitur Casus I. de quodam Religioso apostata, qui post aliquoties simulatam hæresin, immò & participatam Communionem cum iisdem tandem miseris pressus reversus fuit ad suum monasterium.
154. An propterea unam, vel plures excommunicationes incurrerit?
155. Utrum à suo Prælato potuerit absolvi?
156. Præsertim in casu, quo nolisset absolvi, vel contra fuisset protestatus.
157. Resolvitur Casus II. de quadam Vetula, quæ multis argumentis vix tandem persuasa fuit, ut abjuraret suam hæresin:
158. Paulè pòst tamen in eandem pejus fuit relapsa.
159. An denuo resipiscens potuerit absolvi saltem ab Episcopo, vel alio privilegiato?
160. Resolvitur Casus III. de quodam Pastore, qui noluit excipere Confessionem sceminæ prægnantis, eò quòd hæc de hæresi sin minùs convicta, saltem violenter suspecta fuerit.
161. Verùm propterea procul dubio graviter peccavit.
162. Expenditur ejusdem inepta responsio vel excusatio.
163. Confessarius bene debet distinguere inter hæreticum materiale & formale, nec non inter in- & externum.
164. Qui hæresin mente conceptam exterius manifestant quidem, sed non per actionem mortaliter malam, immunes habendi sunt à pœna excommunicationis.
165. Ni-

165. I
rial
tu
dab
166.
nos
tico
167.
fun

Præ
fi

Qu

noni
quib
tern
sex.
in Bu
tur.
nes
stica
rum
& de
num
tio s
quo

165. Nihilominus in Germania hæretici etiam materiales volentes fidem veram amplecti, rectè jubentur abjurare hæresin, & ab hac sub conditione laudabiliter absolvuntur.
166. Minus tamen verosimile est, quòd in Germania nostra quilibet Confessarius valeat absolvere hæreticos natos, dum volunt amplecti fidem salvificam.
167. & 168. Occurritur breviter duobus præcipuis fundamentis cujusdam Adversarii.

§. I.

*Præmittuntur, & breviter resolvuntur quæ-
sita, scitu necessaria ad debitè resollen-
dos casus practicos circa pœnas hære-
ticorum, eorundemque abso-
lutionem.*

Quæres primò, quænam sint hæreticorum pœnæ?

R. Sunt diversæ tum spirituales seu Canonicae, tum etiam temporales seu civiles, quibus utròque jure hæretici formales & externi afficiuntur. Canonicae sunt sequentes sex. 1. Excommunicatio latæ Sententiæ, quæ in Bulla Cœnæ soli Summo Pontifici reservatur. 2. Irregularitas & inhabilitas ad ordines clericales, Beneficia, & officia Ecclesiastica. 3. Privatio Beneficiorum, Officiorum & Dignitatum Ecclesiasticarum, immò & degradatio. 4. Privatio exercitii Ordinum & jurisdictionis spiritualis. 5. Privatio sepulturæ in loco Sacro. 6. Divortium, quod conjugii innocenti permittitur ob alterius

rius lapsum in hæresin. Quæ omnia videri possunt *c. 8. 9. 13. x. de hæretic. cap. 2. 12. & 15. eod. tit. in 6. juncta Bulla Cane can. fin. Caus. 24. q. 2. c. 6. & 7. de divortiis.* Porro civiles & temporales sunt sequentes octo. 1. Infamia *juris & facti*: juris tamen requirit sententiam declaratoriam criminis. 2. Instabilitas tam activa, quàm passiva, vi cujus hæretici nec Testamentum, neque etiam Codicillum facere possunt, neque in hæreditatem alterius succedere. 3. Inhabilitas ad omnes actus civiles, ita, ut in judicio Actores, Testes, Notarios, Advocatos, Judices agere, vel officium publicum gere non valeant. 4. Confiscatio omnium bonorum. 5. Amissio patriæ potestatis in liberos. 6. Amissio omnis privilegii & beneficii à jure quibusdam specialiter concessi, ut est privilegium dotis, beneficium S. C. Maced. S. C. Velleiani, &c. 7. Liberatio subditorum & vasallorum ab omni debito obedientiæ, fidelitatis & obsequii, etiam jura-mentô promissi. 8. Denique ultimum supplicium; quia hæresis non solum Religionis Christianæ ac salutis æternæ fundamentum tollit, atque in spiritualibus habetur eo loco, quò in politicis crimen læsæ Majestatis, sed etiam summopere turbat tranquillitatem politicam Regnorum & Provinciarum. Habentur hæc *c. 9. 13. & fin. X. c. 2. 8. 14. 19. in 6. de hæret. l. 4. 5. & 8. & Auth. Credentes.*
Auth:

*Aut
tio v
f.)
pena*

*Q
tas p
mal
crim
sis p
li, j
cus
renu*

*qui
ran
con
que
salv
cen
ben
n. 4
flue*

*con
dan
for
con
asse
ter
bis*

Auth. Gazaros. C. eod. Fusior horum explicatio videri potest apud Reiffenstuel *lib. 5. tit. 7. §. 5. & 6. per totum.* Et apud Pichler *in Compend. J. C. lib. 5. tit. 7. n. 2.*

Quocirca notandum est in primis, præfatas pœnas statui duntaxat *pro hæreticis formalibus*; mens quippe Ecclesiæ fuit, punire crimen hæreseos propriè dictæ: atqui hæresis propriè dicta consistit in errore intellectuali, juncto cum pertinaciâ, vi cujus hæreticus etiam post veritatem satis sibi propositam renuit acquiescere Ecclesiæ. 138

Inde fit, quòd hæreticus merè materialis, qui scilicet sinè pertinaciâ, vel ex mera ignorantia licèt culpabili errat, non incurrat excommunicationem Bullæ Cœnæ; consequenter si agnita veritate velit amplecti fidem salvificam, non indigeat absolutione ab hac censura, sed possit absolvi à quolibet, prout bene advertunt Laymann *lib. 2. tr. 1. c. 13. n. 4.* Pirhing *tit. de hæreticis n. 16.* Reiffenstuel *loc. cit. n. 239.*

Notandum insuper est 2dò, ad hanc excommunicationem Bullæ Cœnæ incurrendam insuper necessariò requiri, ut hæreticus formalis hæresin internam, id est, mente conceptam *exteriùs manifestet*, & quidem assertivè ac distinctè, *per actionem mortaliter malam* eandem profitendo, sive dein verbis, sive factis, sive aliis signis &c. 139

Ratio est: quia hæc excommunicatio fuit lata

lata ad puniendum peccatum externum hæreseos: atqui tale non committitur, quamdiu hæreticus suam hæresin non manifestat per actionem externam mortaliter malam: ergo talis actio necessario debet supponi. Et ita tenent Sanchez *lib. 2. mor. c. 8. n. 7. & 17.* Laymann. *lib. 2. tract. 1. cap. 14. n. 3.* Sporer. *tr. 2. in decalog. cap. 3. sect. 2. n. 23.* Reiffenstuel *lib. 5. Decret. tit. 7. n. 242.*

Quæres 2dò, utrum præfatæ poenæ tam spirituales, quàm temporales à Laicis & Clericis æqualiter incurrantur in nostra Germania?

140

R. Poenas temporales seu civiles non æqualiter ab utrisque incurri, benè verò 2. poenas Canonicas. Ratio prioris est: quia Lutherani & Calvinistæ vi pacificationum in Comitibus Augustæ 1555. & Osnaburgis 1648. obtinuere liberam potestatem exercendi suas respectivè Religiones: ergo ob harum exercitium nullas incurrunt poenas civiles. Contrarium nihilominus etiam quoad hoc tenendum est de hæreticis in Imperio non toleratis, quales sunt Zvvingliani, Hussitæ, Anabaptistæ, & alii omnes præter Lutheranos (qui alio nomine Evangelici) & Calvinistas (qui Reformati appellari volunt, potius tamen mererentur dici deformati) quibus cum nihil prorsus faveant mox allegata pacta, nequaquam liberi sunt à poenis civilibus mox recensitis, tametsi cum

cum his etiam mitiùs plerùmque procedi soleat in hisce partibus nostris. Videatur P. Pichler ubi suprâ n. 3.

Ratio autem 2di hæc est: quia pœnæ Canonicae non dependent ab arbitrio potestatis civilis, sed ab arbitrio Summi Pontificis: atqui Summi Pontifices nunquam approbârunt allegatas pacificationes, utpote nimis favorabiles hæreticis & præjudiciosas juribus Ecclesiasticis: imò verò Innocentius X. in Bulla *Zelò domus DEI* pacem Westphalicam nempe Osnabrugis & Monasterii initam expressè reprobavit. Quocirca Sanchez *lib. 2. moral. cap. 10. num. 9.* Laymann *lib. 2. tr. 1. c. 14. n. 5. fin.* alique plures rectè advertunt, easdem pœnas extendi quidem ad credentes, receptatores, defensores & fautores hæreticorum, ab his tamen probabiliùs non incurri, nisi ex tali favore aut receptione sequatur malus effectus: quia (inquit Sanchez) ubi aliquis principaliter excommunicatur, & accessoriè mandantes, consulentes vel faventes &c. juxta communem Doctorum hi non incurrunt eandem pœnam, nisi effectus secuto: atqui vi Bullæ Cœnæ jam sæpiùs allegatæ primariò feriuntur hæretici, & in horum odium ac detestationem secundariò etiam eorundem fautores ac receptatores: ergo &c.

Ergonè, inquires, etiam in Germania nostra hæretici, eorùmque filii habendi sunt velut irregulares?

R. Pro-

142

R. Probabiliter non sunt habendi tales, nisi ipsorum hæresis, & quidem formalis notoria sit notoreitate juris vel facti, & propterea reputentur infames. Ita contra Reiffenstuel, Azorium, Sanchez & alios plures tenent Laymann *lib. 1. tr. 5. part. 5. c. 4. n. 12.* Castropalao *tract. 4. disp. 4. punct. 4.* La Croix *lib. 6. part. 2. n. 2218.* Pichler *in Compend. Jurispr. lib. 5. tit. 7. n. 3.* & noster Pater Cherubinus Mayr *in suo Trismegisto dist. 1. c. 3. num. 109.*

Ratio est: quia hæc irregularitas (uti & inhabilitas ad beneficia & officia Ecclesiastica) videtur fundari in infamia, quam in conversis ad fidem Catholicam, & in filiis hæreticorum generalis consuetudo Germaniæ sustulisse videtur, inquit P. Pichler *loc. cit.* id quod & praxis Germaniæ confirmat, in qua teste Laymanno *l. cit.* hæretici conversi, eorumvè filii citra omnem dispensationem irregularitatis non rarò ordinantur. Illud autem extra omnem controversiam esse debet, hanc pœnam irregularitatis minime incurri ob hæresin non notoriam; infamia quippe est plurium prava opinio circa aliquem: ergo hæresis debet esse notoria ad hoc, ut hominem reddere possit infamem: ad hæresin autem notoriam teste Cl. P. Pöckhn *tit. de hæret. n. 20.* non sufficit constare, aliquem vixisse v. g. in secta Lutherana, sed debet esse publicè noto: eum, cum fuisse hæreticum

reticum *formalem*, & probabilissimè insuper accedat sententia saltem declaratoria criminis, necessum est.

Quæres 3tò, quænam sint pœnæ Schismaticorum, & Apostatarum à fide?

R. Apostatæ à fide, utpote veri & formales hæretici, iisdem cum hæreticis pœnis subjacent: quemadmodum tamen secundum dicta ad incurrendam hanc excommunicationem non sufficit hæresis merè mentalis, sed requiritur externa, id est ad extra manifestata; ita pariter ad eandem incurrendam non sufficit Apostasia merè mentalis, sed debet esse exterius actu quodam mortaliter peccaminoso manifestata. Porro Schismatici, esto sint puri, id est, non simul hæretici, nihilominus ipso factò incurrunt excommunicationem Bullæ Cœnæ Summo Pontifici reservatam: & si crimen sit publicum, insuper incurrunt infamiam, eique annexam irregularitatem, nec non privationem beneficiorum & officiorum Ecclesiasticorum cum inhabilitate ad alia consequenda, prout diversis juribus allegatis probat Reiffenstuel *lib. 5. decret. tit. 8. n. 9.* 143

Quæres 4tò, quinam præter S. Pontificem possint absolvere ab hæresi, & excommunicatione eidem annexa?

Ante resolutionem hujus quæsti adverto breviter cum nostro V. P. Cherubino Mayr *mox suprâ cit. dist. 1. cap. 3. §. 1. punct. 14. in ordine* 144

ordine ad absolutionem distinguendum esse inter crimen hæresis *occultum*, & *ad forum contentiosum nondum deductum*, & inter *publicum*, atque *ad forum contentiosum deductum*. *Occultum* dicitur, quod licet uni vel alteri, vel etiam pluribus constet, ita, ut etiam per testes probari posset, nondum tamen famâ in aliquo Collegio, vel civitate percrebuit, aut certè ad iudicium delatum nondum fuit.

Publicum è contra appellatur illud, de quo majori parti viciniae vel alicujus communitatis jam constat: quin immò, cùm versemur in materia odiosa, multi Doctores (nominatim Palao *tr. 4. disp. 4. punct. 3. §. 2. n. 15.*) existimant ad hoc, ut delictum dicatur publicum, insuper requiri nedum denuntiationem & citationem rei, sed etiam contestationem litis coram legitimo Judice factam, licet hoc alii negent. Illud tamen mihi videtur satis certum, etiam in hisce partibus nostris, nominatim in hac Archidiecepsi Salisburgensi, ubi specialiter solet inquiri in hæreticos, illum dicendum esse hæreticum publicum, qui in hoc puncto Reverendissimo Consistorio seu Officio Ecclesiastico nedum denunciatus, sed etiam confessus, aut certè convictus est de crimine.

Adverto insuper 2dò, absolutionem hanc dari posse vel pro foro externo duntaxat, vel pro ex & interno simul. Pro externo cense-

tur

setur
junct
Apo
clesia
com
quân
foro
I
cense
Deo
pera
tual
nise
in fo
puni
num
niter
pœn
prim
solu
cerd
scien
bonu
cet
ve
cora
tra
sive
nistr
driq
che
R

setur dari, quando quis abjurata hæresi & iuncta salutarî pœnitentiâ auctoritate Sedis Apostolicæ reconciliatur Ecclesiæ *coram Ecclesia*, in ordine ad recuperandam cum ipsa communionem externam tam publicam, quàm privatam, immunitatémque à pœnis in foro externo infligendis.

Pro foro autem interno duntaxat tunc censetur dari absolutio, quando quis *coram Deo* reconciliatur Ecclesiæ in ordine ad recuperandam participationem bonorum spiritualium animæ, quibus vi excommunicationis existit privatus: quô non obstante adhuc in foro publico & coram facie Ecclesiæ posset puniri à Iudice. Porro hoc forum internum à Doctoribus solet distinguî *in forum pœnitentiæ*, & *in forum conscientiæ*. Forum pœnitentiæ est ipsum forum Sacramentale, primariò ac per se institutum à Christo ad absolutionem à peccatis; in quo proin solus Sacerdos potest agere Iudicem. Forum conscientiæ autem est illud, in quo præcisè in bonum animarum sinè strepitu judiciali exercetur spiritualis potestas sive absolvendi, sive etiam dispensandi, ita, ut hæc valeat coram Deo, sive dein id fiat intra, sive extra confessionem, sive publicè coram aliis, sive privatim. Ita vix non in iisdem terminis noster Cherubin Mayr *l. cit.* Secutus Rodriguez *qq. RR. tom 1. q. 61. art. 10.* Sanchez *lib. 8. de matr. disp. 34. n. 29.* Palaum & R. P. Elbel, *Pars II. de Fide &c.* L. alios.

alios. His prænotatis jam resolvendum est 1. quidnam Episcopi? 2. quidnam Superiores Regulares respectu suorum? & denique quidnam alii Confessarii tum privilegiati, tum etiam non privilegiati valeant? intelligendo igitur quæstionem de Episcopis.

146

R. Episcopi in locis ubi non viget inquisitio hæreticæ pravitatis (uti revera in hisce partibus nostris non viget) possunt hodie dum tanquam delegati sedis Apostolicæ absolvere hæreticos ab excommunicatione pro foro externo, modò non sint Hæresiarchæ, id est, inventores hæresum, aut Relapsi. 2dò. Insuper pro foro interno Episcopi in Regionibus ab Urbe remotioribus (veluti sunt Episcopi Germaniæ, Belgii &c.) regulariter loquendo ratione impedimenti perpetui vel diuturni adeundi Summum Pontificem, possunt ab eadem hæresi, & excommunicatione ob eandem incurfa absolvere suos subditos. Ita quoad utramque partem hodie dum tenent communissimè nedum Theologi, verùm etiam Canonistæ, uti Schmalzgrueber, Reiffenstuel *tit. de hæret. §. 7. n. 369. & 372. Sanchez lib. 2. mor. c. 11. n. 2. Palao &c. Prior pars hujus resolutionis hebetur decisa cap. ut Officium 11. in princip. vers. si verò h. t. in 6to. 2da verò pars fundatur in cap. Ea noscitur 13. & c. quamvis 58. de sent. excomm. Cui insuper suffragatur ratio: nam impedimentum perpetuum vel ad*

lon-

longum tempus in ordine ad obtinendam vel dandam absolutionem meritò æquiparatur articulo, seu etiam periculo mortis, quandoquidem taliter impeditus moraliter certus est, se ante mortem adire non posse Summum Pontificem pro obtinenda absolutione, atqui stante tali impedimento perpetuo casus Papalis fit Episcopalis, seu devolvitur ad tribunal Episcopi &c. ergo hi possunt in simili casu absolvere. Et certe frustrà omnino immò periculosè exspectaretur, vel etiam differreretur absolutio usque ad articulum mortis: posset enim contingere, ut talis moreretur sinè absolutione. Illud tamen circa hoc insuper observandum est, absolutionem scilicet pro foro externo datam prodesse pro foro interno in tantum, quatenus excommunicatione semel sublata postea quilibet Confessarius approbatus potest absolvere à peccato hæreseos, prout DD. cit. communiter notant.

Dixi in 2da parte hujus resolutionis, Episcopos remotiores ab Urbe *ratione impediti perpetui saltem* posse absolvere suos subditos, &c. ut per hoc innuerem, non esse omnino exploratum, an Episcopi non possint etiam per se absolvere ab isto casu papali. Enimverò certum omnino & apud omnes in confesso est, à Concilio Trident. *ss. 24. de reform. c. 6.* iisdem olim fuisse concessam potestatem, nedum absolvendi ab

hæresi occulta, & aliis quibuscunque suspensionibus & casibus occultis, etiam Sedi Apostolicæ reservatis, sed insuper in omnibus irregularitatibus, ex delicto occulto provenientibus (excepta ea, quæ oritur ex delicto homicidii voluntarii) dispensandi &c. Ad verò, an hæc facultas vi Bullæ Cœnæ non sit revocata, immò quot annis Romæ per hujus promulgationem revocetur, acriter hisce temporibus controvertitur inter Doctores; quocirca affirmativam tenent Barbosa, Sanchez, Garcias, Durandus, Pignatelli, la Croix *lib. 6. part. 2. n. 1617.* Reiffenstuel *lib. 5. decret. tit. 7. §. 7. a. n. 363.* Clericatus *de pœnit. decis. 45. n. 5.* Viva *ad propos. 3. ab Alexandro VII. damnatam n. 4.* Babenstuber *tr. 8. part. 6. disp. 6. art. 4. n. 32.* & alii plures, hac potissimum ratione ducti: quia in eadem Bulla Cœnæ §. 22. expressè dicitur, quòd à *prædictis Sententiis* (in Bulla scilicet fulminatis) *nullus per alium, quàm per Romanum Pontificem, nisi in mortis articulo constitutus - - absolvi possit, etiam prætextu quarumvis facultatum & indultorum, quibuscunque personis Ecclesiasticis, Sæcularibus: & quorumvis Ordinum, etiam Mendicantium, ac Militarium Regularibus, etiam Episcopali, vel aliam majori dignitate præditis &c. &c.* Idque etiam dicitur fuisse declaratum nedum à Gregorio XIII. sed etiam à Clemente VIII. **Econtra verò negativam** (hanc scilicet

scilicet facultatem per publicationem Bullæ Cœnæ Episcopis non adimi) tenent permulti alii DD. non minùs insignes, quorum 24. refert Barbosa *de Offic. & potest. Episcopi* alleg. 40. n. 21. quæis insuper subscribunt Chapeauville, Pichler, Engel, & alii plures, absolute asserentes, Episcopos per se (præscindendo etiam ab impedimento perpetuo vel casu necessitatis) posse pro foro cōscientiæ absolvere ab hæresi; idque partim, quia correctio juris vitanda est, quoad fieri potest: at qui hic potest vitari: si dicatur Concilium concedere Episcopis facultatem absolvendi pro foro cōscientiæ & casibus occultis, è contra verò per Bullam Cœnæ eandem negari pro foro externo, id est, in casibus publicis, aut ad forum contentiosum jamjam deductis; partim etiam quia cùm de potestate Episcopis semel concessa certò constet, è contra revocatio ejusdem tot viris videatur dubia, debent Episcopi relinqui in sua possessione semel adepti; præsertim cùm etiam de declarationibus allegatis Summorum Pontificum non constet authenticè. Verùm quidquid demum de hoc sit, inquit sapienter Pirhing *lib. 5. tit. 7. sect. 2. n. 42.* Sententiam hanc, nempe hanc facultatem non esse revocatam per Bullam Cœnæ, in praxi tutius amplecti possunt Episcopi in Regionibus ab Urbe remotioribus, propter difficultatem adeundi Summum Pontificem: Et hinc Episcopi Germaniæ Lutheranos &

Calvinianos ac similes hæreticos, qui Catholicam fidem suscipere volunt, possunt per se, vel delegatos suos, etiam in foro conscientiae absolvere non solum ab hæresi occulta, sed etiam à notoria & publica. Ita Doctor cit. cum Laymanno *lib. 1. tr. 5. part. 2. c. 6. n. 6.*

Quæres 5tò, utrum etiam Superiores Religiosi gaudentes jurisdictione quasi Episcopali possint suos saltem subditos absolvere ab hæresi, & excommunicatione ob eandem incurfa?

148

R. ad hoc quæsitum ferè sicut ad prius, scilicet, quòd possint absolvere suos subditos in foro conscientiae saltem ratione impedi-
menti perpetui. Ratio est: quia dicti Prælati Regulares, utpote gaudentes jurisdictione Episcopali vel quasi Episcopali respectu suorum quantum ad potestatem absolvendi, possunt idem, quod Episcopi in hoc passu valent respectu suorum: at, hi possunt suos subditos absolvere ab excommunicatione ob hæresin incurfa; ergo idipsum possunt Prælati Regulares respectu suorum subditorum, eò præsertim, ne subditi sub prætextu absolutionis obtinendæ inutiliter vagentur per Orbem. Utrum autem Prælati Regulares id valeant per se, etiam extra casum necessitatis vel impediementi perpetui? rursus controversitur inter Doctores.

Multi negativam absolutè tenent, eò quòd existiment, privilegia olim diversis Religio-

ligio-

ligionum Superioribus concessa, hodie esse revocata : è contra Hyacinth. Donatus in *rerum Regularium praxi* Tom. 1. part. 1. tr. 13. q. 17. Herincx, Felix Potestas *Exam. Confess.* Tom. 1. part. 4. c. 5. num. 3377. allegatis pluribus aliis, quos sequitur noster A. R. P. Kazenberger in *Supplement II. P. Sargar Confer.* 118. n. 348. mordicùs hodiedum defendunt, hanc facultatem etiamnum competere Prælati Regularibus respectu suorum Subditorum. Quidquid demum de hoc sit, nobis pro praxi nôsse sufficit, quòd dicti Prælati Regulares (quò nomine solum veniunt intelligendi Superiores majores, uti Generalis, Provincialis, Prælati Ordinum exemptorum, teste Reiffenstuel *tit. de hæreticis* §. 9. n. 417.) possint sive dein per se, sive per suos, absolvere sibi subjectos: & certè idipsum praxis in Germania nostra semper obtinuit, nec facile crediderim in hisce partibus nostris ullum fore Religiosum Superiorem tam simplicem vel scrupulosum, qui ob hujusmodi Casum, præsertim occultum, subditum suum vel Romam ableget, vel ad Episcopum pro obtinendo beneficio absolutionis.

Quæres 6tò, quidnam circa hæreticorum absolutionem valeant Confessarii, privilegiati, id est, illi, qui, (utì solet) Româ quinquennalem obtinuère licentiam absolvendi ab hæresi, & legendi libros hæreticos?

149

R. Breviter. Vi facultatis Apostolicæ (cujus exemplar ordinariè dari solitum ad quinquennium videre licèt apud nostrum A. R. P. Kazenberger *l. prox. cit. n. 348.*) Confessarii privilegiati possunt sequentia 1. Legere omnes & quoscunque hæreticorum, aut alios prohibitos libros (exceptis tamen Caroli Molinei, & Nicolai Macchiavelli operibus, ac libris de astrologia judiciaria tractantibus) idque ex fine redarguendi hæreses & errores confutandi. 2. Possunt omnes & singulos utriusque Sexus tam Laicos, quàm Clericos Sæculares, ac cujusvis Ordinis Regulares, Hæreticos, Schismaticos, & à Catholica fide quomodocunque aberrantes &c. (non tamen in hæreses post solennem abjuracionem hujus schisma, & errores relapsos, vel ad judicium delatos & condemnatos &c.) dummodo corde sincero & fide non ficta hæreses, schisma, errores suos &c. in Sacramentali Confessione detestati sint &c. injecta salutari poenitentia *in foro conscientiae duntaxat* absolvere. 3. Insuper vi hujus privilegii iisdem conceditur, ut ab omnibus & singulis Casibus Apostolicæ Sedi, etiam in Bulla die Cœnæ Domini reservatis *de præterito tamen, & usque ad diem quò datæ fuere litteræ Apostolicæ*, incuris possint absolvere.

Ex quibus liquet, hanc licentiam quinquennalem esse computandam ab illa die, quâ Romæ fuit expedita, non verò quâ fuit
rece-

recepta; ut si quis obtinuit hanc facultatem Romæ die 4. Januarii expeditam anno 1730. ea non potest uti ultra diem 4. Januarii anno 1735.

Cæterum quo sensu intelligenda sit clausula illa: *in foro conscientie duntaxat absolvere &c.* colligi potest, ac debet ex proximè dictis n. 145. Sapienter tamen advertit noster A. R. P. Kazenberger *l. cit. n. 347. ad 4tam clausulam* gnæviter distinguendum esse inter duplicem potestatem vi Rescripti Romani concedi solitam; nam primò ab Inquisitoribus generalibus contra hæreticam pravitatem auctoritate Apostolica in hac parte ipsis commissa absolutè conceditur licentia legendi libros hæreticos, & absolvendi ab hæresi, ac etiam hæreticorum receptores, fautores, defensores, sicut etiam librorum hæreticorum lectores & retentores, ab excommunicatione & aliis censuris, & Ecclesiasticis sententiis absolvendi. Deinde 2dò pariter de speciali mandato Papæ datur licentia absolvendi ab aliis casibus Bullæ Cœnæ, sed tantum incurfis usque ad diem datæ præsentium litterarum; ex quo fluit, quòd, tametsi talis Confessarius ab aliis casibus Bullæ Cœnæ post diem datæ præsentium litterarum incurfis nequeat absolvere poenitentem, possit tamen durante quinquennio absolvere ab hæresi, vel potius ab excommunicationis, suspensionis & interdicti aliisque Ecclesiasticis sententiis,

tentiis, censuris, & pœnis ob hæresin sive ante diem datæ, sive post incurfis; tum quia hæc facultas jam prius fuit *absolutè*, & *sine restrictione usque ad diem datæ* concessa, tum etiam, quia hæc potestas utpote favorabilis est latè interpretanda, quantum proprietates verborum permittit per *Reg. 15. §. in 6.* Et hanc resolutionem utpote rationi & auctoritati nixam jam multò probabiliorem actionem censeo illa, cujusdam Agentis Romani, in prioribus editionibus à me insinuata. Neque enim ex hoc sequitur, per illam clausulam *usque ad diem datæ incurfis* &c. facultatem quinquennalem in hisce partibus nostris reddi omninò inutilem; tum quia talis Confessarius potest per quinquennium absolvere ab hæresi & pœnis ob hæresin incurfis; licet nequeat absolvere ab aliis casibus Bullæ Cœnæ *post diem datæ incurfis*: tum etiam quia reliqui Casus Bullæ Cœnæ (excepta hæresi) in hisce partibus nostris non nisi rarissimè incurruntur.

Quæres 7mò, an ergo alii Confessarii non valeant absolvere ab hæresi, & excommunicatione propter eam incurfa?

150

R. Per se loquendo non possunt, nequidem in casu impedimenti perpetui. Ratio est: quia pro tali casu potestas absolvendi devolvitur ad Episcopos per *cap. de cætero, &c. Ea noscitur. de Sent. Excomm.* ergo vel ab his, vel ab eorum delegatis, vel denique ab aliquo

aliquo privilegiato ceu delegato Summi Pontificis oportet petere, & impetrare absolutionem. Nihilominus in casu, quô vel mora temporis, vel distantia viarum, vel aliâ circumstantiâ non permittunt accessum ad Episcopum vel alium privilegiatum, jam quilibet Confessarius poterit absolvere, juxta *communissimam Doctorum*, quam tenent Tambur, *de casib. reserv. c. 12. §. 2, n. 28. & 34. Stoz lib. 2. num. 68. Reiffenstuel de hæret. §. 8. n. 397.* Ratio colligi potest ex proximè dictis: quia casus necessitatis æquiparatur articulo mortis: atqui in articulo mortis quivis Confessarius potest absolvere: ergo &c.

Quæres denique octavò, quinam in irregularitate ob hæresin contracta valeant dispensare?

R. 1. Suppositò, quòd secundum superius *num. 142.* dicta irregularitas non incuratur, nisi ob hæresin publicam, vel potius ob infamiam inde redundantem, cum hujusmodi hæretico infami nequidem Episcopus dispensare valet,

Ratio est: quia per Tridentinum SS, 24, *de Reform. c. 6.* Episcopis solum conceditur facultas dispensandi in irregularitatibus ex delicto occulto provenientius: ergo si hæresis supponatur publica, vel potius reddere quæpiam publicè infamem, Episcopus cum eodem dispensare nequit.

Illi nihilominus Doctores, qui existimant hanc irregularitatem ob hæresin etiam occultam seu non notoriam contrahi, coguntur fateri, Episcopum in eo casu posse dispensare. Et ita sentiunt Sanchez *lib. 2. mor. c. 25. n. 17.* Palao *tr. 4. disp. 4. punct. 4. num. 3.* Felix potestas in *Exam. Confessar. Tom. 1. part. 4. c. 5. num. 3338.* Nec mirandum; quia Doctoribus hisce praxis Germaniæ non fuit nota. Hinc sapienter Pirhing *de hæret. sect. 3. n. 47. circa finem* ait, consuetudinem, quæ in his septentrionalibus partibus viget, secundum quam Episcopi ex hæresi ad Fidem Catholicam conversos, & ab ea absolutos ordinare solent, validam, ac licitam esse; quia tales neque in foro civili à publicis dignitantibus & officiis excluduntur.

152

R. Jam 2dò, ad idem quæsitum. Prælati Regulares Mendicantium cum suis subditis dispensare possunt in irregularitate ob hæresin etiam notoriam contracta. Ratio est: quia vi diversorum privilegiorum, videntur apud nostrum Herincx *part. 2. tract. 3. disp. 6. q. 7. num. 191.* hi possunt dispensare cum suis subditis in omni irregularitate, excepta illa, quæ ex homicidio publico est contracta. Neque quoad hoc constat de aliqua revocatione privilegiorum facta ab aliis Pontificibus subsequenter: ergo &c.

§. II.

§. II.

*Proponuntur & breviter resolvuntur Casus
practici de Absolutione ab hæresi
&c &c.*

CASUS PRIMUS.

Titius Religiosus, nescio quibus de causis, Ordinem suum deserens aufugit in quamdam civitatem A catholicam, ubi non quidem amore Fidei Lutheranae (utpote quam pridem noverat esse falsam) sed potius intuitu sustentationis sibi necessariae impetrandae cogeatur sese gerere velut unum ex illis, utputa necdum Ecclesiam eorum frequentando, verum insuper Cænæ Sacrilegæ communicando aliquoties. Nec defuere è Lutheranis etiam, qui, utpote probè gnari eum fuisse Religiosum (curiositatis, an verò veritatis indagandæ causâ, ignoro) sæpiùs iuterrogârunt Titium, an reapse crederet, etiam illos, qui in fide Lutherana moriuntur, posse salvari, quibus ille, licet mala fide, & conscientia multum remurmurante, respondit affirmativè. Denique partim præsentis statûs sui miseriis excitatus, partim etiam superni luminis radiis illustratus, oculos aperuit, errorem suum agnovit, & ovicula vagabunda, immò perdita sponte rediit ad suum Pastorem, vel maximè dolens de eo, quòd nonnullis A catholicis sciscitantibus responderit, eos etiam in sua sectâ, Lutherana

na scilicet, posse salvari. Jam ad nostrum institutum (relictis aliis pluribus dubiis, quæ circa hanc speciem facti possent moveri) quæ-
rere licet 1. An Titius inciderit excommuni-
cationem? 2. An jamjam reversum Præla-
tus Regularis possit absolvere, vel quidnam
agendum?

153

R. Ad primum. Si Titius supponatur fuisse Alumnus nostræ Sacræ Religionis Seraphicæ, dicendum, quod non unam duntaxat, sed duplicem inciderit excommunicationem. Primam quidem (non reservatam S. Pontifici) ratione Apostasiæ ab Ordine per statuta general. c. 6. §. 20. num. 2. Secundam verò (Summo Pontifici reservatam) ratione Apostasiæ à fide. Ratio hujus est: quia cum participatio Communionis sit actus singulariter protestativus ipsius Religionis; hinc non abs ratione quisquis de Communione Luheranorum participat, præsumitur ipsò facto pro foro saltem externo eandem sectam Luheranam profiteri, Catholicam verò fidem negare: consequenter dicendum est, quod saltem pro foro externo habendus sit velut hæreticus & excommunicatus vi Bullæ Cœnæ; idque tantò solidius, quantò minùs de Titio præsumere licet, eum fuisse hæreticum merè materiale aut ex mera ignorantia id practicasse.

154

Dixi: Si Titius supponatur fuisse Alumnus nostræ Religionis Seraphicæ &c. Enim-
verò

verò si supponatur fuisse alterius Ordinis, equidem in foro externo præsumetur incidisse excommunicationem Bullæ Cœnæ, ob rationem jam datam. Utrum verò vi Apostasiæ præcisè insuper inciderit alteram excommunicationem, unusquisque Religiosus nōsse debet ex particulalibus constitutionibus suæ Religionis circa Apostatas factis. Quod enim hujusmodi vagabundi & Apostatæ à suis Superioribus puniri possit, immò debeant, constat nedum ex Concilio Tridentino SS. 25. de Regular. c. 4. Sed insuper ex diversis Summorum Pontificum Bullis, videntis tum apud nostrum Rodriquez in Bullario, tum etiam apud Kerckove in *Commentario super statut. general. cap. 6. §. 20. n. 1.* Immò verò teste P. Portel. in *dubiis Regular. V. Apostata. addit. num. 4.* Julius II. excommunicatione reservata Sedi Apostolicæ puniit Augustinienſes Apostatas, qui infrà octo dies mandante Generali Ipsorum ad Conventum non rediērent.

R. jam ad 2dum quæsitum hujus Casus. 155
Potest Superior Regularis hujusmodi Apostatam (datò quòd fuerit ex nostris) absolvere, nedum ab excommunicatione ratione Apostasiæ incurſa, verùm etiam ab excommunicatione Bullæ Cœnæ, quam secundùm dicta in foro externo saltem supponitur incurſisse.

Ratio prioris liquet ex nostris statutis generalibus.

neralibus *loc. cit. n. 8.* ubi dicitur : cū hujusmodi Apostatæ revertuntur, statim incarcerationentur, & publicè coram fratribus cum Psalmo Miserere mei Deus &c. virgis seu flagellis percutiantur, & *ab excommunicatione absolvantur.* Ratio autem posterioris pariter colligi potest ex dictis *suprà n. 148.* Quia Prælati Regulares, tam per se, quàm per suos delegatos respectu suorum subditorum quantum ad hoc possunt idem, quod possunt Episcopi respectu suorum : atqui in casu impediementi perpetui vel diuturni possunt Episcopi suos absolvere ab excommunicatione Bullæ Cœnæ juxta communissimam DD. videndam apud Laymann *lib. 1. tr. 5. part. 2. c. 6. n. 5.* Reiffenstuel Schmalzgrueber & alios : ergo. Neque verò necessum est, ut in simili casu vel Episcopus ; vel Superior Regularis scribat Romam, vel illuc mittat procuratorem ; quia jura solū exigunt personalem comparitionem delinquentis : ergo cū Religiosus ex hisce partibus nostris id moraliter non possit, dicendum potius est, quòd Superior Regularis possit subditum suum absolvere ab hac excommunicatione Bullæ Cœnæ.

Adde insuper ex dictis *n. 148.* Prælati Regularibus per se hanc potestatem competere vi diversorum Privilegiorum videndorum apud Felix Potestas *loco prox. citato d. n. 3372.* de quibus cū certò non constet, quòd

quòd
proba
stater
piis d
fessan
ibi ex
quòd
simili
ctione

A
versu
prian
posta
etiam
stante
valid

R
vere :
cato.
test in
minu
dictio
doqui
ab ar
dist. 1
quos
fco in
sect. 2

Semp
m
R. 1

quòd fuerint revocata, manet hodiedum probabile ex principiis directis, hanc potestatem iisdem competere: at ubi ex principiis directis probabile est, Superiori vel Confessario competere potestatem absolvendi, ibi ex principiis reflexis fit moraliter certum, quòd valeant absolvere, quandoquidem in simili casu Ecclesia certò suppleat jurisdictionem: ergo &c.

At quid, si talis Religiosus sive sponte reversus, sive etiam contra voluntatem propriam retractus protestetur, se non fuisse Apostatam, proptereaque nec indigere, neque etiam velle absolvi, poteritnè hoc non obstante Superior procedere ad absolutionem validam?

R. Potest pro foro saltem externo absol- 156
vere ab excommunicatione, licèt non à peccato. Ratio est: quia sicut censura ferri potest in invitum; ita prorsus nihil obstat, quominus absolutio ab eadem, velut actus jurisdictionis voluntariæ, dari possit invito; quandoquidem hæc absolutio præcisè dependeat ab arbitrio Superioris. Ita D. Thomas 4. dist. 18. q. 2. art. 5. Sayrus lib. 2. c. 21. n. 5. quos citat & sequitur R. P. Elias à S. Francisco in idæis Theolog. part. 2. dist. 1. Serie 6. sect. 2. §. 4. n. 2.

CASUS SECUNDUS.

Sempronia vetula carnalibus Lutheri documentis inescata cum aliis multis emigran-

R. P. Elbel, Pars II. de Fide &c. M tibus

tibus annò adhinc proximè elapso tuguriolum suum in montanis consitum deseruit: at, ubi Salisburgum venit, lethali morbo oppressa, gradum sistere coacta fuit: tempore verò infirmitatis à nonnullis tum sæcularibus, tum etiam Religiosis visitata, tandèmq; ut abjurata Lutheri secta saniora sequeretur consilia, persuasa fuit. Deposita haud multò post professione solenni fidei catholicæ, & recuperata utcumque demum valetudine ad proprios lares redire non tam iussa, quàm permissa fuit; verùm paulò post suum reditum nedum filium suum, sed & alios plures in eandem sectam pertrahere pro viribus conata fuit. Jam ad nostrum propositum dubitare licet 1. Utrum Sempronia inciderit excommunicationem Bullæ Cœnæ? An, vel à quonam possit absolvi, casu quo verè pœnitens peteret hanc gratiam?

157

R. ad primum, minimè ambigendum, quin Sempronia inciderit excommunicationem Bullæ Cœnæ; tum quia in fide catholica nata Lutheri sectam postea amplexa fuit; tum etiam quia insuper conata fuit alios seducere in eandem sectam: neque etiam de eadem præsumere licet, fuisse hæreticam materialem duntaxat; procul dubio enim tum ex Catechesi aliisque Concionibus; tum etiam ex particularibus instructionibus eorum, qui saniora suasere consilia, potuit ac debuit capere veritatem & soliditatem fidei Catholicæ, cui tamen pertinaciter sese opposuit. Unde

R. jam

R.
enim
licæ p
relaps
lapsu
di tam
fuerit
saltem
dicum
7. §. 6
plem.
lit. C.
theolo
præcis
sæ non
foro co
etiam
Româ
absolvi
tur in
videre
apud n
in Supp
suppon
judicio
paret)
Episcop
potest
tia Ron
tra Rel
ligit Ca

R. jam ad 2dum cum distinctione. Vel enim post depositam solennem fidei Catholice professionem Sempronia fuit juridicè relapsa in hæresin, ita scilicet, ut de tali relapsu seu etiam nisu & attentatione seducendi tam proprium filium, quàm alios etiam, fuerit judicialiter denunciata, & confessa vel saltem convicta (prout relapsum hunc juridicum explicat Reiffenstuel *lib. 5. decret. tit. 7. §. 6. n. 321.* R. P. Kazenberger in *Supplem. II. P. Sargar. Confer. 118. n. 347. sub lit. C. & alii*) vel verò supponitur merùm theologicè relapsa, id est in foro conscientie præcisè, ita scilicet, ut de tali relapsu Ecclesie non constet? si hoc posterius: potest pro foro conscientie nedum ab Episcopo, verùm etiam ab aliis privilegiatis, illis scilicet, qui Româ quinquennalem licentiam obtinuere, absolvi; quia hæc facultas expressè continetur in Rescripto Romæ dari assueto, prout videre licet tum ex dictis *n. 149.* tum etiam apud nostrum A. R. P. Kazenberger *citatum in Supplem. II. P. Sargar n. 347.* Si verò supponatur illud prius (quod quidem meo judicio ex relata specie facti verosimilius apparet) Sempronia per se loquendo neque ab Episcopo, neque etiam ab alio privilegiato potest absolvi. Ratio est: quia in illa licentia Romæ dari solita semper excipi solet contra Relapsos (juridicè scilicet, prout intelligit Castropalao *tr. 4. disp. 6. punct. 2. n. 7.*

Et 8. Conformiter *ad c. 1. accusatus de hæret. in 6to*: ergo si Sempronia supponatur juridicè relapsa profectò nequit absolvi ab ullo privilegiato, saltem per se loquendo; nam juxta vulgare illud, & inter Doctores receptissimum axioma: *privilegium tantum valet, quantum sonat, Et non ultra.*

159

Dixi tamen, Semproniam *per se loquendo* absolvi non posse; per quod minimè intendo negare, sed potius innuere, eam saltem per accidens ratione scilicet impedimenti perpetui accedendi Summam Sedem, posse absolvi, modò verè contrita, & poenitens errorem suum agnoscat & falsam Lutheri sectam detestetur; Etenim universaliter in hisce partibus nostris, utpotè valde remotis ab Urbe hujusmodi accessus censetur moraliter impossibilis 1. mulieribus, & vel maximè monialibus. 2. debilibus, infirmis, & pauperibus, quibus vel vires, vel peculium deficit: idem ob eandem rationem. 3. tenendum est de impuberibus. 4. insuper talis accessus reputatur moraliter impossibilis iis, qui non sunt sui juris; uti servus aut filius familias. item 5. iis, qui sunt adstricti ad curam animarum, vel aliud officium temporale, quod sinè periculo gravioris damni deferere non possunt. Ita *ex communi DD.* Felix Potestas *loc. cit. n. 3348.* Quin etiam in mortis articulo quilibet Sacerdos talem Personam verè contritam ac dispositam directe potest

potest
ciliun
S. Pon
nino v
reserv
aliqui
sempe
lo mor
libet p
ris ab
de coi
ter on
stituta
culo,
gam r
ineun
de qu
val. c.
n. 2. E

Caja
jan
confite
crame
lulum
solver
scio qu
repuli
Confe
de sust

potest absolvere; hanc enim facultatem Concilium Tridentinum ff. 14. c. 7. approbante S. Pontifice disertè concedit sequentibus omnino verbis: *ne hac ipsa occasione* (scilicet ob reservationem casuum, de qua ibi agitur) *aliquis pereat, in eadem Ecclesia custoditum semper fuit, ut nulla sit reservatio in articulo mortis; atque ideo omnes Sacerdotes quolibet penitentes à quibusvis peccatis & censuris absolvere possunt.* Quod verò dictum est de constitutis in articulo mortis, rationabiliter omnino à Doctoribus extenditur ad constitutos in probabili & morali mortis periculo, quales censentur ii, qui suscipiunt longam navigationem, vel conflictum bellicum ineunt, item mulieres partui proximæ &c. de quibus videri possunt Sanchez *lib. 2. moral. c. 13. num. 1.* Palao *disp. 4. punct. 3. §. 5. n. 2. & 3.*

CASUS TERTIUS.

Caja mulier primò gestans uterum & parturiam proxima accessit suum Pastorem animò confitendi, & obtinendi ab eo absolutionem Sacramentalem: timuerat enim, ne fortassis paululum illud mellis, quod gustaverat, cogeretur solvere impendio vitæ. At verò Pastor (nescio quo spiritu, quovè zelo ductus) dicitur repulisse Cajam, nec voluisse excipere illius Confessionem, ed quòd sibi de hæresi fuerit valde suspecta, sin minùs convicta. Id tamen so-

latii causâ Cajæ respondisse fertur, ut, si con-
tingeret eam in partu periclitari, curaret se
vocari, tunc verò se compariturum, & abso-
lutionem daturum. Casum hunc à quibusdam
viris haud pridem intellexi, an verò per omnia
fidem mereatur, nolim ego decidere, sit proin-
fides penes auctores. Placuit nihilominus eun-
dem referre, quia practicus videtur & contin-
gere natus; quò supposito ad nostrum propo-
situm dubitare licet 1. An Pastor Cajam po-
tuerit, vel omnino debuerit absolvere? 2. An
vel qualiter deliquerit recusando administra-
tionem hujus Sacramenti? & 3. quid de ejus-
dem responso tenendum sit?

- 160 R. ad primum. Pastor in hoc casu ne-
dum potuit, sed insuper debuisset excipere
confessionem Cajæ, & ritè dispositam absol-
vere, non obstante suspitione vel omnimodo
lapsu in hæresin. Quòd potuerit, ex pro-
ximè dictis liquet: quia secundum Triden-
tinum proximè allegatum in mortis articulo
vel morali ejusdem periculo nulla est refer-
vatio: atqui Caja utpote primò gestans ute-
rum & partui jamjam vicina, erat in tali con-
stituta: ergo datò etiam & supposito, quòd
hæresin incidisset, potuit absolvi, & per con-
sequens Pastor proprius nedum potuit, ve-
rùm tum ex charitate, tum ex justitia etiam
debuìt eandem audire, ac ritè dispositam ab-
solvere. Videantur, quæ diximus in *Theolog.*
Sacram. part. 2. Confer. 18. n. 461.

R. ad

R. ad 2dum quæsitum, hunc Pastorem 161
negando administrationem hujus Sacramen-
ti per se loquendo (nisi scilicet aliæ circum-
stantiæ, de quibus mihi non constat, concur-
rerint) deliquisse graviter nedum contra
charitatem, verum insuper contra justitiam;
utramque enim negando hoc Sacramentum
summopere necessarium graviter læsit, velu-
ti constare debet ex dictis. Videantur de
hac obligatione la Croix *lib. 2. n. 174. & lib.*
3. p. 1. à num. 754. Barbosa *de offic. Parochi*
part. 1. cap. 17. n. 15. vel Marchantius noster
in trib. Tom. 3. part. 1. tract. 9. tit. 2. q. 6.
§. 2. R. 1.

R. ad 3tium quæsitum, illud responsum 162
Pastoris (si tamen ita, ut fertur, datum fuit;
nam de hoc meritò dubitare licet) illud in-
quam responsum fuisse omnino ineptum &
imprudens. Vel enim Cajam habuit pro
hæretica merum materiali, vel pro formali
etiam? si primum: hæc non fuit incapax
absolutionis; cum propterea nullam pror-
sus incurreret excommunicationem secun-
dum hætenus dicta: ergo potuit, & debuit
absolvi. Si 2dum, tunc vel fuit parata re-
sipiscere vel non? si non, ne quidem in mor-
tis articulo potuisset absolvi, ut de se liquet.
Si autem fuit parata resipiscere (prout præ-
sumi debuerat; quandoquidem venerit ad
Pastorem animò pœnitendi & obtinendi ab-
solutionem Sacramentalem) rursus de se li-
quet,

103 quet, Pastorem pessimè fecisse, negando eidem administrationem hujus Sacramenti, vel eam differendo usque ad actuale & præsentiissimum vitæ periculum: nunquid enim prudenter sperare licuit hanc fœminam partûs doloribus oppressam imò cum morte actualiter luctantem, magis fore dispositam ad confessionem, & seriam peccatorum retractationem, quàm eò tempore existit, quò sana adhuc & incolumis propria sponte suum Pastorem convenit obtinendæ absolutionis gratiâ? An verò Pastor ipse majori cum decencia hoc Sacramentum administrare potuit parturienti, quam in Ecclesia suppliciter flectenti? Quis, amabo! vel oculis non cernat, vel non palpet omnino manibus ineptiam hujus responsionis?

§. III.

Corollaria ex dictis inferenda.

- 163 **C**olliges ex hætenus dictis primò in ordine ad absolutionem à censura dandam, gnaviter attendendum esse à Confessario, & distinguendum inter hæreticum formalem & materiale, & rursus inter hæreticum merè internum, atque inter in- & externum simul; hæretici enim materiales secundùm dicta superiùs *num.* 138. non incurrunt hanc excommunicationem, & hoc ipsò neque indigent absolutione, sicut nec hæretici merè interni

interni secundum dicta ibidem n. 139. bene
bene verò hæretici formales, qui suam hæ-
resin exterius actione mortaliter mala mani-
festârunt.

Colliges 2dò, hanc excommunicatio- 164
nem non incurri 1. ab eo, qui hæresin men-
te conceptam manifestat Confessario, vel
alteri amico, aut consilii duntaxat, vel in-
structionis capiendæ gratiâ. Neque 2. ab
eo, qui hæresin mente conceptam manife-
stat in somno, aut plena ebrietate. &c. Ne-
que 3. ab illo, qui de sua hæresi loquendo ex-
teriùs loquitur verbis merè indifferentibus,
vel ita ambiguïs, ut planè colligi nequeat,
quòd sit hæreticus. Ratio horum omnium
est: quia hi omnes vel non manifestant suam
hæresin internam, vel certè eam non mani-
festant exteriùs per actionem mortaliter ma-
lam; ergo non incidunt excommunicatio-
nem Bullæ Cœnæ. Videatur Sporer *tract.* 2.
in decalog. cap. 3. sect. 2. num. 24. Reiffen-
stuel *lib. 5. decret. tit. 7. num. 243.* vel Palao
tract. 4. disp. 3. punct. 3. num. 3.

Colliges ulterius 3tio pro praxi, quod 165
si persona quæcunque demum postulans in-
strui vel converti ad Fidem Catholicam, de-
prehendatur hactenus fuisse hæretica merè
materialis, possit à quolibet Parocho vel Sa-
cerdote approbato absolvi, & quidem sinè
omni speciali ceremonia vel facultate; quia
M 5 secun-

secundùm dicta nunquam incurrit excommunicationem Bullæ Cœnæ.

Nihilominus cùm praxis Germaniæ ferat, ut ii, qui publicè habentur pro hæreticis, utpote inter eosdem nati & educati, dum cupiunt amplecti Fidem Catholicam, etiam publicè suam sectam abjurent, fideique salvificæ professionem deponant; hinc consulerem, ut talis homo, vel ad Reverendissimum Ordinarium, vel si commodius fieri posse videatur, ad aliquem privilegiatum, potestate absolvendi ab hæresi præditum mittatur, præsertim in casu, quo res hæc subiacet periculo publicationis; secùs enim talis Sacerdos de facili posset incurrere pericula diversarum incommoditatum.

- 166 Colliges tandem 4tò, nequidem in Germania cuilibet Confessario præsumendum esse, ut absolvat ab excommunicatione propter hæresin formalem incursum. Ratio est manifesta; nullus enim debet præsumere vel attentare id, quod excedit vires potestatis sibi concessæ: atqui certum est, quòd Summus Pontifex noluerit & hodie dum nolit cuivis Confessario in Germania concessam hanc potestatem, absolvendi scilicet à casibus Bullæ Cœnæ, vel ab hæresi: immò verò in eadem Bulla §. 22. sub excommunicationis pœna prohibetur, ne quis (sinè speciali facultate Sedis Apostolicæ) præsumat contra tenorem ejusdem Bullæ excommunicatione inno-

innodatis beneficium absolutionis impendere.

At verò, inquires, in Germania nostra passim & quotidie Religiosi mendicantes saltem, ad se recurrentes in hæresi natos convertunt & absolvunt, quin Romæ petant licentiam, vel illic reclametur: ergo in Germania nostra quilibet Confessarius approbatus potest absolvere ab hæresi, & ab excommunicatione propter eandem incurfa.

R. Negando antecedens absolutè, de 167
hac enim praxi neque mihi, neque aliis pluribus constat, bene verò de contrario, quòd scilicet in nostra saltem Religione aut Provincia nullus, nisi præditus quinquennali licentia (quam A. R. P. Minister Provincialis in hunc finem pro aliquibus Romæ petere & impetrare semper assolet) præsumere audeat hujusmodi hæreticum formalem absolvere.

Quin immò hæc licentia absolvendi ab hæresi neque Superioribus nostris, neque etiam Episcopis Germaniæ dari solet absolutè vel illimitatè, sed cum certis quibusdam clausulis; quæ procul dubio frustra adjicerentur, si in Germania nostra quivis Sacerdos gauderet potestate absolvendi, etiam illos duntaxat, qui in eadem hæresi v. g. Lutherana sunt nati & educati; quod quidem meò judicio evidens videtur argumentum, de hac praxi Germaniæ (quam quidam cæteroquin insignissimus & Clarissimus Author præ-

prætendit) vel Sedi Apostolicæ nihil prorsus constare, vel certè contra eandem ipso factò excipi Romæ.

Dices iterum. In Germania hæretici sunt tolerati, etiam in tantum, ut reversi non indigeant absolutione pro foro externo, adeoque censeatur excommunicatio pro foro externo esse sublata generaliter, atqui ea sublata cessat & reservatio pro foro interno; ergo in hoc jam quilibet Sacerdos Germaniæ potest absolvere.

168 R. Rursus negando antecedens simpliciter. Enimverò etiam in Germania nostra hæretici communiter habentur pro excommunicatis, esto tolerentur, non quidem in favorem & gratiam ipsorum hæreticorum, potius intuitu fidelium, *ad evitanda* scilicet *scandala* & animarum pericula, ut loquitur Bulla Martini V. edita in Concilio Constantiensi, videnda apud Sylvestrum V. *excommunicatio V. n. 7.*

Hac de causa ii, qui ad Fidem Catholicam volunt converti, indigerent absolutione in foro externo, tametsi in hoc absolvi non soleant, fortassis ideò, quia, si fuere hæretici formales, semper solent absolvi publicè saltem pro foro conscientiæ ab aliquo speciali potestate Pontificia prædito, ut dictum fuit: qua absolutione semel impertita Ecclesia solet esse contenta, teste Laymanno apud Pirhing *lib. 5. Decret. tit. 7. sect. 2. n. 42.*

CON-

CONFERENCE

SEXTA.

De Virtute Spei Theologicae Vitiisque
eidem oppositis.

S U M M A R I U M.

169. Nomine Spei ut sic intelligitur actus desiderii erga bonum arduum.
170. Spes Theologica alia est habitualis, alia actualis.
171. Objectum materiale primum hujus est Deus aliquando beatificè à nobis possidendus, secundarium verò sunt alia media in hunc finem necessaria.
172. Objectum verò formale motivum est partim Divina Bonitas respectiva, partim etiam promissio fidelissima Dei, vel potius infinita hujus fidelitas in servandis promissis.
173. Spes habitualis tam adultis, quàm parvulis etiam est simpliciter necessaria ad salutem: actualis verò adultis duntaxat est necessaria ad justificationem assequendam.
174. Præceptum Spei multiplex est, tam affirmativum, quàm negativum.
175. Quà affirmativum etiam obligat ad timorem; cujus quadruplex differentia breviter explicatur.
176. Quà negativum obligat semper ac pro semper, quàm affirmativum verò per se primò probabiliter obligat post adeptum usum rationis.
177. Per accidens autem obligat sæpius.
178. Præceptum tamen timoris non videtur per se obligare ad actum explicitum.
179. Virtuti Spei duo opponuntur vitia, scilicet desperatio & præsumptio.
180. Desperatio consistit in abiectione voluntatis de assequenda beatitudine.

181. Præ-

181. Præsumptio verò in temera ejusdem expectatione.
182. Resolvitur Casus I. de quodam Concubinario, qui meretricem suam nonnihil tergiversantem tandem ad consensum permovit sequenti epiphonemate: jam sumus perdit: ad quid ergo tempere-
mus voluptatibus nostris.
183. Unde procul dubio commisit peccatum qualifica-
tum contra virtutem spei.
184. Et quid de illis tenendum, qui admoniti ut ab hoc vel illo peccato desistant, respondent: *Pater non possum amplius.*
185. Resolvitur Casus II. de quadam Vetula exosa Marito suo, quæ, quantumvis infirmata renuit sumere medicinam, soli patrocínio B. Virginis Mariæ confisa.
186. An Maritus ejusdem peccaverit, curando quan-
to cyus Sacrum legi pro felici finè suæ Uxoris?
187. Quid judicii de eo, qui animo seu cogitationi-
bus lapsus se sentiens insuper adjicit opus exter-
num v. g. pollutionem, eò quòd propterea vix aut
certè paulò majorem pœnitentiam sit reportaturus?
188. Resolvitur Casus III. de quodam, qui apud
Principem suum accusatus, propterea quæ officio
suo orbatus delatorem provocavit ad duellum.
189. An vel quomodo propterea peccaverit?
190. An peccaverit, fumendo Sacram Synaxim pro
felici successu duelli?
191. Confessarius circa hujusmodi homines despera-
bundos præcipuè attendere debet tum ad obje-
ctum, tum etiam ad motivum desperationis.
192. Magna proinde circumspectione & discretionem cum
iisdem pro diversitate motivorum est utendum.
193. Quomodo homines, præsertim rudiores præ-
cè permoveri possint, vel debeant ad actum
formalem & supernaturalem Spei?
194. Præsumptuosos meritò adnumerantur, qui vo-
luptatibus fræna laxantes volunt differre pœniten-
tiam usque ad articulum mortis.

195.
itu
cle
qu
196.
197.
pti
198.
tur

Præ
fi

Qu

riun
& v
Qu
ribu
Spe
prom
nisi
vera
non
ralis
sup
habi
Apo
man

195. Iisdem pariter accenseri debent, qui neglecto studio vel lectione competente, Cathedram Ecclesiasticam conscendunt, aut confessionale frequentant &c.
196. Quot modis habitus Spei deperdatur.
197. Et utrum in peccato desperationis ac præsumptionis detur parvitas materiæ?
198. Quid si Deus alicui revelaret damnationem futuram?

§. I.

Præmittuntur, & breviter resolvuntur quæsitæ, scitu necessaria ad resolvendos casus practicos circa desperabundos, & præsumptuosos &c.

Quæres primò, quidnam intelligatur nomine Spei ut sic?

R. Nomine Spei ut sic intelligi desiderium zelicujus boni ardui, possibilis tamen, & verosimiliter aliquando à nobis possidendi. Quod si bonum illud sit naturale, ita, ut viribus naturæ præcisè possit acquiri, dicetur Spes naturalis & humana, si nitatur hominis promissione; Sin autem acquiri non valeat, nisi viribus gratiæ supernaturalis, prout revera beatitudo supernaturalis aliter obtineri non potest à nobis, dicetur Spes supernaturalis, Divina, & Theologica. Et hæc Spes supernaturalis communissimè dividi solet in habitualement & actualement: de priori loquitur Apostolus 1. Cor. 13. dum ait: *Nunc autem manent tria hæc, Fides, Spes, & Charitas*

tas &c. De posteriori loquitur *Rom. 8.* ubi ait: *Spe salvi facti sumus.* At

Quæres 2dò, quid ergo sit Spes Theologica habitualis, & quid actualis?

170

R. Spes habitualis benedicitur, *Virtus Theologica supernaturalis, à Deo infusa, quæ voluntas fertur in Deum, quatenus is est beatitudo nostra, ex fidelissima promissione Divina per media ordinata à nobis obtinenda.* 2. Spes autem actualis rectè describitur, quod sit *certa expectatio futuræ beatitudinis ex DEI gratia & nostris meritis obtinendæ.* Ita Sporer tract. 2. in decalog. c. 4. sect. 1. n. 1. citans pro eadem opinione Magistrum Sententiarum, Petrum scilicet Lombardum, D. Thomam 2. 2. q. 18. art. 2. §. 1. Scotum 3. dist. 26. q. un. quem Scotistæ communiter sequuntur. Explico brevissimè datam descriptionem Spei habitualis. Dicitur enim 1. *Virtus*; quia est bona qualitas mentis &c. Dicitur 2. *Theologica*; quia pro suo objecto immediatè respicit Deum, & quidem ut Auctorem supernaturalem beatitudinis, unde & *supernaturalis* appellatur. Dicitur 3. *à Deo infusa*: quia juxta Concilium Tridentinum SS. 6. de justif. Cap. 7. in ipsa justificatione cum remissione peccatorum hæc omnia simul infusa accipit homo per Jesum Christum, cui inseritur, *Fidem, Spem, & Charitatem.* Dicitur 4tò, *quæ voluntas fertur in Deum, quatenus is est beatitudo nostra*, per quæ innuitur

disse-

differentia Spei ab aliis virtutibus Theologicis, utputa Fidei, & Charitatis, prout tum exactenus dictis, tum etiam ex proximè dicendis ampliùs constabit.

Ex his verò facilè liquet descriptio spei actualis; quocirca illud duntaxat est advertendum, scilicet, quòd sit expectatio &c. *ex DEI gratia, & nostris meritis &c.* nulus enim ex solius naturæ viribus sibi sufficeret ad beatitudinem supernaturalem promerendam; quia teste Apostolo 2. Cor. 3. v. 5. *non sumus sufficientes aliquid cogitare à nobis, quasi ex nobis, sed sufficientia nostra ex DEO est.* At neque debemus beatitudinem nostram sperare præcisè ex Christi meritis, prout perversè faciunt Sectarii nostri temporis, sed insuper ex nostris bonis operibus, cum adiutorio gratiæ ex Christi meritis obtentæ, juxta illud notissimum D. Augustini effatum: *Qui fecit te sinè te, non salvabit te sinè te.* Quin & ipse Salvator noster jam pridem Matth. 16. v. 27. protestatus fuit, se in novissimo die redditurum *unicuique secundum opera ejus* NB. non ait secundum merita mea, id est, Christi præcisè.

Quæres 3tiò, quodnam sit objectum materiale, & quodnam objectum formale spei divinæ?

R. I. Objectum materiale primarium & principale est Deus aliquando à nobis beatificè possidendus mediante scilicet visione &

R. P. Elbel, Pars II. de Fide &c. N frui-

fruitione. 2dò Objectum verò secundarium & minùs principale sunt alia bona & adju-
menta tum ordinis supernaturalis, utputa
piæ inspirationes, gratia sanctificans &c.
tum naturalis etiam, quæ aliquò modo sal-
tem, remotè scilicet sunt necessaria vel con-
ducentia ad serviendum DEO, & beatitudi-
nem assequendam, uti est panis quotidianus
&c. quem Christus voluit à nobis postulari.
Ita quoad utrumque membrum tenent com-
munissimè DD. Reiffenstuel *theol. mor. tr. 4. dist. 5. n. 4. & 5.* Sporer, Henno &c. Ra-
tio prioris est: quia illud immediatè & prima-
riò speramus atque desideramus, quod nos
perfectè beatificat, & quò adepto nobis erit
completè bene: atqui ex sola possessione Dei
mediante visione & fruitionè beatifica nobis
erit completè bene, juxta Scotum 4. *dist. 49. q. 2. ff. de 2do.* & alios Doctores: ergo &c.
Ratio autem posterioris hæc est: quia quis-
quis vult efficaciter aliquem finem (prout
Deus vult ex sua parte omnium nostrorum sa-
lutem æternam,) pariter vult media ad eun-
dem finem necessaria: ergo similiter qui bea-
titudinem ex divina promissione sperat, pa-
riter potest, immò debet sperare media ad
eundem finem necessaria; consequenter di-
cendum, quòd hæc sint saltem objectum se-
cundarium Spei Theologicæ.

172

R. jam ad alterum membrum hujus quæ-
siti. Objectum formale motivum Spei nec
est

est sol
fidel
ut tan
licet I
missio
delita
tione
sentiu
concl.
Frasse
aliter
R. P.
hujus
Docto
objec
allici
sola b
prom
te no
utraq
inde p
est ac
prom
randu
sit, p
ctus f
respec
efficac
beatit
sa; q
rale v

est sola bonitas respectiva Dei, neque sola Dei fidelitas aut promissio, sed utraque simul ita, ut tam bonitas Dei respectiva, quatenus scilicet Deus nobis est bonus, quàm etiam promissio fidelissima, vel potius infinita Dei fidelitas in servandis promissis ingrediantur rationem objecti formalis motivi. Ita reipsa sentiunt Henno *tract. de virtut. disp. 5. q. 3. concl. 3. & 4.* ubi pro eadem opinione refert Frassen *q. 1. de spe concl. 2. n. 10.* & reipsa non aliter sentiunt Sporer *loc. cit. Sect. 1. n. 4.* & R. P. Claudius La Croix *lib. 2. n. 121.* Ratio hujus resolutionis multum controversæ inter Doctores est hæc; quia illud rectè statuitur objectum formale motivum spei, quod nos allicit seu movet ad sperandum: atqui nec sola bonitas Dei sinè promissione, nec sola promissio quantumvis fidelissima sinè bonitate nos moveret ad sperandum, bene verò utraque simul: ergo &c. minor hæc ulterius inde probatur & declaratur. Actus enim spei est actus voluntatis seu desiderii: atqui sola promissio non movet voluntatem ad desiderandum, nisi id, quod promittitur, bonum sit, prout quisque nostrum experienciâ doctus fatebitur: neque etiam sola bonitas Dei respectiva moveret voluntatem nostram ad efficaciter prosequendam vel desiderandam beatitudinem, nisi hæc nobis fuisset promissa; quia cùm sit quoddam bonum supernaturale vires totius naturæ excedens, profectò

N 2

liquet,

liquet, quòd præscindendo à promissione divina nullus omnino mortalium eandem velut impossibilem efficaciter sperare aut desiderare posset.

Quemadmodum ergo superiùs *Conf. 1. n. 10.* diximus, objectum materiale primum fidei esse Deum, secundarium verò ea, quæ circa Deum sunt revelata; objectum verò formale fidei motivum esse summam & infinitam DEI veracitatem; eò quòd hæc sciscitanti, *cur Credamus Deo?* prudenter allegetur pro motivo credendi: *quia scilicet Deus infinite verax, falli & fallere nescius id revelavit*; ita sanè à pari hic rectè statuitur pro objecto formali motivo spei *bonitas DEI respectiva*, non quomodocunque, sed *ex fidelissima DEI promissione aliquando à nobis obtinenda*: nam ecce! sciscitanti, quid speremus à DEO? prudenter omnino respondemus, nos sperare Deum aliquando beatificè possidendum in Patria, & consequenter etiam media in hunc finem necessaria; ulterius verò interrogati, *cur illam speremus, & quidem certò ac firmiter, cum tamen sit bonum quoddam excedens vires naturæ?* illicò, & prudenter quidem reponimus, nos eandem sperare ac desiderare, quia beatitudo nobis est summè bona, & quia DEUS in servandis suis promissis fidelissimus nobis eam promisit. Ex quo liquet, bonitatem DEI nos permovere ad desiderandum, non quidem absolute (ut

(utì hæretici ex solis Christi meritis) sed sub conditione, si nimirum & nos in observantia mandatorum perseveraverimus; summam verò & infinitam DEI fidelitatem in servandis promissis, nos permovere ad certò & firmiter sperandum. Fatendum nihilominus est, quòd sicut revelatio DEI in ordine ad credendum se habet per modum conditionis sinè qua non possemus credere; ita in ordine ad actum spei promissio DEI se habet per modum conditionis sinè qua non possemus convenienter, aut prudenter sperare, prout sapienter observat noster P. Herincx *part. 3. tr. 1. disp. 10. q. 1. n. 10.*

Quæres 4tò, an, vel quomodo Spes Theologica sit necessaria ad salutem?

R. Spes habitualis est omnibus, tam parvulis scilicet, quàm adultis necessaria, & quidem necessitate medii in ordine ad justificationem & salutem consequendam. 173

Spes verò actualis, seu actus spei est duntaxat necessitate medii necessarius adultis ad justificationem & salutem consequendam. Ita ex communi DD. Babenstuber *tr. 5. disp. 1. art. 3. n. 2. & 3.* Sporer *tr. 2. in decalog. c. 4. sect. 2. n. 8.* Ratio prioris petenda est ex definitione Concilii Tridentini superius mox n. 170. relati, ubi dicitur, quòd homini in justificatione hæc omnia simul infundantur, scilicet *Fides, Spes & Charitas*, addita mox causali; *nam fides, nisi ad eam spes accedat,*

& charitas; neque unit perfectè cum Christo, neque corporis ejus vivum membrum efficit: at, si sine spe & charitate (habituali scilicet) nemo efficitur vivum membrum Christi, perfectò dicendum est, quòd spes non minùs, quàm charitas habitualis sit simpliciter necessaria ad salutem: ergo &c. Ratio posterioris pariter colligitur ex eodem Concilio Tridentino cit. SS. 6. n. 6. ubi inter dispositiones ad justificationem adultorum necessarias refertur spes, sequentibus omnino verbis: in spem eriguntur, fidentes, Deum sibi propter Christum propitium fore. Accedit insuper ratio irrefragabilis, hæc scilicet, quòd nemo prorsus ex intentione consequendæ justificationis suæ peccata efficaciter detestari vel retractare possit, nisi speret, se ex divina promissione veniam eorum consecuturum: ergo ad hanc consequendam simpliciter adultis necessaria est quædam spes actualis, saltem exercita.

Quæres 5tò, deturnè etiam præceptum sperandi?

- 174 R. Datur tam naturale, quàm positivum idque tam affirmativum, quàm negativum: *Communis Doctorum*. Affirmativum duplex est, scilicet 1. de eliciendo positivo actu spei, 2. de eliciendo actu timoris certo tempore, & casu exigente. Negativum rursus est duplex, unum de non desperando, alterum de non præsumendo; de quibus paulò pòst.

Jam

Jam quòd detur obligatio positiva subin eliciendi actum Spei colligitur apertè satis tum ex Scriptura Sacra *Psal. 4. Sacrificate sacrificium justitiæ, & sperate in Domino.* Rursus ad *Tit. 2. expectantes beatam Spem &c.* & alibi sæpius, tum etiam ex hac ratione: quidquid enim homini adulto ad salutem est necessarium necessitate medii, illud ipsum pariter censeri debet necessarium necessitate præcepti: atqui secundum mox dicta hominibus adultis Spes actualis ad justificationem est simpliciter necessaria: ergo pariter ad hanc, & consequenter ad salutem censeri debet necessaria necessitate præcepti.

Quòd insuper detur præceptum positivum de timore, rursus constat nedum ex Sacra Scriptura. *Eccli. 1. v. 27. Timor Domini expellit peccatum:* & mox *v. 28. additur hæc causalis: nam qui sine timore est, non poterit justificari;* verum insuper convincitur hac ratione: quisquis enim tenetur ad prosequendum aliquod bonum, quod potest de facili amittere, pariter naturali ratione tenetur saltem secundariò & ex consequenti timere, ne illud malum oppositum incurrat: ergo cum omnis homo teneatur ad prosequendam beatitudinem ceu bonum quoddam nobis omnibus præfixum per modum præmii & ultimi finis nostri, dicendum consequenter est, quòd teneamur ad saluberrimum illum timorem Domini toties in Scripturis Sacris

intimatum, vi cuius scilicet conemur cum metu & tremore nostram operari salutem, juxta monitum Apostoli *Philipp. 2. v. 12.* & timere, ne salute excidamus, & incurramus damnationem æternam. Videatur *Sporer tr. 2. c. 4. sect. 2. num. 12.*

175

Quocirca porrò illud insinuandum duxi, hunc scilicet timorem, Spei communiter annexum, à Doctoribus quadrupliciter distinguì, nempe 1. in mundanum. 2. in servilem. 3. filialem. & 4. initialem. *Mundanus* appellatur, vi cuius temporale nocumentum plus timetur, quàm peccatum, quò fit, ut hoc faciliùs incurratur, quatenus illud evitetur. *Servilis* ille censetur, quo peccatum vitatur, ne pœna incurratur; qui rursus à Doctoribus sapienter subdividitur in *purè*, seu (ut alii loquuntur) serviliter servilem, & in *non purè servilem*, hic posterior tunc habetur, quando quis timet peccare propter pœnam, sed ita, ut vi hujus timoris revera deponat, & excludat omnem affectum ad peccandum; unde etiam talis timor honestus est & salutaris: ille prior autem, scilicet purè ac serviliter servilis habetur tunc, quando quis timet quidem peccare propter pœnam incurrendam, nihilominus animò ita comparatus est, ut si pœna non esset timenda, actu peccaret (quod propriè servorum est,) ideoque stante hujusmodi timore stat simul actualis affectus ad peccandum, proptereaque censetur inhonestus & insufficiens

ad

ad salutem, sicut & ille mundanus mox descriptus. *Filialis* dicitur, quò timetur peccatum, quia est offensa Dei, ceu optimi & amantissimi Patris; quâ de causa hic timor, utpote filiis genuinis proprius alio nomine appellari consuevit timor castus, reverentialis, & ingenuus. Denique *initialis* timor vocatur ille, quò quis timet culpam simul & poenam, seu quo fugit peccatum, partim quia Dei offensivum est, partim etiam, quia poenæ inductivum. Appellatur autem initialis ideò, quia communiter solet esse initium conversionis, & parare viam ad timorem filialem & castum prout habetur in Concilio Tridentino SS. 6. de *Justif. cap. 6.* ubi de dispositione peccatorum in ordine ad justificationem dicitur: *Et dum peccatores se esse intelligentes, & Divinæ Justitiæ timore, quò utiliter concutiuntur, ad considerandam Dei misericordiam se convertendo, in Spem eriguntur, fidentes Deum sibi propter Christum propitium fore; illumque tanquam omnis justitiæ fontem diligere incipiunt.* Videatur de hoc Henno *tract. de virtut. disp. 5. q. 7.* vel Herincx. *part. 3. tr. 1. disp. 10. q. 4. à n. 33.*

Quæres 6tò, quoties vel quando obliget præceptum Spei affirmativum, & quando negativum?

R. Præceptum Spei quâ negativum obligat *semper* & *pro semper*, more scilicet aliorum præceptorum negativorum. 1. Quâ

affirmativum verò probabiliter per se obligat 1. quamprimùm homo pervenit ad usum rationis, eidemque Deus sub ratione objecti beatifici seu ultimi finis nostri sufficienter fuit propositus. 2. in articulo mortis & 3. aliquoties etiam per vitam, ferè quemadmodum superiùs *Conf. 1. num. 17.* diximus de obligatione eliciendi actum Fidei. Et ita tenent Viva *ad propof. num. 1. ab Alexandro VII. damnatam, num. 3. & 7.* nec non Matthæucci *in cautel. Confess. lib. 1. c. 1. propof. 1. §. 2. n. 23.* aliique plures sequenti ratione potissimùm ducti : quia ex ipso rectæ rationis dictamine absonum videtur asserere, quòd homo nunquam, aut rarò admodum teneatur se convertere in Deum ceu ultimum finem suum, mediantibus scilicet actibus Fidei, Spei, & Charitatis ; quam ob causam Viva *loc. cit.* existimat Alexandrum VII. damnâsse sequentem propositionem : *homo nullo unquam tempore tenetur elicere actum Fidei, Spei, & Charitatis ex vi præceptorum Divinorum ad eas virtutes pertinentium.* Fatendum nihilominus est, quòd, quemadmodum præcepto Fidei satisfieri potest, & sæpissimè satisfit per exercitium aliarum virtutum necessariò præsupponentium vel requirentium actum Fidei ; ita pariter huic obligationi Spei satisfieri possit per actus aliarum virtutum prærequirentium actum Spei : nec dubitandum, quin eidem sæpissimè

mè
orat
fess
fessa
veni
bis a
ta n
Deu
& v
rùm
tern
fime
præ
ctis
late
re,
dam
per
sæp
get
Spei
so e
tene
ad r
actu
citi
orat
tino
quis

mè satisfiat, dum quis devotè recitat v. g. orationem Dominicam, vel humiliter confessus sua peccata, postulat à Deo aut à Confessario Dei vices agente peccatorum suorum veniam; frustraneè quippe postularemus nobis advenire regnum Coelorum, aut peccata nostra nobis dimitti, nisi speraremus, Deum vi suæ promissionis fidelissimæ & posse, & velle nobis nedum indulgere peccata, verùm insuper conferre beatitudinem sempiternam. Hac de causa Doctores *communis* finè monent, circa adimpletionem hujus præcepti non esse multùm scrupulizandum.

Dixi tamen, præceptum Spei in prædictis casibus *per se obligare* licèt me minimè lateat, etiam hoc à multis Scotistis tempore, quò allegata propositio nondum fuerat damnata, fuisse negatum. Cæterùm quòd *per accidens* durante hac vita ad actum Spei sapius, immò toties obligemur, quoties urget obligatio alterius virtutis, quæ finè actu Spei exerceri nequit, apud omnes in confesso est; idque convincit ratione quisquis enim tenetur ad aliquem finem, similiter tenetur ad media in eundem finem necessaria: atqui actus Spei est medium necessarium ad exercitium aliarum virtutum v. g. poenitentiae, orationis, veluti constat ex Concilio Tridentino proximè allegato &c. ergo.

Idipsum dicendum foret de casu, quò quis existimaret se non posse tentationem despera-

sperationis aliter vincere, nisi eliciendo actum Spei, licet hoc de raro contingere natum sit; cum & alia dentur media ad vincendam hanc tentationem. Videatur de hoc Cardinalis de Lauræa *Tom. 4. disp. 4. de spe*, vel Matthæucci *locò proximè cit. num. 25.*

- 178 R. Jam 2dò, ad idem quæsitum. Præceptum timoris, regulariter actum Spei concomitantis, non videtur per se obligare ad aliquem actum expressum, signatum & formalem, sed probabiliter eidem satisfat per actus virtuales, utputa per actus contritionis, pœnitentiæ, nec non per fugam transgressionis quorumcunque demum præceptorum. Ita Filliuccius *tr. 22. c. 8. n. 257.* Palao *tr. 5. disp. un. punct. 4. n. 6.* & alii plures. Ratio est: quia non ab aliam causam vel finem jubemur timere Dominum, nisi ut evitemus offensam illius, eundemque amore prosequamur; hinc est, inquit Sanchez *lib. 2. mor. c. 33. n. 4.* quòd admittens quodcunque crimen, à quo vi timoris divini retrahi potuisset, sufficienter fateatur, explicando solum illud crimen admissum, aut si non admisit, periculum illius admittendi; quod ex praxi hominum timorata conscientia constat, qui nunquam de defectu timoris in peccatis admissis se accusant; nec Confessarii de eo interrogant.

Quæres 7mò, quæ, & quot vitia opponantur virtuti Spei Theologicæ?

R. Duo

R. Duo eidem opponuntur, scilicet 1. 179
vitium desperationis, & 2. vitium præsumptionis. *Communis*. Nam de priori res clara est, quòd scilicet opponatur virtuti spei, & quidem per defectum, quemadmodum avaritia per defectum opponitur virtuti liberalitatis; & sicut huic per excessum opponitur prodigalitas; ita pariter virtuti spei per excessum opponitur præsumptio, prout amplius patebit ex dicendis. Unde

Quæres 8tavò, quid sit desperatio, & quale peccatum?

R. Desperatio positiva (de qua hic lo- 180
quimur) est actus voluntatis, quò quis efficaciter renuit æternam beatitudinem persequi, eò quòd hæc sibi appareat obtentu nimis ardua, vel nunquam futura, vel impossibilis; unde etiam est gravissimum peccatum in Spiritum Sanctum. Ita *in re communissime DD. cum D. Thoma 2. 2. q. 14. à 2. Mastrius theolog. mor. disp. 10. n. 40. Reif- fenstuel theolog. mor. tr. 4. dist. 5. n. 14. & 16.* Ratio hujus descriptionis cuivis prudentum facile patebit; dicitur enim 1. actus voluntatis: Spei etenim & desperationis idem est subjectum scilicet voluntas, quemadmodum fidei & infidelitatis est intellectus. Dicitur 2. quò quis efficaciter renuit &c. ut per hoc excludatur quorundam pusillanimitas, qui vel tentationibus diaboli, vel aliis calamitatibus pressi, aliquò modo vacillant de

de sua salute, licet propterea non penitus abjiciant voluntatem tendendi ad beatitudinem. Dicitur 3tio, eò quòd hæc sibi appareat obtentu nimis ardua, vel impossibilis &c. Ex quo colligere fas est gravitatem hujus peccati, utpote vi cuius Deo & singulariter Spiritui sancto infertur gravissima injuria; enimverò si beatitudo cuicunque demum peccatori in hac vita foret obtentu nimis ardua, jam jugum Dei non ampliùs foret suave: vel si foret omnino impossibilis, profectò sinè ratione, sinè charitate &c. ad hujus prosecutionem obligaremur; patet proin ex hoc ipsò, quòd is, qui desperat, non unam tantum, sed plures Dei perfectiones lædat.

Quæres 9nò, quid, vel quale peccatum sit præsumptio?

181

R. Præsumptio est actus voluntatis, quò quis sperat beatitudinem, aliave auxilia gratiæ extraordinaria temerariè, id est, vel propriis viribus, vel aliis mediis à Deo minimè in hunc finem ordinatis obtinere; unde etiam hoc peccatum ex suo genere est mortale, & repugnans Spiritui sancto, juxta *communem Doctorem*, videndum tum apud Doctores proximè allegatos, tum etiam Sporer *tr. in decalog. c. 4. sect. 4. n. 17. & seqq.* nec non apud Sanchez *lib. 2. in decal. c. 33. n. 7.* Castropalao *tr. 5. disp. un. pu. 6. n. 2.* Ratio vel bonitas hujus descriptionis facile colligetur ex proximè dictis. Quòd autem sit ex suo genere

genere saltem peccatum gravissimum in Spiritum sanctum, expresse docet S. Thomas 2. 2. q. 21. 1. quia scilicet per hujusmodi præsumptionem tollitur, vel contemnitur adiutorium Spiritus sancti, per quod homo revocatur à peccato: & hoc potissimum verificatur de illis, qui propterea peccant liberiùs, eò quòd sciunt Deum esse summè & infinitè bonum ac liberalem in condonandis mortalium delictis.

§. II.

Proponuntur & breviter resolvuntur Casus practici tum circa Spem Theologicam, tum etiam circa desperationem & præsumptionem.

CASUS PRIMUS.

Titio concubinario concubina sua aliquando præter morem solitum recusavit corporis usum, dicens se non ampliùs posse continuare hoc commercium carnale sine evidenti periculo scandali in populo, consequenter nec sinè evidenti periculo incurrendæ damnationis æternæ; Verùm huic Titius illico respondit: jam sumus perditì; neque de hoc ampliùs dubitare fas est ob vitam hætenus tam scandalosè tractam: ad quid ergo metam ponamus desideriis ac voluptatibus nostris? itum proin fuit ex utraque parte in antiquam sylvam. Jam circa hanc speciem facti dubitare licet 1. quomodo Titius peccaverit? 2. an præter peccatum

tum fornicationis aut adulterii insuper commiserit peccatum desperationis in confessione necessario explicandum?

182

R. ad primum, Titium procul dubio gravissimè peccasse nedum peccato fornicationis (vel adulterii, si scilicet vel ipse, vel meretrix saltem jam fuit actu ligata matrimonio) verum insuper peccato scandalii; quippe qui malè sollicitando, & pejùs adhuc persuadendo concubinam suam pertraxit ad actuale peccatum, & fortassis ad consimilem desperationem. Insuper in hujusmodi casibus singulariter attendendum est & indagandum, an non vivant in concubinato notorio & scandaloso (quod revera species hujus facti insinuare videtur) in tali scilicet, de quo pluribus ejusdem communitatis vel civitatis constat &c. præterquam enim, quòd iste casus in plerisque Dioccesibus sit reservatus, insuper noverit Confessarius, se non posse tutà conscientia Titium absolvere, nisi sanctè & seriò appromittat, quamprimùm moraliter potuerit, vel dictam concubinam relinquere, vel à se amandare &c. quatenus hòc modo scandalum publicum tollatur.

Res de se clara est, & potest constare ex iis, quæ diximus in *Theolog. sacram. part. 2. Conf. 4. n. 93.* quamdiu enim Titius id non facit, aut non seriò appromittit illico se facturum, tamdiu convincitur velle perseverare in continuo statu peccati mortalis: at, qui

qui v
absol

com
sione
dem
lunta
exist
lem,
rò ha
beriu

que
finè r
Conf
vit,
certè
sua p
malit
ideò
inter
tum
ferit
nes il
tholi
qua
tis m
non u
rursu
&c.
quasi
suppe
R.

qui vult perseverare in tali statu, est incapax absolutionis : ergo &c.

R. jam ad 2dum. Titius procul dubio 183
commisit peccatum desperationis, in confessione necessario exprimendum; quandoquidem opere ipso monstravit, se abjecisse voluntatem tendendi ad beatitudinem, eò quòd existimaverit, hanc vel sibi jam impossibilem, vel certè nunquam futuram: immò verò hac pessima persuasionem motus fuit ad liberius peccandum, & ad pertrahendam quoque concubinam suam ad consensum, non sinè malitiosa præsumptione. Insuper notet Confessarius, quòd, si Titius ideò desperavit, quia credidit Deum vel non posse, vel certè jam nolle sibi remittere peccata, vel sua peccata esse irremissibilia ob vitam tam malitiosè traductam, & scandala data &c. ideòque nec gratiâ Dei vinci posse (licèt hoc inter fideles rariùs contingat) præter peccatum mortale desperationis, insuper commiserit peccatum hæreseos; revera enim omnes illæ persuasiones sunt contrariæ fidei Catholicæ, & repugnant Sacræ Scripturæ, in qua Ezechiel 18. dicitur: *Nunquid voluntatis meæ est mors impii, dicit Dominus, & non ut convertatur à viis suis, & vivat?* Et rursus Isa. 1. *lavamini* (ait) *& mundi estote* &c. *si fuerint peccata vestra ut coccinum, quasi nix dealbabuntur.* Utrum verò ex hac suppositione insuper inciderit excommuni-

R. P. Elbel, Pars II. de Fide &c. O catio-

cationem, colligi debet ex eo, an non laboraverit aliqua juris vel facti ignorantia, item, an hanc hæresin exterius manifestaverit? Videatur de hoc P. Sporer *tr. 2. c. 4. sect. 3. n. 15.*

At, quid de illis tenendum, inquires fortassis, qui à Confessario dehortati, vel etiam admoniti, ut ab hoc vel illo vitio v. g. pollutionis, ebrietatis, furti &c. deinceps abstineant, ilico respondent: Pater R. non possum amplius abstinere, tum ob nimis inveteratam consuetudinem, tum etiam ob nimiam meam fragilitatem prò dolor! sæpius, quàm par est, expertam.

184

R. Hujusmodi homines tractandos esse potius velut pusillanimes, quàm desperabundos, quippe qui potius desperant de propria virtute, velut benè conscii suæ fragilitatis, quàm de divino adjutorio: & cum hoc non obstante fieri possit, ut abjecta etiam confidentia de propriis viribus omnem spem suam collocent in adjutorio Divinæ gratiæ adjuatricis fortissimæ, nec non in infinita Dei misericordia, cui utique nihil est impossibile; hinc Confessarius ceu Medicus spiritualis omni modo conari debet, ut hujusmodi hominem pusillanimum erigat, & ad firmiter sperandum, dolendum, proponendum excitet, quatenus eum hisce mediis ad vitam spirituales reducat; quemadmodum prudentes medici infirmum de sanitate corporis recuper-

cuperanda quasi desperandum, propterea non illico deferunt, sed potius conantur eundem tum salutaribus consiliis, tum etiam convenientibus medicamentis restituere pristinae sanitati.

Secus utique dicendum foret, si tentatis omnibus poenitens inveniretur immobilis in sua diffidentia erga Deum; quia tunc velut indispositus foret dimittendus.

CASUS SECUNDUS.

Sempronia femina non minus annosa, quam exosa suo Marito, incidit in morbum lethalem, quo non obstante venit simpliciter sumere quamcunque demum medicinam, constanter asserens, se totam suam fiduciam collocare in præpotenti patrocínio B. V. Mariæ, quæ, si Deo ita placuerit, procul dubio sibi impetraret pristinam sanitatem. Sempronius Maritus è contrario hac sibi occasione utendum ratus: subito cucurrit ad certum quoddam Monasterium; petiitque, ut sine mora legeretur sacrum pro felici fine suæ uxoris: Et quid iste totum suum amorem jam pridem transtulit in aliam personam, hinc sæpius quaesivit occasionem cum eadem peccandi: licet verò hanc nunquam obtinuerit, nihilominus fatetur, se toties quoties secretò polluisse semetipsum; partim ideo, quòd bene agnoverit se desiderando, immò Et quaerendo occasionem peccandi carnaliter, jamjam promeritum fuisse

se infernum, & hōc ipso parum vel nihil referre, tametsi superadderet opus externum; partim etiam, quia scivit, se nec magis confusum iri neque etiam gravius punitum à Confessario sive dein superaddidisset pollutionem, sive non. Jam ad hunc casum valde practicum tres quæstiones moveri possunt 1. utrum vel qualiter Sempronia peccaverit, nolendo acceptare quamcunque demum medicinam? 2. An Sempronius ejusdem Maritus peccaverit, petendo Sacrificium Missæ pro felici fine? 3. Denique an, vel quomodo is peccaverit post lapsum mentalem sese ulterius præcipitando in lapsum corporalem, scilicet pollutionem, & quidem propterea, quòd sciverit se jam prius meruisse infernum, neque etiam multò graviorem pœnitentiam inde reportaturum?

185

R. Ad primum quæsitum, Semproniam per se loquendo (nisi scilicet vel simplicitas vel ignorantia eam excuset) graviter deliquisse; quia non solum nimium præsumere, sed & Deum tentare voluisse videtur, relictis scilicet mediis naturalibus & ordinariis expectans effectum sanitatis à Deo sibi conferendum. Ratio est: quia quicumque demum vel corporis sanitatem vel quemcunque alium effectum similem relictis mediis à Deo in eundem finem ordinatis (ut sunt medicinæ) expectat per sola miracula patrociniò Sanctorum impetranda, temerariè errare, immò & Deum tentare velle convincitur;

citur; non enim debemus ejusmodi dona vel gratias expectare, nisi per viam ordinariam, id est per media à Deo in talem finem ordinata: atqui Sempronia respuendo omnem medicinam hoc non fecit: ergo &c. liquet proin, quòd Confessarius talem personam vel aliter disponere, vel nō aquiescere velit sanioribus consiliis, beneficio absolutio-
nis privare, aut certè suspendere debeat.

℞. Ad 2dum quæsitum cum distinctione. 186
Vel enim Sempronius voluit mediante hoc Sacrificio Missæ promovere, & voluntate antecedente (ut loquuntur Theologi) Deum quodammodo cogere, ut uxorem tollat è vivis? vel nihil aliud intendit, quàm, ut si quidem placeret Deo uxorem suam, sibi tam charam (scilicet) tollere è vivis, hæc felici fine defungeretur? Si prius: dicendum erit, quòd Sempronius præter grave peccatum contra charitatem uxori debitam, cujus mortem inordinatè appetiit, insuper commiserit peccatum gravissimum præsumptionis, & quidem qualificatæ, scilicet blasphemæ, & sacrilegæ; quia præsumpsit SS. Missæ Sacrificio abuti in ordine ad aliquem effectum malum & illicitum, scilicet ad impetrandam præmaturam mortem vel hujus accelerationem, quam finè peccato hōc modo (scilicet voluntate antecedente) nec potuit intendere, nec debuit. Si verò supponatur posterius, dicendum erit, quòd Sempronius

neutiquam peccaverit, sed potius benefecerit, quia supponitur nil aliud intendisse, quam felicem mortem uxoris suæ, eamque voluntate subsequente duntaxat Divinam, quam rationabiliter prævidere potuit ex eo, quod Sempronia absolutè renuerit sumere quamcunque demum medicinam : atqui certum omnino est, SS, Sacrificium Missæ quâ impetratorium à Deo fuisse institutum ad hunc etiam finem, scilicet ad impetrandam felicem mortem : ergo ex hac suppositione Sempronius minimè peccasset. Videatur Sporer *loc. cit.*

187

R. Jam ad 3tium dubium, quod Sempronius post lapsum mentalem insuper superaddendo lapsum corporalem, procurando scilicet pollutionem, sine dubio iniquitatem adiecerit iniquitati, prout nemo prudentum non videt : nihilominus in rigore loquendo per hoc nec peccatum desperationis commisit, neque etiam præsumptionis ; non enim prius : quia propterea non abiecit animum simpliciter in ordine ad proseguendam beatitudinem ? immò verò contrarium haud obscurè fas est colligere ex eo, quod cogitaverit de confessione & poenitentia sibi injungenda à Confessario. Neque etiam posterius ; qui vi hujus non vincitur temerariè sperasse beatitudinem, aliavè auxilia gratiæ, mediis, aut viâ extraordinaria consequenda, licèt suo modò videatur peccasse in

in clementiam Confessarii, cui confisus facilius consensit in peccatum externum. Videantur de hoc ea, quæ diximus in casu haud multum ab simili *part. 1. prælimin. Confer. 23. n. 684. Vel Tannerus Tom. 3. disp. 2. q. 1. n. 79. aut la Croix lib. 2. n. 127. ubi is rectè subdit, quòd si peccans sibi tam facilè promitteret remissionem peccatorum plurium, quàm unius, & ideò sæpius peccaret, dicendus foret præsumptuosus.*

CASUS TERTIUS.

Cajus ob varia delicta accusatus, à Principe, cujus ad obsequia pluribus annis steterat, tandem officio suo fuit orbatus. Quare cum ex una parte advertit, se & uxore & prolibus oneratum, ex altera verò, post multa etiam in cassum tentata remedia, omni subsidio humano destitutum, denique nedum in pusillanimitatem, verùm insuper in omnimodam desperationem prolapsus fuit, unde & firmissimè statuit, suum delatorem (à quo sibi, suisque prolibus sustentationem necessariam, & consequenter suo modo pariter vitam ipsam ademptam existimavit) provocare ad duellum, ratus, melius sibi esse vel in arena generosè & honorificè (scilicet) succumbere, quàm ab omnibus quasi spretum & despectum, vitam tam miserabilem diutiùs protrahere: priùs tamen confiteri, sacràmque synaxin sumere voluit pro felici successu duelli, quatenus hoc mediò

vel felicius vinceret, vel minus feliciter forte decertans & occumbens, non sine sacro Viatico ex hac vita decederet. Quæritur jam ad nostrum propositum 1. an Cajus verè possit aut debeat dici desperasse; 2. An adversarium suum ad duellum provocando peccaverit, & quomodo? An non insuper commiserit peccatum præsumptionis sacrilegæ ex eo, quòd pro felici successu Sacram Synaxin sumere attenterit?

- 188 R. ad primum quæsitum hujus Casus, de Cajo dici non posse, nec debere, quòd desperaverit simpliciter; patet enim ex ipsa facti specie, quòd non abjecerit omnimodam voluntatem prosequendi beatitudinem, eò ipso, quòd statuerit confiteri, & ante duellum sacram sumere Synaxin eo fine, ut non sine viatico decederet ex hac vita. Et licèt desperaverit de eo, quòd deinceps unà cum Uxore & prolibus possit ducere vitam tam commodam & congruam suo statui, prout hætenus eam fortassis duxit; hæc tamen non est propriè desperatio Theologica; tum quia non versatur circa Deum vel ejusdem affecutionem; tum etiam, quia nullibi jubebatur sperare à Deo vitam tam congruam suo statui, prout hætenus fortassis eam duxit: desperando igitur de hac sustentatione comoda tam parùm peccavit contra virtutem Theologicam Spei, quàm fur, qui jam intra manus carnificis in scala constitutus desperat de sua vita ulterius proroganda.

R. ad

R. ad 2dum quæsitum. Cajum graviter 189
 peccâsse contra charitatem proximi, provo-
 cando illum ad duellum, & hoc ipsô expo-
 nendo tum spiritualis, tum corporalis etiam
 vitæ amittendæ periculo. Esto etiam ab eo-
 dem suo adversario fuerit accusatus; quia
 tamen non propter accusationem (quæ pro-
 cul dubio potuit esse justa) sed potius propter
 insolentias jam sæpius inceptas officio suo
 orbatus; hinc non delatori, sed sibi met im-
 putare debet hoc detrimentum. Ex quo con-
 sequens est, quòd sinè justa causa intendat se-
 se vindicare mediante duello, & hòc ipso ne-
 dum in charitatis proximo suo debitæ, sed
 etiam in justitiæ leges enormiter impingat.

R. jam ad 3tium quæsitum. Cajus su- 190
 mendo sacram Synaxin ex præfato fine, com-
 misit peccatum præsumptionis sacrilegæ;
 præsumptionis quidem: quia per hanc voluit
 impetrare victoriam injustam: quem in fi-
 nem SS. Communio certè nunquam fuit insti-
 tuta. Sacrilegæ verò, tum quia abusus fuit
 hoc Sacramento; tum etiam, quia utrum-
 que Sacramentum, tam poenitentia scilicet,
 quàm etiam SS. Eucharistia indignè suscepit.
 Neque etiam videtur, quomodo Cajus pos-
 set excusari ob ignorantiam inculpabilem:
 vel enim præsentem animæ suæ statum Con-
 fessario exposuit debitò modo, vel non? si
 non: eò ipso à culpa minimè excusari potest.
 Si autem sic, Confessarius eidem procul du-

bio nedum beneficium absolutionis negâſſet, ſed SS. Communionem infallibiliter interdixiſſet, velut homini prorſus indigno & incapaci.

§. III.

Corollaria ex dictis inferenda.

191 **C**olliges ex hactenus dictis primò, circa huiusmodi homines desperabundos à Confefſario eſſe bene attendendum tum ad objectum, tum etiam ad motivum deſperationis.

Ad objectum quidem: quia ſi aliquis non de ipſa beatitudine, vel de mediis ad huius confeſſionem neceſſariis, ſed de alia materia vel objecto à Deo nullatenus promiſſo deſperet; utputa ſi infirmus de recuperanda valetudine, captivus de libertate, Ruſticus vel aliushomo plebejus de impetranda Imperii Corona deſperet, dicetur quidem deſperâſſe: verùm hæc deſperatio nec Theologica eſt, neque peccaminofa, & hôc ipſo impertinens ad forum Sacramentale. Ad motivum verò pariter eſt attendendum; enimverò ſi quis ad deſperandum moveatur aliquo errore contra fidem, utputa ex eo, quòd credat Deum vel non poſſe, vel nolle ſalvare &c. committit duplex peccatum, ſcilicet contra virtutem Spei & Fidei ſimul: è contra ſi quis deſperet abſque eo, quòd ad hanc inducatur quodam motivo erroneo contra fidem, ut ſi quis

quis animum penitus abjiciat in ordine ad
prosequendam beatitudinem, eò quod pu-
tet, Deum sui non miserturum, nec datu-
rum gratias efficaces, vel etiam gratiam fina-
lem &c. committit quidem peccatum con-
tra virtutem Spei, sed simplex duntaxat, &
non qualificatum; non enim tenemur velut
de fide credere, Deum nobis daturum gra-
tiam finalem, vel alias gratias efficaces. Vi-
deantur de hoc Sanchez *lib. 2. in decalog. c. 33.*
num. 5. Laymann *lib. 2. tr. 2. c. 2. n. 3. & 5.*
Vel Sporer *tract. 2. c. 4. sect. 3. n. 15.*

Colliges ulterius addò, hujusmodi homi-
nes desperabundos à Confessario magna cum
circumspectione, discretione, prudentia,
nec minori cum patientia tractandos esse, &
quidem pro diversitate geniorum. Enimve-
rò nonnullos reperire est, qui ob nimiam
peccatorum suorum Sarcinam, vel vitam
revera scandalosè actam &c. à Diabolo for-
titer tentantur ad desperandum de Divina mi-
sericordia; qui proin cum mansuetudine &
charitate erigendi sunt ad piè confidendum
in infinitam Dei misericordiam, quippe quæ,
hòc ipso quòd infinita sit, & potest, & vult
parcere: proptereaque Deus Pater Unigeni-
tum suum Filium tradidit in mortem pro
omnibus peccatoribus quantumvis gravibus
&c. Juvabit insuper tali homini proponere
breviter unum alterumvè exemplum ex
S. Scriptura depromptum, utputa de Rege
Achab,

Achab, vel Manasse, vel de Disma latrone &c. Alii rursus inveniuntur, qui calamitatibus aliis vè hujus vitæ miseriis vel etiam persecutionibus pressi, non tam ex malitia, quàm ex pusillanimitate desperant, qui proin in spem ac fiduciam Divinæ Providentiæ sunt erigendi, proponendo ipsis, quòd *quem Dominus diligit, castigat, & omnem Filium, quem recipit, flagellat. Hebr. 12. cap. v. 6.* Item, quod ipsum Unigenitum Dei Filium oportuerit pati (consequenter & nos) & ita intrare in gloriam suam. Denique alii inveniuntur, qui quantumvis innocentes fortassis nec minimam haberent causam dubitandi de assequenda aliquando corona vitæ, nihilominus Deo ita permittente (procul dubio ad promerendam majorem in cœlis gloriam) continuò quasi exagitantur & molestantur cogitationibus vel potiùs tentationibus desperabundis, sive dein à dæmone, sive etiam ex hypocontria, melancholia seu abundantia atræ bilis proficiscentibus: qui, quantò infirmiores, tantò sunt digniores compassione, licèt non tam exhortationibus Confessarii, quàm pharmacis à Medico præscribendis curari debeant aut possint. Quocirca tamen illud animadvertendum est, à Confessario hominibus hujus ultimæ classis non tam facillè credendum, quòd peccaverint, tametsi de similibus sese accusare soleant velut peccatores maximos; revera enim involuntariè

&

& contra propriam inclinationem patiuntur hujusmodi incidentias.

At verò, inquires, quomodo homines, simpliciores præsertim & rudiores ad formalem & supernaturalem actum spei excitari possunt vel debent?

R. Debent excitari hoc vel simili modò 193
incipiendo ab humanis & naturalibus, & ex his eosdem elevando ad supernaturalia v. g. dicendo: Charissime fili (vel filia) nunquid si homo constans & fidelis in servandis promissis tibi aliquid promittat, speras te securius ac certius illud obtenturum ab eo, quàm ab alio, qui non solet servare sua promissa: quò respondente: *ita Domine*: jam ulterius instet Confessarius. Ecce jam! fili charissime, noveris procul dubio, Deum summè bonum, qui in servandis suis promissis fidelissimus est, nobis omnibus promississe vitam æternam, modò eidem fideliter serviamus, ejusdémque mandata observemus: & nunquid jam statuisti firmiter non ampliùs peccare quin potiùs Deo fideliter servire, eundémque super omnia amare? Dic ergo charissimè fili! & ex corde dic: *O mi DEUS!* spero à divina bonitate tua gratiam & vitam æternam, quippe quam tu infinitè fidelis in servandis promissis, nobis promisti: tu solus es finis noster ultimus, tu solus nostra beatitudo: te solum desidero, te assequi ardentissimè cupit anima mea: Deus meus & omnia:

omnia: in te Domine spero & semper sperabo; non confundar in æternum.

194

Colliges 3tò, etiam illos præsumptuosos esse adnumerandos, qui voluntariè sese resolvunt ducere dies suos in bonis, peccata peccatis cumulare, pœnitentiam verò usque ad finem vitæ differre, eò quòd sciant misericordiam Dei esse infinitam &c. propter eaque nedum Dismæ concrucifixo, sed & aliis innumeris peccatoribus in fine vitæ pepercisse. Peccant revera tales peccato præsumptionis in Spiritum Sanctum, cujus bonitatè abutuntur, dum hujus intuitu inducuntur ad liberiùs peccandum, & laxandas naturæ habenas ad omnem licentiam vivendi. Tales proin à Confessario excitandi sunt ad salutarem Dei timorem, ad quem nos omnes hortatur Doctor Gentium *ad Philipp. 2. v. 12. ut scilicet cum metu & tremore nostram operemur salutem: & Deus ipse Eccli 5. v. 8. ut non tardemus converti ad Dominum, & ne differamus de die in diem &c.*

195

Colliges 4tò, in censum præsumptuosorum pariter computandos esse illos Prædicatores, & Confessarios, qui tamen hactenus parum vel nihil studuerint, nihilominus pergunt negligere competens studium & lecturam; ita, ut soli sibi dexteritari, ingenii felicitati, vel denique extraordinariæ Dei assistentiæ confisi &c. confessionale frequentent, & sine omni serupulo expediti-

mè;

mè, aut certè expeditiùs quàm alii docti, suos
 pœnitentes absolvant, vel cathedram con-
 scendant, aliquid deblatterantes sinè spiritu,
 immò & sinè iudicio, proptereâque juxta il-
 lud verissimum simul & notissimum prover-
 bium, quemadmodum *sinè labore ascendunt,*
ita pariter sinè honore descendunt, & sinè
 fructu, non sinè permagno præiudicio hono-
 ris divini. Verè inquam præsumptuosi, im-
 mò & temerarii dici merentur tales; quia
 prætermisso medio ordinario, studio scilicet,
 à Deo & natura ad hoc ordinato, à
 DEO expectant effectum quendam extraor-
 dinarium (in quo consistit interpretativa ten-
 tatio Dei) & sese exponunt periculo plurimo-
 rum errorum, tum contra sanam doctrinam,
 tum etiam contra reverentiam Sacramento-
 rum non sinè periculo animarum, prout sa-
 pienter advertit noster V. P. Cherubin Mayr
in suo Trismegisto dist. 2. c. 3. §. 2. n. 220.
 Qui propterea meritò timere deberent illud
 fulmen divinum *Osee 4. v. 6. quia tu scien-
 tiam repulisti, repellam te, ne Sacerdotio
 fungaris mihi.*

Colliges igitò, quòd, quemadmodum se-
 cundùm dicta superiùs *Confer. 1. n. 5.* habi-
 tus infusus fidei amittitur per peccatum infi-
 delitatis positivæ, hæresis scilicet, & apo-
 stasiæ; ita pariter habitum spei amitti per
 peccatum positivum desperationis, imò &
 per quodvis peccatum mortale spei directè
 oppo-

oppositum, id est, tale, quod directè tollit objectum formale spei, uti sunt positiva & efficax nolitio vel contemptus beatitudinis; neglectus mediorum ad illam assequendam, eò quòd judicetur vel apprehendatur velut impossibilis; itemque dejectio animi ex eo, quasi Deus non possit, aut non velit nos salvare. 2. etiam potest amitti per peccatum formalis & positivæ infidelitatis; quia cùm fides sit quasi basis ac fundamentum omnium virtutum, ea sublata pariter spem corruiere, necessum est. Nihilominus quemadmodum secundùm dicta *l. c.* fides non amittitur per infidelitatem merè negativam, id est, omissionem actus fidei, dum hujus obligatio urget; ita pariter habitus spei non deperditur per omissionem actus spei; quandoquidem hæc omissio directè non opponitur motivo spei. Videatur Sporer *tr. 2. c. 4. sect. 4. n. 19.* vel la Croix *l. 2. n. 129.*

- 197 Colliges denique 6tò, quòd tametsi peccatum desperationis & præsumptionis ex suo genere sint mortalia, utpote immediatè repugnantia divinæ bonitati, misericordiæ vel justitiæ, in quibus non datur parvitas materiæ; nihilominus subinde ex indeliberatione, vel imperfectione actûs fieri possit, ut quis venialiter tantùm, & non mortaliter peccet, sicut & in aliis materiis idemmet fieri natum est, juxta dicta *in tr. primo seu præliminar. Confer. 20. n. 573.* Fateor tamen, mihi satis proba-

probabile videri id, quod apud la Croix *lib. 2. n. 128.* docent RR. PP. Bonæ Spei, & Stephanus à S. Paulo, scilicet, eum, qui ex præsumptione de bonitate Dei peccaret venialiter, aut in sequentem diem differret agere poenitentiam circa peccatum mortale, propterea non peccaturum, nisi venialiter: meritò tamen negari potest, quòd in his casibus interveniat præsumptio propriè dicta; quia per hoc non expectatur beatitudo temerariè, vel mediis in hunc finem à Deo minime ordinatis obtinenda.

At, inquires adhuc: quid si Deus alicui homini revelaret suam damnationem futuram, teneretur nè talis, vel saltem posset adhuc sperare beatitudinem?

R. brevissimè ad hanc quæstionem speculativam cum distinctione; nam si Deus eam revelaret propter peccatum jam præteritum, quòd non amplius vellet remittere, procul dubio talis homo, utpote jam destitutus objecto spei simpliciter, nec posset, nec teneretur amplius sperare beatitudinem. At verò si propter peccatum futurum & primò incurrendum alicui revelaretur damnatio, meò iudicio nedum posset, sed etiam teneretur adhuc sperare beatitudinem; quia impedimentum hujus, peccatum scilicet liberè ponendum, dependet purè ab ejusdem arbitrio; quod utique tenetur non ponere, sed potius tendere ad beatitudinem, cui so-

R. P. Elbel, Pars II. de Fide &c.

P la

la revelatio divina nullum prorsus ponit
obstaculum, sicut revelatio D. Petro facta
de futura negatione Christi, nullum prorsus
posuit obstaculum, quò minus petuisset,
immò & debuisset non negare. Verùm
dimissa hac quæstione speculativa ad Schola-
sticos, pro praxi respondendum est 1. non
facile credendum, hujusmodi revelatio-
nem, utpote prorsus extraordinariam, &
alienam à præsentì statu ordinationis divinæ,
fuisse factam à DEO, vel à bono, sed po-
tius à malo spiritu, eo fine, ut hominem
inducat ad desperationem omnimodam. 2.
Datò etiam, quòd constaret, talem reve-
lationem revera profectam esse à DEO,
præsumendum foret, eam esse intelligen-
dam sub conditione, *nisi* scilicet ageret pœ-
nitentiam, quemadmodum revelatio de
subversione Ninive per Prophetam Jonam
facta sequentibus verbis absolutè & satis
clare prolatis: *adhuc quadraginta dies &
Ninive subvertetur, Jon. 3. v. 4.* non fuit
aliter intelligenda, quàm sub conditione:
nisi scilicet Ninivitæ agerent pœnitentiam:
quemadmodum ergo hi poterant, & tene-
bantur adhuc sperare, fore, ut Ninive non
subvertatur, casu quo agerent pœniten-
tiam: ita pariter talis homo adhuc & pos-
set, & teneretur sperare, fore, ut non
damnetur, casu quo non peccaret, vel
de suo peccato pœnitentiam ageret.

quo
disp.
sect.
disp.
disp.

De V

De V

199. C
200. V
201. A
tens
202. C
omn
inter
203. H
usum
204. P
205. H
actur
206. Q
eticè
lem I
207. P
re ne
208. Q
209. In
ordin
quo

quo videri possunt Herincx *part. 3. tr. 1. disp. 10. n. 56.* Sporer *tr. 2. in decal. c. 4. sect. 4. n. 20.* Salmanticens. *tom. 7. tr. 18. disp. 5. dub. 2. n. 32.* apud Babenstuber *tr. 5. disp. 1. d. 3. n. 20.*



CONFERENTIA SEPTIMA.

De Virtute Charitatis tum DEO, tum
etiam proximo debita.

S U M M A R I U M.

199. Quid sit charitas Theologica.
200. Varia hujus membra breviter declarantur.
201. Amor Dei alius dicitur appetitiue, alius intensiue summus.
202. Quivis homo tenetur diligere Deum super omnia, id est, amore appetitiue, non tamen intensiue summo.
203. Hoc præceptum per se obligat. 1. post adeptum usum rationis, & sæpius &c.
204. Per accidens autem adhuc frequentius.
205. Huic tamen obligationi sæpe sæpius satisficit per actum amoris virtutalem & implicitum.
206. Quomodo homines, præsertim rudiores practice excitari debeant ad amorem supernaturalem DEI super omnia?
207. Præter DEum insuper tenemur ordinatè diligere nosmetipsos, nec non & proximum.
208. Quinam nomine proximi veniant?
209. Insinuatur breviter triplex bonorum genus, in ordine ad regulandam charitatem erga proximum.

210. Qualis ordo charitatis Deum inter & nos, nec non inter proximum generaliter loquendo fit observandus?
211. Pro hujus meliori captu distinguendum est inter bona necessaria, & inter non necessaria ad salutem.
212. Rursus distinguendum est inter necessitatem extremam, gravem, & communem.
213. Quando, vel quomodo unusquisque teneatur succurrere proximo suo constituto in necessitate salutis spiritualis?
214. Quomodo vel qua ratione charitas, seu gratia habitualis amittatur?
215. Resolvitur Casus I. cujusdam personæ, quæ, ut mortem in manibus carnificis subeundam sibi conciliaret, proprio motu occidit infantem innocentissimum.
216. Proptereaque sinè dubio graviter deliquit contra charitatem nedum proximo, sed sibimet etiam debitam.
217. Occurritur cuidam instantiæ in contrarium.
218. Resolvitur Casus II. cujusdam honestissima puellæ, quæ à quodam lascivo homine stupri causâ obruta, lamentabiliter imploravit opem cujusdam alterius.
219. An iste fuerit obligatus ad succurrendum?
220. Huic puellæ probabilissimè licuisset occidere seu etiam confodere injustum aggressiorem, si aliter non potuit illum repellere.
221. Satisfit cuidam instantiæ in contrarium.
222. Resolvitur Casus III. cujusdam pœnitentis, interrogantis Confessarium, an cum periculo vite teneatur succurrere proximo in pari periculo vite constituto.
223. Qui per se loquendo potuit quidem, per accidens tamen non, si supponatur, hujus vitam fuisse necessariam ad aliorum, utputa uxoris, prolium &c. salutem.
224. Unde à Confessario in his circumstantiis mini-

me
ip
225.
tra
226.
no
227.
228.
pr
ch
229.
pr
hin
230.
de
231.
ex
232.
na

Præ
fita

Q
ca,
dim
tus
tano
ipsu
Ita
deci

mè potuit obligari ad ferendam opem per se ipsum.

225. Respondetur ad quandam objectionem in contrarium.

226. Contra charitatem Dei dupliciter, vel omnino tripliciter peccari potest.

227. Odium Dei est gravissimum peccatum.

228. Fieri potest, ut quis vitam alterius teneatur præferre periculo vitæ propriæ, ubi ad titulum charitatis simul accedit titulus iustitiæ &c.

229. Ordinata charitas jubet, ut circa dilectionem proximi vel inter proximos servemus ordinem; hinc

230. Quantum concernit bona naturalia præferre debemus consanguineos aliis non consanguineis.

231. Quantum ad politica cæteris paribus concivem extraneis.

232. Nunquam tamen creaturas irracionales rationalibus.

§. I.

Premittuntur, & breviter resolvuntur quæsitæ, scitu necessaria ad debitè resolvendos casus practicos circa amorem DEI, sui ipsius, & Proximi.

Quæres primò, quid sit charitas?

¶ Charitas velut virtus Theologica, de qua in hac Conferentia agere intendimus, perbenè describitur, quòd sit virtus supernaturalis, quâ quis Deum diligit tanquam summum bonum propter se, se ipsum verò & proximum propter DEUM. Ita Communis Theologorum. Explico, & declaro brevissimè. Dicitur 1. *Virtus super-*

199

naturalis ; quia hoc habet commune cum virtute fidei & spei, quibuscum velut ingere convenire dignoscitur. Dicitur 2. *quâ quis DEUM diligit* ; per quod innuitur objectum materiale primum ; quemadmodum enim fides & spes velut virtutes Theologicae pro suo objecto materiali primario immediatè respiciunt Deum, pro secundario autem ea quæ sunt circa Deum ; ita pariter charitas pro objecto materiali primario respicit Deum, pro 2dario autem nos ipsos & proximum, in quantum participamus DEI bonitatem, & sumus capaces beatitudinis assequendæ &c. Hinc ulteriùs additur : *Tantumquam summum bonum propter se, seipsum verò & proximum propter DEUM* ; quibus verbis innuitur objectum formale motivum charitatis scilicet summa & infinita DEI bonitas, & hòc ipso infinito amore digna, quæ, in quantum relucet in nobis, pariter habet vim voluntatem nostram permovendum ad nos ipsos, tum etiam ad proximos nostros amandos. Ex quibus ad oculum liquet differentia formalis specifica charitatis, tum à virtute fidei ad quam movet infinita Dei veritas secundum dicta *Confer. 1. num. 10.* tum etiam à virtute Spei, ad quam nos movet infinita Dei fidelitas juxta dicta *num. 172.* & contra verò ad amandum Deum super omnia movet sola & unica infinita Dei bonitas absoluta.

Quæ

Quæres 2dò , quotuplex sit Charitas ut sic?

R. Charitas ut sic variè dividi solet, & 200
quidem I. in *habitualement* & *actualement*. Nominè prioris intelligitur *habitus à Deo infusus*, quò *inclinamur ad Deum propter se, nos verò & proximum propter Deum diligendum*. Nominè autem posterioris intelligitur *actus voluntatis, quò quis Deum, seipsum aut proximum amando prosequitur*. Quocirca tamen advertendum est, quòd præter amorem supernaturalem insuper dari possit amor merè naturalis, in eo differens à priori, quòd hic (naturalis scilicet) nec à principio supernaturali seu gratia procedat, neque etiam in Deum tanquam Auctorem supernaturalem tendat.

II. Charitas dividi solet in *incipientem, proficientem & perfectam*; incipiens dicitur, quamdiu amans incumbit studio expugnandi vitia, & eradicandi vitiosas inclinationes: proficiens verò, quando jam principaliter incumbit implantandis virtutibus: perfecta denique appellatur, quando in operibus virtuosis jamjam habituat, totus quantus intendit contemplationi & amori Divino. Videatur de hoc Herincx noster *part. 3. tr. 1. disp. 11. n. 15*.

III. Charitas actualis, vel potius amor supernaturalis solet dividi in amorem *concupiscentiæ*, quò DEum vel etiam proximum diligigi-

diligimus, in quantum nobis bonus, & in amorem *amicitiæ*, quò DEUM aut proximum diligimus, quatenus ipse in se est bonus ac propter ipsiusmet bonitatem propriam; & hic amor amicitiæ rursus subdividi solet in amorem *complacentiæ*, vi-cujus scilicet de bono à proximo aut à Deo jam actualiter possessio nobis complacemus, eisdem congaudemus & congratulamur &c. & in amorem *desiderii*, quò eidem ea bona, quibus adhuc caret, sincerè optamus & desideramus, eadem pro viribus procurando.

Sic revera qui DEO congaudet & congratulatur de infinitis ejusdem perfectionibus jam actu possessis, dicitur illum amare amore complacentiæ: qui verò efficaciter desiderat, ut DEUS, ejusdemque infinita bonitas ab omnibus agnoscatur, vel pro viribus satagit, ut ipsius honor, cultus & amor indies magis ac magis dilatetur, eundem dicitur diligere amore desiderii.

IV. Denique è nonnullis præsertim asce-
seos Magistris solet amor amicitiæ dividi in *affectivum* & *effectivum*. Affectivum dicunt, quò Deo aut proximo affectu & actu interno bene volumus, sive de ejus bono jam actu possessio gaudendo, sive nondum possessum desiderando. Effectivus verò & practicus appellatur, quò ipso opere & conatu externo, quantum in nobis est, nitimur Deo, proximovè benefacere. Qui plura horum
exem-

exempla affectat, consulat nostrum P. Sporer tract. 2. in Decalog. c. 5. sect. 1. per totam, ubi abundanter procul dubio inveniet, quod desiderat.

Quæres 3tiò, quomodo Deum diligere teneamur?

Ante responsionem nota, Deum dupliciter 201
diligì posse *super omnia*, scilicet vel 1. *appretiative* vel 2. etiam *intensivè*, ut habet Scotus 3. dist. 27. q. un. §. *quantum ad illum articulum*. Intensivè super omnia diligitur, dum quis ex majori affectu vult Deo bene esse, quàm alicui alteri; vel, ut alii hodie loquuntur: quando actus amoris in Deum est intensior seu vehementior omni alio amore erga creaturas. Appretiative verò super omnia diligitur, quando habetur in majori pretio, quàm quævis alia creatura, ita scilicet, ut amans DEum hòc modo vellet potius omnem aliam creaturam, quantumvis sibi charam, & quidquid demum in creatis clarum esse potest, relinquere, quàm Deum. Ita in re *communis DD.* Hoc notatò

R. jam ad quæstionem propositam. 202
Omnis homo ratione præditus tenetur diligere Deum super omnia appretiative, eundem scilicet habendo in majori pretio &c. non tamen super omnia intensivè. Ita Doctor subtilis *loc. cit.* & alii Doctores *communissimè*, esto contradicat Henno.

Ratio prioris desumitur ex illo *Matth. 22.*

Diliges Dominum Deum tuum ex toto corde tuo, & in tota anima tua, & in tota mente tua &c. atqui hoc mandatum intelligi nequit de dilectione intensivè summa, prout statim dicetur: ergo debet intelligi de dilectione appetiatiivè tali.

Ratio igitur posterioris inde desumitur, quia hodie nobis non constat neque humanitùs constare potest, quisnam amor sit intensivè summus; hinc tale præceptum, utpote difficillimum & supra vires humanas, eò ipso præsumi non debet fuisse impositum humeris hominum; & certè infinitis scrupulis daret ansam, quandoquidem nullus scire potest, an Deum dilexerit amore intensivè summo: cùm proin aliunde constet, in dubio de obligatione unquam contracta subditum manere in possessione suæ libertatis, prout diximus *in tr. prælim. Confer. 6. n. 152.* hinc prudenter omnino concludimus, huic præcepto satisfieri per amorem Dei super omnia, seu, quod idem est, *summum appetiatiivè*, licèt *non intensivè* talem.

Quæres 4tò, quoties teneamur DEum diligere, eliciendo actum formalem dilectionis?

- 203 R. Vi magni mandati de diligendo Deo quisque per se tenetur elicere actum formalem dilectionis erga DEum 1. post adeptum rationis usum, & agnitam Dei bonitatem. 2. in mortis articulo, nec non 3. sæpiùs per
decur-

decursum vitæ. Ita hodie *communissimè* Doctores. D. Thom. 1. 2. q. 89. art. 6. Scotus ubi suprà n. 18. Sporer *tr.* 2. c. 5. n. 33. & seqq. Marhantius *trib. part.* 2. *tr.* 2. tit. 4. sect. 1. q. 2. Laymann *lib.* 2. *tr.* 3. c. 2. num. 6. Illung *tract.* 3. *disp. un. à num.* 69. Ratio primi hæc est: quia ex S. Scriptura *Matth.* 22. mox allegata certò constat, quòd homo teneatur DEUM diligere: & hoc profectò status & conditio Viatoris exigit, ut finem vitæ tunc intendat sibi que præfigat. cùm primùm illam ingreditur: at, ubi primò homini illucescit diluculum rationis, ita ut agnoscat Deum in ratione ultimi finis & summi boni, incipit esse viator moraliter loquendo: ergo cùm DEUS ab homine rationis usu prædito in ratione ultimi finis non possit aliter intendi, nisi per actum Charitatis dicendum est, quòd tunc primò teneatur; id quod ampliùs confirmari potest ex illa *l. 14. ff. de Reg. J. in omnibus obligationibus, in quibus dies non ponitur, præsentì die debetur*, scilicet satisfieri obligationi: ergo cùm Deus non videatur apposuisse certam diem huic obligationi, dicendum, quòd homo teneatur elicere actum formalem Charitatis, quamprimùm illum in ratione summi boni & ultimi finis sui incipit agnoscere. Ratio 2di est: quia illo tempore, quò instat articulus mortis seu etiam vicinum mortis periculum, vel maximè ad amorem Dei super omnia nos videntur compelle-

pellere tot gratiæ, tot favores, tot beneficia tempore totius vitæ accepta.

Et certè, si in eo articulo quisque quantum potest signa amoris amicis suis exhibet: quidni eadem amicorum nostrorum amicissimo, Deo scilicet, à quo processimus, & ad quem proximè tendimus, exhibere debere-
 inus? Ratio denique 3^{ti} haud obscurè deducitur ex illo *Deuteronom. c. 6.* ubi dicitur: *Diliges Dominum DEum tuum ex toto corde tuo, & ex tota anima tua, & ex tota fortitudine tua, eruntque verba hæc, quæ ego præcipio tibi hodie in corde tuo, & narrabis ea filiis tuis, & meditaberis in eis sedens in domo tua, & amabulans in itinere, dormiens, atque consurgens;* quibus verbis, uti sapienter cum Cardena & aliis advertit Babenstuber *cit. art. 5. n. 9.* inculcatur frequens exercitium diligendi DEum. Quod quidem efficacissimè confirmatur ex eo, quòd Innocentius Papa XI. sequentes tres propositiones tanquam scandalosas, & in praxi perniciosas damnaverit; quarum prima (quæ est numerò 5^{ta} inter damnatas) ita habet: *An peccet mortaliter, qui actum dilectionis DEI semel tantum in vita eliceret? condemnare non audemus.* 2^{da} (numerò 6.) *probabile est, ne singulis quidem rigorosè quinquenniis per se obligare præceptum Charitatis erga DEUM.* 3^{tiò} (numerò 7.) *tunc solum obligat (præceptum charitatis) quando tenemur justificari,*

cari, & non habemus aliam viam, quâ iustificari possumus.

Dixi notanter, quòd in præfatis tribus 204
temporibus vi magni mandati teneamur *per se* diligere Deum, eliciendo scilicet actum formalem charitatis; nam quòd per accidens sæpiùs teneamur diligere Deum apud omnes in confesso est, & extra controversiam; idque præcipuè primò, quoties urget aliud præceptum, quod sinè actu dilectionis DEI adimpleri nequit, ut puta 1. Si quis in peccato mortali existens teneatur vel celebrare, vel Sacramentum ministrare, vel etiam Sacramentum aliquod vivorum suscipere, nec habet copiam Confessarii. 2. Dum quis gravissima tentatione sive odii erga DEUM, sive alterius peccati obruitur, ita, ut credat, se aliter non posse evadere, nisi eliciendo actum amoris erga DEUM, Ratio jam sæpiùs fuit inculcata: quia scilicet obligatus ad aliquem finem, eò ipso censetur obligatus ad media in eum finem necessariâ: fatendum tamen est, quòd is, qui ob omissionem amoris incidit v. g. in peccatum lasciviæ, propterea non teneatur specialiter sese accusare de omissione charitatis, quippe ad quam per se non supponitur fuisse obligatus, sed satisfacit exponendo peccatum commissionis. Ita omnes quot scio.

Illud insuper silentiò hîc minimè præter 205
eundum censeo, quod præter alios ad declinan-

clinandos conscientiarum laqueos sapienter admonet Cardenas *in crisi theolog. diff.* 6. c. 2. a. 2. n. 14. eumque secutus R. D. P. Augüst. Michel *theolog. canon. Moral. part. 1. tom. 2. q. 3. §. 1. n. 15.* scilicet ad satisfaciendum huic præcepto non semper opus esse, ut quis eliciat actum charitatis formalem, & explicitum, sed sufficere etiam virtualem & implicitum, qualem exercet is, qui præcepta DEI observat, quia scit, hoc esse Deo placitum, vel qui peccatum committendum evitat, vel jam actu commissum efficaciter detestatur, eò quòd sciat, hæc repugnare divinæ & infinitæ bonitati, &c.

Rursus huic præcepto haud infrequenter satisficit per hoc, quòd actus charitatis exerceatur ex imperio alterius virtutis; ut dum quis peccati mortalis sibi conscius, & copia confessarii destitutus vult celebrare, proptereaque præviè elicit actum perfectæ contritionis, ad quem virtute Religionis adstringitur in illis circumstantiis: quo casu nedum virtuti Religionis, sed & charitatis satisficit; tametsi enim secundum dicta præcepto charitatis seu vi magni mandati obligemur per se ad non nimis diu differendum actum charitatis, minimè tamen prohibemur, ne hunc urgente simul præcepto alterius virtutis, eliciamus.

Quæres 5tò, quomodo homines præsertim rudiores, & toti quanti immerfi hujus sæculi

saeculi cupiditatibus ac desideriis, excitari possint aut debeant ad formalem actum supernaturalem charitatis?

R. Eò ferè modo ad hujusmodi amorem 206.
excitandi sunt, quò modò *part. 2. Theol. Sacram. Conf. 3. n. 72.* diximus, eos esse excitandos ad veram contritionem supernaturalem, scilicet incipiendo à naturalibus & sensibilibus motivis, & ab his postea ascendendo ad altiora ac supernaturalia, v. g. hōc aut simili modò: nunquid charissime fili (aut filia) parentes tuos, vel illos, qui tibi benefaciunt, amas, & diligis? nunquid etiam nōstri DEum esse optimum parentem nostrum, qui denihilo creavit nos qui nos conservat, & in hunc finem indies innumera, & maxima quidem beneficia nobis confert, paratus pro exiguis nostris meritis nobis ulterius conferre vitam, & gloriam sempiternam: nunquid ergo charissime fili hunc optimum parentem nostrum, utpote infinitè bonum sincerè amas, & amare desideras? Dico ergo charissime fili, & ex corde dicito: O summum, & infinitum bonum meum, amabilissime Deus: diligo te ex toto corde meo, & amo te, quia tu es summè & infinitè bonus: amo te Deus meus, & magis ac magis te amare volo. Da mihi DEus meus & omnia! da mihi hanc gratiam, ut te considerem, & amen quantum volo, & quantum debeo &c. &c.

Quæ-

Quæres 6tò, utrum præter Deum O. M. insuper teneamur diligere nos ipsos, & proximum nostrum?

207

R. Affirmativè. Ita enim expressè nobis præcipitur *Matth. 22.* sequentibus omnino verbis : *Diliges proximum tuum sicut te ipsum.* Id ipsum inculcatur *Joan. 1. c. 4.* *Hoc mandatum* (ait Evangelista amoris) *habemus à Deo, ut qui Diligit Deum, diligat & fratrem suum.* Et ratio est : quia in proximo relucet idem formale motivum dilectionis, scilicet bonitas divina participata, in quantum sumus creaturæ Dei, conditæ ad imaginem Ipsius, gratiæ, amicitiae divinæ, & æternæ beatitudinis capaces : ergo sicut DEum jubemur diligere, ita & nos, & proximum nostrum, non quidem eodem modò, quò DEum, scilicet *super omnia appetitativè*, sed propter eandem DEI bonitatem, esto limitatè participatam. Et hoc præceptum, quatenus affirmativum est, præcipit 1. Ordinem inter personas diligendas servandum. 2. Dilectionem inimicorum. 3. Opera misericordiæ, eleemosynam scilicet, nec non correctionem fraternam : quatenus verò implicitè & virtualiter negativum est, prohibet 1. odium proximi. 2. Scandalum, & 3. injurias, damna, vel alia quæcunque mala injustò modò eidem inferenda, ut videbitur.

At, inquires, quisnam nomine Proximi intelligendus est?

R. No-

R. Nomine Proximi intelligi debet omnis creatura rationalis, divinorum bonorum, gratiæ, & beatitudinis æternæ capax; quales sunt 1. Angeli. 2. Beati in cœlo. 3. Homines viatores, nec non, 4. animæ in purgatorio. Non tamen dæmones, neque damnati, quippe qui ex invariabili decreto divino ad tartara damnati, non amplius sunt capaces ad assequendam beatitudinem: ex quo liquet pariter, creaturas irracionales non venire nomine proximi. Videatur Laymann l. 2. tr. 3. c. 2. n. 3.

Quæres 7timò, qualis ordo Charitatis nos inter & proximum sit observandus?

Antè responsionem notanda est sollemnis illa distinctio inter tria bonorum genera, jam alibi à nobis insinuata, scilicet 1. bona spiritualia; utputa beatitudo, gratia sanctificans, virtutes &c. 2. Bona corporalia, utputa vita, sanitas, membrorum integritas. 3. Denique bona externa vel etiam fortunæ; uti sunt fama, honor, divitiæ, agri, animalia &c. &c. his notatis jam ad quæstionem propositam.

R. Ordine charitatis ante omnia & super omnia diligendus est. 1. Deus ceu infinite bonus. 2. Quisque tenetur diligere seipsum secundum animam & bona spiritualia, seu etiam supernaturalia, deinde proximum secundum eadem bona. 3. Rursus seipsum secundum bona corporis, dein proximum se-

R. P. Elbel, Pars II. de Fide &c. Q cun-

cundum eadem bona. 4. Denique seipsum secundum bona externa, & dein proximum secundum eadem bona. Ex quibus liquet, quemvis adstringi 1. ad plus diligendam animam suam, quam corpus. 2. Ad plus diligendam animam proximi, quam corpus proprium vel corpus illius. 3. Ad plus diligendum corpus vel sanitatem propriam, quam corpus, aut sanitatem proximi; quod si nonnulli observarent, profecto non biberent in sanitatem aliorum usque ad notabilem destructionem sanitatis propriæ. Videatur de hoc Henno *de virtut. disp.* 6. q. 10. vel Babenstuber *tr.* 5. *disp.* 1. *art.* 4. n. 20.

211

Quocirca tamen ulterius bene notandum & distinguendum est, inter bona necessaria & non necessaria v. g. ad salutem (idem proportionaliter tenendum est de bonis corporis) Bona ad salutem æternam necessaria sunt baptismus, fides vera, poenitentia post lapsum, gratia sanctificans, perseverantia finalis ac similia: & hæc juxta ordinem charitatis unusquisque tenetur potius sibi velle aut procurare, quam proximo vel aliis, veluti admonet Christus Salvator noster apud *Matth.* c. 16. v. 26. *quid prodest* (inquiens) *homini, si Mundum universum lucretur, animæ autem suæ detrimentum patiatur?* Porro inter non necessaria bona ad salutem computantur v. g. status Religiosus, Sacerdotalis, & alia dona gratiæ gratis datæ; quæ quidem sine pecca-

peccato possumus ex causa rationabili optare aliis potius, quàm nobis, eo ipsò, quòd non teneamur absolutè de similibus nobis providere, prout bene docent Coninck *de actibus supernat. disp.* 25. n. 43. Valentia 2. 2. q. 4. part. 3. conclus. 1. eosque secutus Michel *Theol. Canon - mor. tom. 2. part. 1. q. 3. §. 2. n. 3.*

Rursus ad bene intelligendam resolutionem proximè n. 210. datam bene distingui debet inter triplicem necessitatem, scilicet extremam, gravem, & communem. Extrema dicitur illa, è qua quis se ipsum saltem moraliter loquendo nequit eripere, sed indiget ope alterius: talem patitur in ordine ad salutem animæ v. g. infans moriturus ante Baptismum; item 2. peccator in somnis vel amentia occidendus; nec non 3. infidelis aut alius peccator valde rudis & ignarus contritionis, qui, si sinè confessione seu beneficio absolutionis moriatur, certò damnabitur.

Gravis necessitas dicitur, è qua quis sinè permagna difficultate se nequit extricare, nisi ab alio sublevetur.

Denique communis necessitas illa appellatur, quæ tametsi proprio conatu vinci posset, vinci tamen nequit sinè difficultate præcisò alieno adjutorio.

Dicendum itaque est 1. quòd vi magni mandati quisque (modò tamen NB. affulgeat spes certa juvandi, nec adsit alius, qui possit,

sit, vel omnino debeat potius adjuvare) proximo in extrema necessitate spirituali seu salutis æternæ constituto teneatur succurrere etiam cum periculo vitæ corporalis. Ratio colligitur, tum ex illo *Joan.* 14. ubi Christus ait: *hoc est præceptum meum, ut diligatis invicem, sicut dilexi vos*: atqui Christus nos dilexit dando vitam pro nostra salute & redemptione: hac de causa idem Evangelista *epist.* 1. c. 3. v. 16. ait *quoniam ille animam suam pro nobis posuit, & nos debemus pro fratribus animas ponere*. Tum ex eo etiam; quia Charitas utpote principaliter respiciens bonum & beneplacitum Dei, magis nos inclinât ad prosequenda illa bona, quæ Deo præplacent: atqui bona spiritualia seu salutis animæ magis placet Deo, quàm quævis bona temporalia, etiam vitæ: ergo huic præferri debet salutis æternæ proximi. Econtra 2. proximo in gravi duntaxat necessitate salutis æternæ constituto regulariter loquendo nullus tenetur succurrere cum jactura vitæ aut notabili dispendio bonorum temporalium, veluti post S. Thomam 2. 2. q. 46. a. 1. ad 3^{tium}. docet Suarez *disp.* 9. de charit. sect. 2. n. 3. & 4. Ratio hujus est: quia lex charitatis nimis dura accideret, si ad tollendam necessitatem gravem, è qua proximus seipsum absolutè loquendo extricare potest, teneremur vitam nostram aut bona ad hujus sustentationem necessaria exponere. Fatendum
nihilò-

nihilominus est, quòd cum bonum spirituale proximi toto genere excedat bona temporalia, cum aliquali bonorum temporalium jactura aut impendio teneamur succurrere proximo in gravi necessitate salutis constituto, utputa in ordine ad amplectendam fidem Catholicam &c. modò appareat vera aliqua spes sinceræ conversionis. Denique 3tiò ubi proximus noster constitutus deprehenditur in communi tantum necessitate, utique charitas suadet, ut eidem succurramus, at, si absque notabili detrimento bonorum temporalium, vel alio graviori incommodo fieri hoc nequeat, minimè urget. Ratio hujus est: quia constitutus in communi necessitate potest seipsum juvare: ergo si hoc renuat, si-ve ex desidia, si-ve ex alia causa, nemo sub gravi culpa adigendus est, ad sublevandam hanc necessitatem. Videantur de hoc Bonacina *disp.* 3. q. 4. *pu.* 4. n. 2. vel Michel *loc. cit.* n. 11.

Quæres octavò, an, vel qua ratione charitas habitualis (quæ secundum Scotistas eadem est realiter cum gratia sanctificante) amittatur?

R. Gratia hæc deperditur 1. per quodvis peccatum mortale. 2. per venialia autem, quantumvis multiplicata charitas habitualis non deperditur, bene tamen charitatis fervor minuitur. Ita cum *communi Theolog.* Henrici *ubi suprà disp.* 11. n. 20. Henno *disp.* 6.

q. 6. conclus. 2. & 3. Ratio prioris evidenter liquet ex Scriptura Rom. 6. ubi dicitur: *Stipendia peccati mors*. Et rursus Jacob. 1. *Peccatum, cum consummatum fuerit, generat mortem*: utique non corporis, experientiâ teste: ergo animæ. Quâ ratione Concilium Trident. sess. 6. de justific. cap. 15. ait: *Afferendum est, non modo infidelitate - - sed etiam quocunque alio mortali peccato - - acceptam justificationis gratiam amitti*. Et licet peccatum mortale non destruat gratiam sanctificantem physicè, nihilominus eandem destruit moraliter & demeritoriè, idque ex ordinatione divina; quia qui graviter offendit divinam Majestatem, non meretur amplius haberi aut tractari à Deo velut amicus. Videatur Herincx cit. num. 23.

Ratio autem posterioris est hæc: quia peccatum veniale quodcunque demum, vel quantumvis multiplicatum, quamdiu manet intra limites venialis, non est offensa gravis, sed levis tantum: atqui non est, conveniens, ut propter levem offensam dissolvatur amicitia: ergo charitas propterea non amittitur: hinc etiam Prov. 24. v. 16. dicitur: *Septies enim cadit justus, & resurget &c.*

Quòd autem fervor charitatis per venialia, præsertim multiplicata minuat, nedum experientia quotidiana probat, sed insuper suadet ratio: quia quodlibet veniale generat habitum vitiosum, & hoc ipso mediante

dian
bili
nen
obf
Her

Pro
p

T
huj
agn
top
me
cen
sen
red
diss
dun
viâ
hoc
nin
tiss
que
aba
bili
nun

diante inclinât ad peccandum, animam debilitat, & gratiarum actualium à Deo obtinendarum fluxum quodammodo impedit & obstruit: ergo charitatem minuit. Videatur Herincx locò proximè cit. n. 19.

§. II.

Proponuntur & breviter resolvuntur Casus practici de Charitate, quam unusquisque tum sibi, tum etiam proximo debet.

CASUS PRIMUS.

Titia à germano fratre suo offensa diu deliberavit, quò tandem medio miserabili vitæ hujus cursui finem imponeret: cùm verò bene agnoverit suicidium, quippe à quo natura tantopere abhorret, esse illicitum; hinc firmissimè statuit, quòd velit occidere infantem innocentem, & post infanticidium illicò sese præsentare Judici, à quo procul dubio cogeretur reddere vitam pro vita, sicque quam optimè disposita & contrita moreretur, quemadmodum paulò ante viderat aliam personam eadem viâ, & optimè quidem dispositam, defungi: hoc verò suum propositum sinè mora executioni mandavit, dum paulò pòst infanti innocentissimo in locum campestrem ab hominum frequentia remotum sub schemate benevolentiae abducto, quodam cultro gutturiolum miserabiliter abscidit, moxque Judicem adiens manum & cultellum innocenti sanguine adhuc ruben-

bentem monstravit, petens, ut pro qualitate delicti sui consimili morte puniretur. Omissis jam aliis pluribus dubiis circa hanc speciem facti movilibus, ad nostrum propositum quæri potest, an, vel qualiter in hoc facto Titia peccaverit contra charitatem tum proximo, tum sibimet etiam debitam?

215 R. ad primum. Titia procul dubio gravissimè peccavit contra charitatem proximo suo debitam, occidendo innocentissimum infantem, & quidem sub schemate benevolentia.

Ratio hujus de se liquet: quia egit contra præceptum 5 tum decalogi per se graviter obligans. Et certè, si nefas est, proximo suo efficaciter desiderare, seu etiam optare mortem, juxta *communissimam* DD. videndam apud P. Sporer *tr. 2. in decal. c. 6. sect. 1. n. 9.* quantò majus malum est, eidem mortem & quidem tam crudelem, effectivè inferre? Nec facile crediderim, hominem usu rationis præditum fore tam simplicem, ut malitiam, vel etiam crudelitatem hujus facti non apprehendat, id quod vel maximè etiam de Titia suspicari licet, eò quòd hoc infanticidium commiserit eo fine, ut ob hoc delictum condemnaretur ad similem mortem: ergo evidens videtur, quòd gravitatem hujus delicti satis agnovit, utputa haud ignara, nec immemor pœnæ eidem commensuratæ ac debitæ. Qua ratione pariter concludendum censeo, quòd
Titia

Titia vi recentissimæ Constitutionis : *Ex quo divina* 1725. 15. *Junii Romæ emanatæ* Authoritate S. M. Benedicti XIII. non potuisset gaudere beneficio asyli, casu quo confugisset in aliquem locum sacrum. Ità profectò pro foro conscientiaæ concludendum arbitror, quidquid demum Judex pro foro externo (quod me minimè tangit vel angit) concluderit.

R. jam 2dò, Titia etiam peccavit graviter (saltem per se loquendo) contra charitatem sibi met debitam.

Ratio est: quia sibi met voluit grande malum, immò quantum in se erat, procuravit, scilicet mortem temporalem, & quidem in manibus carnificis subeundam; at, hujusmodi malum sibi velle, & quidem voluntate antecedente Divinam, non vacat culpâ gravi, prout colligi potest ex dictis n. 210. Esto enim Sanchez, Soto, Granado & alii videnti apud Busenbaum probabiliter teneant, posse mulierem ad evadendam gravem infirmitatem, vitam acerbam, & alia similia mala sibi met *optare* mortem; nihilominus hactenus nullum inveni, qui doceat, quòd ob hujusmodi causam vel innocentem occidere, vel mortem in manibus carnificis subeundam moraliter sibi *procurare* liceat. 216

At verò, inquires, Titia non voluit mortem ut sibi malam, sed potius bonam, quatenus eandem apprehendit velut finem malorum

lorum in hac miserabili vita subeundorum, vel potius velut medium, felicissimè ex hac miseriarum valle demigrandi ad meliorem vitam : ergo per hoc nullatenus peccavit contra charitatem sibimet debitam.

- 217 R. distinguendo consequ. Ergo nullatenus peccavit per accidens, quia scilicet hanc malitiam contra charitatem sibi debitam fortassis non apprehendit. *Trans.* Nullatenus peccavit per se loquendo, *neg. consequ.* Nam finem hujus vitæ, seu mortem sibi inferendam, inordinatè appetiit, vel potius procuravit. Fateor nihilominus, quòd cum Titia hoc non tam fecerit ex odio sui, quàm ex amore inordinato (vel potius passione prædominante) hinc non teneatur in confessionali specialiter se desuper accusare, sed satisfaciat dicendo, se occidisse infantem innocentem, & eo quidem fine, ut pari morte punita ab hujus vitæ miseriis expediretur. Quemadmodum enim ille, qui committit peccatum v. g. furti aut fornicationis &c. non ex odio Dei, sed impulsu inordinatæ passionis &c. propterea non censetur committere speciale peccatum contra charitatem Dei, sed satisfacit in Confessione exprimendo illud peccatum v. g. luxuriæ, vi cujus expressionis Confessarius satis potest intelligere, eum quodammodo læsisse charitatem Deo debitam, quandoquidem talis læsio imbibitur generaliter in omni peccato, secundum

cunc
apu
parit
test
mici
cont

Sem
su
obscu
sâ)
tur,
mili
ruit
etian
conf
dam
adve
land
culo
nonn
adve
min
hac
do S
Jam
Utr
rana
vis
ad f

cundum communissimam DD. videndam apud P. Sporer *tr.* 2. c. 5. *sect.* 4. n. 46. ita pariter Confessarius ex tali confessione potest satis liquidò intelligere, Titiam vi homicidii perpetrati peccasse quodammodo contra charitatem sibimet debitam.

CASUS SECUNDUS.

Sempronia puella honestissima, dum jussu heri sui tempore nocturno, aut certè jam satis obscuro (nescio quo fine vel cujus negotii causâ) per publicam civitatis plateam ingreditur, ab aliquo non minùs feroci, quàm lascivo milite stupri intentandi causâ de repente obruitur, quæ in tam evidenti tum animæ, tum etiam pudicitie & corporis perdendi periculo constitutam se cernens, dum subitò alium quendam civem sibi perbene notum præterire animadvertisset, eundem proprio nomine compellendo imploravit, quatenus se è præsentis periculo vellet eripere. Civis ille rei novitate nonnihil perturbatus, dum propiùs accessit, advertit militem stricto pugione mortem sibi minitantem, n̄ quantocyus inde discederet: hac de causa illico abiit vias suas, relinquendo Semproniam in tanto periculo trepidantem. Jam ad nostrum propositum quæri potest 1. Utrum Sempronia fuerit obligata ad implorandam opem civis prætereuntis? 2. An civis imploratus fuerit obligatus ex charitate ad ferendam opem Semproniæ?

R. ad

218 R. ad primum. Sempronia fuit obligata ad clamandum, & implorandam opem trans-euntis civis. Ratio est: quia obligatus ad finem, eò ipso censetur obligatus ad media in eundem finem necessaria, juxta notissimam illam Regulam; atqui Sempronia tenebatur ad servandam pudicitiam & non admittendam copulam: in hunc verò finem maximòpere necessarium judicavit implorare opem civis prætereuntis, qui, tametsi fortassis se solo non fuerit sufficiens, potuisset tamen, utpote constitutus in civitate, aliorum auxilio liberare Semproniam, utputa vocando milites, quibus actu incumbibat custodire civitatem, vel alios concives in vicinia &c. &c. Videantur ea, quæ in casu haud multum absimili diximus *in tr. prælim. Conf. 2. n. 40.*

219 R. jam ad secundum. Civis imploratus fuit quidem obligatus succurrere Sempronix, eandemque pro viribus è præsentì periculo liberare, utputa implorando aliorum auxilium, veluti proximè dictum fuit. Casu quo tamen moraliter loquendo id non potuisset, sibi que rationabiliter timuit de periculo vitæ, dicendum foret, quòd non peccaverit abeundo, & relinquendo Semproniam trepidantem &c. Ratio hujus colligi potest & debet ex dictis *n. 213.* quia nullus tenetur cum jactura aut periculo vitæ temporalis succurrere proximo in gravi duntaxat,

xat, & non extrema necessitate salutis constituto: atqui Sempronia non fuit constituta in extrema necessitate salutis spiritualis, id est, in tali, è qua non potuisset seipsam liberare; quandoquidem steterit in ejusdem arbitrio, consentire delectationi carnali vel non: quo consensu non præstito utique non peccasset, neque incurrisset jacturam salutis, sed potius reportasset ingens meritum: ergo cum tanto periculo vitæ Civis præteriens non tenebatur succurrere Sempronix, esto hæc fuerit constituta in evidenti periculo nedum pudicitix, sed & salutis perdendæ. Videantur de hoc Filliuccius *tr.* 28. *c.* 2. *n.* 37. Laymann *lib.* 2. *tr.* 3. *c.* 3. *n.* 4. vel Michel *ubi suprà n.* 4.

At, nunquid licuisset Sempronix, utpote non valenti alia viâ evadere, injustum aggressorem occidere v. g. cultellô vel alio instrumento eundem confodiendo eo fine, ut evaderet præsentissimum periculum animæ & pudicitix?

R. Licuit probabilissimè, si supponatur, 220 quòd aliâ via nequiverit declinare periculum. Ita hodiedum contra Matthæucci & Henno, aliôsque paucos tenent insignissimi DD. Filliuccius, Molina, Azorius, Sporer *tr.* 5. *c.* 2. *sect.* 3. *n.* 165. Illsung *tr.* 4. *disp.* 3. *n.* 68. Lessius *de just. lib.* 2. *c.* 9. *dubit.* 12. *n.* 76. Sayrus *lib.* 7. *Clav. Reg. c.* 10. *n.* 36. Babenstuber *tr.* 5. *disp.* 6. *art.* 2. *num.* 10. Viva

in propof. 18. ab Alexandro VII. damnatam n. 12. Cardenas Crifi Theolog. differt. 21. c. 2. art. 4. n. 47. qui mox num. 48. fubdit, hunc, aliósque ejusdem generis Cafus admittendos effe ab omnibus ex regula: vim vi repellere licet. l. ut vim. ff. de juft. & Jur. Et Cap. fi verò 1. de Sentent. Excomm. & cap. 2. de homicid. Ratio eft: quia bonum pudicitiae meritò præfertur cunctis opibus & thefauris rerum fortunæ: ergo fi cum defenfione inculpatæ tutelæ fas eft occidere illum, qui injufto modò nititur tibi eripere aliquod bonum fortunæ magni momenti aut pretii: quidni cum eodem moderamine inculpatæ tutelæ liceat occidere injuftum aggrefforem pudicitiae. Accedit infuper, quòd talis puella ab in injufto aggreffore exponatur evidenti periculo peccati: & licet peccatum ipfum non fit certò futurum; eò quòd puella non poffit consentire delectationi, nihilominus periculum peccandi certum eft, & evidentiffimum, prout nemo prudentum non videt.

Dices tamen contra hoc. Non perditur bonum pudicitiae per ftuprum, fed potiùs juxta effatum S. Luciae notiffimum, caftitas duplicatur ad coronam, modò puella confenfum conftanter excludat: ergo cum hæc poffit, imò debeat non consentire, pariter non obftante ftupro poteft conferre bonum pudicitiae: ergo propterea
nulla-

nullatenus licet stupratori auferre bonum vitæ.

R. ad hanc instantiam cum distinctione. 221
Non perditur bonum pudicitie mentalis, ubi puella constanter excludit consensum, *conced.* pudicitie corporalis seu etiam integritatis, *neg. ant. cum conseq.* Certum quippe est, quod propterea claustrum virginale violetur, & puella exponatur periculo diffamationis publicæ, aliorumque graviorum incommodorum, si ex tali congressu evaderet prægnans & gravis, prout revera contingere natum est, esto supponatur nolle consentire in delectationem naturaliter subsequentem. Profectò nisi in hoc casu liceret vim vi repellere, etiam occidendo injustum aggressorem, hujusmodi homines foverentur in frequentandis stupris, & aliis sceleribus, prout benè observat P. Illung *tr.* 4. *disp.* 3. *n.* 68. Nec refert, quod inceptor injustus propterea sit incursum nedum corporis, sed & animæ seu æternæ damnationis periculum &c. Non enim puellæ justè se defendenti, sed culpæ injusti aggressoris hoc adscribendum est, quippe qui propria sponte & propriæ libidinis æstu sese exposuit huic tanto periculo.

CASUS TERTIUS.

Cajus Confessario sequentem proponit Casum.
Reverende Domine inquit: Concivis meo
domi-

domicilio proximus unà cum Uxore & tota reliqua sua familia jacet maligna febre correptus, & lecto affixus ità, ut ne unus quidem alteri possit porrigere haustum frigide: jamque unus & alter ex ipsis fatis concessit, quos novissimè subsecuta fuit infirmaria, id est, vetula quædam, auctoritate Magistratûs ad infirmantium obsequia deputata: hac de causa (pergit ulterius Cajus) nedum alii omnes in vicinia, verùm insuper Medicus tam corporalis, quàm spiritualis summopere horrent ingredi illam domum, opemvè ferre decumbentibus: Quæro jam (ait Cajus) an tenear ego, utpote maximè vicinus opem ferre decumbentibus, non obstante evidenti periculo infectionis? Quid Confessarius sciscitandi Cajo?

222

R. Confessarius Cajo dicet, eum quidem per se loquendo laudabilissimè facturum succurrendò suo vicino in tanto periculo constituto; nihilominus non teneri ad succurrendum cum tanto vitæ & infectionis periculo. Ratio prioris de se liquet, laudabile enim & summè meritorium est, erga proximum suum exercere actum charitatis præstantissimum: atqui Cajus succurrendo suo vicino in his circumstantiis, ubi is videtur quodammodo derelictus ab omnibus, exercebit actum præstantissimum charitatis: ergo laudabilissimè faciet saltem per se loquendo.

Dico:

Dico : *saltem per se loquendo* ; nam, si vi- 223
 ta Caji supponatur esse necessaria aliis pluri-
 bus v. g. Uxori vel prolibus propriis &c. aliis-
 vè consanguineis ad bonum temporale, vel
 etiam ad salutem animæ, non bene faceret
 exponendo vitam propriam pro vita alterius
 sui vicini velut hominis privati, uti suppo-
 nit Casus, quin potius graviter peccaret con-
 tra debitum ordinem charitatis postponendo
 nedum vitam propriam, sed & uxoris, pro-
 liumque commoda vitæ sui proximi. Hac
 de causa S. Augustinus *lib. de mendac. c. 6.*
 ait : *si quis exponat vitam corporalem pro-*
priam pro vita corporali alterius, jam non
diligat proximum sicut se ipsum, sed plus,
quam seipsum, quod doctrinæ regulam exce-
dit. Videatur Babenstuber *cit. tr. 5. disp. 1.*
art. 4. n. 26. Herincx *disp. 11. n. 88.*

Ratio autem posterioris hæc est : quia 224
 præceptum de conservanda vita alterius non
 potest cum gravi detrimento vitæ propriæ
 obligare ; esset enim nimis asperum & durum
 præceptum : at, qui se exponit periculo amit-
 tendi vitam propriam pro conservatione al-
 terius, procul dubio grave detrimentum su-
 bit, vel hujus subeundi periculo sese exponit :
 ergo ad hoc minimè tenetur. Ita Saà, Nava-
 rus, Toletus & Lopez, quos citat & sequitur
 Castropalao *tom. 1. tr. 6. disp. 1. punct. 8. n. 2.*

At, inquires fortâssis contra hoc. Vici-
 nus Caji supponitur nedum in gravi, sed om-
 R. P. Elbel, *Pars II. de Fide &c.* R nino

nino in extrema necessitate salutis corporalis constitutus : atqui constituto in extrema necessitate tenemur succurrere quantum valemus : ergo & Cajus à Confessario fuit obligandus ad succurrendum, eò præsertim, quòd periculum vitæ ex parte Caji non sit tam propinquum ; sicuti supponitur esse ex parte proximi.

225

R. Distinguendo & explicando *min.* tenemur proximo in extrema necessitate constituto succurrere, quantum possumus moraliter, id est, sinè æquali damno, vel periculo damni æqualis, *concedo.* Quantum possumus præcisè physicè, at non moraliter prout evenit in hoc casu, *nego min. cum conseq.* Et enim charitas bene ordinata postulat, ut quisque vitam propriam præferat vitæ proximi, præsertim hominis privati.

Adde insuper, quòd cum tanto periculo ne quidem in extrema necessitate constituto proximo teneamur succurrere titulò charitatis præcisè (aliud namque foret, si insuper accederet titulus justitiæ, prout fit in medico corporali aut spiritali) ubi inveniuntur alii, qui possent & deberent succurrere : atqui in nostro casu procul dubio potuère inveniri alii, qui debuissent aut certè potuissent succurrere : imo in tali casu ex officio incumbit Magistratui vel Superiori communitatis cujuscunque demum, ut provideat hujusmodi hominibus extremè indigentibus de necessariis,

ne

ne hujus occasione vel defectu tota communitas inficiatur. Suadendum igitur potius fuisset Cajo, ut rem deferat ad Superiorem communitatis, aut propriis expensis alium infirmarium substituatur, quò facto procul dubio abundè satisfaciet charitati proximo suo debitæ.

§. III.

Corollaria ex dictis inferenda.

Colliges ex hætenùs dictis primò, contra 226 præceptum charitatis tribus modis peccari posse mortaliter, & primò quidem omitendo actum dilectionis, quando hoc præceptum obligat. 2. Diligendo Deum aliter, quàm oportet diligere. 3. Per formale odium Dei. Quantum ad primum, id est, ad omissionem dilectionis, pauci peccant mortaliter; dum enim fideles exequentur opera præcepta v. g. audiendo Missam, orationi incumbendo, & præsertim dicendo orationem dominicam, & illa verba: *Sanctificetur nomen tuum, fiat voluntas tua &c.* sincero ex corde proferendo, exercent actum charitatis, & quidem amicitiae; quia per hoc appetunt Dei gloriam in quantum Deo bonam: rursus dum tentationibus ad mortale peccatum incitantibus resistunt, eò quòd sciunt hujusmodi peccatis Deum offendi, profectò exercent actum amoris erga Deum; secus enim procul dubio consentirent, &

R 2 Deum

Deum offenderent &c. prout cum Lorca & aliis prudenter notat Cardenas *in crisi Theolog. dissert. 6. c. 2. art. 3. d. n. 24.*

Quantum ad 2dum modum peccatur, dum quis ita animo comparatus est, ut Deum quidem diligat v. g. propter vitam & gloriam sempiternam, nunquam tamen dilecturus, si ea spes præmii abesset: quod quidem rariùs inter verè fideles contingere natum est: frequentius tamen quàm par est inveniuntur homines, qui totum suum amorem & affectum collocant in hisce temporalibus, parum curantes de Deo, modò sæculi hujus voluptatibus & perituris illicitis semper perfrui possent. Et hi procul dubio versantur in statu pessimo, utpote præferentes hæc bona temporalia ultimo suo fini, qui est Deus infinite bonus, & hoc ipso super omnia amandus.

227

Colliges 2dò, odium formale Dei esse peccatum omnium gravissimum; quia in hoc peccato immediatè ac per se involvitur aversio formalis ab ultimo fine, Deo scilicet infinite bono; qualis aversio formalis in aliis peccatis non reperitur, licèt omnis, qui mortaliter peccat, convincatur, quòd virtualiter saltem sese voluerit avertere ab ultimo suo fine. Equidem verum est, quòd nullus possit Deum, utpote infinite bonum quàm bonum odisse; quandoquidem bonitas non sit objectum motivum odii sed amoris; nihilominus cùm homines subinde soleant apprehendere

hendere Deum velut authorem quorundam malorum seu calamitatum, utputa infirmitatum, persecutionum &c. hinc rarissimè quidem, non tamen nunquam solent concipere odium formale erga Deum haud quam absimiles illis insensatis & formalibus stultis, qui dum è cœlo cadentibus nimbis aut nivibus obruti nonnihil gravantur, Deo, Sanctis, & omnibus elementis maledicunt. Videatur S. Thomas 2. 2. q. 34. art. 1.

Colliges 3tiò, quòd tametsi nemo vi so- 228
lius charitatis teneatur cum periculo vitæ propriæ succurrere proximo in gravi duntaxat necessitate salutis constituto, secundum dicta n. 213. fieri nihilominus possit, ut quis ad hoc teneatur, casu quo titulo charitatis insuper accedit alius titulus v. g. pietatis aut iustitiæ: hac de causa juxta *Communissimam Doctorum* videndam apud Laymann *lib. 2. tr. 3. c. 3. n. 3.* Valentiam, Castropalao & alios, animarum Pastores aliique Superiores, quibus ex officio incumbit procurare salutem spiritualem suorum subditorum tenentur cum periculo vitæ corporalis succurrere periclitantibus: idipsum tenendum & asserendum est de Medicis, certò solario conductis &c. Ratio clara est: quia similes procul dubio strictiori vinculo tenentur ad succurrendum, quàm alii ex mero titulo charitatis obligati: ergo cum isti teneantur succurrere proximo in extremo salutis spiri-

ritualis periculo constitutô, dicendum, quòd illi, utpote ex iustitia simul obligati, teneantur succurrere in necessitate etiam gravi duntaxat. Hac de causa Parochis tempore pestis, vel alterius persecutionis sibi, suisque ovibus v. g. ab hæreticis imminenti non licet fugere, nisi fortè ad breve duntaxat tempus ob rationabilem causam alium subrogent, ad idem officium verè idoneum & capacem : neque fas est in talibus circumstantiis officio suo renunciare, nisi in promptu sit alius, qui cum bona venia Episcopi vel quorum interest, velit in se suscipere & exequi idem officium ; quia juxta effatum Christi Domini *Joan. 10.* bonum Pastorem decet *dare animam suam pro ovibus sibi creditis* : fugere verò mercenariis est proprium. Herincx *cit. disp. 11. n. 96.*

229

Colliges 4tò, ordinatam charitatem postulare, ut inter ipsos proximos servetur quidam ordo dilectionis, ita scilicet, ut unus magis, quàm alter diligatur, & uni prius, quàm alteri succurratur. Ita *communissime Doctores*. Ratio est : quia natura ipsa & lumen naturale nobis congenitum nobis dicit, esse faciendum selectum inter diligendos, & magis (cæteris paribus) diligendos esse illos, qui nobis sunt conjunctiores, hac de causa videmus, matres majori dilectionis affectu ferri erga suos natos, quàm erga extraneos : quod pariter in brutis animantibus

natu-

naturali instinctu ductis cernere licet: cùm ergo inclinatio charitatis perficiat inclinationem naturæ, dicendum profectò est, illos esse magis secundùm ordinem charitatis diligendos, qui nobis magis sunt conjuncti; quod vel inde etiam haud obscurè licet colligere, quia odium Parentum est longè gravius peccatum, quàm odium extraneorum; quàm ob rem *Levitici* 20. is, qui maledixerat patri vel matri, jubebatur occidi, non item, qui maledixerat alteri. Videantur de hoc D. Thomas 2. 2. q. 26. a. 6. Castropalao *tr.* 6. *disp.* 1. *pu.* 10. *n.* 3. Filliuccius *tr.* 28. *n.* 47. & *seqq.* Herincx *part.* 3. *tr.* 1. *disp.* 11. *n.* 101.

Colliges 5tò, in bonis ad naturæ, & vi- 230
tæ corporalis conservationem pertinentibus consanguineos præferendos esse aliis non consanguineis: quin immò universaliter loquendo charitas ordinata postulat, ut sive in temporalibus sive etiam in spiritualibus, illis priùs succurramus, qui nobis sunt respectivè conjunctiores sive sanguine, sive amicitia, sive Religione, ita, ut quò major, intimior aut nobilior est conjunctio, eò majori ardore, studio & conatu teneamur indigentibus succurrere; quæ quidem omnia fundantur in lumine naturali, inquit Henno *cit.* *disp.* 6. q. 11. *concl.* 2. Quod & D. Augustinus *lib.* 1. *de doct. Christ.* c. 28. clarissimè tradidit, inquiens: *Cùm omnibus prodesse non*
R 4 *possis,*

possis, his potissimum consulendum est, qui pro locorum & temporum, vel quarumlibet rerum opportunitatibus constrictius tibi quasi quadam sorte junguntur. Ex quo idem Henno *l. cit.* & Herinex *disp.* 11. n. 102. & alii inferunt, in casu, ubi omnibus indigentibus subveniri nequit, esse succurrendum 1. Patri. 2. Matri. 3. Uxori. 4. prolibus. 5. fratribus & sororibus. 6. aliis consanguineis juxta gradus propinquitatis &c. licet alii velint, Uxorem à Marito præferendam esse Patri & Matri, saltem extra casum extremæ necessitatis. Ratio autem nostræ responsionis est: quia tametsi Uxor, utpote una caro cum marito, & filii velut pars inde decisa videantur eidem magis conjuncti, nihilominus beneficia tum temporalis tum spiritualis etiam vitæ videntur obligare nos, ut prius illis, quàm istis succurramus. Quidquid demum sit de hoc, illud nobis solatio esse potest, quòd ex subversione hujus ordinis raro peccetur graviter, eò præsertim, quòd in praxi sæpissimè occurrant tales circumstantiæ, quæ cuivis prudentum suadent, esse huic potius, quàm illi, esto fortassis magis conjuncto subveniendum, vel quia utriusque necessitas non est æqualis, vel quia prioritas unius exigit contrarium. Videantur de hoc Laymann *lib.* 2. *tr.* 3. *c.* 3. *num.* 6. vel Filliuccius *loc. cit.* d. n. 50. Ex his ulterius

Colli-

Colliges 6tò, in rebus pertinentibus ad 231
civilem communicationem (cæteris paribus)
concives esse præferendos aliis extraneis,
quemadmodum etiam in rebus bellicis com-
militones præferri oportet aliis non commili-
tonibus. Ratio est: quia cæteris paribus ci-
vis civi, commilito commilitoni conjunctior
est, quàm aliis; Quod tamen intelligas ve-
lim, quando commilito aut civis habet actio-
nem & causam justam, non item, quando
habet causam injustam: unde dum civis, vel
miles, vel studiosus &c. incipit rixas vel in-
solentias sinè justa causa, proptereaque vel
Superiorum auctoritate, vel aliorum inju-
riatorum violentiâ compescitur aut vapulat,
minimè sequitur, quòd huic potius, quàm
legitimæ auctoritati debeat assistere. Videat-
ur Laymann *loc. cit.* vel Babenstuber *tr.* 5.
disp. 1. *art.* 4. *n.* 29.

Colliges denique 7timò, creaturas ra- 232
tionales, homines scilicet, juxta sanum cha-
ritatis ordinem esse præferendas creaturis ir-
rationalibus. Ita *omnes* saltem speculative
loquendo, licèt in praxi non rarò contrarium
contingat. Ratio autem hujus illationis est:
quia charitas proximi fundatur super commu-
nicabilitate beatitudinis; id est: tenemur
proximum diligere, in quantum ad imagi-
nem & similitudinem Dei creatus, ejusdem
beatitudinis æternæ nobiscum capax: atqui
solæ creaturæ rationales, non item irrationa-
les

les sunt capaces beatitudinis: ergo juxta ordinatam charitatem tenemur homines præferre creaturis irrationalibus vel brutis animalibus, tametsi etiam hæc amore naturalis sint digna, in quantum deserviunt ad gloriam Dei propagandam, vel ad nostram, proximorumvè utilitatem, juxta illud *Exod. 23. Si videris asinum odientis te jacere sub onere, non pertransibis, sed sublevabis cum eo.* Pessimè proin, & prorsus inordinatè faciunt v. g. Maritus, qui animalia sua magis diligit, quàm uxorem propriam, aut liberos: pessimè item, ac perversè omnino agere noscuntur mulierculæ illæ, aut domicellæ, quæ temeriori dilectionis affectu feruntur erga catellos suos, vel feles, quàm erga Deum ipsum, vel certè erga homines, præsertim pauperes & egentes, quibus subinde (utinam non nimis frequenter!) negant bolum panis, catellos è contra carnibus nedum nutriunt, sed & saginant. Videatur noster A. R. P. Katzenberger in *Supplem. I. Confer. P. Sargar Confer. 57. num. 76.* vel Reiffenstuel *Theolog. mor. dist. 6. tr. 4. num. 14.*



CONFERENTIA OCTAVA.

De Dilectione Inimicorum.

SUM.

S U M M A R I U M.

233. Nedum amicos , sed inimicos etiam tenemur diligere.
234. Recensentur breviter signa charitatis tam communia , quàm specialia.
235. Signa communia charitatis quivis tenetur exhibere suo inimico ;
236. Nisi vel charitas , vel justitia , vel alia justa causa contrarium suadeat.
237. Non tamen tenemur ei exhibere signa specialia charitatis ;
238. Nisi fortè per accidens , in casu necessitatis , &c.
239. Præterea quivis nostrum tenetur non odisse suum inimicum , neque eidem malum quàm tale , vel per modum injustæ vindictæ velle aut imprecari :
240. Quin potius eidem ex corde dimittere offensam ;
241. Non tamen necessariò injuriam , præsertim damnosam.
242. Dilucidatur breviter , quidnam intelligatur nomine offensæ , & quid nomine injuriæ.
243. Tenemur ulterius proximum nostrum , etiam inimicum , in certis circumstantiis diligere actu interno.
244. Qui alium offendit , tenetur quærere reconciliationem v. g. veniam ab eo petendo &c.
245. Nisi suppetat alius modus magis conveniens attempta qualitate tum injuriæ , tum etiam personæ offendentis & offensæ.
246. Ubi verò duo se mutuo offenderunt , regulariter loquendo ille tenetur prius quærere reparationem charitatis , qui prius præbuit causam offensæ.
247. Qui verò ab alio fuit offensus , ordinariè tenetur acceptare reconciliationem , eidemque ex corde indulgere offensam.
248. Casu quo offendens veniam postulat tempore & modò opportuno.
249. Resolvitur Casus I. cujusdam conjugatæ , quæ odium implacabile conceperat erga quandum puel-
lam:

lam à se educatam , novissime verò in flagranti adulterio deprehensam.

250. Quam propterea licuit sinè mora domo expellere.

251. Eidémque una alteravé vice supplicanti , veniam negare , nec deinceps ampliùs in domum admittere.

252. Insuper hæc Uxor de jure non ampliùs tenetur Marito adultero reddere debitum.

253. Charitas nihilominus , à Confessario eidem bene inculcanda , omninò suadet contrarium.

254. Resolvitur Casus II. de quadam vetula , quæ gravissimè tulit , quòd ab alia fœmina ter fuerit amore Dei rogata , ut dissolveret maleficium.

255. Nihilominus supposita deprecatione tenebatur offendenti ex corde remittere offensam.

256. Ad quid teneatur illa , quæ causam offensæ dedit , si vetula nolit esse contenta hac deprecatione ?

257. Resolvitur Casus III. de quodam Malefactore condemnato ad patibulum , qui Judices paulò ante suam mortem provocavit ad vallem Josaphat , seu ad extremum Judicium.

258. Qua appellatione non obstante Judicēs potuere tutâ conscientia procedere ad executionem sententiæ latæ.

259. Et talis malefactor à Confessario ne quidem sub conditione absolvi potuit aut debuit , nisi retractaverit priùs appellationem injustam.

260. Quid Confessario hujus Malefactoris in his circumstantiis specialiter observandum , vel agendum fuerit.

261. Confessario inimicorum quàm cautissimè & prudentissime procedendum est :

262. Et ante omnia pœnitens eò disponendus , ut suo inimico ex corde dimittat offensam.

263. Quid observandum circa eos , qui dicunt , se non posse ampliùs oblivisci injuriæ sibi illatæ ?

264. Qui se mutuo offendunt , & deinceps ad longum tempus , vel omnino in perpetuum nolunt ampliùs

amplius sibi invicem loqui &c. versantur in malo statu.

265. Secus dicendum foret, si ad modicum tempus duntaxat abstinere vel abstrahere à colloca-
tione, &c.

266. Qui ab oratione communi positivè excludit inimicum, per se loquendo peccat mortaliter.

267. Undenam gravitas vel levitas peccati in hoc casu practicè desumenda sit?

§. I.

*Præmittuntur, & breviter resolvuntur quæ-
sita, scitu necessaria ad debitè resollen-
dos casus praticos de Dilectione
inimicorum.*

Quæres primò, utrum non solùm amicos, sed & inimicos teneamur diligere?

R. Affirmativè. Ità *Catholici omnes*. Hoc enim inculcat Christus D. apud *Matth. c. 5.* *Ego autem dico vobis, diligite inimicos vestros, benefacite his, qui oderunt vos: quò locò Christum nedum consilium, sed verum præceptum dedisse teste Mastro Theolog. mor. disp. 10. num. 53. communissimè tenent Theologi, unde & S. Gregorius hom. 37. in Evangel. jubemur (ait) & inimicos diligere. Accedit ratio: quia ex dictis suprà n. 207. tenemur diligere proximum: atqui inimicus per hoc, quòd inimicus sit, non desinit esse proximus: ergo & hunc tenemur diligere; non quidem quà inimicum, id est, quà affectum prava*

prava affectione erga nos, sed quatenus est capax beatitudinis & Divinæ fruitionis.

Quæres 2dò, an, vel quænam Signa charitatis teneamur exhibere proximo nostro, etiam inimico?

234

Ante responsionem breviter advertendum puto, alia dici signa charitatis *communia* seu generalia, alia verò *specialia* & particularia. Communia censentur illa, quæ communiter omnibus sinè delectu personarum exhiberi solent; uti est 1. orare pro omnibus, saltem in communibus orationibus ab Ecclesia, vel à Deo in hunc finem institutis. 2. salutantem resalutare, seu etiam gratias agere pro salute. 3. alloquenti respondere. 4. postulanti merces vendere. 5. communia officia vel obsequia præstare, quæ scilicet aliis omnibus in civitate, collegio vel monasterio versantibus exhiberi solent. Specialia autem charitatis signa meritò appellantur illa, quæ non passim cuivis exhiberi solent, sed amicis duntaxat, uti sunt 1. ægrotum invisere. 2. mæstum consolari. 3. egenti succurrere, etiam extra necessitatem extremam. 4. pecunias mutuare. 5. Hospitio vel convivio excipere &c. 6. ad familiare colloquium admittere &c. uti explicat P. Sporer *tr. 2. decalog. c. 6. sect. 2. n. 22. Et 25. his notatis*

235

R. jam ad quæstionem. Quivis nostrum tenetur suo inimico, quantumvis in inimici-

tia

tia perseveranti exhibere signa communia charitatis, nisi charitas ipsa, vel justitia, vel alia rationalis causa contrarium prudenter suadeat. 2. non tamen tenemur eidem, præsertim in inimicitia perseveranti, exhibere signa specialia charitatis, saltem per se loquendo. Ità post S. Thomam 2. 2. q. 25. art. 8. & 9. & S. Bonaventur. 3. dist. 3. art. 1. q. 5. cum communi DD. teneant Laymann l. 2. tr. 3. c. 4. n. 2. Sporer, Reiffenstuel, Herincx, Babenstuber, Michel &c. Ratio prioris est: quia signa communia charitatis vi naturæ & societatis humanæ debentur omnibus: at de his, quæ communi societati sunt debita, nemo est exemptus: hinc fit, quòd ex negatione, omissione seu etiam subtractione talium signorum proximus meritò argueret, nos malè erga ipsum affici, ac proin non sinè nota scandali eidem administrati seu dati in pari erga nos odio, seu etiam malevolentia obfirmaretur &c.

Dixi tamen: *Nisi charitas ipsa, justitia, 236*
vel alia causa rationalis prudenter contra-
rium suadeat &c. Nam in primis charitas contrarium suadet, quando is, qui offendit, prævidetur ex negatione signorum communium agniturus suum errorem, proptereaque & correcturus, qui sinè negatione talium fieret deterior, insolentior aut audacior. 2. Justitia contrarium suadet, quando similia signa ex justa abominatione delicti jubemur

bemur intermittere, juxta illud Joann. 2. *Si quis venit ad vos, & hanc doctrinam non affert, nolite eum recipere in domum, nec a se id dixeritis &c.* Similiter Parens aut Superior justè negare potest filio vel subdito communia charitatis signa cæteris exhiberi solita, quatenus hoc modò eundem castigando ad meliorem frugem reducat, corrigat, vel inter disciplinæ terminos coërceat &c. 3. denique inter alias rationabiles causas denegandi hæc signa communia charitatis meritò recensetur gravitas injuriæ: itemque significatio seu etiam expressio justī doloris inde concepti &c. prout tenet Diana *part. 2. tr. 15. resolut. 62.* & rursus *part. 5. tr. 13. resolut. 89.* Lorca, aliique plures.

237

Ratio autem posterioris est hæc: quia signa specialia charitatis eò ipsò, quòd specialia sint & extraordinaria, non sunt debita omnibus: ergo multò minùs debentur inimico, quippe qui, quòd amicitiam dissolverit, non est melioris, sed potiùs deterioris conditionis, quàm alii; unde nec ex negatione talium signorum prudenter arguere potest, quòd erga ipsum portemus malignum affectum, odium vel inimicitiam: consequenter per se loquendo non ei debentur.

138

Dixi rursus: *per se loquendo* hujusmodi signa specialia charitatis non esse debita inimico; per accidens enim sæpiùs contingere potest, ut teneamur etiam inimico exhibere signa

signa specialia charitatis, idque potissimum
 1. quando is versatur in gravi necessitate sive
 animæ, sive corporis, nec alium habet, à
 quo sublevari possit aut debeat, item 2dò,
 quoties negatio hujusmodi signi specialis eva-
 deret signum speciale odii aut inimicitiae,
 prout contingere posset, casu quo inimicus
 suppliciter postulare veniam sui delicti, &
 tamen offensus nollet eam dare. 3. Ratione
 scandali, quando scilicet negatio similium si-
 gnorum vel ipsi inimico, vel aliis præberet
 causam mali exempli, odii, majoris inimi-
 citiae &c. Videatur de hoc Sporer *cit. n. 25.*
 Babenstuber *tr. 5. disp. 1. art. 4. n. 35.* Reif-
 fenstuel *Theol. mor. tr. 4. dist. 6. n. 23.*

Quæres 3tiò, quid adhuc præter illa signa
 communia teneamur præstare inimicis?

R. Tenemur insuper ad hæc duo, scili- 239
 cet, 1. non odisse inimicum, nec ei malum
 velle, quatenus ipsi malum est, seu ex affe-
 ctu malevolentiae. 2. tenemur eidem præ-
 fertim supplicanti & deprecanti remittere of-
 fensam. 3. non item injuriam. Ratio primi
 inde desumitur: quia præcepto charitatis
 jubemur diligere proximum *Matth. 22. &*
Luc. 10. ergo hòc ipso virtualiter & implicite
 prohibetur eum odisse, eidemvè malum velle
 ex affectu vindictæ aut malevolentiae; prout
 amplius constabit ex dicendis paulò inferiùs
Confer. 11. d. n. 331. ubi de odio proximi.

Ratio autem 2di hæc est: quia Christus 240
 R. P. Elbel, Pars II. de Fide &c. S Do-

Dominus *Matth.* 18. id præcipit sub interminatione gravissimæ pœnæ, nunquam scilicet obtinendæ veniæ nostrorum delictorum, dum proposita parabola de servo qui noluit remittere debitum suo conservo, mox subjunxit: *sic & Pater meus cælestis faciet vobis, si non remiseritis unusquisque fratri suo de cordibus vestris &c.* Quod iteratò inculcat *Lucæ* 17. dicens: *si reversus fuerit ad te, dicens: pœnitet me; dimitte illi &c.*

241

Cæterùm, quòd cum offensa non teneamur simul remittere injuriam, sed quivis contra suum inimicum (pro exigentia causæ) possit instituere nedum actionem injuriarum, petendo scilicet satisfactionem pro injuria, sed etiam actionem civilem, prætendendo scilicet satisfactionem seu restitutionem pro damno illato; quin immò, ubi gravitas injuriæ aut delicti id exigit, insuper actionem criminalem, petendo scilicet justam sceleris vindictam, modò NB. id fiat sinè pravo affectu vel odio, aut animo se vindicandi &c. &c. Hodie communissimè tenent Doctores, nominatim Castropalao *part. 1. tr. 6. disp. 1. pu. 6. n. 3. & 9.* Valentia *tom. 3. disp. 3. q. 3. pu. 2.* Laymann *lib. 2. tr. 3. c. 4. n. 3.* Reiffenstuel *theol. mor. tr. 4. dist. 20. n. 6.* & fuse P. Sporer *cit. sect. 2. n. 18. & seqq.* Ratio est: quia charitas solùm obligat, ut proximo non velimus malum ipsi indebitum, injustam scilicet vindictam, minimè verò adstringit, ut ei con-

condonemus aut remittamus bonum nobis debitum: atqui satisfactio pro injuria illata supponitur debita injuriato: ergo hanc non tenetur remittere, sed solam offensam &c.

Verùm pro majori dilucidatione hujus re-
sponſionis breviter declarandum existimo, 242
quidnam per *offensam* & quidnam per *injuri-
am* intelligatur. Itaque nomine *offensæ*
intelligitur *læsio seu irritatio voluntatis alte-
rius*; nomine autem *injuriæ* intelligitur *læsio
juris* alterius; ex quo liquet, aliud esse offen-
dere, aliud injuriare proximum: & licet
omnis injurians per se loquendo offendat in-
juriatum, non tamen vicissim omnis offen-
dens injuriat offensum, prout perbene expli-
cat P. Sporer; nam, si amico tuo librum à
te commodatò postulanti rotundè neges, ta-
met si sinè incommodo commodare potuisses,
is procul dubio se sentiet à te offensum; at,
in veritate dicere nequit, se propterea fuisse
injuriatum, quandoquidem nullum habue-
rit jus ad tuum librum.

Porro alia injuria potest esse damno-
sa, alia non damnosa. Damnosa dicitur,
quando per eam aliquid aufertur proximo,
quod jam erat illius: è contra non damnosa
dicitur, quando per eam nihil aufertur, esto
usurpetur alienum sinè justa causa; ex. gr.
committis adulterium cum uxore Titii, at si-
nè imprægnatione vel alio damno inde secu-
to, procul dubio per usum corporis infers
inju-

injuriam, non tamen damnosam, at verò, si uxorem simul imprægnasti, propterea que Titius innocens cogatur alere prolem supposititiam, intulisti eidem injuriam damnosam. Quod si res postea Titio innotescat, tenebitur quidem tibi ex corde remittere offensam, seu, quod idem est, dare veniam delicti, & nullum rancorem aut odium erga te portare: at verò minimè tenetur tibi etiam remittere injuriam, vel damnum inde sibi emergens, sed potest tuta conscientia contra te institueré actionem civilem, petendo satisfactionem debitam coram Judice competente, & damni refarcitionem. Videatur Sporer *cit. a. n. 17.*

243

At inquires, sufficitne, ut proximo nostro revera remittamus offensam, eidemvè in necessitate constituto succurramus, an verò tenemur eum etiam actu interno diligere?

R. Non sufficit, quòd offensam eidem remittamus, aut in necessitate succurramus, sed tenemur illum etiam actu interno diligere. Ita hodie communiter DD. Cardenas *in Crisi Theolog. dissert. 8. c. 4. n. 34. Viya ad propof. 10. & 11. ab Innocent. XI. damnatas. n. 6. Matthæucci in cautel. Confess. l. 2. c. 8. n. 8. Henno de virtut. disp. 6. q. 9. concl. 2. Kazenberger in Supplem. I. Confer. P. Sargar. Confer. 58. n. 81.*

Ratio est: quia de mandato Christi Domini

mini *Joan. 13.* tenemur proximum diligere sicut *Christus dilexit nos*: atqui certum est, quòd *Christus* nedum opere externo, sed & actu interno nos dilexerit: ergo &c. Et certè amor merè externus sinè interno, non est verus amor, sed potius larva amoris. Ex quo liquet, ab Innocentio XI. iustissimè damnatas fuisse sequentes duas propositiones, quarum prior n. 10. ita sonat: *Non tenemur proximum diligere actu interno & formali*: posterior n. 11. *Præcepto proximum diligendi satisfacere possumus per solos actus externos.*

Quæres 4tò, ad quid tenearis, si tu alterum quempiam offendisti?

R. Si offendisti eum signò aliquò externo, verbò scilicet, vel opere, teneris pariter quærere congruam reconciliationem externam, v. g. rogando veniam ab eo, nisi aliud medium vel modus reconciliationis magis conveniens suppetat. Ita omnes. Ratio desumitur tum ex illis *Christi Domini* verbis *Matth. 5. c. Si ergo offers munus tuum -- vade prius reconciliari fratri tuo*; tum ex eo etiam, quia jubemur diligere proximum & mutuam ad invicem charitatem portare 1. *Petr. 4. v. 8.* ergo quicumque charitatem læsit, tenetur modò moraliter possibili eandem reparare: atqui reparatio charitatis regulariter fit per reconciliationem, & hæc per veniæ petitionem: ergo quicumque proximum

ximum offendendo charitatem læsit, tene-
tur quærere reconciliationem modò mora-
liter possibili. Hac de causa D. Joannes
Chrysostomus relatus à P. Sporer c. 6. sect. 3.
n. 36. in cit. l. Matth. ait: *Qualis præcessit
offensio, talis debet esse reconciliatio: si co-
gitatu offendisti, cogitatu reconciliare: si
verbis offendisti, verbis reconciliare: si ope-
ribus offendisti, operibus reconciliare; omne
enim peccatum, quo modò committitur, eo-
dem modò de ipso pœnitentia agitur.*

245

Dixi: *Nisi aliud medium, vel modus re-
conciliationis magis conveniens suppetat &c.*
Non enim semper necessum est, ut is, qui
offendit, rogando veniam quærat reconcili-
ationem cum offenso, præsertim in se-
quentibus casibus. 1. si injuria non fuit gra-
vis, vel si alter intulit vicissim graviolem,
ut propterea delicta meritò dici possint mu-
tuò compensata. 2. quando aliter satisfieri
potest læso v. g. per exhibitionem aliorum
signorum specialium beneficentiæ, seu etiam
amicitiæ, per oblationem pecuniariam &c.
3. quando læsus per petitionem veniæ præ-
videretur magis irritandus, aut certè eam
non curaturus. 4. quando inter ejus gene-
ris aut qualitatis personas v. g. nobiles pe-
titio veniæ in usu non est. 5. Quando of-
fendens est Superior vel majoris auctorita-
tis, quàm offensus, ut propterea non vi-
deatur conveniens auctoritati ipsius Supe-
rioris

rioris petere veniam, poterit is alio modò jam insinuato, scilicet exhibitione gratiæ specialis, aut singularis beneficii &c. placare animum subditi sui. Videatur de hoc la Croix *lib. 2. n. 189.* Tamburinus in *Decalog. lib. 5. c. 1. §. 8. n. 24.* vel Kazenberger *cit. num. 93.*

At quid, inquires, si duo mutuò se offenderunt, uter eorum tenebitur priùs quærere reconciliationem?

R. Per se loquendo, & cæteris paribus 246 tenetur ille, qui priùs offendit. Ratio est: quia priùs offensus ceu prior tempore est potiore jure ad exigendam satisfactionem. Secus dicendum foret, si posterior intulisset longè graviores injurias, vel si esset longè inferioris conditionis; tunc enim teneretur priùs quærere reconciliationem, esto charitatem posterius læsisset. Ita Filiucius *tr. 28. c. 1. n. 27.* Sporer *c. 6. n. 40.* la Croix *loc. cit. n. 190.* Babenstuber *tr. 9. disp. 1. a. 4. n. 43.* ubi mox subdit, in dubio, uter priùs alterum offenderit, standum esse arbitrio Confessarii, vel alterius boni viri, prout etiam advertit Azorius *tom. 2. lib. 12. c. 3. q. 10.*

Quæres denique s'tò, ad quid tenearis, dum alter, qui te offendit, reconciliationem quærit, vel veniam petit? &c.

R. Teneris acceptare reconciliationem, 247 tempore tamen & modò opportuno postulatam,

latam, eidemque signis etiam externis demonstrare seu manifestare, quòd offensam ex corde remittas: quò non obstante potes tutâ conscientia prætereendere satisfactionem pro injuria, uti jam dictum fuit *n. 241*. Ita *ex communi DD.* tradit Laymann *l. 2. tr. 2. c. 4. n. 4.* Filliucius *loc. cit. n. 21.* Basæus *V. Charitas. num. 14.* Ratio prioris evidenter colligitur ex illis Christi Domini verbis apud *Matth. 6. cap. Si autem non dimiseritis hominibus peccata eorum, nec Pater vester cælestis dimittet peccata vestra.* Quòd autem remissionem offensæ etiam inimico veniam postulanti teneamur manifestare, inde concluditur: quia secus faciendo monstrarem, nos gerere odium, aut certè aversionem grandem erga illum, & hòc ipso præberemus eidem causam scandali, seu perseverandi in inimicitia & aversione erga nos, proptereaqué contra charitatem graviter delinqueremus, saltem per se loquendo.

248

Dixi tamen, quòd tenearis acceptare reconciliationem, dum inimicus veniam petit *tempore & modo opportuno &c.* Nullus enim te obligabit, ut illicò post acceptam gravissimam injuriam des veniam postulanti; atrox quippe injuria præsertim ab inferiori illata Superiori, tam facili negotio decoqui nequit: unde talis merito dicitur non postulasse veniam *tempore opportuno.*

Rursus

Rur
liati
fin
ut f
giti
prec
prom
tiosu
die
com
Tan
supr
3. m

Pro
p

Ti
pue
vel
sua
rit
ob
exu
min
sup
ne
eam

Rursus non teneris illico acceptare reconciliationem, quando is, qui te offendit, non sincerè, sed potiùs illusoriè deprecatur, prout fecerat ille, qui alterum nebulonem flagitiosum vocavit, proptereaquæ eidem deprecari iussus, coram Judice, in hæc verba prorupit: *Ego te appellavi nebulonem flagitiosum: hoc est verum. Quod autem te hodie debeam dicere hominem ingenuum, eò me compellit Superiorum auctoritas.* Videatur Tamburinùs loc. cit. §. 3. n. 22. Azorius ubi suprà q. 7. Filliuc. n. 25. vel Sporer c. 6. sect. 3. n. 44.

§. II.

Proponuntur & breviter resolvuntur Casus practici circa dilectionem, & reconciliationem inimicorum.

CASUS PRIMUS.

Titia ingenuè fatetur, se concepisse implacabile odium & aversionem erga aliquam puellam, quam quidem jam à teneris annis velut filiam educavit, & enutrivit in propria sua domo, novissimè verò eandem cum suo Marito in flagranti adulterio deprehendit; hanc ob causam eam nedum, illico compulit domo exulare (Maritus etenim utpote complex criminis non fuerat ausus contradicere) sed insuper jam pluries veniam postulantem, non sinè graviore indignatione à se repulit, nec eam alloquio ampliùs dignatur vel aspectu.

S 5

Erga

Erga proprium verò Maritum fatetur se ab eo tempore concepisse extremam prorsus aversionem, propterea hactenus eidem constanter negasse debitum, nec sibi videri possibile, ut deinceps unquam amplius eidem possit redde. Quid in hoc Casu cum Titia, vel alia simili persona aget Confessarius?

249

R. in primis generaliter, in his & similibus Casibus, utpote non minùs practicis quàm frequentibus & difficilibus, à Confessario quàm cautissimè procedendum, & prudenter ponderandum esse nedum id, quod sola justitia, sed vel maximè etiam quod charitas justitiæ sociata postulat; secus enim de facili impingere poterit vel nimis gravando pœnitentem, vel eundem etiam nimis facilè absolvendo ab oneribus, aut denique perplexitatibus, & conscientiaæ scrupulis intricando. Verùm ut res magis dilucidetur, lubet ad hunc casum proponere tria dubia practica. 1. An Titia tutâ conscientia potuerit dictam puellam domo ejicere, & quidem illico sine mora? 2. An actu expulsam, & sæpiùs veniam postulantem potuerit tutâ conscientia repellere, eidemque nedum alloquium, sed etiam aspectum negare? 3. Denique an hactenus justè potuerit, & deinceps etiam possit suo Marito negare debitum?

250

R. jam ad primum quæsitum. Potuit Titia sinè scrupulo puellam domo expellere, velut

velut Scortum ingratiſſimum ; tum quia aliunde nullum habuit jus perſeuerandi ſtabiliter in illa domo, ideóque Titia eam expellendo non peccavit contra juſtitiam : atqui per hoc neque deliquit in charitatem ; cum enim tam graviter læſerit jus tori imò & pietatem nutrici debitam, ex ulteriori porro cohabitatione Titia meritò timere potuerit frequentiores relapſus, indeque conſecuturam Dei offenſam, animarum periculum, diffamationem domûs &c. jure meritiſſimo eam expulit, ne fortassis videretur velle præbere fomentum pluribus criminibus, juxta illud, quod habetur *C. 1. XXXII. q. 1.* qui adulteræ cohabitatur *patronus turpitudinis* dicitur, & particeps criminis efficitur. Nec refert, quòd puella tam ſubito exulare coacta, videatur neceſſariò ſubitura periculum bonæ famæ ; etenim non Titia, ſed ſibi potiùs imputare debet, ſi quam notam aut ſiniſtram ſuſpicionem apud alios incurrat.

Accedit in ſuper, quòd Titia vi juſtitia potuiſſet contra eandem puellam coram Judice inſtituere actionem injuriarum ſecundùm dicta *num. 240.* & hoc ipſò eandem coram diffamare : quidni ergo à fortiori eandem ſinè mora domo ejicere, & diffamationem inde ſubſecuturam tutâ conſcientia permittere potuiſſet ?

℞. Ad 2dum. Si Titia unà tantùm vel altera

altera vice puellam repulit, etiam durius illam increpando, idque non ex odio personæ, sed solum ex abominatione criminis, vel ad correctionem & emendationem puellæ, vel denique ad amplius ostendendam gravitatem injuriæ sibi illatæ, dicendum, quod non peccaverit. Ratio est: quia ubi injuria, præsertim ab inferiore erga Superiorem (prout in præsentī contigit) fuit atrox, offensus vel offensa non tenetur illico ignoscere secundum dicta *num.* 248. Nihilominus cum mulieres semel irritatæ, & à passionibus dominatæ, similia plerumque ex inordinato affectu vindictæ, vel etiam ex odio erga ipsam personam, à qua fuerunt offensæ, faciant; hinc oportet, ut Confessarius in similibus circumstantiis aut casibus poenitentem examinet 1. quo fine, quavè intentione & à quanto tempore puellæ supplicanti jamjam negaverit veniam? 2. eidem inculcet, quod quidem eandem ob periculum relapsus & alias rationes *n.* 250. insinuat non amplius teneatur recipere in domum; nihilo secius communia signa charitatis imposterum non amplius possit; nec debeat denegare, sed potius bellō modo eidem insinuare signis exterioribus, quod offensam jamjam remiserit, utputa casu quo fuerit denuo ab illa puella salutata, agendo eidem gratias pro salute, vel etiam resalutando &c. Ratio horum constare potest ac debet ex dictis *n.* 239. &

247. potestque de hoc videri Laymann *cit.*
l. 2. tr. 3. c. 4. num. 4. vel Sporer *tr. 2. c. 6.*
sect. 2. num. 23. Ubi bene monent, circa hu-
 jusmodi pœnitentes, sive Parentes suppo-
 nantur sive alii Superiores &c. duo esse at-
 tendenda à Confessario, & bene ponderan-
 da. *Primum*: an non hæc signa communia
 charitatis negent ex odio vel aversione ani-
 mi erga delinquentem? *Secundum*, an vin-
 dicta non excedat gravitatem delicti; non
 enim possunt illis negare reconciliationem
 & veniam in perpetuum, sed solum ad eo-
 rum emendationem, vel alios fines bonos &c.
 Ita Sporer *l. cit.*

R. jam ad 3tium quæsitum hujus Casus, 252
 Titiam nec hætenus peccasse, neque etiam
 (per se loquendo) peccaturam contra ju-
 stitiam, negando debitum suo Marito a-
 dultero.

Ratio est: quia Maritus adulterando per-
 didit jus petendi debitum, privatio enim de-
 biti est veluti pœna quædam conventiona-
 lis, jure naturali & Divino inducta, ait San-
 chez, ut scilicet frangenti fidem fides non
 fervetur: at, si non amplius habet jus peten-
 di, procul dubio Uxor sinè injuria eidem po-
 test negare debitum: ergo negando non pec-
 cat contra justitiam. Et ita tenent *DD.*
communissimè Sanchez lib. 1. de Matr. disp.
68. n. 4. de la Croix lib. 6. p. 3. n. 372. Lay-
mann

mann *tr.* 10. *part.* 3. *c.* 1. *num.* 3. quod etiam colligunt ex *Matth.* *c.* 5. & 19.

253

Dixi tamen, Titiam non peccaturam contra justitiam, &c. Etenim contra charitatem adhuc probabilius peccabit, si propter unicum & simplex adulterium adhuc occultum, velit eidem perpetuò negare debitum, prout jam diximus in *Theolog. mor. Sacram. part.* 3. *Confer.* 16. *num.* 388. Nam moraliter loquendo fieri haud potest, quin Maritus Uxori cohabitans ob denegationem debiti sæpe sapius exponatur periculo incontinentiæ, consequenter & periculo salutis æternæ; è quo Uxor eundem procul dubio posset liberare reddendo debitum: atqui charitas obligat, ut proximo suo in tanto periculo constituto succurrat, ubi id moraliter loquendo fieri potest: ergo &c. Adde insuper, quòd perpetua debiti conjugalis negatio procul dubio datura sit causam perpetuis discordiis & rixis; quandoquidem experientia quotidiana quasi probat, inter conjugatos vix reperiundum esse alium lapidem magis offensivum, animorumque divisivum, quàm negationem debiti conjugalis, quippe ob quam amorem conjugalem nedum in alios vel alias dividere, sed erga se invicem prorsus perdere solent: quare cum Confessorius semper debeat poenitentibus consulere & inculcare ea, quæ ad animarum salutem, pacem & concordiam magis conducere sunt nata,

nata.
se in
dimi
adul
mod

Sem
p
banc
vert
rati
liber
anim
qua
bus
mor
sua
nia
runt
aje
ter
cap
si q
tua
can
tu
ris
no
feh
cta

nata, liquet profectò, Titiam omnimodo fuisse inducendam ac persuadendam; quatenus dimissa nedum offenso; sed etiam injuria vi adulterii sibi illata, deinceps velit sese accommodare Marito.

CASUS SECUNDUS.

Sempronia paupercula unicam habuit capram, & ultra parum, vel omnino nihil; hanc dum veneficio infectam dolenter animadvertit; hinc inde consuluit alias fœminas, quæ ratione, quovè medio capra à maleficio foret liberanda. Alia proin fœmina (nescio quò animo) Semproniam persuaserat, ut certam quandam Vetulam accederet, eandemque tribus vicibus moraliter non interpolatis per amorem Dei rogaret, quatenus vellet capram suam à maleficio liberare: accessit Sempronia: Vetulam rogavit modò præfato. Verùm hæc illico quasi in furorem acta: quid, ajebat? ergonè me Sagam esse credis, quòd ter me rogando per amorem Dei, maleficiū capræ tuæ illatum dissolvi postules? Profectò si quid callerem de hac arte, nedum capram tuam, sed & te ipsam novo maleficio intoxicarem: appage sine mora! vade vias tuas: tu ipsamet es Saga & malefica, nullius valoris, nulliusque honoris, proptereaue aliis bonorem adimere conaris &c. Jam apud Confessarium conqueritur Sempronia, quòd dictam vetulam ab eo tempore summopere offensam

sam, & sibi infensam sentiat, ità ; ut dum in platea publica casu sibi invicem occurrunt, eadem vetula vel illico viam declinet, vel si id facere non possit, contra se (Semproniam scilicet) exspuat, aliàque convitia evomat. Quæritur jam ad hanc speciem facti 1. ad quidnam Sempronia ? 2. ad quidnam Vetula illa obligetur ?

- 254 R. Ad primum conformiter ad dicta n. 246. Semproniam teneri nedum ad condonandas offensas à Vetula sibi illatas, sed etiam ad quærendam reconciliationem ; nam qui prior offendit, per se loquendo tenetur prius quærere reconciliationem : atqui Sempronia prior offendit vetulam : siquidem ille modus, *ter scilicet per amorem Dei rogandi pro solutione maleficii* in nostra Germania saltem à plebe communi, & vel maximè à vetulis habetur summopere injuriosus & offensivus. Quia tamen minimè consultum est, ut Sempronia personaliter accedat vetulam, ne fortassis utraque vehementius irritata, in graviores rixas, scommata, dicteria &c. erumpat ; hinc consulendum eidem est, ut per aliam mediatricem, aut mediatorem deprecando, studeat charitatem læsam reparare, & se pro possibili excusare, quòd scilicet *ter per amorem Dei rogando*, non intenderit eam velut sagam prostituere aut calumniari &c. sed potius ex mera simplicitate id fecerit &c.

R. ad

R. jam ad 2dum. Supposita hâc deprecatione Vetula tenetur Sempronix condonare offensam, odiûmque & omnem animi aversionem deponere, nec solûm ab illis injuriis, contumeliisque abstinere, sed potius è contrario Sempronix communia saltem charitatis signa exhibere: secus non erit capax absolutionis, veluti ex hæctenus dictis, præsertim à n. 247. liquidò constare potest, ac debet: neque verò ad hoc probandum alio indigemus argumento, quàm illo infallibili effato Christi Domini apud *Matth.* 18. c. v. 35. mox suprâ num. 240. relato: *sic & Pater meus Cælestis faciet vobis &c.* Videatur *Sporer cit. c. 6. sect. 2. n. 31.* 255

At quid, inquires, si supposita etiam deprecatione vetula nolit esse contenta, nec Sempronix quantumvis quærenti amicam reconciliationem v. g. eam salutando, alloquendo &c. respondere &c. tenebiturnè hæc ad plura, utputa ad iteratam deprecationem &c.

R. Eam in hoc casu & in his circumstantiis non teneri ad plura, neque ad iteratam deprecationem. Ratio est: quia Vetulæ nulum prorsus damnum intulit: ergo ratione damni ad nihil tenetur. Esto etiam illam graviter offenderit, nihilominus excessus dignitatis vetulam inter & Semproniam non est tam ingens, ut vetula humili deprecatione seu petitione veniæ non debeat esse contenta. 256

ta: quare si hoc nolit, potest Sempronia tutâ conscientia abstinere ab ulteriori salutatione, colloctione & similibus amicitiae signis, eò præsertim, quòd alloqui vel salutare prætereuntem, vel sibi occurrentem in platea &c. non sit signum commune charitatis, omnibus exhibere solitum, prout experientia constat, sed potiùs signum particulare, amicis duntaxat assuetum. Videatur Tamburinus *lib. 5. decalog. c. 1. §. 3. n. 15.* vel Sporer *loc. cit. n. 35.* Ubi tamen illico subiungit, quòd si talis persona prævideat, fore ut offensus vel offensa ex iterata gratuita salutatione vel allocutione emolliscat, odiùmque deponat, ex charitate teneatur denuo salutare, modò id sinè permagna molestia & difficultate possit; quia bonum spirituale proximi tenemur ex charitate procurare etiam cum aliquali nostro, non tamen cum magno incommodo: & hoc vel maximè in nostro casu dicendum, eò quòd Sempronia vetulæ dederit causam gravis indignationis.

CASUS TERTIUS.

Cajus tum propter pluries repetita furta levia, tum potissimùm propter solennem rapinam nuper cum aliquibus sibi similibus factam, captus, incarceratus, & tandem ad patibulum condemnatus fuit: annuntiata vero sibi mortis sententia baudquaquam se opposuit, sed petiit Confessarium, cujus operâ
optimè

optimè dispositus gaudens ac lubens videbatur
pergere ad locum supplicii, ad quem, dum
pervenit, calceis jamjam exutus & spoliatus
dixit ad carnificem: ergone seridò res agitur
mecum? quo respondente seridò, petiit, ut si-
bi ante mortem & actualem strangulationem
permitteret pauca verba loqui ad populum cir-
cumstantem: tum verò jam in superioribus
scalæ gradibus inter manus carnificis constitu-
tus, exorsus fuit fari in hunc modum: notum
sit omnibus ac singulis spectatoribus, me ad
hoc infame mortis supplicium fuisse con-
demnatum propter quinque florenos & non
plures, quos nuper ex rapina NN. facta re-
portavi: protestor igitur coram universo
mundo gravissimam mihi irrogari injuriam,
prout nemo non videbit: & hanc ob causam
contra illos qui me ad hoc infame supplicium
condemnârunt, vindictam clamito, eosque
in vallem Josaphat, & ad extremum Dei ju-
dicium provoco: Hoc inopinatò eventu ob-
stupuere omnes, erectis auribus adstantes,
potissimùm verò Confessarius, quippe qui ha-
ctenus sibi persuaserat, Cajum quàm optimè
esse dispositum. Quid ultra! subito fit ingens
tumultus in populo, tandèmq; concluditur,
executionem esse paulisper differendam, præ-
sentèmq; malefactoris statum denuntiandum
judicibus utpote solemniter adhuc congrega-
tis. Interim Confessarius omni possibili mo-
do nitebatur persuadere Cajo, ut depositò odio

Et animi rancore desisteret ab illa appellatione, quippe quæ non deserviret in alium finem, quàm ad perdendam corporis simul, & animæ vitam: ast, surdo videbatur canere fabulam; Cajus enim nil aliud respondit, quàm oppido injustum, & ab omni pietate alienum esse, homini ob quinque tantùm florenos vitam auferre, & quidem tam infami supplicio. Unde non obstante hac appellatione paulò post redeunte scilicet cursore suspensus fuit. Quæritur jam 1. utrum Cajus appellando & provocando Judices ad tribunal Christi peccaverit? 2. An judices non peccaverint saltem contra charitatem, jubendo Cajum strangulari, tametsi moraliter certò præviderint eum æternaliter periturum?

257

R. ad primum. Cajus appellando ad tribunal Dei peccavit mortaliter nedum contra charitatem, sed etiam contra justitiam; contra charitatem quidem, quia, ut ex ipsa specie facti liquet, injustam vindictam appetiit, nec ullatenus ignoscere voluit Judicibus; contra justitiam verò, quia à sententia utique justissimè contra se lata appellando ad tribunal Christi Judicibus insignem calumniam imposuit, potestatiq; publicæ à Deo constitutæ rebellem sese exhibuit, non finè gravi scandalo spectatorum. Ita ex communi DD. tradunt Busenbaum lib. 4. de Reo. art. 2. in fine. la Croix lib. 4. n. 1529. Laymann lib. 3. tr. 6. c. 6. n. 8. Vega in
sum-

summa part. 1. c. 16. ad Casum I. Ex quo ad oculum liquet, Cajum in eo statu non fuisse capacem absolutionis Sacramentalis.

¶ ad 2dum quæsitum, Judices nec in 258
leges justitiæ, neque etiam in legem charitatis impegisse ex eo, quòd jusserint Cajum strangulari. Ità *cum communi DD.* Amicus, & Salon *art. 2. contr. 2.* quem citat & sequitur Filliucius *tr. 29. part. 2. c. 2. n. 20.*

Ratio hujus est: quia ad officium Judicis spectat malefactores occidere, veluti desumitur ex S. Scriptura *Exod. 22.* ubi dicitur ad Moysen tanquam Judicem Israëlitici populi: *Maleficos non patieris vivere.* Et rursus *Deuteron. 21. & 22.* Deus præcepit occidi homicidas & blasphemos &c. tum etiam quia æterna damnatio debet adscribi iniquæ & obstinatæ voluntati Malefactoris, quam posset, & deberet mutare, minimè verò Judici, quippe qui eundem per Confessarium fecit adhortari ad pœnitentiam. Adde insuper, quòd si hujusmodi maligni homines semel scient, se ob similem obstinationem vel appellationem, vel denique ob periculum æternæ damnationis incurrendæ non amplius posse condemnari, nullus profectò inveniretur, qui non se monstraret pertinacem & rebellem: quatenus hâc via evaderet extremum supplicium, utique non sinè permagno præjudicio Reipublicæ; quare cùm aliunde constet, semper majorem rationem esse haben-

dam pro salute boni publici, quàm pro salute hominis privati, præsertim quando is ex propria duntaxat malitia se committit tali periculo, dicendum profectò est, quòd Judices per hoc nec in minimo violaverint legem charitatis. Et certè, quamdiu Judex ferendo sententiam juxta leges procedit, meritò flocci pendet, & ridet hujusmodi appellationes & provocaciones ad tribunal Dei, hominibus malitiosis valde familiares, quibus utique Deus non præfiget alium Judicii aut processûs ordinem. Secus tamen dicendum foret, casu quo Judex ex mera passione vel sinè justa aut sufficienti causa hominem innocuum ad infame vel extremum mortis supplicium condemnaret. Legatur de hac materia Stengelius de judiciis divinis *tom. I. cap. 37. §. 4. & seqq.*

At, inquies, nunquid Cajus in hoc statu debuisset, vel potuisset saltem sub conditione absolvi: quandoquidem firmiter sibi persuasum habuit se injustè gravari: nec in illis circumstantiis potuit appellare ad alium Judicem, nisi ad Deum, ad quem alii plures etiam Sancti Viri leguntur subinde appellasse?

259

R. Cajum nequidem sub conditione potuisse absolvi in eo statu; evidens quippe est, & liquidum ex narrata specie facti, quòd Judicibus nedum offensam, quàm sibi videbantur intulisse, minimè dimiserit, sed insuper animò

animò vindicativo, utique non sinè magna calumnia contra Judices, & cum scandalo totius Orbis, eos ad tribunal Christi provocaverit. Neque Cajum inter & alios Sanctos viros instituta paritas quidquam valet; præterquam enim, quòd assumpta similitudo per se claudicare noscatur, illi Viri sancti, qui hinc inde leguntur appellasse ad tribunal Dei, nunquam id fecerunt desiderio injustæ vindictæ, uti Cajus, sed amore justitiæ duntaxat; multò minùs appellasse quisquam Virorum Sanctorum legitur contra sententiam justè contra se latam.

Dices adhuc: quid ergo Confessario Caji his circumstantiis agendum fuit?

℞. Debit eidem ante omnia proponere 260
1. imminens periculum æternæ damnationis.
2. Justitiam sententiæ contra ipsum latæ, quippe qui non propter quinque florenos præcisè, sed propter damnum habituale Rei publicæ illatum, aut certè rationabiliter timendum, si hujusmodi rapinæ tolerarentur impunè, damnatus fuit, conformiter juri-
bus. 3. eidem inculcandum fuit gravitas scandalì, quod toti orbi suo modò daret, casu quo sinè revocatione appellationis factæ moreretur. 4. denique omni modo moraliter possibili fuit persuadendus, ut ante mortem publicè protestaretur, se omnibus illis, qui quocunque demum modo ad suam mortem concurrerunt, ex corde dimittere offensam,

& ignoscere. Si Cajus hæc recuset, nov-
rit Confessarius, eum velut indispositum ne
sub conditione quidem posse aut debere ab-
solvī; neque enim prudenter præsumi potest,
quòd laboret ignorantia invicibili suæ obligā-
tionis post plenariam instructionem à Confes-
sario datam.

§. III.

Corollaria ex dictis inferenda.

- 261 **C**olliges primò, à Confessario magna cum
cautela & discretionē procedendum esse
cum pœnitente, quem vel ex propria confes-
sione, vel ex aliorum relatione certò novit
hactenus in continuis rixis atque inimicitis
vixisse. Certum quippe & exploratum esse
debet, nullum prorsus, quamdiu in inimi-
citiis vult perseverare, utpote nolens remit-
tere offensam sibi quomodolibet irrogatam,
aut suo inimico exhibere signa communia
charitatis, esse capacem absolutionis Sacra-
mentalī, tum ob rationes jam suprà datas;
tum etiam, quia talis pœnitens, utpote
actuali odio proximi sui implicatus ponit obi-
cem gratiæ Sacramentali, propterea quæ fal-
sificaretur forma absolutionis non sinè gravis-
simo Sacrilegio. Quodque ulteriùs circa ta-
les pœnitentes difficultatem potissimum mihi
videtur augere, est, quòd subinde negatio
signorum nedum communium, sed & specia-
lium

lium (quando scilicet antecederet semper assueverunt similia sibi exhibere) possit cedere in notam inimicitiae seu aversionis concepta; è contra in aliis circumstantiis personarum seu etiam locorum nonnunquam etiam magna charitatis communia intermitteri possint sine nota inimicitiae : liquet proin, quòd à Confessario desuper consulto omnes circumstantiae sint bene ponderandae, & semper consulendum id, quod ad fovendam charitatem mutuam magis videtur conducibile ; quia hoc modò melius prospicitur honori divino, & animarum saluti, ut de se liquet.

Colliges 2dò, poenitentem quemcunque demum haectenus in inimiciciis constitutum; ante omnia à Confessario eò esse disponendum, ut inimico suo ex corde remittat offensam; enim verò multos reperire est, praesertim è rudioribus, qui ab aliis graviter damnificati, aut processibus, litigiisvè implicati, ignorant distinguere inter offensam atque injuriam, existimantes sinistrè, quòd si suo inimico deberent ignoscere, eò ipsò deberent unà simul cedere jure suo; quam ob causam non rarò audiuntur dicere, se durante hac lite seu processu non posse amplius confiteri &c. talibus a Confessario eximendus est scrupulus & sinistra persuasio, eisdem declarando, quòd quidem inimico vel potius adversario suo teneantur ignoscere, id est, dare veniam ratione offensae, nec desistere

derare injustam vindictam, neque eidem malè imprecari, per hoc tamen minimè eos teneri ad cedendum jure suo, quin potius tutâ conscientia posse causam suam prosequi coram legitimo Judice, exigendo satisfactionem, seu etiam restitutionem sibi debitam: neque hanc voluntatem quidquam obitare perfectæ reconciliationi cum Deo, dummodo eidem adversario suo exhibeant signa communia charitatis, & hâc viâ demonstrant, se esse inimicos causæ tantum, non item personæ.

Sed quid, si pœnitens Confessario respondeat: Domine, jam petii satisfactionem coram Judice, sed quia adversarius meus ex mera malitia debitum absolutè & rotundè negavit, & ego aliunde illud probare non potui; hinc passus fui repulsam: cùmque propterea jam à longo tempore unâ cum uxore & prolibus meis miserrima egestate premar; hinc non ampliùs possum oblivisci hujus injuriæ: quin potius dum vel à longè inimicum meum conspicio, bilem mihi moveri sentio, sanguinèmq; invenise bullire.

263 R. Casum hunc utique satis practicum sua difficultate non carere vel ideò, quia cùm causa offensæ vel potius inimicitiae sit semper duratura, præsertim egestas multum premens; hinc meritò timendum est, ne ex parte offensi pariter continuetur inimicitia. Expediit ergo, ut ante omnia talis pœnitens indu-

inducatur ad patientiam Christianam exemplò Christi Salvatoris nostri. 2. Ad plenam resignationem in voluntatem divinam, cujus admiranda dispositione similes injuriæ permittuntur, vel potius immittuntur ex altioribus motivis, & quidem Sanctissimis. 3. Ulteriùs examinari debet, utrum hujusmodi motus iracundiæ sint merùm naturales, utpote, merùm consurgentes ex impressione phantastica injuriæ acceptæ, an verò eisdem sint etiam morales & liberi, ita scilicet, ut verè cupiat se vindicare, vel inimico suo malè imprecari? si primum, concludendum est, poenitentem versari in bono animæ statu, & capacem esse absolutionis Sacramentalis; quia motus merè naturales quantumcunque ad malum inclinantes, non sunt peccaminosi, nisi accedat voluntas libera. Si autem 2dum, talis poenitens non foret capax absolutionis, nisi seriò adpromittat, se deinceps pro viribus cum divina gratia restitutum hujusmodi motibus iracundiæ seu malevolentia. Videantur de hoc Tamburin. *lib. 5. in decalog. c. 1. §. 3. n. 1.* Sporer *ubi supra num. 47.* Matthæucci *lib. 2. c. 8. n. 18.* Vel noster A. R. P. Kazenberger *in Supplem. I. P. Sargar Conferent. 61. num. 96.*

Colliges 3tiò, eos non versari in bono statu, qui posteaquam se mutuò offenderunt, deinceps ad longum tempus, vel omnino in perpetuum nolunt ampliùs colloqui ad invicem,

cem, vel alia communia charitatis signa sibi exhibere mutuò, prout de duobus Religiosis, nec non de duabus Monialibus narrat Tamburinus, Sporer, & alii. Ratio huius illationis est: quia cessatio loquendi ad invicem in tali casu per tantum temporis spatium continuata vel continuanda, meritò præsumitur proficisci ab interno odio: nec dubium, quin tam diuturna animorum aversio inter contubernalis quoscunque demum, instigante præsertim diabolo, datura sit causam innumeris passionum motibus, utputa odii, malevolentiae, detractionis &c. &c. tum etiam, quia propterea nedum sibi, sed aliis Religiosis aut contubernalibus gravi scandalo erunt, proptereaqué absolvi non debent à Confessario, nisi promittant ocyùs resipiscere, & omne odium ex animo penitus abjicere.

- 265 Dixi tamen: *qui ad longum tempus, vel omnino in perpetuum non ampliùs volunt colloqui*; fecus enim dicendum est de illis, qui ad exiguum duntaxat tempus abstinere, v.g. ad aliquot dies; nec non de illis, qui ob levem duntaxat causam inciderunt in huiusmodi discordias, aliunde verò noscuntur esse boni animi & probatae virtutis, ut proin suspicari prudenter non liceat, eos id facere ex odio gravi, sed potiùs ex quadam passione animi non adeò gravi, vel ad manifestandam offensam notam. Quocirca tamen Sporer

rer *cit. c. 6. sect. 2. n. 34.* sapienter monet, hujusmodi abstinenciam ab alloquio &c. omnimodis dissuadendam esse omnibus, præsertim verò personis religiosis, utpote aliunde vi sui instituti obligatis ad charitatem mutuatam & ad sectanda perfectiora: oportet profectò, ut contubernales etiam sæculares sint liberales, ne dicam prodigi, in exhibendis sibi invicem mutuæ charitatis & amicitiae signis; hoc enim nos reddit amabiles, sicut è contrario opposita morositas nos reddit odibiles Deo, Angelis, & hominibus.

Colliges 4tò, contra charitatem proximo debitam mortaliter delinquere sequentes. 266

1. Qui in Orationibus communibus à Deo vel Ecclesia institutis *positive* excludit inimicum, secus si *negative* solum excluderet, scilicet actu non recordando de illo. 2. Item qui elemosynam in omnes pauperes civitates, vel aliud pium legatum distribuere jussus, suos inimicos excludit, tametsi pro his suffecisset. Item 3. qui reliquos suos cognatos aut consanguineos ad convivium invitans, alios sibi inimicos excludit, & non invitat, esto sint consanguinei. 4. Item qui aliàs solitus quosvis sibi notos in civitate, monasterio aut domo religiosa salutare aut alloqui, suo inimico salutationem vel alloquium negaret &c. Ita Sporer *citatus n. 27.* Verùm in his multâ circumspeditione opus est, sicut jam diximus: non enim quilibet illico peccati mortalis à

Confes-

Confessario damnandus, vel in infernum omnino negatō absolutionis beneficio relegandus est, quandoquidem multæ causæ dantur, ob quas inimico, vel illi, qui gravem intulit offensam, communia etiam charitatis signa vel obsequia aliunde indebita negari possunt, prout ex dictis in hac Conferentia abundè constare potest.

- 267 Quocirca noster P. Herincx *part. 3. tr. 1. disp. 11. num. 68.* Sapientissimè omnino monere mihi videtur, in ordine ad discernendam gravitatem peccati in hisce casibus non tam considerandum esse bonum, à quo inimicus excluditur, quàm utrum talis exclusio ex gravi aversione procedat, sitque hic & nunc graviter offensiva; etenim secluso odio interiori & scandalo non videtur, cur quis mortaliter peccet ex eo, quòd beneficium aliunde indebitum: uti est v. g. invitatio ad convivium, solis præstet amicis, non item inimicis, quibus illud nullatenus debetur. Ego sanè non video, quò minùs scandalum & in tali casu evitari possit, modò tali inimico, vel aliis, quorum fortassis interest, bellò modo significetur, negationem talis beneficii, v. g. invitationis ad convivium, non fieri ex odio, sed partim quia illud aliunde indebitum, partim etiam, quia inferendo hanc vel illam offensam sese reddidit indignum. Fateor tamen oppositum nedum tutius, sed & consultius esse ac conformius exem-

exemplo Patris nostri cœlestis, quippe qui solem suum oriri facit, super bonos & malos, & pluit super justos & injustos, ut dicitur Matth. 5. v. 45.



CONFERENTIA NONA.

De Eleemosyna.

S U M M A R I U M.

- 263. Recensentur breviter multiplices actus charitatis.
- 269. Declaratur, quid sit actus misericordiæ.
- 270. Opera misericordiæ universim enarrantur quatuordecim.
- 271. Nomine eleemosynæ corporalis & propriè sumptæ intelligitur actus, quò aliena indigentia corporalis sublevatur.
- 272. Datur præceptum in ipsa natura fundatum, vi cuius habentes abundantiam bonorum, tenentur indigentibus dare eleemosynam.
- 273. Hanc tamen illi duntaxat dare possunt, quibus competit expeditum Dominium, & libera administratio bonorum.
- 274. Annotatur breviter triplex necessitas proximi, scilicet extrema, gravis, & communis.
- 275. Rursus alia dicuntur bona, quæ vel 1. ad naturam, vel 2. ad statum conservandum sunt necessaria, vel denique 3. superflua omnino.
- 276. Proximo in extrema necessitate constituto, nemo quidem tenetur dare eleemosynam de sibi necessariis ad vitam, bene tamen de necessariis ad statum duntaxat conservandum.

277. In

277. In gravi verò necessitate constituto danda est eleemosyna de superfluis, aut certè non multum necessariis ad statum.
278. Denique in communi necessitate constitutis tenetur succurrere is, qui habet bona superflua suo statui.
279. Quocirca tamen dari possunt causæ rationabiliter excusantes.
280. Satisfit cuidam instantiæ in contrarium.
281. Utrum extremè indigenti teneamur succurrere gratis, an verò sufficiat, eidem succurri cum onere restitutionis.
282. Solvitur rursus quædam objectio contra hanc resolutionem.
283. Resolvitur Casus I. de quadam fœmina, quæ, ut liberiùs posset indulgere genio suo, ficto sub schemate paupertatis hinc inde collegit, vel potiùs exprobravit eleemosynas.
284. Utrum talis persona revera acquirat dominium eleemosynæ taliter exprobratæ?
285. Et utrum Confessarius teneatur eam obligare ad restitutionem?
286. Resolvitur Casus II. de quodam libertino, qui amplum patrimonium suum non quidem in pauperes, sed in commessationes dissipavit.
287. Utrum huic jam gravi egestate presso alii amici vel consanguinei teneantur succurrere quodam subsidio eleemosynario?
288. Resolvitur Casus III. cujusdam pauperculæ, mirum conquerentis, vel potiùs murmurantis contra constitutionem nuper editam, vi cujus prohibitus fuit conquisitus eleemosynarius.
289. Quâ via tali personæ à Confessario fuerit occurrendum, vel quid eidem consulendum?
290. An vel quando Catholici peccent non subministrando congrua sustentationis media conversis ad fidem Catholicam?
291. Quid Confessariis divitum, & simul nimis tenacium, vel potiùs avarorum observandum & agendum?

292. Divitibus, præsertim Ecclesiasticis vel maximè cavendum est, ne tempore caritatis aut publicæ necessitatis sua granaria recludant pauperibus intuitu augmentandi pretii.
293. Medici & Chirurghi nolentes pauperibus graviter decumbentibus operam suam gratis locare, peccant contra charitatem.
294. Pharmacopolæ tamen, aliivè divites non tenentur quæque pretiosissima medicamenta gratis exhibere vel procurare eo fine, ut pauper extremè decumbens curetur.
295. Vimagni mandati tenemur proximo nostro duntaxat succurrere, in quantum moraliter loquendo possumus, & ipse ad evadendam miseriam indiget.

§. I.

Præmittuntur, & breviter resolvuntur quæsitæ, scitu necessaria ad debitè resolvendos casus practicos circa dandam, vel non dandam Eleemosynam.

Quæres primò, quot dentur actus vel etiam effectus charitatis?

R. Actus seu etiam effectus charitatis præcipui numerantur sequentes, scilicet 268

1. Dilectio. 2. Beneficentia. 3. Gaudium. 4. Pax, & 5. Misericordia. Ita ex *commun. DD. Reiffenstuel Theol. mor. tr. 4. dist. 6. n. 26.* Explico brevissimè singulos. 1. Nominè *Dilectionis* intelligitur actus voluntatis, quò proximo nostro (vel etiam Deo) volumus bonum: ex quo protinus 2. sequitur *Beneficentia*, id est, executio hujus bonæ

R. P. Elbel, Pars II. de Fide &c.

U VO-

voluntatis, vi cuius proximo pro possibili facimus bene. 3. Nomine *Gaudii* non venit actus charitatis, sed potius quidam charitatis effectus, passio scilicet mentis, vi cuius in bono amato & jamjam possessio quodammodo quiescimus. Similiter *Pax* non est actus, sed potius effectus charitatis: supposito enim quòd Deum vel proximum sincerè diligamus, nostram voluntatem ejusdem voluntati facilimè accommodamus, ex qua voluntatum cohærentia naturaliter consequitur quædam animi tranquillitas seu pax, juxta illud *Psal. 118. Pax multa diligentibus legem tuam* &c. At

Quæres 2dò singulariter ad nostrum propositum, quid intelligatur nomine *miseri- cordiæ ut sic?*

- 269 R. Misericordia juxta S. Augustinum *lib. 9. de civit. Dei. c. 5.* est *alienæ miseria in corde nostro compassio, quâ, si possumus, subvenire compellimur.* Verùm quia misericordia etiam reperitur in Deo, nec non in Beatis, in quibus propriè nec passio, neque compassio, multò minùs tristitia naturaliter inde consequens locum habet; hinc non abs re misericordia ut sic generalius sumpta describitur à P. Herinex *part. 3. tr. 1. disp. 12. n. 4.* quòd sit *affectus efficax subveniendæ miseriæ proximi*; per hanc enim movemur ad sublevandam alienam miseriam, quod fieri assolet per opera misericordiæ tum spiritua-
- lia,

lia, tum etiam corporalia, veluti proximè patebit. Ex his verò facilè colligetur, virtutis misericordiæ duo opponi vitia, scilicet 1. nimiam cordis mollitiem seu nimiam indulgentiam: hæceidem opponitur per excessum & 2. nimiam cordis duriem & crudelitatem, quæ misericordiæ opponitur per defectum.

Quæris 3tiò, quæ & quot sint, opera misericordiæ?

R. Opera misericordiæ sunt septem corporalia, & septem spiritualia, ideòque universim rectè enumerantur quatuordecim, ita *omnes Catholici*, imò & pueri ex Catechismo respondere assolent. Corporalia sunt 1. Esurientes pascere. 2. Sitientibus potum dare. 3. Nudos operire. 4. Captivos redimere. 5. Ægrotos visitare. 6. Peregrinos hospitio suscipere. 7. Mortuos sepelire, quæ omnia non nemo aptissimè comprehendit sequenti versu: *Visito poto, cibo, redimo, tego, colligo, condo.* 270

Porrò opera misericordiæ spiritualia sunt 1. peccantes corrigere. 2. ignorantés docere. 3. dubitantibus rectè consulere. 4. pro salute proximi orare. 5. consolari mæstos. 6. improborum injurias patienter ferre. 7. offensam remittere: hæc opera comprehenduntur in sequenti versu jam pridem notissimo. *Consule, castiga, solare, remitte, fer, ora.* Ubi sub ly consule insuper intelligitur *doce* ignorant-

rantes &c. Quia tamen Theologi communiter dimissis aliis actibus charitatis, utpote de quibus parum vel nihil difficultatis in praxi occurrere solet, examinare seu etiam fusiùs discutere solent duos actus principales, scilicet dationem Eleemosynæ & correctionem fraternam; hinc & nos majorum nostrorum vestigiis inhærentes, in hac Conferentia de Eleemosyna, in proxima autem de correctione fraterna agemus, postea etiam acturi de vitiis charitati oppositis.

Quæres proin 4to, quid sit Eleemosyna?

271

R. Nomine Eleemosynæ sæpissimè quidem intelligi rem in Eleemosynam distributam, utputa panem, pecuniam &c. &c. quibus mediantibus proximi indigentia sublevari solet. Verùm ad nostrum propositum sumitur pro ipso actu misericordiæ seu charitatis, quò contendimus miseriam alienam sublevare; unde etiam rectè describitur: quòd sit *alienæ miseriæ sublevatio*, in quo sensu sub se comprehendit omnia opera misericordiæ, tam corporalia, quam spiritualia etiam. Communius tamen nomine eleemosynæ intelligitur actus seu opus misericordiæ corporalis, solétque describi, quòd sit *actus externus*, quò *aliena indigentia corporalis sublevatur*. Ex quo facillè liquet dationem eleemosynæ esse actum misericordiæ, quatenus procedit ex motivo sublevandi miseriam proximi; simulque esse actum charitatis, si fiat

fiat ob amorem Dei vel proximi, tametsi haud ignorem hujusmodi elargitionem posse insuper imperari ab aliis virtutibus v. g. poenitentiae, si fiat in ordine ad satisfaciendum pro peccatis: qua ratione *Tobia* 4. legitur: *Eleemosyna ab omni peccato, & à morte liberat.* Et rursus *Eccl.* 3. habetur: *Ignem ardentem extinguit aqua, & eleemosyna resistit peccatis.*

Quæres 5^{to}, deturnè præceptum, dandi quandoque eleemosynam?

R. Affirmativè. Ita omnes Catholici, Reif- 272
fenstuel *cit. dist.* 6. n. 35. Herincx *disp.* 12.
n. 34. Matthæucci *in cautel. Confess. lib.* 2.
c. 9. n. 2. ubi putat, hanc resolutionem esse
de fide. Cujus ratio clarè constat ex S. Scri-
ptura *Eccl.* 4. ubi dicitur *Eleemosynam paupe-
ris ne defraudes:* & rursus *Luc.* 11. *verumta-
men, quod superest, date eleemosynam.* Et ne
quis putaret, elargitionem eleemosynæ esse
sub consilio, duntaxat, non autem sub præ-
cepto, Christus Dominus *Matth.* 25. prote-
statur, se in die judicii ob denegatam sibi (in
pauperibus scilicet) eleemosynam dicturum
hujusmodi immisericordibus impiis: *Disce-
dite à me maledicti in ignem æternum: esuri-
vienim, & non dedistis mihi manducare, &c.*
atqui nullus damnabitur ob neglectum consi-
lium tantum, sed ob neglectum præceptum:
ergo evidens est, eleemosynam cadere sub
præceptum.

Quæres jam 6tò, quinam possint dare eleemosynam?

273 R. Omnes illi & soli possunt, quibus competit rei dominium, & libera administratio: Alii autem non possunt nisi de obtenta, vel certè rationabiliter præsumpta licentia Domini. Ita ex *Communi D.D. Herincx. l. cit. n. 23. Matthæucci cit. n. 22. & seqq.* Ratio clara est: quia elargitio eleemosynæ est actus donationis, vi cujus dominium transfertur in donatarium: at, illi duntaxat possunt donando transferre dominium in donatarium, qui habent dominium expeditum in rem; unde & *l. 7. ff. de donat.* dicitur *quædam rerum suarum jactatio*; ergo illi duntaxat eleemosynam dare possunt &c. Ex quibus liquet, quòd uxor de bonis sibi cum marito communibus, filius familias de bonis Parentum, servi & ancillæ de bonis dominorum suorum, Religiosi denique de bonis Monasteriorum suorum, in eleemosynam dare nequeant ultra id, ad quod se extendit licentia rationabiliter præsumpta, ut jam dictum fuit. Secus dicendum, si uxor habeat bona paraphernalia, vel alia sibi propria, vel si filius habeat bona castrensia &c. Nam de his, utpote suo dominio & liberæ dispositioni subjectis, possunt procul dubio donare pauperibus, & donando laudabilissimè nec minùs meritoriè faciunt.

Quæres 7timò, quibusnam pauperibus, & de quibus bonis aliquis teneatur dare eleemosynam?

Ante

Ante refponfionem neceffariò animad- 274
vertendum hic venit triplex neceffitas proxi-
mi, cui fuccurrendum eft; nam alia dicitur
extrema gravis alia, & alia *communis*. Extre-
ma dicitur illa, quando quis defectu fubfidii
neceffarii periclitatur de vita, vel propterea
deberet incurrere aliud graviffimum damnum
morti æquivalens faltem in morali hominum
exiftimatione, uti funt abfciffio membri cu-
jusdam principalis, carceris perpetui, infa-
miæ publicæ &c. Gravis neceffitas appella-
tur, vi cujus imminet verè grave malum, ut
puta fi homo deberet fubire carcerem, vel no-
tabilem jacturam bonorum, vel fi deberet
propterea deferere fuum ftatum honeftè ac-
quifitum, fi homo nobilis deberet ferviliter
laborare; vel, quod minùs conveniens, men-
dicare &c. Denique in communi neceffitate
dicuntur verfari illi pauperes triviales, qui
vel in plateis vel alibi coguntur emendicare
fubfidia, & alii pauperes (uti vocant) do-
mestici, qui ob conditionem ftatus erube-
fcunt mendicare, re ipsa tamen non nifi cum
magna difficultate fibi fuisque neceffaria ad
convenientem vitæ ftatum procurare pof-
funt, qui propterea fubinde majori commi-
feratione digni funt, quàm alii pauperes tri-
viales, quibus neque fanguinis, neque etiam
ftatus fui conditio prohibet poftulare eleemo-
fynam. Videantur dicta *de refcit. Confer. 10.*
num. 271.

Animadvertendum insuper est prius 2dò, ex bonis corporalibus alia dici necessaria 1. ad vitam seu naturam, 2. alia necessaria ad statûs conservationem, denique 3. alia dicuntur superflua respectivè ad unum vel alterum statum. Ad naturam necessaria dicuntur, sinè quibus aliquis vel propriam, vel suorum vitam sustentare non posset: quæ verò requiruntur non ad ipsam vitam, sed ad conditionem sui statûs v. g. nobilis &c. conservandam, appellantur necessaria ad conditionem statûs.

275 Denique illa bona, quæ nec ad vitam propriam vel suorum, neque ad conditionem status sunt necessaria, eò quòd sinè illis conservari possit tam vitæ, quàm etiam condecens statûs & familiæ conditio, meritò reputantur superflua seu superabundantia. Quocircà tamen bene notari debet, quòd illa dicantur superflua statui, sinè quibus *status præsens* convenienter potest conservari, veluti Doctor Angelicus 2. 2. q. 32. artic. 5. ad 3. sapientissimè tradit, inquit, *superflua esse, quæ secundum statum præsentem non sunt sibi necessaria, prout probabiliter æstimari potest: nec oportet, quòd consideret ad omnes casus, qui possent contingere in futurum; hoc enim esset de crastinò cogitare; quod Dominus prohibet, Matth. 6. sed debet judicari superfluum & necessarium secundum ea, quæ probabiliter,*

Et ut pluribus occurrunt. Ex quo cernere licet, quàm justè ab Innocentio XI. damnata fuerit sequens propositio, inter alias *num. duodecima*: *vix in secularibus invenies, etiam in Regibus superfluum statui*; Et ait *vix aliquis tenetur ad eleemosynam, quando tenetur tantum ex superfluo statui*. Videatur Cardenas in *Crisi Theolog. dissert. 9. c. 1. Et 2.*

R. jam ad propositam quæstionem 1. Proximo quantumvis in extrema necessitate constituto nemo quidem tenetur dare eleemosynam de bonis temporalibus sibi met ad propriam, vel suæ familiæ, Uxoris scilicet ad prolium &c. vitam conservandam necessariis; bene tamen 2. de necessariis ad solum statum conservandum. Ita cum communi Doctorum docet Castropalao *part. 1. tract. 6. disp. 2. punct. 2. n. 5.* & Matthæucci *l. cit. c. 9. n. 6.* Ratio prioris est hæc: quia propria vita secundum rectam rationem præferri debet vitæ alienæ; etenim & ordo charitatis postulat, ut quisque seipsum magis diligat, quàm proximum, ideòque etiam sibi potiùs ac suis, quorum cura sibi incumbit, prospiciat, quàm alienis: excipiunt tamen circa hoc Doctores casum, quando proximus esset persona publica, ex cujus interitu bonum publicum pateretur; quia namque privata postponenda est utilitati, & bono communi juxta rectam rationem. Verùm

U 5

hic

hic casus utpote rarissimus parum negotii dabit Confessario in praxi.

Ratio posterioris pariter colligi debet ex ordine charitatis, qui nos obligat, ut vitam proximi præferamus propriæ dignitati vel etiam statui, ideóque ex iis saltem, quæ superflua sunt proprio statui, succurramus, ad vitam proximi quomodocunque conservandam.

277 R. 2dò ad idem quæsitum. Proximo in necessitate verè gravi constituto tenemur succurrere non tantùm de superfluis, verùm insuper de utilibus, & non valde necessariis ad statum & decentiam personæ nostræ. Ita rursus Castropalao *cit. pu. 2. n. 13.* Babenstuber *tract. 5. disp. 1. art. n. 13.* Henno, & alii. Ratio hujus desumitur ex illo 1. *Joan. 3. filioli mei, non diligamus verbò neque linguâ (tantùm scilicet) sed opere & veritate:* At, qui pauperi in verè gravi necessitate constituto non succurrit de iis, quæ sibi superflua sunt, vel certè non necessaria ad conservationem sui statûs, non diligit proximum suum opere & veritate. Hinc doctor Gentium 1. *Timoth. 6. scribit: Divitibus hujus sæculi præcipe - - facile tribuere*, scilicet necessitate præsertim gravi laborantibus.

278 R. jam 3tid. Pauperibus in communiduntaxat necessitate constitutis tenetur succurrere, quisquis habet bona nedum naturæ, sed etiam statui suo superflua. Ità *communissimè*

nissimè DD. post S. Thom. 2. 2. q. 32. artic. 5. Ratio hujus satîs evidens desumitur ex illo. 1. Joan. 3. cap. qui habuerit substantiam hujus mundi, & viderit fratrem suum necessitatem habere, & clauserit viscera sua ab eo, quomodo charitas Dei manet in eo? Profectò videtur quædam inordinatio gravis, ità esse addictum opibus hujus sæculi, ut stante etiam abundantia illarum renuat quis proximo suo ad imaginem Dei creato succurrere, tametsi absque ullo detrimento posset. *Dives igitur* (sunt verba R. P. Babenstuber tr. 5. disp. 1. art. 5. n. 19.) *qui propositum habet nunquam subveniendi pauperibus, communem necessitatem patientibus, ideòque universim mendicos eleemosynam petentes repellit, in malo statu esse, meritò censetur:* licèt fatendum sit, quòd nemo teneatur omnibus dare, neque huic vel illi (in communi tantùm necessitate constituto, ut supponitur) dare; sed tenetur distribuere secundùm quod sibi visum fuerit opportunum, inquit S. Thomas quodl. 8. art. 12.

Quocirca tamen bene advertendum est, 279
posse procul dubio sæpe sæpiùs intervenire causas rationabiles, hic & nunc excusantes ab omni, vel certè à gravi peccato illos, qui renuunt dare, vel non eleemosynam; nam in primis ab omni culpa eximendus est, qui huic vel illi pauperi non succurrit, eò quòd ignoret illius indigentiam. Nec non 2.
ille

ille qui rationabili motivo ductus huic vel illi pauperi triviali nihil dat, vel quia scit, dari alios magis egentes, vel quia nimis importunè, vel etiam loco aut tempore minùs opportuno postulavit. Vel 3tio quia scit, dari alios, qui hujus vel illius necessitati succurrere velint, vel omnino debeant.

At contra hoc inquires : si talis præsumptio excuset à gravi peccato, planè cogimur fateri, quòd nemo prorsus teneatur dare eleemosynam pauperibus, communi duntaxat necessitate laborantibus ; nam quivis poterit prudenter præsumere dari adhuc alios, qui aut velint, aut etiam debeant succurrere indigentiae hujus vel illius.

280 R. Negando illatum ; nam si nulla esset obligatio dandi eleemosynam, procul dubio paucissimi darent : at, hòc ipso non posset quivis prudenter supponere, dari alios, qui velint aut debeant pauperibus succurrere, ut de se liquet : ergo ex hoc argumento potius inferendum videtur, quòd divites & mediis abundantes teneantur succurrere pauperibus congruè eleemosyna.

Quæres denique 8tavò, utrum vi hujus præcepti (de danda scilicet eleemosyna) teneamur proximo indigenti succurrere gratis, an verò sufficiat, quòd eidem succurratur cum onere, scilicet denuo refundendi id, quod datum fuit ?

281 R. Cum distinctione. Vel enim supponitur

nitur is, qui hîc & nunc in extrema necessitate versatur, esse talis, qui saltem alibi habet bona propria sive in re, sive etiam in certa spe, utputa infallibiliter obtinenda ex hæreditate, aut ex proprio labore? Vel verò supponitur esse talis, qui neque hîc, neque alibi, nec in re, neque in spe habet bona propria, ex quibus compensare valeat id, quod fuit datum? si priùs: dicendum, quòd tali nemo teneatur gratis, id est, sinè onere recompensandi succurrere benè verò si supponatur hoc posterius. Ità cum *communiori DD.* tenet Castropalaò *tr. 6. disp. 2. pu. 4. n. 2. & 5.* Ratio prioris est: quia in ejusmodi casu proximus revera nequit dici absolute constitutus in extrema necessitate: neque enim reipsa extremè pauper dici potest, qui alibi habet bona vendibilia, aut oppignorbilia: quin imò vel sola spes aquirendi tantò pluris æstimatur, quantò major est aut certior: ergo talibus nemo tenetur gratis omnino succurrere, sed satisfacit charitati mutuando interim cum onere denuo refuadendi. Ratio autem posterioris peti debet ex dictis *n. 273.* quia scilicet nomine eleemosynæ intelligitur gratuita & liberalis donatio facta aut facienda in ordine ad sublevandam indigentiam pauperis: at, qui nec in re, neque in spe quidquam habet, simulque hîc & nunc extremè indiget, procul dubio opus habet eleemosynâ: ergo huic gratis & sinè onere

onere succurrendum erit. Et certè, si neque in hoc casu quispiam teneretur gratis succurrere indigenti, prorsus è medio tolleretur obligatio dandi eleemosynam; quod tamen à Theologo Christiano, ne dicam Catholico, minimè admittendum est. Videatur Laymann *l. 2. tr. 3. c. 6. n. 6.* vel Filliucius *tr. 28. c. 3. n. 80.*

Dices contra hoc. Præceptum Eleemosynæ solùm obligat ad sublevandam indigentiam proximi: atqui hæc sublevatur etiam tunc, quando pauperi succurritur cum onere denuo recompensandi id, quod præstitum fuit tempore necessitatis: ergo &c.

282 R. *Negando Majorem absolute*, vel gratis distinguendo, præceptum eleemosynæ solùm obligat ad sublevandam indigentiam proximi, & quidem gratuitò, *concedo*. Non gratuitò, *subdist.* quando indigens habet alibi bona in re, vel certè in probabilissima spe, *concedo*; tunc enim præceptum eleemosynæ non obligat simpliciter: quando indigens nulla prorsus habet bona, neque in re, neque in spe, *neg. Major. cum conseq.*

§. II.

Proponuntur & breviter resolvuntur Casus practici circa Eleemosynam pauperibus elargiendam.

CASUS PRIMUS.

Titia fœmina non minùs astuta, quàm malitiosa,

tiosa, quò faciliùs genio suo posset indulgere, hinc inde apud Nobiles præsertim, quibus hætenus fuit incognita, pauperrimam se dictitabat, quos, ut faciliùs ad misericordiam inflecteret, finxit, se uterum gestare, & partui jam proximam: quin & nuper insigniter quendam Confessarium decepit, dum sub specioso schemate, quòd hujus extremæ necessitatis causam nulli præterquam Confessario aperire possit, eundem eò adduxit, ut à quodam Patrono notabilem eleemosynam sibi impetraret; hanc verò (more solito) magna ex parte, licet nondum ex integro consumpsisse, vel potiùs dilapidasse fatetur. Quæritur jam 1. an, vel quomodo Titia peccaverit? 2. An revera obtinuerit dominium eleemosynarum hinc inde tam subdole expracticatarum?

R. ad primum. Titia graviter peccavit. 283
Ità ex communi DD. Matthæucci lib. 2. cautel. Confessar. cap. 9. n. 31. Ratio est: quia cum gravi dolo & deceptione petiit & accepit rem alienam Domino rationabiliter invito, qui, si cognovisset fictionem, probabiliter nunquam dedisset huic personæ eleemosynam. Nec refert, quòd fortassis à pluribus non obtinuerit quantitatem notabilem; quia saltem habuit animum malitiosè obtinendi, scilicet sub ficto paupertatis extremæ titulo.

Insupere eo ipsò aliis pauperibus haud exigam intulit injuriam; partim quia hæc eleemo-

eleemosyna alteri pauperi fortassis fuisset data; partim etiam ex eo, quòd si Dominus resciverit, se fuisse ab hac fictitia paupere insigniter deceptum, deinceps procul dubio non amplius erit tam liberalis, quò fiet, ut alii verè indigentes destituantur subsidiò charitativo. Accedit insuper, quòd Titia in ordine ad palliandam suam nequitiam abusa fuerit Sacramento poenitentiae: nec dubium, quin si in ipso actu Confessionis decipit Confessarium, in materia tam notabili mentiendo, sacrilegè fuerit absoluta: velut indisposita & merùm ficta poenitens. Secus quoad hoc ultimum dicendum foret, si supponatur extra Confessionale imposuisse Confessario.

284

R. Jam ad 2dum quæsitum hujus Casus, Doctores minimè convenire quoad hoc; Lessius namque *lib. 2. de just. c. 18. dubit. 17. n. 132.* Coninck, Soto & alii plures absolute affirmant, pauperem fictitium acquirere dominium eleemosynæ, eò quòd piè præsumendum, quòd Dominus eam principaliter voluerit elargiri ob amorem Dei & proximi, & secundariò duntaxat ac minùs principaliter ad sublevandam indigentiam hujus vel illius pauperis; esto proin hoc secundum motivum, vel potiùs finis secundarius supponatur fallere, quia tamen adhuc subsistit primarius, hinc valida censi debet donatio &c. &c. quemadmodum matrimonium valet,

let, si habes animum ducendi hanc, quam putas divitem, esto talis non sit.

Econtra verò communior Sententia, cui subscribunt Scotus 4. *dist.* 15. *q.* 2. *art.* 3. Herincx *de charit. disp.* 12. *n.* 32. Henno *de virtut. disp.* 6. *q.* 12. *art.* 1. *conclus.* 6. *circa finem.* Castropalao *tr.* 6. *disp.* 2. *pu.* 14. *n.* 5. Babenstuber *ubi supra n.* 26. Navarrus & alii absolute negant, à paupere fictitio acquiri dominum; quia inquiunt, eleemosyna ex sua natura importat donationem liberalem, quæ pro motivo essentiali respicit sublevationem pauperis: ergo si is, cui datur non sit verus, sed fictitius pauper duntaxat, cessat ex parte dantis voluntas donandi, & hoc ipsò voluntas transferendi dominium. Ego cum P. Vega existimo, utramque sententiam mox relatam esse verè probabilem, prout rationes utriusque perpendenti facilè constabit, nî fallor.

Ergonè, inquires, Titia à Confessario obliganda est, ut eleemosynas hinc inde fraudulenter obtentas restituat?

R. Si certò constaret, quòd Dominus noluerit dare eleemosynam, nisi verè pauperi, vel sub tacita saltem conditione paupertatis realis, procul dubio Titia à Confessario foret obliganda ad restituendam pecuniam acceptam vel ipsi Domino immediate, vel saltem aliis verè pauperibus, idque ob rationem mox datam pro sententia Scoti & aliorum se-

R. P. Elbel, Pars II. de Fide &c.

X qua-

quacium. Nihilominus cùm inprimis certò non constet, quòd dans hujusmodi subsidium nolit transferre ejus dominium nisi in verè pauperem, aliunde verò Confessarius hanc obligationem vix, aut ne vix quidem persuaderet, ità, ut meritò timendum, ne talis persuasio potius vergat in laqueum animæ; hinc censeo, eum omnino prudenter facturum, si interdicta deinceps hac malitiosa praxi, cæteroquin obligationem restitutionis omnino dissimulet, præsertim respectu illorum, à quibus modicum accepit; quia de talibus facilius præsumere licet, quòd non desiderent tam modicum sibi refundi. At verò si quantitas eleemosynæ sit valde magna, vel si sit per modum gratialis continuanda v. g. annuatim, vel de mense in mensem &c. omnimodis obligandam existimarem Titiam, ut sin minùs per se ipsam saltem per alium virum prudentem satagat explorare mentem Patroni dantis, an scilicet is esset contentus, si sciret, se quandam eleemosynam notabilem distribuisse, vel deinceps etiam distributurum ficto duntaxat pauperi, an verò potius exigeret eandem sibi restitui, aut certè deinceps non ampliùs daret: quò facto haud quaquam erit difficile Titix dare resolutionem congruam. Videatur Lessius *loc. prox. cit.* Vel Coninck *disp. 27. dub. 6.* Castropalao *tr. 6. disp. 2. pu. 14. n. 4.*

CASUS SECUNDUS.

Sempronius amplam hæreditatem à Parentibus sibi relictam intra respectivè exiguum temporis Spatium, non quidem in pauperes (quibus ne obulum quidem vel nummum unquam dederat) sed in luxum, commessationes & alia familiæ suæ probra expendendo, vel potius dilapidando consumpsit: modò miserrima egestate pressus, & nedum ab illis, quibus paulò antè benefecerat, verùm etiam ab amicis seu consanguineis, quos hoc vivendi genere haud modicum afflixerat, derelictum se sentiens, velut alter filius prodigus dissipatam substantiæ portione hinc inde stipem postulat, sed qui succurrere velit, nemo est; enim verò ab extraneis jubetur implorare amicorum seu etiam consanguineorum suorum opem; hi verò eundem repellunt, causantes, esse perditum quidquid impenditur Sempronio, quippe qui solet abuti amicorum suorum beneficentia ad prostitutionem suæ familiæ. Dubitatur jam primò, num Sempronius censendus sit graviter deliquisse ex eo, quòd de sua substantia, ampla scilicet hæreditate, nullam prorsus fecerit eleemosynam? 2. Utrum Consanguinei teneantur eidem succurrere subsidio charitativo?

R. Ad primum practicè loquendo vide- 286
tur Sempronius non esse condemnandus gra-
vis peccati (nisi fortassis cuipiam in extrema
vel

vel certè gravi necessitate constituto etiam rogatus negâset subsidium charitativum eo tempore, quo adhuc mediis abundavit) Ratio hujus resolutionis est: quia tametsi mediis abundantes teneantur per se loquendo sub gravi obligatione pauperibus in communi necessitate constitutis stipem dare; nihilominus plusquam certum est, quòd hujusmodi homines assueti genio suo indulgere, & commessionibus sua bona dilapidare, hanc obligationem gravem vel non apprehendant, vel certè etiam eâ non apprehensa pauperibus hinc inde tribuant, dum nimia prodigalitate bona sua dissipantes nullam quasi metam suæ liberalitati ponunt, quosque tandem mediis deficientibus, volentes nolentes eò adiguntur.

- 287 R. Jam ad 2dum quæsitum. Consanguinei vel alii propinqui tenentur quidem Sempronium liberare ab extrema necessitate eidem suppetitando media ad vitæ sustentationem necessaria, nisi is aliunde sibi met sufficiat ad procurandam sustentationem congruam: quia secundum dicta n. 276. proximo in extrema necessitate constituto quisvis abundans mediis (quid ni à fortiori consanguineus? &c.) tenetur succurrere. Nihilominus cum Sempronius supponitur nedum sua bona cum dedecore & prostitutione familiæ suæ dilapidasse, & fortassis adhuc plura contraxisse debita, quibus solvendis non amplius

plius par est, judico, quòd ab istis oneribus non teneantur eundem eximere, esto etiam propterea fuisset incarceratus; supponitur enim voluntariè sese coniecisse in talem necessitatem, & quidem cum dedecore suæ familiæ; tum etiam quia consanguinei sinè permagna difficultate non poterunt eum liberare &c. Et quis, amabo! prudenter obligabit consanguineum, imò, & Parentem, ut filium, quem longa consuetudine expertus fuit omnia dilapidare & abligurire, etiam cum detrimento & prostitutione suæ familiæ, quis inquam talem obligabit, ut eundem post dilapidatam substantiam sibi competentem, & post contracta fortassis plura debita, redimat à vexa creditorum vel à carcere?

CASUS TERTIUS.

Caja paupercula multum conqueritur, quòd jamjam extrema paupertate & indigentia prematur; partim quia Marito suo non permittitur, ut suum opificium liberè exercent; partim etiam, quia stante moderna ordinatione non amplius fas est mendicare: & licèt de communi pauperum cassa singulis septimanis recipiat aliquot crucigeros, hanc tamen eleemosynam ait nequaquam sufficere ad procurandum victum, sibi, quinque prolibus, & Marito necessarium, multò minùs ad solvendum censum pro habitatione, ad ligna, luminaria, & alia hujusmodi procuranda: his de causis nedum con-

queritur, sed potius murmurat mirum in modum contra illam constitutionem, vi cuius prohibitus fuit conquestus eleemosynarius. Queritur jam 1. an Caja quærelæ sint justæ? 2. quid eidem à Confessario fuerit consulendum?

288

R. Ad primum quæsitum, Cajam non justè, sed malè fuisse conquestam, & pejus adhuc murmurâsse contra illam constitutionem, vel potius contra illius auctores. Ratio est: quia dicta constitutio sapienter omnino fuit facta, tum ad tollendam hominum inertium ignaviam & desidiam, tum etiam ad stimulandam eorum solertiam: experientia enim docuit, quamplures illa facultate libera mendicandi fuisse abusus ad ignaviam, otium, imò & alia graviora vitia, qui, tametsi potuissent laborando sibi procurare necessaria, maluerunt tamen mendicando id præstare, quatenus possent liberiùs indulgere otio. Quare cùm hujusmodi fæx Reipublicæ sit summo opere nociva, & ex libera facultate mendicandi passim omnibus, etiam vagabundis plerumque vitiis deditis, concessa, teste experientia nata sint sequi plurima incommoda & damna Reipublicæ, meritò fuit introducta memorata constitutio, vi cuius ex communi pauperum cassa jubetur subveniri verè indigentibus. Videatur de hoc Herincx *cit. disp. 12. n. 30. & 31.*

289

R. Jam ad 2dum quæsitum. Caja à Confessario jubeatur quærere primum Regnum Dei

Dei & justitiam ejus , scilicet observando mandata , Deum super omnia amando , præ oculis habendo , & rogando &c. unà cum suis prolibus , & firmissime sperando in divinam providentiam , quæ juxta infallibile promissum Christi Domini *Matth. 6. v. 33. eis adjiciet omnia necessaria.* 2. Edoceatur , illam constitutionem , quantumvis odiosa videatur pauperibus , non fuisse factam sinè verè gravibus & ponderantibus motivis mox allegatis , ideòque jubeatur nedum omnem malevolentiam deponere , sed deinceps etiam cavere ab omni detractioe & disteriis &c. 3. Eidem bene inculcetur , neque Principem , neque Magistratum aut Rempublicam teneri ad simpliciter , & quidem gratis omnino , sustentandas integras familias ; neque enim hoc foret possibile : sed solum ad succurrendum indigentibus pro possibili : principalem verò curam providendi de necessariis tum sibi , tum uxori etiam & prolibus , tam jure naturali , quàm etiam civili incumbere Patri-familias , qui , si non permittatur liberè suum opificium exercere (prout sanè justissimè prohiberi potest multis , præsertim extraneis) conari debet alio labore conveniente sibi suisque lucrari panem , & interim suam inopiam tantò libentiùs ferre , quantò liberiùs prævisa hac indigentia & impossibilitate se , uxorem ac proles nascituras alendi , in talem necessitatem sese conjecit , dum matrimonium iniit.

At verò, inquires adhuc : quanta hæc est miseria, vel potius immisericordia, quòd pauperes extranei præsertim, qui ob amorem fidei seu veritatis Catholicæ, Patria, Parentibus, quin & melioris fortunæ spe contemptis, aut certè postpositis ad civitatem Catholicam confugiunt, fidem Catholicam hæresi abjuratâ profitentur, & ferventissimè Deo servire noscuntur, nihilominus non solum congruam sustentationem obtinere nequeunt, sed potius hac civitate relicta aliò, vel omnino in patriam redire jubentur, utique non sinè evidenti periculo denuò reinci-dendi in antiquam hæresin?

290

R. Ex supposito, quòd talis homo revera amore veritatis duntaxat professus fuerit Catholicam fidem, & in hac Deo ferventer servire noscatur, malè procul dubio facturum, quisquis eundem compulerit ad deserendam civitatem vel locum Catholicum, & ad redeundum in patriam; quia cum talis homo nedum jure naturali, sed & divino teneatur manutenere veritatem semel agnitam, nec non de sibi ad vitæ corporalis sustentationem necessariis providere, profectò nedum contra charitatem proximo debitam, sed etiam contra justitiam peccare convincitur, quisquis hujusmodi pauperculo vitæ subsidia nedum è communi pauperum cassa negat, sed insuper prohibet, ne mendicando charitativum subsidium hinc inde quærat, vel quod
adhuc

adhuc pejuse est, eundem compellit ad redeundum in Patriam acatholicam, non sine evidenti periculo salutis æternæ. Rationem hujus liquidò colligere fas est ex hæcenus dictis: quia constituto in extremo vel certè gravissimo periculo nedum tenemur virtute charitatis pro viribus succurrere, sed insuper virtute justitiæ obstringimur eundem non impedire, quò minùs mediis licitis sibi comparet necessaria ad salutem animæ vel etiam corporis.

At verò, quòd subinde cum similibus solito rigidiùs procedatur, fortassis in causa est: quia pauci reperiuntur, qui præcisè amore veritatis seu fidei Catholicæ ducti hanc profitentur: plurimi è contrà deprehenduntur, qui ob alia motiva profana, utputa ob sustentationem, ampliorem promotionem & similia potiùs simulant, se velle accedere Ecclesiæ, re ipsa autem semper manent Catholici tepidi, imò nullius prorsus valoris, utpote otio, aliisque vitiis dediti, existimantes sibi deberi commodam sustentationem apud Catholicos vel ideò duntaxat, quòd fidem Catholicam fuerint saltem pro foro externo amplexi; unde etiam hac negata non rarò audiuntur nedum conqueri, sed potiùs minitari, quòd velint denuo velut canes reverti ad vomitum, seu amplecti hæresin semel abjuratam, minimè adverrentes, quòd ex tali relapsu sibi potiùs, quàm Eccle-

fiæ aut veræ fidei noceant. Sapienter proin-
omnino fit, dum in talium vitam ac mores
exactiùs indagatur, quatenus veris fidei ac
veritatis Zelatoribus opportunò charitatis
subsidio subveniatur, aliis verò hypocritis id,
quod minimè debitum, subtrahatur. Vi-
deantur de hoc Bonacina *disp.* 3. *de char.* q. 4.
pu. 6. n. 19. Babenstuber *tr.* 5. *disp.* 1. *art.* 5.
n. 23. vel Herincx *part.* 3. *tract.* 1. *disp.* 12.
num. 30.

§. III.

Corollaria ex dictis inferenda.

- 291 Colliges ex hætenùs dictis primò, à Con-
fessario modestè adhortandos, vel, ubi
opus fuerit graviùs objurgandos esse illos di-
vites, qui mediis & pecuniis abundantes pre-
tiosa quæque recludunt in suis cistis, paupe-
ribus verò charitativa vitæ subsidia negant,
prout multorum perversa praxis, vel potiùs
avaritia fert. Ratio hujus desumitur ex illo
Apostoli 1. *Timoth.* 6. ubi ait: *divitibus bu-*
jus sæculi præcipe (NB. non dicit consule) -
facile tribuere: ergo si huic obligationi no-
lint satisfacere, Confessario debent modò
congruo ejusdem admoneri vel omnino re-
dargui. Hinc noster Henno *tr. de virtut.*
disp. 6. q. 12. *conclus.* 3. *Resolut.* 2. non abs-
re ait: Confessarios, qui hujusmodi homi-
num Confessiones excipiunt, se suosque pœ-
niten-

nitentes perdere, nisi seriò de illorum obligatione ipsos moneant.

Colliges 2dò, quàm Deo & naturæ hu- 292
manæ sint exosi divites illi, præsertim Eccle-
siastici, qui tempore publicæ necessitatis gra-
naria frumentis redundantia reclusa tenent
sub spe majoris pretii aut lucri; quibus *Pro-*
verb. 11. haud immeritò dicitur: *qui abscon-*
dit frumenta, maledicetur in populis; Bene-
dictio autem super caput vendentium. Ità Ca-
stropalao *tr.* 6. *disp.* 2. *pu.* 5. Kreslinger *in*
addit. post. n. 42. *ad tr.* 4. *dist.* 6. *theol. mor.*
R. P. Reiffenstuel. Henno *loc. cit.* *Resol.* 3.
qui mox *Resolut.* 6. ulteriùs subdit læthalis
culpæ reos esse illos, quibus ob vestium pompam,
epulas frequentiores & splendidiores, ædium
magnificentiam, ludos immoderatos, curio-
sitis lenocinia, & equorum multitudinem,
nihil superest dandum pauperibus; quia reve-
ra substantiam pauperum devorant: nam jux-
ta D. Thomam 2. 2. q. 66. art. 7. Res, quas
aliqui superabundanter habent, ex naturali
jure debentur pauperum (NB. non canum aut
equorum superfluum) sustentationi, &
rursus q. 78. art. 1. ad 4. ait idem Doctor An-
gelicus: *Dominus non solum decimam par-*
tem, sed omnia superflua jubet exhiberi pau-
peribus.

Colliges 3tiò, Medicos & Chyrurgos, 293
qui pauperibus graviter decumbentibus, eò
quòd solvendo non sint, operam suam negant
finè

finè graviori & iustâ causa, graviter peccare: idipsum tenendum est de Medico spirituali, præsertim ex iustitia obligato, uti sunt DD. Parochi & Pastores animarum; nec non de Advocato, qui renuit gratuito suscipere patrocinium pauperis, non habentis alium, à quo in iudicio defendatur, dum miser versatur in gravipericulo, v.g. ne injustè damnetur capitis vel ad triremes vel ad carcerem perpetuum &c. Ratio colligitur à simili; sicut enim is, qui negat subsidium ex bonis sibi superfluis proximo graviter indigenti, eum non diligit opere & veritate, ita nec ille, qui denegat alia auxilia citra suum detrimentum, præstabilia. Aliud dicendum foret, inquit Sylvester *Verb. Advocatus n. 11.* Si Advocatus ipse (idem hic de Medico & Chyrurgo) esset tam pauper, ut gratis patrocinari non possit. Videatur Laymann *lib. 2. tr. 3. c. 6. n. 5.* vel Bonacina *de charit. q. 4. pu. 6. n. 9.*

Ad quid, si pauper lethaliter decumbat, simulque moraliter certò prævideatur, fore, ut pristinae sanitati restituatur, casu quo eidem pharmaca pretiosissima applicarentur: è contra verò fore, ut moriatur, si eidem applicentur minùs pretiosa & minùs efficacia, tenebiturnè Pharmacopola præsertim dives, vel alii bene habentes cum magnis etiam sumptibus similia gratis administrare vel procurare?

n. 8. Laymanno *cit. n. 4. Sporer tr. 3. in decalog. c. 6. n. 51.* Negativè. Ratio est. quia ipsemet infirmus quantumvis potens & mediis abundans, vi charitatis sibi debita non teneretur magnam summam expendere in ejusmodi media extraordinaria, sed satisfacit huic præcepto utendo mediis ordinariis: ergo multò minus tenetur alius quantumcunque dives eidem gratis subministrare medicamenta tam pretiosa & hoc ipso extraordinaria. Obeandem rationem nemo tenetur pro salvanda vita proximi, quam inimicus injustè, vel à fortiori Judex justè adimere tentat, expendere valde notabilem summam v. g. centum aut plures aureos; secus enim facilè contingere posset, ut passim inimicus suum adversarium conaretur redigere ad eas angustias, in quibus alter bene habens cogeretur pro eodem magnam expendere summam. Excipit tamen Sporer; nisi persona in tali necessitate constituta sit conjunctissima, ut filius Patri aut Matri; quia talem etiam aliquot millibus existimat redimendum, si statui vel sunt superflui, vel non admodum necessarii. Verùm hic casus erit rarissimus; nec dubium, quin etiam in hoc omnibus bene perpensis dari possit causa excusans v. g. Parentem, quo minùs filium degenerem liberet.

Colliges, denique 4tò, vi magni mandati de diligendo scilicet proximo nos dun-

taxat

taxat adstringi ad succurrendum in quantum moraliter, id est, sinè permagna difficultate possumus, & proximus indiget: tum quia charitas utpote benigna, non obligat ad moraliter impossibile; tum etiam quia non obligat, nisi proximus supponatur constitutus in aliqua necessitate: ergo ubi vel deficit necessitas, vel occurrit moralis impossibilitas, cessat obligare charitas. Ex quo facile liquet, quòd si proximus eget duntaxat usu rei v. g. usu equi vel navis vel etiam vestis &c. ad evadendum periculum ex injusta persecutione sibi imminens, non tenearis eidem dare dominium equi aut vestis &c. sed satisfacias dando solum usum. Videatur Laymann *cit. n. 6.* Castropalao *ubi supra punct. 4. n. 1.* vel Babenstuber *tr. 5. disp. 1. art. 5. n. 18.*



CONFERENTIA DECIMA.

De Correctione Fraternali.

S U M M A R I U M.

296. Nomine Correctionis Fraternalis intelligitur monitio charitativa ad emendationem proximi.
 297. Quæ non tantum lege naturali, sed & divina positiva debetur proximo delinquenti vel erranti &c.
 298. Suppositis tamen nonnullis circumstantiis;

299. Un-

299. Unde hoc præceptum omnes quidem obligat, sed non omnes æqualiter.
300. In modo corrigendi per se loquendo observandus est ordo à Christo Domino præscriptus;
301. Nisi ex certis circumstantiis prudentia aliud dicet.
302. Superiores Religiosi justè possunt præcipere, ut Frater Fratrem, socius socium delinquentem immediate denunciaret sibi, Superioribus scilicet, quando delictum tale est, ut inde publica infamia vel damnum possit redundare in totam Religionem.
303. Non item quando delictum nemini, præterquam ipsimet delinquenti nocivum est, simulque sperari potest fructus ex correctione Fraterna; Excipe rursus:
304. Nisi talis Religiosus supponatur sponte renunciâsse juri in suam famam &c.
305. Quidnam Superiori agendum, casu quo is intelligit, delictum aliquod prætermissa correctione Fraterna sibi immediate fuisse delatum?
306. Resolvitur Casus I. cujusdam famulæ, referentis suspectum lascivum commercium filiæfamilias cum suo proco;
307. Quæ à Confessario eò adigenda fuit, ut pro possibili illud impediret.
308. Secus dicendum, si moraliter loquendo id non potuisset.
309. Resolvitur Casus II. cujusdam Mariti, gravati uxore ac famulo vitiis admodum deditis.
310. Utrum vel quomodo ancilla teneatur corrigere Dominam, vel etiam famulum vitiis deditum?
311. Quid si Maritus vel alius Superior supponatur eidem vitio subiectus cum uxore aut subdito?
312. Quanam cautelæ observandæ sint præsertim Religioso, cogitanti alium denunciare suo Superiori?
313. Resolvitur Casus III. cujusdam Religiosi dubitantis, an teneatur suum Confratrem immediate denunciare suo Superiori.

314. Et quid, si hoc statutis particularibus vel generalibus ejusdem Religionis præcipiatur.
315. Hoc præceptum de Correctione fraternæ utpote affirmativum duntaxat, non obligat pro semper, ideoque nonnunquam prudenter potest, imò debet differri correctio.
316. Nihilominus per se loquendo tantò obligat strictius, quantò delictum est majus vel perniciosius etiam soli delinquenti.
317. Religiosis sæpiùs incumbit, quàm sæcularibus obligatio corrigendi proximum etiam venialiter tantum delinquentem.
318. Idque à fortiori intelligendum est de Superioribus Ecclesiasticis & Religiosis.
319. An subditus, animadvertens à Superiore dissimulari aut prætermitti correctionem fraternam, teneatur illam supplere?
320. Concionatores volentes è suggestu corrigere aut carpere vitia populi, uti debent magna discretionem & circumspeditionem.
321. Nemo tenetur proximum fraternè corrigere, nisi certò constet, eum deliquisse.
322. Neque etiam in casu, quo dubitatur, sitne correctio privata & fraternæ profutura potius, quàm obfutura;
323. Nisi delinquens supponatur constitutus in mortis articulo, & de salute æterna periclitari.

§. I.

Præmittuntur, & breviter resolvuntur quæsitæ, scitu necessaria ad debitè resolvendos casus practicos de Correctione fraterna.

Quæres primò, quid sit correctio fraterna?

296

R. Nomine Correctionis fraternæ intelligitur monitio charitativa proximi ad emendandum.

dandum, vel etiam impediendum ipsius peccatum. Ita *in re communis DD.* esto in modo hujus descriptionis non nihil variant. Dicitur autem monitio charitativa; tum quia à charitate præcipitur; tum etiam quia corrigens debet duci motivo charitatis, ad emendationem scilicet & ad bonum spirituale proximi, non verò ad ejusdem punitionem, uti facit Judex.

Dicitur 2. *ad emendandum, vel impediendum peccatum &c.* tametsi enim ordinariè correctio fraterna fieri non soleat, imò nec debeat, nisi proximus jam peccaverit, juxta illud Christi Domini *Matth. 18. Si peccaverit in te frater tuus, corripe eum &c.* quia tamen hoc præcepto nil aliud intenditur nisi bonum animæ, prout *loc. cit.* patenter innuitur; hinc rationabiliter omnino fieri potest ac debet, casu quo proximus prævidetur lapsurus, nisi moneatur, aut corrigatur; quòd vel maximè etiam Superioribus Religiosis observandum est, ubi prævidet delictum subditi &c. &c.

Quæres 2dò, utrum correctio fraterna cadat sub præceptum vel potius sub consilium duntaxat.

R. Cadit sub præceptum & non tantum sub consilium. Ita rursus *communissimè DD.* Enimverò Christus Dominus absolutè dicit *Matth. 18. Si peccaverit in te frater (id est proximus) tuus, vade, & corripe eum.* R. P. Elbel, Pars II. de Fide &c. Y tio

tio est: quia lumen naturale dicitur, subveniendum esse proximo nedum in corporis, sed etiam in animæ necessitate constituto, eò præsertim, quòd hujus semper major sit ratio habenda, quàm illius. Unde non immeritò R. P. Paulus à S. Stephano in sua *Theologia morali de charit. tr. 3. disp. 3. dub. 3. §. 2. n. 34.* ait: *Miror, quomodo* (verba Christi mox relata) *ab aliquibus dicantur solum esse consilii & non præcepti, cum eorum praxis servanda sit vi legis naturalis.* Videatur de hoc noster A. R. P. Marinus Panger lib. 4. de *pœnit disp. 5. q. 4. n. 43.*

Quæres 3^{tiò}, utrum hoc præceptum obliget in omni casu, vel verò in quibusdam duntaxat circumstantiis?

298 R. Non obligat in omni casu, sed in certis duntaxat, quando scilicet simul concurrunt sequentes circumstantiæ. 1. Quando certò constat de peccato vel periculo spirituali proximo imminenti. 2. quando simul probabile est proximum se non emendasse, neque emendaturum præcisâ correctione fraterna; quia eleemosyna egentibus tantum, & non aliis debetur, 3. si alius æquè idoneus non adsit, qui possit, vel omnino debet corrumpere delinquentem. 4. si simul appareat probabilis spes fructûs seu emendationis; cessante etenim fine, cessat obligatio agendi propter finem. 5. denique non teneris proximum corrigere, nisi habeas occasionem, locum, &

tem-

tempus oportunum, possisque sine gravi damno tuo facere: quodsi ex conditionibus aliquid desit, præceptum hoc non amplius obligat, juxta communem DD. videndam apud Busenbaum, Babenstuber, Henno, & alios passim. Id nunc tamen circa hoc advertendum est, quòd, ubi correctio hinc & nunc otiosa quidem, seu frustranea aut importuna, alio tamen tempore magis commoda & profutura prævidetur, non debeat absolute intermitteri, sed tempore aut loco magis oportuno fieri; quia cum tali tempore fructus & finis sperari possit, simulque proximus indigeat, omnino charitas suadet, ut correctio fraterna fiat, quemadmodum etiam elemosyna corporalis vel maxime illo tempore fieri debet, quò proximus potissimum indiget alieno subsidio. Videatur Bonacina tom. 2. disp. 3. p. 4. pu. 7.

Quæres 4to, utrum hoc præceptum obliget omnes æqualiter, an verò unum potius, quàm alterum?

R. Omnes quidem obligat in circumstantiis mox recensitis, at non obligat omnes æqualiter. Ratio prioris desumitur tum ex præcepto Christi, quod nullum eximit à charitate proximo exhibenda, unde etiam Eccli. 17. dicitur Deus *mandavit unicuique de proximo suo* &c. tum etiam, quia omnes sumus commembra ejusdem corporis mystici, quod est Ecclesia: certum autem est ex

legenaturæ, quòd unum membrum teneatur pro possibili succurrere alteri: ergo omnes ad hoc adstringimur. At quòd non omnes æqualiter, sed Superiores præsertim magis obligentur quàm subditi ad invicem, ex eo facilè suadetur: quia subditus respectu sibi æqualis ex charitate tantùm, è contra verò Superiores respectu sibi subjectorum nedum ex charitate, verùm insuper ex iustitia tenentur impedire peccata, consequenter etiam uti correctione fraterna: quod verò de Superioribus dictum, id ipsum dictum intelligas velim de Patrefamilias respectu sibi subjectorum. Vide si placet Palaum *tr.* 6. *disp.* 3. *pu.* 7. *num.* 8. vel Laymann *lib.* 2. *tr.* 3. *c.* 7.

Quæres 4tò, sitnè in correctione fraterna servandus aliquis ordo seu modus?

300

R. Est sinè dubio & quidem per se loquendo sub gravi culpa servandus ordo ille, quem Christus *Matth.* 18. præscripsit, nisi prudentia aliud dictet. Ita primò corrigendus seu charitativè admonendus est proximus in secreto. 2. si hæc admonitio nihil fructificet, ulteriùs corripendus est coram uno aut altero teste: quòd si delinquens neque hoc modo resipuerit, oportet illud delictum denunciari Ecclesiæ, id est, Superiori, non quidem illico tamquam Judici ad punitionem, sed potiùs tanquam Patri ad emendationem delinquentis. Liquet hoc totum ex ipsis verbis Christi

Christi Domini loc. cit. ubi ait: *Si peccaverit in te* (id est, coram te, inquit Paulus à S. Stephano) *frater tuus, vade & corripe eum inter te & ipsum solum: si te audiêrit, lucratus es fratrem tuum: si autem te non audiêrit, adhibe tecum adhuc unum vel duos, ut in ore duorum vel trium testium stet omne verbum. Quod si non audiêrit eos, dic Ecclesiæ, si autem Ecclesiam non audiêrit, sit tibi sicut ethnicus & publicanus.* Ratio autem hujus est: quia debemus famam proximi etiam peccatoris conservare, quantum possumus, quamdiu apud alios est adhuc integra.

Dixi tamen: *nisi prudentia aliud dicet.* 301
Nam in hoc præcepto non minùs, quàm in aliis plerisque magis attendenda est Domini intentio, quàm verba: atqui certum est, intentionem Domini eò collimâsse, ut suaviori modo quò possemus, niteremur proximum delinquentem reducere ad meliorem frugem, ubi autem modus ille suavior prævidetur nihil omnino fructificaturus, adhiberemus paulò duriores, ut puta vel immediatè adhibendo testes, vel illis etiam relictis delinquentem immediatè denunciando Superiori; atque hinc prædictus ordo non est servandus in sequentibus casibus 1. quando crimen est publicum; quia, ut ait S. Augustinus *Serm. 16. de verbis Domini: Ipsa corripienda sunt coram omnibus, quæ peccantur coram omnibus.* 2. Quando crimen est perniciosum Reipubli-

cæ aut Ecclesiæ vel Religioni, estque periculum in mora, ut sunt v. g. proditio civitatis, & crimen hæreseos, & imò cum hæretici utpote pertinaces non soleant corrigi admonitionibus privatis, sæpe sæpius etiam ne quidem publicis; hinc ordinariè prætermissa omni admonitione denunciandi sunt Episcopis, aut Inquisitoribus, præsertim si præsumant dogmatizare: hac de causa S. Thomas 2. 2. q. 33. art. 7. ad 3. dixit: *Quando imminet periculum multitudinis, non habent ibi locum hæc verba Domini*, scilicet de correctione fraterna. 3. item in casu, quo peccatum vestitur certa circumstantia vel ex parte peccantis, vel aliunde, ratione cujus creditur, immediatè deferendum ad Superiorem. 4. denique, quando proximus majoris perfectionis studio renunciavit sponte juri in suam famam contentus, ut suum delictum immediatè denunciatur, Superiori. Ita Henno *tr. de virtut. disp. 6. q. 12. art. 2. conclus. 5.*

Quæres 6to: Utrum quilibet Superior Religiosus possit suo subdito sub gravi culpa vel etiam poena v. g. casus reservati &c. præcipere, ut crimen alterius confratris quantumvis occultè commissum, aliunde tamen, quàm ex Confessione Sacramentali cognitum prætermissa omni correctione fraterna immediatè sibi tanquam Patri manifestet?

302 R. Cum distinctione, potest enim, si crimen de se sit valde scandalosum & pernicio-

niciosum seu etiam diffamatorium totius
 Communitatis, non item 2. si crimen nemi-
 ni præterquam soli delinquenti noceat, si-
 mulque appareat probabilis spes fructus &
 emendationis ex correctione fraterna. Pri-
 ma pars hujus asserti est communiter recepta
 inter Doctores. 2dam verò strenuè propu-
 gnat noster A. R. P. Marinus Panger *lib. 4.*
Sent. de Sacr. Pœnit. disp. 5. q. 4. num. 57.
 referens pro eadem D. Augustinum *Serm. 16.*
de verbis Domini notissimo *cap. si peccave-*
rit 2. q. 1. D. Thomam 2. 2. q. 3. art. 7.
ad quartum. Filliuc. tom. 2. tr. 28. c. 7.
num. 146. Sporer tr. 3. in decalog. cap. 6.
sect. 3. assert. 5. n. 105. Eandem tenent
 Stephanus à S. Paulo *de charit. tr. 3. disp. 3.*
dub. 3. n. 35. Michel. theolog. Canon - mo-
ral. tom. 2. part. 1. q. 3. §. 8. n. 21. ali-
 que plures. Ratio prioris est, quia lumen
 naturæ & ordinata charitas dicat, potio-
 rem rationem habendam esse pro bono to-
 tius communitatis, quàm pro bono homi-
 nis privati: ergo si bonum, id est, fama
 vel honor totius Religionis conservari ne-
 queat, nisi cum aliquali diffamatione seu
 etiam denunciatione hominis privati: pro-
 fectò recta ratio dicat, quòd hic potius,
 quàm tota Communitas debeat pati: atqui
 ubi delictum ex se est valde perniciosum vel
 redundans in detrimentum seu etiam diffa-
 mationem totius Communitatis, aliter ser-

vari non potest honor Religionis : ergo Superior justè præcipit, ut subditus taliter delinquentem immediatè sibi denunciaret: Secus non esset satis provisum bono totius Communitatis Religiosæ. Cæterùm nomine talium delictorum ego intelligo non tantùm illa delicta, quæ *immediatè, per se, & directè* vergunt in perniciem boni publici, uti est v. g. proditio, disseminatio hæreseos, vel etiam falsæ mōnetæ, seminatio discordiarum inter fratres, furtum grave, impugnatio vel machinatio contra institutum, diffamatio seu etiam traductio Superiorum præsertim Generalium, vel Religionis coram aliis præcipuè sæcularibus, consuetudo detrahendi aut susurrandi &c. Verùm etiam illa quæ *indirectè lædunt* totam communitatem scilicet in honore, uti est v. g. lapsus carnis cum altero Sexu, publica ebrietas præsertim coram sæcularibus, discursus scandalosi præsertim in materia luxuriæ, suspectum consortium &c. Enim verò hujusmodi delicta si notoriè fiant, gravissimè labefactant honorem totius Ordinis seu etiam Religionis, vixque fieri potest, ut talis Religiosus scandalosus alios non pertrahat ad sui imitationem, prout bene notârunt Suarez *de charit. disp. 8. sect. 6. n. 12.* & Thomas Sanchez *lib. 6. in decalog. c. 18. num. 50.* ergo cùm cuilibet Superiori nedum permissum sit, sed etiam sub gravi obligatione incumbat, defendere hono-

honorem suæ Religionis, & avertere scandala in populo, planè dicendum est & fatendum, quòd possit justissimè præcipere, ut hujusmodi delicta immediatè sibi denuntientur.

Jam ratio 2dæ partis hujus asserti dari 303
 potest ac debet sequens: quia obligatio correctionis fraternæ nedum in jure divino secundùm dicta n. 297. sed insuper etiam in jure naturæ, utputa in illis principiis: *Diliges proximum tuum sicut teipsum, & quod tibi non vis fieri, alteri ne feceris* &c. fundatur: at quivis Religiosus per se loquendo potest rationabiliter velle & desiderare, ut non immediatè denuntietur Superiori, quando delictum nemini præterquàm sibi est perniciosum, neque etiam hanc denuntiationem exigit bonum publicum, ut de se liquet: ergo cùm lex naturæ Superiorem Religiosum vel maximè etiam stringat, dicendum, quòd, iste nequeat sua auctoritate contrarium præcipere: & contrarium faciendo malè præciperet, si subditus supponatur talis, qui privatam correctionem acceptando sese corrigeret: malè autem præsertim contra jus naturæ præcipienti impunè non pareri, aliunde notum est; nam *obedire oportet magis Deo, quàm hominibus. Act. 5. v. 29.* Porro nomine delicti soli delinquenti nocivi ego intelligo illud, quòd ex se nec proximi aut communitatis læsivum est, neque etiam scandalosum

Y 5

dalosum saltem. in his vel illis circumstantiis, prout universim sunt illa delicta, quæ merum occultè committi solent, uti est v. g. procuratio pollutionis S. V. crapula vel ebrietas facta sinè nota aliorum præsertim sæcularium &c.

- 304 Dixi tamen rursus, *per se loquendo id præcipi non posse* &c. Secus enim dicendum est 1. quando subditi sponte renunciârunt juri suæ famæ, prout in Societate JESU fieri jam suprà n. 30. 1. insinuavimus; nam volenti & consentienti non fit injuria. Secus itidem dicendum est, quando delictum est publicum seu notorium; quia talis subditus ipso factò supponitur amisisse jus in famam suam, esto etiam Kerchove & alii nonnulli contrarium teneant. Secus denique dicendum foret, casu quo rationabiliter prævidetur, correctionem fraternam nihil profuturam, sed potius obfuturam, id quod vel inde haud obscurè colligi potest ac debet, si scilicet delinquens sit homo ferocis seu etiam pertinacis animi, perversæ vitæ, & jamjam inveteratus in sceleribus, aut pluries sinè effectu correctus &c. Videatur Herincx ubi suprà n. 96.

- 305 Quæres 7timò, quidnam Superiori agendum, casu quo is intelligit aliquod crimen merè occultum ad se immediatè fuisse delatum, prætermissa correctione fraterna?

R. In tali casu ipse Superior debet adhibere

bere
dum
ctum
est:
subdi
Quar
juridi
eidem
Herih
discre
tius
pient
runt
bilia,
pressie
maxim
suspici
palpon
detrac
tulo
Præla
tium
Ita De

Præm
su

Tit
fe

bere privatam admonitionem, quemadmodum debuisset, si ipse Superior solus delictum occultum fratris agnovisset. Et ratio est: quia Superior tunc debet supplere vices subditi, qui omisit correctionem fraternam. Quare etiam nequit exinde non convictum juridicè condemnare, esto possit ac debeat eidem sollicitius invigilare, uti bene notat Herihex *cit. n. 94*. Quocirca tamen magna discretione opus est; unde etiam P. Marchantius *tom. 3. tr. 8. sect. 3. q. un. conclus. 3*. Sapienter ait: *videant, qui statim omnia deferunt ad Superiores unde gravamina intolerabilia, subditorum lites, contentiones, & oppressiones parvulorum sequuntur, quod malum maximè hoc tempore regnat, dum in iis, quæ suspicionem vix in rigore causare possunt, palpones, & adulatores audiuntur, imò & detractores, & pacis inimici foventur sub titulo Zeli vigilantiae. Et hic est ferè abyssus Prælatorum, in quam ob clamorem innocentium à Deo præcipites ruere permittuntur.* Ita Doctor *cit.*

§. I.

Præmittuntur, & breviter resolvuntur casus practici de fraterna Correctione proximi.

CASUS PRIMUS.

Titia famula Confessario consilii causâ refert, quendam procum valde frequenter tempo-

tempore nocturno venire ad filiamfamilias sui heri, insciis omnino Parentibus : qui proculus, cum aliâ via ad cameram suâ amariæ pervenire non possit, semper solet transire per cameram Titia, hæc verò, quia sibi facile persuasit, eos non convenire animo vacandi precibus, sed potius libidini, nuper subducto pessulo suæ cameræ eidem proco interclusit aditum, quod dum altero die filiafamilias per procum intellexit mirum in modum irata, Titiam increpavit, jurejurando asseverans se eam durius adhuc tractaturam, si deinceps vel pessulum subducere præsumeret, vel de hisce conventiculis nocturnis cuipiam mortalium aliquid manifestaret : timet proin Titia hinc durio rem tractationem, eò præsertim, quod dicta filiafamilias sola quasi totam domum gubernet ; illinc verò Dei offensam si protinus omnia dissimulet ; quam ob rem postulat scire, an tuta conscientia possit similia dissimulare & permittere, aut quid sibi agendum.

306

R. Ad hunc Casum, quòd si Titia revera sinè periculo gravis sui detrimenti, seu etiam durioris tractationis, rixarum &c. nequeat hujusmodi conventicula impedire, possit tutâ conscientia rem totam dissimulare & permissivè se habere ; tum quia admonitio seu etiam correctio charitativa prævidetur nihil fructificatura ; tum etiam quia sola charitas neminem obligat ad impedienda peccata alterius, nisi id facere possit sinè per-

pergra
si Titia
cula
dis, p
conve
nullat
illa, u
do le
illoru
tatori
rendo
paulò
deatu
n. 48
Reiffe
D
vis d
cula
casu
ut co
mula
est,
prod
tiori
ciat
vigil
tali t
mine
&c.
bet
scand

pergravi aut notabili suo incommodo : ergo si Titia supponatur non posse illa conventicula impedire sinè prætenſis illis incommodis, poteſt tutâ conſcientia in ordine ad illa conventicula ſe habere merùm permiſſivè, nullatenus tamen poſitivè concurrente ad illa, utputa proco aperiendo januam, cedendo lectum ſuum in ordine ad concubitum illorum, vel etiam litteras amatorias, invitatorias &c. ab una parte ad alteram deferendo, prout ampliùs conſtabit ex dicendis paulò inferiùs, ubi de ſcandalo à n. 362. Videatur de hoc R. P. Krefſlinger addit. 3. poſt n. 48. ad tr. 4. diſt. 6. Theol. moral. R. P. Reiſſenſtuel.

Dixi tamen : Si Titia ſinò periculo graviſ detrimenti nequeat bujuſmodi conventicula impedire : non enim video, cur in tali caſu res non poſſet intimari Parentibus, ità, ut complicibus minimè innotefcat, ſe à famula fuiſſe proditos : non enim neceſſum eſt, ut Titia immediatè per ſe ipſam illos prodât, ſed ſatis erit, ut modo meliori ac tutiori ſivè per ſe, ſivè per alium commoneſciat Parentes, quatenus paulò ſolertiùs invigilare velint ſuæ domui, præſertim tali & tali tempore, ſcilicet nocturno, quò ipſis imminere videtur periculum detrimenti &c. &c. Quò factò deinceps Parentibus incumbet præſcindere ocaſionem, & impedire ſcandala &c.

Ad

Ad quid, si talis famula respondeat Confessario: P. Reverende, jam semel monui Parentes, at illi nolunt impedire, vel interdicere filiae hanc familiaritatem; vel quia procum, de quo habent magnam dependentiam timere debent, vel etiam quia libenter viderent, si idem proculus filiam duceret in uxorem: potestne hoc supposito famula permitti, ut deinceps rem omnem dissimulet?

308

R. Potest sine dubio permitti, ut merum negativè se habeat, non item positivè, ut jam dictum est. Ratio hujus faciliè eruitur ex jam dictis; quia famula non tenetur ex justitia impedire hujusmodi peccata, sed ex sola charitate: atqui hujus debito jam satisfecit admonendo nedum filiam, sed etiam Parentes ipsius; ergo si hi, quibus principaliter nedum ex virtute pietatis ac charitatis, sed etiam justitiæ incumbit impedire talia peccata & conventicula scandalosa, nolint ea impedire, potest famula permissivè se habere, eò præsertim, quòd aliter absque gravi suo incommodo impedire non possit. Væ tamen hujusmodi Parentibus, qui intuitu pinguioris fortunæ aut matrimonii favorabilioris impia commiseratione filiis aut filiabus omnia permittunt, dissimulant, vel quòd adhuc pejus, viam sternunt ad frequentiora conventicula solum inter & solam etiam sub crepusculo, vel omnino tempore nocturno instituenda, non advertentes, quòd dum

hac

hac
prov
sos e
pona
matr
exitu
crim
arde
cum
mon
dio
& al

Sem
j
tam
ac lu
stis;
fimi
qui
lam
dedi
pare
(Ge
Ch
Sem
sibi
aude
bitu
mul

hâc via prolibus quoad temporalia melius
provisum cupiunt, nedum proles, sed se ip-
sos etiam periculo æternæ damnationis ex-
ponant; nam experienciâ teste hujusmodi
matrimonia plerumque malum sortiuntur
exitum, Deo in vindictam præteritorum
criminum justissimè disponente, ut quantò
ardentiùs lascivo amorì indulgentes priùs
cum offensa Dei sese amârunt; postea matri-
moniò jam copulati tantò implacabiliore o-
dio non sinè offensa & afflictione Parentum,
& aliorum scandalo sese persequantur.

CASUS SECUNDUS.

*Sempronius jam pridem advertit suam con-
jugem diversis vitiis ac vanitatibus dedi-
tam, similiter & famulum satis vitiosum esse
ac lubricum nedum in verbis, sed etiam in ge-
stis; quam propterea uxor velut sibi haud ab-
similem magni æstimare, favoribusque prose-
qui assolet pro possibili: è contra verò ancil-
lam modestiæ præ primis, aliisque virtutibus
deditam sæpesæpiùs durioribus verbis incre-
pare, eandemque velut hypocritam seu etiam
(Germanicè loquendo) ein scheinheilige Bett-
Schwester, redarguere assolet. Fatetur proin
Sempronius vir valde honestus, hæc & similia
sibi summopere displicere, nihilominus non
audet corrigere uxorem, eò quòd ab hujus ar-
bitrio quasi tota sua fortuna dependeat: fa-
mulum pariter non vult corripere, eò quia iste
totam*

totam quasi domum gubernat, proptereaque rationabiliter timet, ne correctus vel correctus abeat vias suas in præjudicium totius rei domesticæ. Quæritur jam Theologus, an Sempronius ex modo allegatis motivis tutâ conscientia possit dissimulare correctionem fraternam seu charitativam tam respectu famuli, quàm uxoris etiam?

309

R. Sempronius nequit in hoc casu tutâ conscientia omnem correctionem etiam charitativam dissimulare; certum quippe est, quòd Maritus ceu Caput Mulieris *ad Epbes. 5. v. 23.* teneatur hanc nedum ex charitate, verùm insuper ex justitia corrigere pro possibili: nec dubium quin & famulum sin minus ex justitia, saltem ex charitate corrigere vel potius corripere teneatur, quantum moraliter potest. Neque verò ab hoc opere tam faciliè absterri debet; certum quippe est, quòd quemadmodum honestas & Sanctitas vitæ alicui familiæ Dei benedictionem, è contrario vita scandalosa etiam unius duntaxat vel alterius personæ maledictionem supra integram domum aut familiam attrahere soleat, veluti Scriptura sacra nos docet exemplò Putipharis, cujus domui Dominus benedixerat propter innocentiam Joseph *Genes. 39. c. v. 5.* & exemplò Heli *1. Reg. 2. v. 22. & 31.* cujus domum Deus gravissimè castigavit ob neglectam ab eo filiorum correctionem, de quo D. Gregorius *2. part. Pa-*

stor.

stor. c. 6. ait : *Quia enim falsa pietate superatus ferire Heli delinquentes filios noluit, apud districtum Iudicem semetipsum cum filiis crudeli damnatione percussit.* Videatur de hoc Castropalao tract. 6. disp. 3. punct. 7. n. 8.

At inquires, teneturne etiam Ancilla in tali casu Dominam suam vel famulum corrigere ?

R. Non tenetur, Ratio est : quia præceptum de fraterna correctione cessat obligare casu quo, hæc certò prævidetur nihil profutura, vel datur alius, qui efficacius delinquentem dehortando fraternè corrigere potest ac debet : atqui in nostro casu datur alius : scilicet herus, cui primariò incumbit corrigere Dominam & famulum : & certè correctio seu etiam admonitio charitativa famulæ in his circumstantiis non solum nihil prorsus fructificaret, sed potiùs subministraret majoris odii, indignationis & rancoris fomenta, vi cujus Titia meritò timeret graviores persecutiones : atqui ubi hujusmodi circumstantiæ occurrunt, prudenter omnino correctio fraterna intermittitur. Hac de causa D. Augustinus relatus cap. si quis dist. 7. de pœnit. dixit : *Si scirem, meam correctionem tibi non prodesse, silerem, non monerem &c.* Illud nihilominus consulerem tali ancillæ, ut protinus satageret Sanctæ conversationis exemplò potiùs, quàm verbis

R. P. Elbel, Pars II. de Fide &c.

Z cor-

corrigere suam Dominam; cùm enim exempla nedum movere soleant (uti verba) sed potius trahere, profectò plus emolumenti spiritualis sperare licet exhibitione boni exempli, quàm exhortatione verbi: juvabit insuper jugi obsecratione apud Deum instare pro conversione errantium, quatenus Deus omnipotens, in cujus manu corda nostra sunt, velit potentiâ dexteræ suæ eos reducere ad meliorem frugem.

Dices adhuc. Sed quid, si Maritus (idem quæri potest de Parente respectu filii, & de quocunque Superiore seu etiam Prælato respectu sui subditi) supponatur subjectus eidem vitio, cui uxor est debita, tenebiturnè nihilominus eam corrigere?

311 R. Affirmativè. Ita cum communi DD. Filliuc. *tr.* 28. c. 5. n. 123. Castropalo *tr.* 6. *disp.* 3. *pu.* 7. n. 3. Herincx *ubi supra disp.* 12. n. 69. Ratio est: quia propter peccatum nemo eximitur à lege divina: atqui correctio à Superiore debetur inferioribus ex lege divina naturali: ergo &c. Et hoc potissimum tenendum est de peccatoribus occultis, quorum delicta à subditis non sunt cognita. Fatendum tamen est peccatores notorios minùs esse aptos ad correctionem aliorum delinquentium; timere etiam debent, ne à subditis, quos corrigere volunt, eisdem dicatur: medice cura te ipsum. Unde etiam S. Gregor. *in Pastor & post Eum.* D. Bernardus

duſ Serm. 2. poſt Paſcha ait : Quorum vita deſpicitur, neceſſum eſt, ut & prædicatione con- temnatur. Et licet vi hujus præciſe præcepti (de correctione fraterna ſcilicet) nullus quantumvis malitioſus teneatur ſpecialiter à vitiis abſtinere & virtutum ſtudio incumbere : quemadmodum nullus, qui bona ſua diſſipavit, tenetur comparare ſibi divitias eo fine, ut poſſit dare eleemoſynam indigentibus ; certum nihilominus eſſe debet, Prælatos, quibus ex officio incumbit ſaluti ſubditorum invigilare, vi muneris hujus arctius adſtringi ad virtuoſam vitam, quatenus efficacius ſibi commiſſos in viam ſalutis dirigere, vel ubi opus fuerit, etiam corripere valeant ; uti bene advertit noſter P. Herincx part. 3. tr. 1. diſp. 12. n. 69.

CASUS TERTIUS.

Cajus Religioſus optimæ quidem voluntatis ſed exigui intellectûs, conſilii cauſâ venit ad ſuum Confeſſarium, aſſerens, ſe nuper viſiſſe alium quemdam è Confratribus graviter excedentem nedum contra regulas temperantiæ, ſed etiam Religioſæ modeſtiæ in loquendo & converſando cum perſona alterius ſexûs, proptereaſque vehementer dubitare, an non teneatur Superiori ſuo ſimilia immediate intimare in ordine ad præcavenda ſcandala : quid Confeſſarius huic dubitanti reſpondebit ?

312 Ante responsionem directam Confessarius bene notet, in his & similibus casibus multa prudentia ac discretione opus esse; nam ante omnia debet attendere ad qualitatem personæ denuntiandæ, an scilicet sit bonæ vel malæ famæ? an nunquam de tali delicto accusata aut certè suspecta fuerit? itemque vel maximè, an appareat spes alicujus fructus seu etiam emendationis ex correctione fraterna; nam si sit persona superba duræ cervicis, & proterva, quæ non tam ex fragilitate, quàm pravitate & malitia peccare solet, minor erit spes correctionis seu etiam emendationis; secus, si sit persona non proterva, sed docilis aut simplex, quæ potius ex ignorantia, inadvertentia malitiæ, seu etiam levitate peccavit. 2dò, advertendum etiam est ad qualitatem delicti, an scilicet ex se sit valde scandalosum, & in his vel illis circumstantiis redundans in diffamationem totius Religionis? an verò soli delinquenti nociturum & omnino mansurum occultum? &c. 3tiò, insuper debet Confessarius attendere ad qualitatem illius, qui vult denunciare, an scilicet capax sit ad adhibendam correctionem fraternam nec ne? &c. Jam his omnibus suppositis, & bene ponderatis.

313 R. Ad speciem hujus facti, vel potius ad dubium propositum cum distinctione. Si enim excessus ille contra regulas temperantiæ &

& honestatis commissus sit merùm in occulto, ita ut rationabiliter credi possit, illum in nullius, præterquam ipsius delinquentis damnum ac detrimentum reduntaturum, simulque (spectata qualitate tum personæ corrigentis, tum etiam corrigendæ) appareat probabilis spes emendationis ex fraterna admonitione, tunc Confessarius suo clienti debet consulere ac præcipere, ut per se ipsum bello modò fratrem lucrari & corrigere conetur, minitando etiam, quòd si deinceps simile quid videret, illud vellet aliis, quorum interest, deferre &c. Quodsi Confessarius prudenter judicet, consultius esse, ut ipsusmèt delinquentem charitativè moneat, procul dubio magnum charitatis opus præstabit, dum conabitur lucrari fratrem suum.

At verò, si ex parte corrigendi nulla vel exigua prorsus appareat spes alicujus emendationis, vel si fama delicti jam usque eo invaluit, ut credatur proximè idem delictum divulgatum iri cum prostitutione totius Ordinis, Monasterii, aut Religionis &c. simulque ex denuntiatione immediatè ipsimet Superiori facta præcaveri posse huic prostitutioni, Confessarius hujusmodi clientem nēdum potest, sed etiam tenetur obligare, ut immediatè rem deferat ad Superiorem non quidem tanquam ad Judicem, sed velut ad Patrem spiritualem, prætermissa omni correctione

rectione fraterna, ob rationem jam supra n. 302. datam: quia scilicet ordinata charitas postulat, ut honor & fama totius Communitatis præferatur honori vel famæ hominis privati, præsertim ubi ex taciturnitate aut dissimulatione publicum scandalum est timendum. Videantur de hoc Sayrus *in clau. Reg. lib. 11. c. 4. n. 4.* Kerchove *in statut. general. c. 6. §. 2. n. 57.* Stephanus à S. Paulo *ubi supra §. 2. n. 35.*

At, inquiet fortassis nonnemo, vi statutorum generalium quivis subditus tenetur delicta gravia sui confratris quantumvis occulta, modò extra confessionem Sacramentalem cognita, prætermissa omni correctione fraterna Superiori suo tanquam Patri in ordine ad correctionem immediatè denunciare: ergo Confessarius tenetur talem subditum obligare ad immediatam denunciationem, effo etiam supponatur, quòd hâc præcisa delictum nunquam prorsus patefieret, vel aliis innotesceret?

- 314 R. in primis, hoc statutum hodie neque in nostra Provincia, neque etiam in tota familia Nationis Germano-Belgicæ vigere, & certè de hoc nihil prorsus, sed contrarium potius in iisdem legitur prout advertit noster A. R. P. Marinus Panger *lib. 4. de penit. q. 4. n. 92.* Datò tamen & supposito, quòd in tua Provincia hoc vigeat (salvò meliori iudicio) breviter respondendum arbitror, quòd quidem

quidem Confessarius talem clientem teneatur obligare ad denunciandum, quando delictum tale est, ut ex se, vel ex circumstantiis, in quibus fuit commissum, natum sit redundare in publicam infamiam & detrimentum totius Communitatis, non item si sit tale, quod nunquam redundabit nisi in detrimentum solius delinquentis secundum dicta paulò superius n. 303. Ratio prioris est: quia, si statutum supponatur obligare duntaxat ad denuncianda delicta toti communitati perniciofa &c. omnino justum est & saluberrimum: iusto autem Superioris mandato obtemperandum esse, aliunde constat: ergo &c. Nec refert, quòd tale delictum v. g. imprægnatio fæminæ præcisâ tua denunciatione maneret omnino occultum: quia lex fundata in præsumptione periculi communis (uti est hæc) non cessat obligare ex eo, quòd in casu particulari per accidens communitati nullum sequatur periculum, veluti diximus in *tract. prælim. de actib. human. confer. 15. num. 417.*

Ratio autem posterioris colligi potest ac debet ex dictis n. 303. quia statutum obligans ad immediatam denunciationem delicti, quod in solius delinquentis damnum redundat &c. non est justum, utpote contrarium legi naturali ac divinæ positivæ. Hac de causa P. Panger *loc. proximè cit.* existimat, illud statutum (de quo fusiùs R. P. Reiffenstuel

lib. 5. decret. tit. 1. §. 2. n. 70. pro altera familia conditum & videndum c. 10. §. 1. n. 2. & 3. vi cujus fratres, cum primum ad conventum redierint, jubentur sociorum suorum excessus notabiles, si quos commiserint, Guardianis atque Superioribus secretò insinuare, etiam sine pravia monitione delinquentis &c. illud inquam statutum esse intelligendum de delictis valde scandalosis duntaxat, qui scilicet ex se nata sunt redundare in infamiam & detrimentum totius Ordinis aut Conventus, non item de illis quæ nemini præterquam soli delinquenti nocebunt, nisi prævideatur, correctionem fraternam nihil prorsus fructificaturam. Et certè S. Thomas hic art. 7. ad 5. docet, quòd si Superior inferioribus præcipiat, ut, qui peccata corrigenda cognoscunt, ea referant (scilicet Superiori) id intelligendum esse salvo ordine correctionis fraternæ à Christo institutæ: id ipsum de similibus statutis tenet Bannes 2. 2. q. 33. art. 8. dub. 2. ad 7. eumque secutus Kerchove in statut. general. c. 6. §. 2. n. 60.

§. III.

Corollaria ex dictis inferenda.

- 315 **C**olliges ex hætenus dictis primò præceptum hoc de correctione fraterna utpote affirmativum duntaxat, non obligare semper & pro semper. Unde omnino consultum est, ut interdum nonnihil differatur, & exspectetur.

ſpectetur tempus magis opportunum v. g. donec delinquens fuerit magis diſpoſitus, vel à paſſione inordinata iræ &c. liber & ſibi præſens. Ex quo facile deducet quiſque prudentum, quàm imprudenter faciat v. g. Uxor, Maritum ſuum corrigens, vel potiùs corripiens & increpans, dum is vel crapulâ tinctus, vel alia paſſione obrutus eſt: quàmque imprudenter faciant alii Superiores quicunque demum ſubditos ſuos actualiter quacunque demum paſſione præſertim vindictæ aut iracundiæ &c. obrutos corrigere tentant &c.

Ratio est: quia cùm finis correctionis non sit alius, quàm emendatio & bonum spirituale delinquentis, de se liquet, hanc non esse adhibendam, nisi probabiliter saltem sperari possit fructus fraternæ correctionis: atqui ubi animus subditi jam est præoccupatus passione prædominante, prudenter sperari nec potest nec debet fructus: ergo in talibus circumstantiis correctio secundùm regulas prudentiæ nedum potest, sed etiam debet intermitti, aut certè in aliud tempus magis commodum differri. Vid. Filliuc. *tr.* 28. c. 6. n. 138. vel Bonacina *disp.* 1. q. 4. pu. 7. n. 9.

Colliges 2dò, præceptum hoc de frater- 316
na correctione tantò strictius obligare, quan-
tò gravius noscitur esse delictum, etiam soli
delinquenti perniciosum; quia cùm nos strin-
gat ad sublevandam proximi indigentis mise-
riam & indigentiam spiritualem, profectò
Z 5 tantò

tantò efficacius obligare debet, quantò amplius proximus noster indiget, & quantò in majori periculo versatur. Quò sit, ut potius teneatur corrigere peccantem mortaliter, quàm venialiter tantùm delinquentem: quin imò ob peccatum veniale præcisè non teneamur corrigere proximum, nisi appareat certa spes fructus, simulque sinè gravi incommodo nostro id facere possimus, quæ duæ conditiones, cum rariùs simul concurrant, eò ipso efficitur, quòd sæculares saltem rariùs teneantur corrigere proximum propter peccatum veniale &c. uti observat Filliucius *lib. cit. c. 5.*

- 317 Dixi *Sæculares saltem.* Fatendum quippe est, quòd frequentius obliget Religiosos quoscunque etiam privatos; quia cum vi professionis nostræ teneamur ad majorem perfectionem, quàm sæculares, peccata autem venialia præsertim crebriùs repetita non modicum ponant obstaculum adipiscendæ perfectioni, de se liquet, quòd teneamur nedum in nobis ipsis, verùm insuper in confratribus nostris pro viribus eliminare has culpas veniales corrigendo seu etiam fraternè admonendo confratrem religiosum. Singulis ergo confratribus pro virili allaborandum, quando spes est alicujus fructus, ut leves quòque, atamen noxias transgressiones præceptorum inter se impedian, inquit rectè Babenstuber *tr. 5. disp. 1. art. 5. n. 33.*

Colli-

Colliges 3tiò , à fortiori Superioribus, 318
 maximè Ecclesiasticis & Religiosis cæteris ar-
 ctiùs incumbere obligationem de fraterna
 correctione respectu subditorum suorum. Un-
 de etiam hi tenentur quandoque vilitare, seu
 in vitam suorum subditorum inquirere; quod
 tamen prudenter & circumspectè faciendum,
 ne aliis detur ansa turbationis aut inquietu-
 dinis sinistrae suspitionis, prout de facili
 contingere posset, si nimis frequenter, præ-
 fertim sine gravi causa in aliquorum vel alicu-
 jus vitam singillatim inquirerent, vel si nul-
 la etiam infamiâ aut indicio probabili crimi-
 nis præcedente vellent inquirere, an iste vel
 iste non commiserit hoc vel illud crimen gra-
 ve. Hac de causa nostra statuta generalia
 c. 6. §. 2. n. 6. expressè interdicunt, ne *Præ-
 lati nostræ Religionis inquirant nominatim de
 peccato alicujus, nisi is Religiosus fuisset in-
 famiæ nota respersus de eo crimine, aut nisi
 essent indicia evidentia, vel probabiliora con-
 tra eum.*

At quid, inquires, si ego advertam con-
 fratrem ob hoc vel illud delictum non corrigi
 nec admoneri à Superiore, tametsi is debe-
 ret, & multò efficacius posset, tenebornè
 ego illum corripere, an verò licet mihi rem
 dissimulare?

R. Teneris illum Confratrem corrigere, 319
 modo sine gravi tuo incommodo id possis, si-
 mulque prævideas tuam correctionem profu-
 turam.

turam. Ita Filliucius *ubi suprà n. 144.* Bonacina *disp. 1. q. 4. pu. 7. n. 6.* Ratio est: quia proximus seu Confrater tuus versatur in necessitate Spirituali, nec habet præter te quemquam, cujus ope ab illa liberetur. Nihilominus cum plerumque Superiores hujusmodi correctionem intermittant, vel quia inde graviora mala timent, vel etiam quia eam nihil prorsus fructificaturam prævident; hinc censeo, hanc obligationem rariùs à Superiore devolvi ad subditum: magna proinde prudentia in tali casu opus est.

320

Colliges 4tò, similiter Concionatoribus volentibus populi vitia corrigere è suggestu, prudenter ac circumspectè procedendum esse; nam in primis diligenter cavere debent, ne Prælatos Ecclesiæ è suggestu publicè corripiant, nisi fortè (quod Deus avertat) docerent hæresim; quia tunc publicum scandalum communitati datum, publicâ refutatione tollendum est, nec privata correctio ad hoc sufficeret. 2. Nunquam ad particularia vitia aut personas ità descendere debent, ut possint ab aliis faciliè agnosci non sinè periculo prostitutionis publicæ seu gravis infamiæ. 3. Præcipuè cavere debent, ne in ordine ad talem correctionem utantur notitia ex sola Confessione Sacramentali hausta; Secus enim auditores, de facili possent scandalizari, persuadentes se propter Confessionem secretò factam publicè fuisse infam-

infamatos aut certè reprehensos, sicque ab hoc salutifero Sacramento absterrentur, prout bene observat Stephanus à S. Paulo ubi *suprà* n. 30.

Colliges 5tò, te non obligari ad correctionem fraternam, quando delictum proximi non est certum, sed dubium duntaxat. Ratio est: quia fraternæ correctionis obligatio supponit in eo, qui vult aut debet corrigere, moraliter certam notitiâ de delicto commisso juxta illud Christi Domini *Matth.* 18. *si peccaverit in te id est, te sciente, vel coram te*, uti communiter exponunt SS. Pastores teste Azorio *tom. 2. part. 2. lib. 12. c. 14. q. 1.* ergo si non sis certus de delicto à proximo tuo commisso, neutiquam teneris illum corrigere, quin potiùs contrarium faciendo temet exponeres periculo vel injuriandi proximum innocentem, aut in te concitandi odium, vel indignationem.

At quid, inquires, si certus quidem sum de delicto commisso, incertus tamen, imò dubius omnino, sitne mea admonitio aliquid profutura, fructificatura, nec ne? teneorne in his circumstantiis correctionem charitativam adhibere?

¶ Non teneris. Ratio est: quia ad instituendam correctionem prudentem supponi debet saltem probabilis spes emendationis, quæ sola est finis hujus præcepti secundum hæcenus dicta: at, ubi ex circumstantiis

tiis personæ, loci, aut temporis &c. rationaliter dubitare licet, sitne correctio fraterna profutura, nec ne, ibi nequit supponi probabilis, sed potius multum dubia spes alicujus fructus: ergo &c. Ita ex *communī DD.* Babenstuber *tr. 5. disp. 1. art. 5. n. 43.*

323

Excipiunt tamen ab hac regula casum, quo talis peccator in mortis articulo constitutus de æterna sua salute extremè periclitatur; tali etenim adhibenda est correctio fraterna & charitativa, tametsi de hujus fructu aut felici eventu rationabiliter dubitetur. Ratio est: quia in hoc casu malum proximo imminens ex intermissa correctione fraterna est prorsus irreparabile: malo autem irreparabili etiam dubia spes alicujus fructus juxta rectæ rationis dictamen præferendum est: ergo tentanda correctio fraterna in hoc casu. Ita tenent Suarez, Bonacina, aliique, quos sequitur Castropalao *tom. 1. tr. 6. disp. 3. pu. 5. n. 6.*



CONFERENTIA UNDECIMA.

De odio, aliisque vitiis charitati oppositis.

S U M M A R I U M.

324. Recensentur breviter octo vitia charitati opposita.

324. Odium

325. Odium (seu vitium directè oppositum charitati) bene describitur, quòd sit aversio voluntatis ab eo, quod velut malum apprehenditur.
326. Aliud dicitur odium inimicitiae, aliud abominationis.
327. Odium inimicitiae tam respectu Dei, quàm proximi est intrinsecè malum, & ex suo genere mortale peccatum.
328. Esto ob defectum sufficientis deliberationis subinde à mortali excusari valeat.
329. Odium abominationis respectu Dei similiter est intrinsecè malum : at verò respectu proximi indifferens, ità, ut etiam subinde possit evadere bonum & laudabile.
330. An vel quando peccet, qui sibimet mortem exoptat ?
331. Proximo sinè justa causa maledicere, seu malum optare, & quidem feridò, per se loquendo, grande nefas est ?
332. Non item, si fiat justà ex causa.
333. Neutiquam licet proximo efficaciter, seu etiam voluntate antecedente mortem optare præcisè propter bonum seu emolumentum temporale nobis inde obventurum.
334. Secus dicendum, si hoc fieret propter majus bonum proximi spirituale præsertim v. g. ut salvetur &c.
335. Gaudere tamen ob emolumentum temporale quodcunque tibi è morte proximi obveniens, nequaquam illicitum est.
336. *Discordia* consistit in dissensione voluntatum circa bonum, quod ex charitate velle debemus ?
337. Estque ex suo genere peccatum mortale.
338. Nomine *Seditionis* intelligitur dissensio civium &c.
339. *Contentio* est altercatio verborum ad impugnandam veritatem &c.
340. Estque ex suo genere peccatum mortale.
341. Resolvitur Casus I. cujusdam uxoratæ, quæ, dum
adver-

advertit, Maritum suum gravissimè affligi doloribus calculi & podagræ, eidem sincerissimè exoptavit majorem intensiorem dolorum.

342. An etiam justè eidem exoptaverit mortem ipsam?
343. Resolvitur Casus II. cujusdam ancillæ, afferentis, se summopere averſari, imò odisse famulum quendam sibi domesticum;
344. Proptereaque eidem sæpèpiùs gravissima mala exoptasse.
345. An hæc teneatur in Confessione specificè exprimere illa mala maligno affectu exoptata.
346. Resolvitur Casus III. de quodam Professore, assuetò impugnare sententias sui Collegæ, esto illas agnoverit verissimas.
347. An propterea censendus sit peccasse peccato contentionis?
348. In continuo odio vel inimicitia viventes male vivunt, & quid circa tales à Confessario observandum;
349. Parentes, qui ob minimos quosque defectus prolibus suis nescio quæ mala imprecari solent, modèstè redarguendi seu etiam dehortandi sunt.
350. De strage Turcarum, aliorumve Ecclesiæ hostium gaudere, an vel qua ratione licitum sit?
351. An vel qualiter fas sit optare stragem Principis Catholici?
352. Quænam sit differentia inter odium, & invidiam.
353. Quomodo examinandus sit pœnitens sese accusans, quòd odio habuerit proximum suum?

§. I.

Præmittuntur, & breviter resolvuntur quæ sita, scitu necessaria ad debite resolvendos casus practicos tangentes vitia charitati opposita.

Quæres primò, quæ, & quot vitia opponuntur charitati?

R. Vi-

R. Vitia charitati directè, vel etiam indirectè & consecutivè opposita communiter enumerantur sequentia octo, 1. odium. 2. invidia. 3. acedia. 4. discordia. 5. seditio. 6. contentio. 7. schisma. 8. scandalum. Quia verò de invidia & acedia ceu peccatis capitalibus jam egimus *in tractat. praelim. Confer. 22. & 23.* De schismate verò suprà *Confer. 3. n. 87.* hinc in præsentī Conferentia nobis restat agendum de odio & reliquis vitiis charitati oppositis. De scandalo autem ceu materia Confessario summopere scitu necessaria in proxima Conferentia agemus. Neque melatet ab aliis communiter quasi hōc loco etiam tractari de bello nec non de duello, velut vitiis charitati oppositis: verum cum hæc mereantur fusi⁹ examen, consultò hanc materiam duxi differendam ad alium tractatum, ubi (Deo volente) agemus de s̄tō præcepto decalogi.

Quæres 2dò, quid, & quotuplex sit odium?

R. Ad primam partem hujus quæsitī. Odium ut sic rectè dicitur alienatio, seu quædam aversio voluntatis ab eo, quod velut malum apprehenditur. Ità *cum communi* Herincx noster *part. 3. tract. 1. disp. 13. n. 1.* Ratio hujus descriptionis faciliè liquet; odium quippe immediatè ac directè opponitur amorī: ergo quemadmodum amor consistit in quadam conversione seu etiam profectū. R. P. Elbel, Pars II. de Fide &c. Aa cu-

cutione voluntatis erga id, quod bonum apprehenditur; ita à contrario odium bene describitur per aversionem voluntatis &c. Et sicut Deus æquè ac proximus noster dupliciter potest amari, scilicet vel amore amicitiae, vel amore concupiscentiae, ita pariter uterque dupliciter odio haberi potest. Hinc

326 R. Jam ad 2dum membrum hujus quaesiti. Odium ut sic rectè dividitur in odium inimicitiae, & in odium abominationis. Ità rursus ex *communi DD.* Laymann *l. 2. tr. 3. cap. 3. n. 1.* Sporer *tr. 2. in decalog. cap. 6. sect. 1. n. 1.* Herincx *loc. cit.* Explico brevissimè. Odium inimicitiae (ab aliis appellatur odium Personae) est, quò quis personae sibi displicenti malum vult ac desiderat, & quidem sub ea ratione, qua eidem malum est: & hoc odium directè opponitur amorì amicitiae seu benevolentiae. Odium verò abominationis (quod ab aliis dicitur odium qualitatis) est, quo rem, vel personam aliquam aversamur non secundum se ipsam, sed secundum aliquam qualitatem, quam in ea invenimus nobis contrariam, v. g. vinum quà acidum, medicinam quà amaram, hominem litigiosum quà talem &c. &c.

Quæres 3tiò. Quale peccatum sit odium inimicitiae, & quale sit odium abominationis?

327 R. 1. Odium inimicitiae nedum erga Deum, verum etiam erga proximum per se & intrinsecè malum est, atque ex suo gene-

re mortale peccatum. Ita Laymann *loc. cit.* n. 2. Ratio est: quia odium inimicitiae secundum dicta immediatè & directè opponitur maximæ virtuti, charitatis scilicet, de qua præcipuum mandatum habemus. Hac ratione jam superius *Confer.* 7. n. 227. diximus, odium inimicitiae erga Deum, utpote oppositum immediatè summo bono, esse gravissimum peccatum.

Dixitamen, odium inimicitiae *ex suo genere esse peccatum mortale*, volens per hoc innuere, quòd odium inimicitiae, non quidem erga Deum ceu summo amore dignum, sed quatenus tendit in proximum, possit subinde excusari à peccato mortali. Ratio disparitatis inter utrumque hæc est: quia quisquis Deum odio habet, optando eidem quodcumque demum malum, vult (quantum de se) Deum non esse summum bonum, & hòc ipso Deum non esse Deum; quod utique nunquam desiderari potest sinè maxima deordinatione contra rectum rationis imperium: at verò si ex displicentia seu odio etiam personæ erga proximum leve tantum malum eidem velis, ob parvitatem materiæ tale odium non erit, nisi venialiter peccaminosum. Ita Turrianus 2. 2. *disputat.* 91. *dub.* 1. quem refert & sequitur Laymann *loc. cit.* n. 4.

R. Jam 2dò. Odium abominationis erga Deum per se & intrinsecè malum, atque ex suo genere peccatum mortale est: at ve-

rò odium abominationis erga proximum interdum culpâ vacat, interdum laude omnino dignum est. Ita rursus *ex communi Sententia Laymann cit. n. 5. Sporer ubi supra n. 2. Herincx disp. 13. n. 4.* Ratio prioris colligi potest ex illo *Matth. 19.* ubi dicitur: *Quid me interrogas de bono? unus est bonus Deus*, quò innuitur, solum Deum esse essentialiter bonum, ita, ut in eum nulla prorsus malitia, nullus defectus sive in sive extrinseus, utputa ob productionem vel gubernium creaturarum, defectus cedere possit, juxta illud *Genes. 1. c. v. 31. Viditque Deus cuncta, quæ fecerat, & erant valde bona*: ergo quisquis Deum abominatur, quacunque demum sub ratione, enormiter excedit contra legem naturalem ac divinam. Ratio autem posterioris est: quia odium abominationis erga proximum, est odium qualitatis: atqui certum omnino & exploratum est, quòd non omnes qualitates in proximo repertæ sint amore dignæ, sed potiùs abominabiles, prout revera sunt omnia vitia, utputa luxuria, injustitia &c. ergo odium talem qualitatum nedum honestum, sed & laude omnino dignum est: quemadmodum ergo odium proximi quoad qualitatem simpliciter bonam, malum est, quoad qualitatem verò indifferentem indifferens; ita prorsus odium proximi quoad qualitatem malam & peccaminosam seu etiam vitiosam, omnino

no honestum est, atque laude dignum: hac de causa Regius Psaltes *Psalms*. 118. ait, *iniquos odio habui, & legem tuam dilexi*. Etrursus *Psalms*. 138. *Nonne qui oderunt te Domine oderam, & super inimicos tuos tabescebam? perfectio odio oderam illos*.

Quæres 4tò, an, vel quomodo peccet, qui sibi met mortem optat, seu etiam imprecatur?

R. cum distinctione. Nam sibi mortem optare vel ad evitanda revera gravissima mala, quæ interdum videntur morte ipsa acerbiora, uti est v. g. diutina gravis infirmitas, condemnatio ad triremes vel carcerem perpetuum &c. vel ad perfectius amandum Deum; eundemque nunquam amplius offendendum &c. omni culpâ vacat. At verò optare sibi mortem vel ex desperatione vel ex impatientia, vel etiam ob evadenda quæcunque levia mala, satis vituperabile est, & culpabile. Ratio hujus posterioris est: quia graviter repugnat charitati sibi debitæ sicut & rectæ rationi, velle sibi gravissimum malum ob evadendum aliud malum leve: & certè Diana *part. 5. tr. 14. Resolut. 92.* apud Busenbaum *lib. 2. de charit. dub. 2. Resolut. II.* peccati mortalis condemnat mulierculas, ob leviuscula quævis mala mortem sibi imprecantes. Ratio autem prioris sumitur à contrario: quia scilicet talis non supponitur sibi optare mortem quâ sibi malam, sed potius quâ

quà illam apprehendit velut finem majorum malorum, juxta illud *Eccli. 30. melior est mors, quàm vita amara*: atqui hoc nullatenus repugnat ordinatæ charitati neque rectæ rationi. Unde & Doctor gentium *ad Philipp. 1. c.* ait: *cupio dissolvi, & esse cum Christo*. Et rursus *ad Rom. 7. v. 24.* deplorans vitæ hujus miseras: *infelix ego homo* (inquit) *quis me liberabit de corpore mortis hujus?*

Quæres 5tò, sitnè graviter illicitum proximo maledicere, seu optare malum?

331 R. Proximo seriò maledicere sinè justa causa, optando scilicet, ut eidem eveniat hujusmodi malum, est ex suo genere peccatum mortale. Ratio est: quia tale desiderium repugnat charitati ex suo genere graviter obliganti; pertinet enim ad odium proximi. Quin imò si talis maledictio proximo fiat in faciem, nedum charitati, sed & justitiæ graviter repugnabit, quandoquidem per talem contumeliam, honor proximi lædatur, ideòque contrahitur duplex malitia specie distincta, & in Confessione necessariò exprimenda prout recte advertit Laymann *cit. c. 8. n. 8.* Fatendum nihilominus est, hujusmodi maledictiones sæpè sæpiùs excusandas esse à peccato mortali, idque vel ob materiæ levitatem, vel ob impetum passionis prædominantem rectæ rationi ità, ut non fiant animo deliberatò, sed potiùs ad ostendendam displicentiam vel indignationem conceptam erga delin-

delinquentem &c. quam ob causam Doctores satis communiter excusare solent parentes & dominos, dum suis prolibus aut subditis ex passionis impetu solent nescio quæ mala imprecari: solent itidem excusare rusticos, aurigas, pastores &c. dum suis pecoribus aliisvè creaturis irrationalibus maledicunt; tales quippe interrogati, an seriò maledixerint, optando scilicet, ut hæc mala eveniant, regulariter loquendo illicò respondere solent: nequaquam mi Domine, quinimò si evenissent, vel maximè fuisset invitus &c.

Dixi etiam, esse mortaliter peccaminosum proximo *maledicere sine justa causa*; nam ubi justa causa intervenit, nequaquam illicitum est maledicere ex odio abominationis optando scilicet, ut proximo eveniat tale malum, idque vel propter majus bonum ipsius, quatenus scilicet à Deo punitus tandem errorem suum agnoscat, ac seriò resipiscat; vel ut per hujusmodi punitionem injusta vexa, aliudve malum majus ab universali Ecclesia, vel ab integra aliqua communitate amoveatur. Hanc ob causam Parens filium, Superior subditum delinquentem, Judex reum juxta qualitatem seu etiam gravitatem delicti justissimè castigant, infligendo iisdem etiam graviores pœnas, vel ut resipiscant, vel ut alii absterreantur &c. hoc enim totum fit, aut certè fieri potest absque odio aut displicentia personæ, sed potiùs amore illius;

vel certè amore justitiæ, & boni publici conservandi seu etiam procurandi; quod utique omni culpâ vacat: quin imò universaliter licitè abominamur homines malos quâ tales in ordine ad destruendam eorundem malitiam, eisdemque commeritas exoptamus pœnas, exemplò Regii Psaltis *Psalms. 54.* dicentis: *veniat mors super illos, & descendant in infernum viventes, quoniam nequitie in habitaculis eorum &c.* Fatendum tamen est hæc & similia à nobis viatoribus de facili non esse attentanda, eò quòd sempertimendum, ne sub colore justitiæ & justii odii abominationis lateat, vel clanculò subrepat verum odium inimicitæ aut effectus vindictæ, præsertim si fiat respectu inimici, aut hominis aliunde infensi. Videantur de hoc si placet, *Castro-palao part. 1. tr. 6. disp. 4. pu. 1. n. 9. & seqq.* *Laymann loc. cit. n. 7.* *Sporer tr. 2. c. 6. sect. 1. §. 4. n. 5. per tot.*

At, inquires, licetnè etiam proximo innocentì optare malum v. g. mortem temporalem &c. non quidem quatenus ipsi malum est, sed quatenus nobis cedit in bonum v. g. filio in ordine ad adipiscendam hæreditatem, vel aliam promotionem &c.

333

R. Optare proximo mortem ob aliquod emolumentum temporale nobis, alterivè inde obventurum, & ità optare, ut voluntate antecedente divinam desiderando dicas v. g. *ô quàm vellem, ut Deus hunc v. g. Parentem,*

tem, consanguineum &c. è vivis tolleret, quatenus hâc via possem adire hæreditatem, vel adipisci jus primogenituræ &c. hoc vel illud officium aut servitium &c. non vacat gravi culpâ. Ratio est: quia graviter repugnat rectæ rationi & ordinatæ charitati, bonum longè inferioris ordinis præferre bono ordinis superioris: atqui hoc facit, quisquis ob bona temporalia sibi obventura exoptat proximo suo mortem &c. Hac de causâ Innocentius XI. *an.* 1679. iustissimè damnavit sequentes propositiones, quarum ima, num. 13. ita sonat: *si cum debita moderatione facias, potes absque peccato mortali de vita alicujus tristari, & de illius morte naturali gaudere, illam inefficaci affectu petere & desiderare, non quidem ex displicentia personæ, sed ob aliquod temporale emolumentum; altera, quæ est num. 14. licitum est absolutò desiderio cupere mortem Patris, non quidem ut malum Patris, sed ut bonum cupientis; quia nimirum ei obventura est pinguis hæreditas.* 3tia, num. 15ta inter damnatas ita sonat: *licitum est filio gaudere de parricidio Parentis à se in ebrietate perpetrato, propter ingentes divitias inde ex hæreditate consecutas.* Quæ propositiones si intelligantur, ut jacent, ad minùs scandalosæ sunt ac piarum aurium offensivæ, prout nemo prudentum non apprehendet, & ampliùs ostendunt Cardenas, Viva, & alii plures scribentes de hac materia.

334

His tamen non obstantibus haud illicitum censeri debet gaudere, seu etiam inefficaci tantum affectu desiderare mortem proximi eo fine, ut majus bonum spirituale, salus scilicet æterna eidem obtingat, vel ne Ecclesia à tyranno diutius injustè vexetur, gravetur vel opprimatur &c. bonum quippe majus non sine ratione, & hoc ipso sine læsione charitatis præfertur bono minori: at, ubi mors temporalis optatur propter bonum spirituale vitæ æternæ, vel propter ingens emolumentum totius communitatis, præfertur bonum majus bono minori, velut de se liquet: ergo &c.

335

Denique etiam gaudere de emolumento temporali, quod tibi obvenit ob mortem proximi, ita scilicet, ut non tam de morte, quam de ipso emolumento, quod supposita jam morte tibi obvenit, gaudeas, omni culpâ vacat.

Ratio est: quia hoc gaudium specificatur à suo objecto: at, objectum hujus gaudii est duntaxat tuum emolumentum, quod supposita jam morte proximi tibi obtigit: hoc autem objectum non est inhonestum: nunquid enim tristari deberes de tali emolumento? &c. ergo de hoc licitè gaudes. Et ita expresse tenet la Croix *lib. 2. n. 187.* Cardenas, Vita, Babenstuber & Sporer *tr. 2. in decalog. c. 6. sect. 1. n. 10.*

Quæ-

Quæres igitur, quid sit Discordia, & quale peccatum?

R. Discordia rectè describitur, quòd sit 336
dissensio voluntatum circa bonum, quod ex
charitate velle debemus. Ita post S. Tho-
mam 2. 2. q. 37. art. 1. Reiffenstuel *theolog.*
mor. tr. 4. dist. 7. n. 29. Ratio hujus descri-
ptionis liquet à contrario, quemadmodum
enim concordia consistit in consensu volun-
tatum seu cordium &c. ita discordia rectè di-
citur consistere in dissensu voluntatum; ad-
ditur autem *circa bonum, quod ex charitate*
velle debemus; agimus enim hic de discordia
prout opponitur virtuti charitatis: at, si di-
scordia non versetur circa bonum, sed po-
tius circa malum, vel certè circa illud, quod
est indifferens aut non obligatorium &c. talis
discordia non opponitur charitati: quo fit,
ut si proximo te invitanti ad ingrediendam
cum illo eandem Religionem, renuas aut
recuses petittum: neutiquam incidas pecca-
tum discordiæ: vel si invitanti & allicienti te
ad actum malum, dissentias & minimè acquie-
scas, non solum non peccas, sed potius lau-
dem mereris ac præmium tam coram homi-
nibus, quàm coram Deo.

R. jam ad alterum membrum hujus quæ- 337
siti. Discordia est peccatum contra charita-
tem, & quidem ex genere suo mortale. Ra-
tio est: quia discordia tollit ingens bonum,
scilicet pacem & concordiam cum proximo &
qui-

quidem circa bonum, quod ex charitate vel-
le debemus. Hac de causa Proverb. 6. dici-
tur Dominus detestari, *eum qui seminat inter
fratres discordias*. Hoc tamen non obstante
discordia evadit peccatum veniale, si vel bo-
num illud sit de se exigui momenti, vel si fiat
quidem circa bonum magni momenti, at si-
ne sufficienti deliberatione. Laymann *cit.*
c. 11. n. 1. Filliucius tr. 28. c. 9. n. 194.

Quæres 6to, quid intelligatur nomine
Seditionis?

338 R. Nomine Seditionis intelligitur talis
dissensio civium, qua adversantur bono pa-
cis politicæ. Et quia pax atque unitas ci-
vium profectò habetur pro magno bono Rei-
publicæ, liquet, quòd seditio sit ex suo ge-
nere peccatum mortale, saltem ex parte illo-
rum, qui pacem publicam subvertere nitun-
tur, secus dicendum de iis, qui resistunt pa-
cis perturbatoribus: hi enim laudem potius
merentur, quàm vituperium; unde nec pro-
priè debent, neque possunt dici seditiosi.

Quæres denique 7timò, quid sit Conten-
tio, & quale peccatum?

339 R. Ad primum membrum hujus quæsti.
Contentio propriè dicta est impugnatio veri-
tatis, seu altercatio verborum ad impugnan-
dam veritatem, ut si quis cum altero verbis
contendat ex intentione contradicendi iis,
quæ de se clara, aut omnino fide Catholica
credenda sunt. Quocirca Valentia, Ba-
benstu-

benstuber, & alii plures notant, tribus modis fieri posse hanc contentionem respectu veritatis, primò scilicet, ut contendens veritatem etiam agnitam impugnet. 2dò modo, ut contendens velit impugnare adversarium, sive falsum asserat, sive etiam verum. 3tiò denique modo, ut contendens revera impugnet veritatem, quam culpabiliter non agnoscit, vel potius non vult agnoscere, prout hæretici vincibili ignorantia laborantes nolunt agnoscere veritatem fidei Catholicæ. Jam, qui primò modò impugnat veritatem, eam formaliter, qui verò 2dò & 3tiò modò, eam virtualiter impugnare dicitur, uti habent Valentia & Babenstuber *tr. 5. disp. 1. art. 6. n. 36.*

¶ Jam ad 2dam partem ejusdem quæsit. Contentio mox descripta est ex suo genere peccatum mortale. Ita ex *communi DD.* Reiffenstuel *ubi supra n. 31.* Filliucius *loc. cit. n. 198.* Ratio est: quia opponitur bono charitatis ac pacis, & quidem in materia gravi. Unde & Apostolus *ad Galat. 5.* inter opera carnis à Regno Dei excludentia enumerat *contentiones*, & rursus *ad Rom. 1.* inter eos, quos Deus in reprobum sensum tradidit, recenset eos, qui sunt *pleni invidia, homicidio, & contentione.* Hoc tamen intelligendum est de contentione veritatis seriò facta; nam sit fiat præcisè exercitii Scholastici causa, vel ad eruendam & ampliùs dilucidandam

340

dam veritatem, vel ad explorandam alterius doctrinam, acuendamve diligentiam &c. dummodo cum debita modestia fit, omni culpâ vacat: quodsi seriò quidem, ac sinè sufficienti deliberatione contingat, vel si impugnetur veritas exigui momenti, non excedet culpam peccati venialis, uti rectè docet Filliucius *loc. cit.*

§. II.

Proponuntur & breviter resolvuntur Casus practici de Odio & maledicentia erga proximum.

CASUS PRIMUS.

Titia juvenis & jovialis puella nupsit cuidam Seniculo non tam amore personæ, quàm divitiarum allecta: quia verè idem Seniculus continuis quasi doloribus calculi ac podagræ affligitur: hinc impatientiæ motibus propè tabescens ferre non valet hilarem uxoris animum: nec minùs ejusdem Seniculi animus premitur Zelotypiæ stimulis, quàm podagræ, quam ob rem pati non vult, ut Titia ulli alteri viro familiariter colloquatur, quin & hujusmodi alloquia nedum durioribus verbis, sed subinde etiam verberibus eidem compensat. Titia verò, quò innocentior & ab omni inonesto consortio magis remota, tantò amplius affligitur Mariti sui duritie, & quia timore perdendi amplum hæreditatem eidem obloqui

non

non audet exterius; hinc interiùs saltem sepe-
 sapiùs eidem exoptat dolores calculi ac podagrae,
 dumque subin eundem hujusmodi doloribus
 oppressum mirum in modum ejulare audit, ipsa
 interiùs summopere gavisà illud sancti Francis-
 ci Xaverii effatum (licet in sensu à mente hujus
 Sancti longè alieno ingeminare solet: amplius
 Domine, amplius. Quia & mortem ipsam
 Marito suo nedum sapiùs exoptat, sed insuper
 hujus impetrandæ vel accelerandæ causâ Deum
 ac cælites omnes interpellat. Jam dubitare
 licet, an vel qualiter Titia peccaverit suo
 Marito exoptando animatùs dolores Calculi?
 & 2. quomodo exoptando eidem mortem ipsam?

R. Ad primum quæsitum hujus casus Titiam
 exoptando, suo marito vehementiores calculi
 dolores &c. probabiliùs peccasse mortaliter,
 Ratio est: tum quia afflictum voluit ampliùs
 affligi, & quidem doloribus intensissimis,
 quales sunt illi ex calculo & podagra orti;
 tum etiam quia ex majori dolorum intensio-
 ne non potuit è suo marito sperare mitiorem
 sui tractationem, & consequenter non potuit
 desiderare hujusmodi intensiorem dolorum
 per modum medi in ordine ad evadendam
 hanc satis duram & intolerabilem mariti sui
 conversationem: ergo convincitur hanc majorem
 intensiorem dolorum postulasse solum per
 modum vindictæ, ob malam scilicet tractationem
 hactenus exper-

341

tam:

tam: at, qui per modum vindictæ proximo suo imprecatur grande malum, graviter delinquit secundum dicta n. 331. ergo &c. &c.

342

R. Jam ad 2dam partem hujus quæsitæ, à Confessario explorandam esse mentem Titia, & interrogandam, an Deum, Sanctosque interpellarit ad impetrandam, veletiam accelerandam mortem sui mariti vel per modum vindictæ ob malam tractationem &c. vel præcisè eo fine, ut ab hac tyrannide tandem aliquando liberaretur? Si primum concludendum erit, eam mortaliter peccasse nedum peccato odii contra charitatem proximo debitam, sed etiam peccato Sacrilegii, contra virtutem Religionis, in quantum non sinè permagna irreverentia ausa fuit implorare Deum, & Sanctorum patrocinium ad impetrandam gravem vindictam & castigationem sui mariti. Si verò supponatur 2dum, dicendum foret, quòd non peccaverit graviter. Ratio est: quia secundum communem DD. paulò *suprà* n. 334. insinuatam in ordine ad evadendam hanc durissimam tractationem licitè potuisset sibi mortem optare, & in hunc finem invocare Deum ac Cœlites: quidni ergo possit ex eodem fine sinè peccato proximo suo optare mortem, Sanctorumque suffragia implorare?

CASUS

CASUS SECUNDUS.

Sempronia fatetur, se summopere averfari quendam famulum in eadem secum domo ac servitio constitutum; tum quia ab eodem nuper finè sufficienti causa fuit apud herum suum accusata; tum potissimum, quia homo est valde lubricus, qui vix non singulis discursibus suis solet immiscere quædam impudica, feminasque atque puellas hinc inde sibi occurrentes tangere in partibus inhonestis saltem super vestes: his de causis Sempronia illius consortium, ubiubi demum potest, pro viribus declinare solet, eidemque jam sæpius nescio quæ mala utpote malam pestem, morbum gallicum, membrorum contracturam, & patibulum ipsum fuit sincero ex animo imprecata. Jam ad nostrum propositum dubitare licet. 1. An Sempronia peccet fugiendo, & pro viribus declinando consortium dicti famuli, præsertim si alii quoque domestici id advertant? 2. An peccaverit eidem mox enumerata mala imprecando!

R. ad primum. Sempronia nec averfando famulum, neque etiam ipsius consortium pro viribus declinando peccat, quin potius laudabiliter agit: pudicitia namque nullibi minus, quam inter impudicos secura est, juxta illud Psalm. 17. Cum viro innocente innocens eris, & cum perverso perverteris. Talis proin averfio, talis fuga à sceleratis quæ

R. P. Elbel, Pars II. de Fide &c.

Bb tali-

talibus omnino laudabilis est, ac meritoria. Nec refert, quòd alii domestici hujusmodi aversionem fortassis apprehendant; nam pariter possunt apprehendere, aut certè de facili instrui, hujusmodi aversionem non fieri in odium personæ, sed potiùs in odium qualitatis vitiosæ, quam jure merito quisque abominatur. Unde S. Thomas 2. 2. q. 34. art. 3. in corp. ait: *Amor autem debetur proximo secundum id, quod à Deo habet, id est, secundum naturam & gratiam: non autem debetur eidem amor secundum id, quod habet, à se ipso & diabolo, id est, secundum peccatum & justitiæ defectum. Et ideo licet habere odio peccatum in fratre, & omne illud, quod pertinet ad defectum divinæ justitiæ.*

344

R. jam ad 2dum cum distinctione. Vel enim hujusmodi mala ei fuit imprecata per malum vindictæ, id est, propterea, quòd ab eo fuerit delata seu accusata apud herum, & ob hanc causam eundem puniri desiderat; vel præcisè eo finè, ut hisce pœnis excitatus & correptus à Deo, tandem resipiscat, se emendet, ac salvus fiat? Si hoc posterius: dicendum, quòd non peccaverit ob rationem suprà n. 332. datam. Si autem illud prius: concludendum erit, quòd graviter deliquerit, & quidem toties, quoties moraliter interruptis vicibus eidem famulo tam grandia mala exoptavit: quandoquidem id graviter repugnet charitati proximo debi-

tæ

ra juxta dicta superius n. 331. Et quia in hujusmodi contingentis quasi semper subesset periculum, ne irrepat quidam inordinatus affectus sinistra affectionis vel potius passionis, hinc noverit Confessarius, muneris sui esse, ut pro viribus talem poenitentem dehortetur, serioque moneat, ut si quidem proximi salutem sincero ex animo desiderat, studeat potius hanc gratiam precibus ad Deum fufis, sanctoque Conversationis exemplò eidem impetrare.

At, inquires, teneturne poenitens specificè ac distinctè in confessione exprimere differentiam malorum, quæ proximo suo fuit imprecatus?

R. Quoad hoc Doctores in diversas abire sententias, nonnullis affirmativam, aliis autem negativam tenentibus. 345
Mibi probabilius videtur, quòd poenitens teneatur explicare diversitatem malorum circa bonum animæ, corporis vel fortunæ efficaciter exoptatorum; revera enim juxta communem Doctorum non satisfaceret poenitens præcisè dicendo: *damnificavi proximum*, sed teneatur exprimere, utrum illum damnificaverit in bono animæ, vel corporis: vel fortunæ: ergo probabilius tenetur etiam exprimere, utrum desiderio efficaci intenderit ipsi damnum in bono animæ vel verò in bono famæ aut fortunæ; nam actus efficaces secundum dicta in tract. prælim. Conferent. 3.

n. 61. sumunt suam specificationem ab objecto, in quod tendunt: atqui certum est, quòd bona animæ, vitæ, ac fortunæ specie morali differant: ergo & desideria efficacia lædendi hujusmodi bona.

Nec refert, quòd eidem virtuti charitatis opponantur; quia etiam damnificatio in bono animæ, vitæ & fortunæ opponuntur eidem virtuti justitiæ, quò non obstante certum atque exploratum est, quòd injuriæ contra hoc triplex genus bonorum illatæ specie infima moraliter differant. Liquet proin ex his (ni fallor) Confessarium omnino prudenter facturum, si ex tali poenitente (casu quo is se ipsum non exprimit) interroget, quæ, vel qualia mala proximo suo seriò & efficaciter exoptarit. Vide si placet Herincx *disp.* 13. n. 7. Suarez *disp.* 6. de charit. sect. 2. n. 2. vel Castropalao *tom.* 1. *tr.* 6. *disp.* 4. *punct.* 1. *num.* 7.

CASUS TERTIUS.

Cajus certæ cajusdam facultatis Professor ad discordias & contentiones natus quodammodo videtur, enimverò Sententias sui Collegæ, esto illas judicet verissimas, auctoritati, rationique maximopere consentaneas, nibilominus acerrimè impugnare solet, idquè non exercitii, aut veritatis dilucidandæ causâ, sed ut coram populo videatur major, ac in profunditate, soliditatèque doctrinæ suæ eminentior

tior illo; quod & hactenus, præsertim coram
minùs intelligentibus assecutus fuit, tum ob
valde exquisitum argumentandi modum, tum
præsertim ob linguæ, vocisque claritatem,
quæ alteri suo Collegæ haud modicum prævalet.

Quæritur jam 1. utrum Cajus peccet peccato
discordiæ, & 2. an vel quomodo peccet pecca-
to contentionis?

R. Ad primum membrum hujus quæsti, 346
Cajum absque dubio incurrere peccatum di-
scordiæ; quia ut refertur in specie facti, non
consentit suo Collegæ in bono veritatis, sed
potius ex mera protervia vel superbia verita-
tem agnitam impugnare solet eo fine, ut vi-
deatur major &c. Existimo tamen hujusmo-
di discordias (nisi aliunde in modo impugnan-
di, vel potius vituperandi aut vilipendendi
adversarium cum notabili læsione honoris aut
modestiæ excedatur) non esse graviter pec-
caminosas, nisi versarentur circa materiam
fidei ac morum, ut proin ex tali discordia vel
scandalum aliorum, vel perversio morum es-
set timenda, prout sapienter innuit noster
P. Herinex *loc. cit. n. 26.*

R. Jam ad 2dum membrum quæsti hu- 347
jus, minimè ambigendum, quin Cajus pec-
caverit peccato contentionis, nedum humi-
litati, sed & charitati oppositæ; quandoqui-
dem supponitur contendere eo fine, ut pro-
prium auctoritatem extollat, alterius verò,
scilicet Collegæ sui diminuât.

In ordine tamen ad dignoscendam gravitatem peccati rursus attendi debet materia contentionis, utrum scilicet contendere soleat circa veritatem merè Philosophicam, an verò circa veritatem Theologicam, id est, Fidem, aut bonos mores concernentem? Si prius illud supponatur, dicendum, quòd non, nisi venialiter deliquerit; quia præcisè egit contra veracitatem, cujus violatio ex suo genere non est graviter peccaminosa. Si verò 2dum, per se loquendo peccavit mortaliter, eò præsertim, quòd talis contentio vix, aut ne vix quidem fieri possit sinè scandalo vel detrimento animarum, saltem tunc, quando impugnans nec verbis, neque etiam facto ipso ostendit, se præcisè agere vel exercitii, vel veritatis ampliùs eruendæ, aut dilucidandæ causâ; quod in hoc casu non supponitur factum fuisse. Verùm cum versemur in materia Sapientes tangente, sufficere arbitror Sapientibus hæc pauca, dixisse vel potiùs insinuasse, ne ultrà quàm oportet, aut in me est, sapere videar.

§. III.

Corollaria ex dictis inferenda.

- 308 Colliges ex hætenus dictis primò, eos, qui quasi in continuo odio erga proximum suum versantur, vivere in pessimo statu; id, quod vel maximè timendum 1. de conjugibus in continuis discordiis ac rixis viventibus. 2. item

item de famulis aut famulabus aliisve domesticis sese aversantibus, nec non de illis, qui ad duellum se provocârunt. Ratio de se liquet: quia quisquis odio prosequitur proximum suum, per se loquendo versatur in statu peccati mortalis, juxta illud 1. *Joan. 2. qui dicit se in luce esse, & fratrem suum odit, in tenebris est.* Noverit proin Confessarius, quàm cautè cum talibus procedendum sit, ne Sacramentum administret indignis. Videatur Kazenberger in *Supplem. I. P. Sargar. Conferent. 16. n. 96.*

Colliges 2dò, à Confessario dehortandos, 349
& suò modo reprehendendos esse illos parentes, qui iracundiæ & impatientiæ motibus nimium subjecti, ob minimos quosque defectus aut errores prolibus suis nescio quæ mala tum corporis, tum animæ etiam imprecari consueverunt, ut puta dicendo: diabolus te rapiat &c. eas in malam crucem, maledicta bestia, titio infernalis &c. Enimverò similia verba seriò animo prolata in filium aut filiam nedum charitati, sed & pietati graviter adversantur: & licèt videntur posse excusari ex eo, quòd non tam animò deliberato, quàm passionis inordinatæ impetu proferantur; certum nihilominus esse debet, quòd hæc ipsa consuetudo maledicendi voluntariè retenta graviter sit peccaminosa, actusque inde profecti velut in causa ac radice voluntarii imputentur ad culpam gravem. Videatur Matthæucci l. 2. c. 10. n. 14.

350 Colliges 3^{ti}o, licitum esse gaudere, immò etiam optare stragem turcarum, hæreticorum, & aliorum fidei Catholicæ hostium, ne scilicet veram Religionem, Deique cultum & communem omnium felicitatem evertant. Ita cum communi DD. Vita ad *propof. 15. ab Innocent. XI. damnatam. n. 21. Matthæucci cit. l. 2. c. 8. n. 25.* Ratio est: quia secundum rectam rationem & ordinatam charitatem bonum totius Reipublicæ meritò præfertur bono hostium veritatis & membrorum diaboli: ergo etiam licitè desideratur. Nec refert, quòd præter mortem temporalem insuper supponantur incurfuri mortem sempiternam; tum quia hanc non incurrent, nisi ex propria culpa; tum etiam quia diutiùs viventes in tali statu nedum salutem suam probabilissimè nunquam fuissent operati, sed potius damnationem sibi met augmentassent. Et quia aliunde constat, bonum Reipublicæ Christianæ præstantius esse bono vitæ alicujus Rei, hinc non abs re possumus gaudere, justèque desiderare mortem talium hostium: quemadmodum ob conservationem totius boni publici Judex justissimè ad mortis supplicium condemnat Reum, quem prævidet in sua impœnitentia obstinatè moriturum, veluti diximus *suprà Confer. 8. n. 258.*

Ad quid, inquires, de illo tenendum, qui audiens inter duos Principes Christianos v. g. Regem Galliæ & Imperatorem ortum esse bellum,

lum, semper solet gaudere, dum è novellis vel aliunde intelligit Gallos occubuisse, è contrà tristari solet, ubi percipit, eos triumphasse.

R. Breviter cum distinctione. Vel enim 351
gaudet de Gallorum strage, in quantum hæc vergit in Nationis illius everisionem, vel certè in damnum Regis Christianissimi, vel solet præcisè gaudere de tali strage Gallorum, in quantum hæc conducit ad conservandam vel etiam restituendam tranquillitatem Patriæ, Pacemque in populo? Si prius; dicendum, quòd graviter peccet; quandoquidem tale desiderium necessario supponat animum malè affectionatum immò odiò erga Christianissimum Principem imbutum; quod utique rectæ rationi æquè ac Christianæ charitati graviter adversatur. Si autem supponatur hoc posterius, dicendum, quòd non peccet. Ratio est: quia quilibet pacem ac tranquillitatem Patriæ suæ ac Reipublicæ Christianæ licitè exoptat. Hac de causa S. Mater Ecclesia publicas preces fundere solet ad Deum in ordine ad pacem conservandam, seu etiam restaurandam inter Principes præsertim Catholicos. Neque etiam in hoc casu necessum est, ut per se ac primariò intendatur malum Principis Christiani, sed per se solum intenditur bonum Reipublicæ, id est pax & communis tranquillitas, quæ, cum obtineri non possit sinè malo seu etiam virium diminutione aut strage alterius partis;

tis ; hinc per accidens duntaxat & secundario quasi intendi debet illud malum ; hæc verò intentio non repugnat charitati Christianæ ; Secus enim nullum bellum foret iustum aut licitum. Timendum nihilominus est, ne in huiusmodi hominibus præsertim privatis sub specie pietatis ac Zeli iusti pro bono Patriæ sæpescapius lateat vel irrepat malignus aliquis affectus, odiumvè proximi, unde à Confessario potius suadendum est huiusmodi pœnitentibus, ut si quidem sinceri & ex animo nil aliud in votis habeant, quàm pacem & tranquillitatem Reipublicæ, contentur eandem suis precibus & Sanctæ conversationis exemplo à Deo impetrare, omissis oblocutionibus vel etiam inutilibus contentionibus, quæ plerùmque in simili casu intervenire assolent.

352 Colliges 4tò, odium inter & invidiam eam versari differentiam, quòd odium consistat in quadam malevolentia erga proximum, vi cuius is, qui odium fovet, proximo suo malum vult, aut lætatur de malo ipsius in quantum eidem malum est : vel tristatur de ejus bono, in quantum ipsi bonum : è contra invidia consistit in quadam tristitia de bono proximi, non præcisè quatenus ipsius bonum est, sed quatenus vergit quodammodo in diminutionem honoris aut excellentiæ ipsius invidentis ; itaque si doleas, quòd v. g. Titius habeat hoc vel illud officium

officium, tot aut tantas divitias &c. in quantum ipsi bona &c. diceris odio habere illum; at verò si non ideò præcisè doleas, in quantum ipsi bona sunt, sed quia tu non es tot ac tantis dotatus, vel quia tibi cedunt quodammodo in diminutionem honoris, invidus es dicendus, veluti post *Campion*, advertit *Matthæucci in cautela Confessarii lib. 2. c. 8. n. 21.* Vide etiam dicta *in tract. prælimin. Confer. 22. num. 633.*

Colliges denique 5tò, quomodo tractandus seu etiam examinandus sit pœnitens, qui se accusat, quòd odio habuerit proximum; nam si se ipsum non satis exprimat, interrogari debet 1. an unum duntaxat, an verò plures odio habuerit, & à quanto tempore? 2. quoties eidem intra hoc tempus malè imprecatus fuerit, & quænam in bono animæ, corporis, aut fortunæ? &c. 3. An eidem non negaverit communia signa charitatis, & quoties? 4. An actu cum eodem sit reconciliatus, aut certè habeat animum quamprimum se reconciliandi cum illo? secus enim non esset bene dispositus, neque capax absolutionis Sacramentalis, ut de se liquet. Hæc tamen, uti jam monui, interroganda sunt solum tunc, quando pœnitens seipsum non satis explicat, veluti sæpius, quàm par est, experiuntur Confessarii in excipiendis Confessionibus rudiorum; nam de aliis, qui sunt cultiores aut magis docti, faciliùs præsumere

mere licet, quòd si etiamnum de præfenti portarent odium erga proximum, non accederent Confessionale animo obtinendi absolutionem Sacramentalem.



CONFERENTIA DUODECIMA.

De Scandalo.

S U M M A R I U M.

354. Nomine Scandali activi & propriè talis intelligitur dictum vel factum minus rectum &c.
355. Scandalum ut sic communiter dividi solet in activum & passivum.
356. Rursus Scandalum activum subdividi solet in directum, & indirectum: passivum verò in datum & acceptum? & hoc posterius in Pusillorum & Pharisæorum.
357. Scandalum activum, præsertim directum, est ex suo genere peccatum mortale.
358. Poteest nihilominus fieri veniale vel ob indeliberationem, vel ob parvitatem materiæ?
359. Ob Scandalum evitandum, seu etiam impediendum peccatum proximi, neutiquam licet exercere actionem de se malam v. g. mentiri &c.
360. An vel quando quis causâ evitandi Scandali reneatur intermittere opus de præcepto, vel etiam de consilio?
361. Cooperatio ad peccatum alterius duplici modo fieri potest, scilicet vel 1. præbendo materiam, vel etiam 2. concurrente ad ipsam actionem malam.
362. Nunquam prorsus fas est cooperari eo fine, ut alter peccet.

363. Licet tamen ob rationabilem & gravem causam cooperari peccato alterius per actionem de se bonam aut indifferentem, merum remorem se habentem ad peccatum.
364. Quanam censeantur causæ rationabiles & justæ?
365. Licitum est ob gravem causam, petere opus ab alio, quod is sine peccato posset ac deberet præstare, esto non sit præstiturus sine peccato &c.
366. Similiter suppositis certis circumstantiis probabiliter licet suadere minus malum eo fine, ut evitetur majus.
367. & 368. Satisfit duabus instantiis in contrarium.
369. Resolvitur Casus I. Cujusdam uxoratæ, quæ se, suasque proles de rebus à Marito furtivè hinc inde ablatiis sustentare solet.
370. Hæc, si aliunde habuisset media se sustentandi &c. procul dubio tutâ conscientia non potuisset hoc praticare.
371. Eadem persona certò peccavit graviter denudando mammas, & corpus suum prostituendo, animò sibi suisque prolibus panem lucrandi &c. &c.
372. Resolvitur Casus II. de quodam libidinoso milite, assueto coram aliis passim proferre verba impudica.
373. An, vel qualiter hic teneatur exprimere numerum personarum scandalizararum &c.
374. An peccaverit peccato scandali, eò quòd scēminam ad concubitum sese offerentem jusserit redire altera die?
375. Resolvitur Casus III. Cujusdam Civis, qui putans se domum locare honestæ Matronæ, paulò pòst inaudit, se eam locasse meretrici.
376. Quidnam huc à Confessario suadendum fuerit?
377. An idem Civis peccaverit petendo ab illa usum corporis eo præcisè fine, ut deprehenderet, sitne reipsa meretrix nec ne?
378. Fēmina ad evitandum scandalum pusillorum potest tutâ conscientia una alterâve vice omittere Sacrum etiam præceptum, esto ad hoc probabilius non teneatur.

379. Opera verò consilii duntaxat ob avertendum scandalum nedum possunt, sed interdum debent intermitteri saltem ad tempus. Atque hinc.
380. Fœmina data operâ accedens hoc templum, vel hoc sacrum; cui novit interesse lascivum juvenem, à quo turpiter concupiscetur &c. peccat, si absque suo incommodo posset accedere aliud templum vel sacrum.
381. Secus dicendum foret, si absque permagno incommodo id non posses.
382. Fœminæ lascivo ornatu aut vestitu utentes graviter peccant, & à Confessariis dehortandæ sunt.
383. Vendere res ita indifferentes, ut proximus iisdem vel bene vel malè uti possit, haud illicitum est, modò non vendantur scienter ad malum usum.
384. Et quid, si dubitetur, sinè empor abusus nec ne?
385. Qui turpia seu lasciva &c. componunt, scribunt, pingunt vel repræsentant &c. graviter delinquant.
386. Utrum ex metu mortis liceat adjuvare furem aut latronem in asportanda cista furtiva?
387. Fas est peccatum proximi permittere, vel ad id etiam ansam positivam de se merùm indifferentem præbere eo fine, ut deprehensus corrigatur seu emendetur?
388. Non item eo præcisè fine ut puniatur, aut multam solvere cogatur.
389. Ad quid teneatur ille, qui proximum suum scandalizavit?

§. I.

Præmittuntur, & breviter resolvuntur quæsitæ, scitu necessaria ad debitè resolvendos casus practicos de Scandalo.

Quæres primò, quid intelligatur nomine Scandali?

354

R. Nominè Scandali ut sic intelligitur peccat.

peccatum occasionatum: propriè tamen loquendo de Scandalo, hujus nomine intelligitur *dictum vel factum*, vel etiam *omissum minus rectum*, præbens alteri occasionem *ruinæ Spiritualis*. Ita S. Thomas, & alii DD. *communissimè*. Explico breviter singula. Dicitur 1. *dictum vel factum*; nedum enim loquendo, sed etiam agendo potest alteri præberi occasio peccandi: additur insuper 2. *omissum &c.* quia etiam omissione debiti officii, utputa horarum canonicarum administrationis Sacramentorum &c. potest proximus scandalizari. Dicitur 3tio *minus rectum*; enimverò tale dictum vel factum aut ex se malum esse potest, uti sunt v. g. blasphemia, detractio &c. aut saltem præferret speciem mali, ut si quis reipsa dispensatus in jejuniis, die veneris comedat carnes coram aliis ignorantibus dispensationem. Unde etiam dicitur 4to, *præbens alteri occasionem ruinæ Spiritualis*; quia scandalosus vel positivè intendit proximum inducere ad peccandum (quòd propriè esset scandalizare) vel saltem prævidet, alios ex suo dicto vel facto sumpturos malum exemplum acturòsque id, quòd Dei offensivum est.

Quæres 2dò, quotuplex sit Scandalum?

R. Scandalum ut *sic communissimè* partiri solet in activum & passivum. Nomine activi intelligitur illud dictum vel factum &c. quod alteri præbet occasionem ruinæ Spiritualis.

Nomine

Nomine autem Scandali passivi intelligitur ipsa ruina Spiritualis proximi consecuta ex dicto vel facto &c. Ex. gr. tu loquendo coram juvene vel puella innocente turpia, permoves eam ad delectationem carnalem, diceris activè scandalicans, puella verò utpote à te pertracta in ruinam Spiritualem, dicitur passivè scandalizata.

- 356 Porro Scandalum activum subdividi solet in *directum* atque *indirectum*: passivum verò in *datum* & *acceptum*, & hoc posterius in scandalum pusillorum & Phariseorum. Explico rursus brevissimè singula membra. *Directum* appellatur illud, quod datur in ruinam Spiritualem proximi, sive dein hæc ruina Spiritualis intendatur primariò, prout intendunt dæmones tentando homines v. g. ad carnalia, sive etiam intendatur 2dariò, velut intendere solent homines, dum v. g. voluptatis captandæ causâ inducunt mulieres ad concubitum &c.

Indirectum Scandalum appellatur, dum aliquid dicis vel facis, quod vel malum est, vel speciem mali præsefert, ideoque natum est ad præbendam alteri occasionem peccandi, ut si die prohibitâ ab Ecclesiâ carnes comedas coram aliis fidelibus, qui ignorant te esse excusatum ab onere jejunii, ideoque tuo exemplò pariter manducabunt carnes non sinè violatione præcepti. *Scandalum datum* dicitur, quod oritur ex dicto aut facto reipsa
minùs

minns recto : *acceptum* verò quod accipitur ex dicto vel facto, vel de se indifferente, vel nullam speciem mali præferente: quod si nihilominus ex tali aliquo facto homines vel ob ignorantiam vel ob fragilitatem scandalizantur, dicetur scandalum pusillorum, ut si homo lubricus ex ornatu mulieris etiam licito labatur in pravum desiderium &c. Econtrà verò si ob meram malitiam ex actione alterius de se etiam licita atque honesta accipias occasionem ruinæ spiritualis, utputa de eodem malè loquendo, detrahendo &c. dicitur scandalum pharisaicum, id est pharisæis proprium, quippe, qui ex actionibus Sanctissimis Christi Domini, puta ex curatione infirmorum, conversatione cum peccatoribus &c. sumpserunt occasionem calumniandi, & murmurandi &c.

Quæres 3tiò, quale, & quàm grave peccatum sit Scandalum illud activum & propriè tale?

R. Scandalum activum est ex suo genere 357 peccatum mortale charitati repugnans, quoties quis tenetur abstinere ab illo dicto aut facto præbente occasionem ruinæ &c. idque probabilius verum est, tametsi ruina spiritualis proximi per se ac directè non intendatur, modò prævideatur subsecutura. Prima pars hujus responsi est communiter ab omnibus recepta, nam directè scandalizans intendit proximum damnificare in bono animæ uti-

R. P. Elbel, Pars II. de Fide &c. Cc que

que de se summi momenti; quod procul dubio charitati proximo debitæ graviter repugnat. Secundam verò partem contra Paludanum, Vasquez, & nonnullos alios hodie tenet communior Doctorum, nominatim Laymann *lib. 2. tr. 3. c. 13. num. 6.* Tamburin. *de Confess. lib. 2. c. 1. ff. 17.* Sporer *tr. 5. in decalog. c. 1. n. 16.* Babenstuber *tr. 5. disp. 1. art. 6. n. 11.* Felix Potestas *Exam. Confess. tom. 1. part. 2. c. 2. n. 328.* Reiffenstuel *Theolog. mor. tr. 4. dist. 7. n. 21.* Et ratio hujus est: quia etiam in aliis materiis moralibus ad contrahendam malitiam specificam peccati sufficit voluntarium indirectum: ergo similiter sufficit ad contrahendam malitiam scandalii. Et certè qui fornicatur in loco Sacro, esto directè non intendat irreverentiam loci Sacri, sed potiùs voluptatem &c. nihilominus fit obnoxius peccato Sacrilegii ex eo, quòd in tali loco non abstineat ab ejusmodi actu, cum tamen deberet & posset abstinere: ergo similiter is, qui prævidet ex sua actione, à qua hìc & nunc deberet abstinere, alios sumpturos occasionem ruinæ spiritualis, verè obnoxius efficitur peccato scandalii.

Adde insuper, quòd peccatum scandalii perrarum foret inter homines, si semper requireretur directà intentio ruinæ spiritualis; cum hoc dæmonibus potiùs, quàm hominibus proprium sit, ut jam diximus: at verò

Scriptu-

Scriptura Sacra videtur clarè innuere, hoc peccatum scandali non esse rarum, sed frequens inter homines; unde etiam *Matth. 18. v. 7.* ait: *Vae mundo à scandalis. Necessum est enim, ut veniant scandala: verumtamen vae homini illi, per quem scandalum venit.*

Dixi tamen, Scandalum *per se loquendo* 358 esse peccatum mortale, ut per hoc innuerem, quòd possit subin fieri veniale sive ob inconsiderationem seu indeliberationem, sive etiam ob parvitatem materiæ, ut si quempiam inducas ad peccatum veniale duntaxat, quia hoc in genere damnorum spiritualium censetur solum quid leve seu ruina parva, idque etiam verum est, quando peccatum veniale directè intenditur & quidem per actum moraliter peccaminosum v. g. per mendacium seu etiam detractionem gravem: ut tenet Sanchez *lib. 1. in Decalog. c. 6. n. 10.* Id ipsum haud improbabiler tenet Michel in sua *Theolog. Canon - morali tom. 2. part. 1. q. 3. §. 7. n. 23.* Eum scilicet non peccare nisi venialiter, qui ex actione levi seu venialiter duntaxat mala v. g. levi joco &c. prævidet alium graviter lapsurum, v. g. in gravem iracundiam.

Addidi insuper: *quoties quis tenetur abstinere à tali dicto aut facto &c.* quemadmodum enim non datur semper obligatio abstinendi à tali actione, prout patebit ex dicendis,

dis, ita frequenter datur causa excusans à culpa Scandali. Unde jam

Quæres 4to, Utrum ob evitandum Scandalum teneamur intermittere opus, quod est de præcepto vel etiam de consilio tantum?

359 R. Primò ob evitandum Scandalum vel impediendum peccatum proximi nunquam licet vel ponere actionem intrinsecè malam v. g. mentiri &c. Vel omittere aliquam actionem in iis circumstantiis, in quibus omissio est verè peccaminosa præsertim intrinsecè uti est v. g. dissimulatio veræ fidei, casu quo urget præceptum de profitenda fide exterius, in quo dissimulatio professionis habetur pro negatione, uti dictum fuit suprà *Confer. 2. n. 53. & seqq.* Ita communis & certa sententia Doctorum, hac ratione irrefragabili fulta: quia non sunt ullatenus facienda mala, ut eveniant bona c. 8. & 10. XXXII. q. 4. Unusquisque enim tenetur potiùs peccatum vitare in se ipso, quàm in altero; quia ut ait S. Thomas 4. dist. 38. q. 2. a. 2. ad 2. *Nullus autem debet Deum offendere parum, ne alius offendant multum; quia homo debet in infinitum plus diligere Deum, quàm proximum.*

360 R. Jam 2dò ad idem quæsitum. Nemo per se loquendo tenetur omittere actionem seu opus præceptum, imò neque opus consilii, modo id fiat sinè animo inducendi proximum in ruinam, & ex causa multum rationabili, ita scilicet, ut moraliter loquendo hujusmo-
di

di opera intermitti non debeant. Ita rursus *Communis DD.* Vasquez, Suarez & alii, quos sequitur Castropalao *de charit. tr. 4. disp. 6. pu. 16. n. 3. & 6.* item Felix Potestas *loc. cit. n. 338. & 326.* Ratio est: quia suppositis hisce conditionibus nemo nos obligare potest ad abstinendum ab ulla actione secundum se honesta aut permissa: & quisquis demum inde arripit ansam peccandi, suæ id potius vel pravitati vel etiam fragilitati adscribere debet, quàm actioni nobis præceptæ, vel certè aliunde haudquaquam prohibitæ. Loquimur autem hic de eo, quod est de jure; secus dicendum foret, si loquamur de eo quod consilii vel charitatis causâ subinde fieri expedit, prout paulò inferiùs dicetur. Insuper dictum fuit, quòd nemo teneatur intermittere opus præceptum aut consultum modò id fiat *ex causa multùm rationabili &c.* quænam verò tales censendæ sint, dicemus proximè *n. 364.*

Quæres itò, sitnè licitum cooperari peccato alterius?

Ante responzionem directam suppono, cooperationem ad peccatum alterius dupliciter fieri posse, scilicet vel 1. præbendo materiam ad peccandum v. g. potum excessivum, vel carnes die prohibita &c. vel etiam 2. concurrendo cum eodem ad eandem actionem peccaminosam v. g. furti, homicidii &c. Quocirca (ni fallor) Cardenas *in crisi Theolog.* 361

log. ad propof. 51. ab Innocentio XI. damnatam differt. 31. n. 2. itemque R. P. Michel ubi *ſuprà* §. 7. n. 15. & Felix Potestas *loc. cit.* n. 346. ſapienter advertunt, hujusmodi cooperationem ſubinde fieri poſſe per actionem de ſe prorsus indifferentem, & ità quidem, ut hæc vel remotè duntaxat & per accidens, vel etiam propinquè aut proximè omnino deſerviat ad peccatum. Ex. gr. geſtare ſeu etiam applicare ſcalam ad domum, aperire januam domûs, vocare puellam, lectum ſternere, portare litteras internuncias vel munuſcula &c. ſunt actiones ex ſua natura prorsus indifferentes, prout nemo prudentum non videt; at verò, ſi fiant ad finem malum, ut ſi famulus ſuccollet hero, ſternat lectum, vocet puellam &c. eò quòd idem Dominus velit cum ea habere rem &c. hujusmodi actiones evadunt malæ, & quidem (juxta opinionem Sanchezii, Lumbieri, Vivæ *ad propof.* 51. n. 4. & aliorum) intrinſecè; actus enim vel etiam medium de ſe indifferens ſumit bonitatem aut malitiam ſpecificam à fine ſecundùm dicta *in tr. prælim. Confer.* 3. n. 66. atqui finis, ad quem aſſumuntur hujusmodi actiones, eſt intrinſecè malus, uti ſupponitur, ſcilicet ſtupratio Virginis aut fornicatio: ergo &c. Jam quæſitum hoc potiffimùm intelligi debet de actionibus ex ſua natura indifferentibus, an ſcilicet; vel quomodo his mediantibus fas ſit concurrere ad peccatum alterius: quo notatô & ſuppoſito.

R. Nun-

R. Nunquam licet cooperari peccato alterius, sive dein administrando materiam v. g. carnes ad frangendum jejunium, sive etiam cooperando seu concurrente ad actum peccaminosum eo fine, ut alter peccet. Ratio liquet ex mox dictis; quia scilicet talis cooperatio contrahit malitiam finis. Insuper nefas est scienter cooperari peccato alterius per actionem proximè influentem in ipsum peccatum, sive dein actio sit ex sua natura & intrinsecè mala, uti est v. g. occisio innocentis, sive sit mala ideò duntaxat, quia lege prohibita, uti est commestio carnis die ab Ecclesia interdicta &c. Qui enim proximè concurrat ad actum peccaminosum, convincitur directè velle peccatum, prout bene arguit la Croix *lib. 2. n. 252.* 362

R. Nihilominus 2dò. Licitum est cooperari materialiter tantùm peccato alterius suppositis sequentibus conditionibus 1. si tuum opus aut cooperatio de se sit honesta aut saltem indifferens, & ad peccatum proximi merum remotè ac per accidens se habeat, ita scilicet, ut nec physicè, neque moraliter in illud influat. 2. si talem cooperationem præstes ex rationabili & ponderosâ causa; minimè verò eo fine, ut alterum adjuves ad consummationem peccati. 3. si peccatum alterius non teneris specialiter impedire, vel certè non possis. Ità in re communis DD. prout videre licet apud Sanchez in *decalog.* 363

lib. 1. cap. 7. & lib. 3. c. 8. Castropalao tr. 6. disp. 6. pu. 11. Tamburin. in decalog. lib. 5. c. 1. §. 4. n. 2. & 16. Sporer tr. 5. c. 1. sect. 3. n. 41. la Croix lib. 2. n. 250. & 255. Ratio hujus resolutionis est: quia stantibus præfatis conditionibus non cooperaris proximè aut positivè ad peccatum alterius, sed solum permisivè seu negativè te habes respectu illius, eò præsertim, quòd illud impedire non tenearis vel certè non possis: atqui certum & exploratum est, quòd ex rationabili ac ponderosa causa fas sit permittere peccatum alterius: ergo &c.

364

Dixi: *ex rationabili ac ponderosa causa &c.* Jam verò dubium exurgit, quænam censenda sit causa satis ponderosa ac rationabilis? Quocirca Doctores communiter fatentur, non posse statui universalem regulam, quemadmodum etiam peccata ipsa in sua gravitate non sunt æquè ponderosa, neque etiam actiones æqualiter concurrentes; nihilominus ad aliqualem saltem ingenii sublevationem circa hujusmodi cooperationem licitam vel illicitam juvabit bene notare sequentes aphorismos. I. Tantò gravior causa ad licitè concurrendum requiritur, quantò gravius est peccatum, cujus occasio datur. II. Tantò gravior causa &c. quantò probabilius est, te non cooperante alterum non peccaturum & quantò certior est effectus peccati ex tua cooperatione. III. Tantò
gravior

gravior &c. quantò propinquiùs tua coope-
ratio peccatum attingit. IV. Tantò gra-
vior &c. quantò minùs juris habes ad tale
opus seu cooperationem. V. Tantò gra-
vior &c. quantò magis peccatum repugnat
justitiæ cum damno tertii. Ita in re Laymann.
l. 2. tr. 3. c. 13. Busenbaum apud la Croix
l. 2. n. 250. Sporer *ubi suprà n. 74.*

Quæres 6tò, sitnè licitum ab altero pete-
re opus, quod quidem sinè peccato præstare
posset, certò tamen creditur, aut prævide-
tur non præstiturus sinè peccato?

R. Ob gravem & rationabilem causam 365
licet, non tamen sinè causa multùm ponde-
rosa. Ita *communis DD.* Ratio hujus ex
dictis facilè eruitur; nam si absque rationa-
bili causa id facias, convinceris velle offen-
sam Dei & ruinam proximi: è contra si id fa-
cias ex causa rationabili v. g. necessitatis &c.
censeris permissivè tantùm te habere in ordi-
ne ad peccatum proximi, quòd, cùm impe-
dire aliunde non tenearis, non tibi, sed il-
lius malevolæ voluntati duntaxat imputan-
dum est. Unde ulteriùs cum Sanchezio, Dia-
na & Lugone rectè infert Sporer *cit. tr. 5.*
c. 1. sect. 3. n. 76. & seqq. ob hujusmodi
ponderosam causam tutà conscientia peti pos-
se 1. à Parocho administrationem Sacramen-
ti. 2. à Conjuge redditionem debiti. 3. à Sa-
ga vel mago solutionem maleficii &c. quando
hi possent similia facere sinè peccato, esto
C c 5 præ-

prævideantur cum peccato facturi. Secus dicendum foret, si id facere non possent sine peccato novo, ut si saga nequeat solvere maleficium sine novo maleficio. Videantur *Doctores cit.*

Quæres 7^{mo}, utrum fas sit suadere minus malum illi, qui jamjam determinatus est ad committendum majus sive ejusdem, sive etiam alterius generis, v. g. volenti occidere Petrum, suadere ejus vulnerationem aut mutilationem, vel volenti committere adulterium, suadere fornicationem sine læsione tamen juris tertio competentis.

- 366 R. Probabiliter fas est, suppositò quòd suadens nequeat impedire utrumque peccatum, tam majus scilicet, quàm minus, simulque nihil suadet in præjudicium tertii. Ita contra non paucos tenent Sanchez, Lugo, Tamburinus, Sporer, & alii plures; idque hac ratione, meo judicio validissimâ: quia suadens è duobus minus malum, casu quo (uti supponimus) utrumque impedire nequit, omnino prudenter agit, quandoquidem aliud nihil intendit, nisi impedire graviolem offensam Dei, majorisque mali proximo inde imminentis aversionem, veluti Loth fecisse legitur *Gen. 19.* dum Sodomitis volentibus abuti duobus viris (vel potius Angelis virorum speciem præferentibus, dixit: *Habeo duas filias, quæ necdum cognoverunt virum, educam eas ad vos, & abutimini* eis

eis - - dummodo viris istis nihil mali faciatis.
Videatur Sporer *cit. n. 56.* atqui prudenter
agens non peccat: ergo &c. &c.

At verò, inquies fortassis cum Layman-
no; Castropalao & aliis adversæ Sententiæ
patronis: inductio ad peccatum positivè il-
lud suadendo aut consulendo, præsertim
quando actus ex natura sua malus est, nefas
est nulla ratione excusabile: at, qui volen-
ti committere adulterium, suadet fornicationem,
suadendo illum inducit ad actum in-
trinsecè malum, ut de se liquet: ergo nefas
est &c. Confirmatur ex eo ampliùs; quia
non licet mihi committere leve mendacium
eo fine, ut impediam v. g. homicidium vel
fornicationem, esto hæc sint longè graviora
peccata: ergo nec licet suadere alteri forni-
cationem in ordine ad impediendum adul-
terium.

R. Ad hanc objectionem satùs difficilem 367
distinguendo Maj. inductio *absoluta* ad pecca-
tum &c. nefas est &c. *concedo*, inductio non
absoluta, sed *conditionata* potius, suaden-
do scilicet proximo, ut siquidem velit com-
mittere peccatum, potius committat id,
quod minus est, nego Major. &c. Nam in
hoc casu non consulitur malum absolutè, ne-
que malum ut malum, sed potius ut impedi-
tivum est majoris mali: imò taliter inducens
non intendit malum, sed potius commuta-
tionem majoris mali in id, quod minus est:
hæc

hæc autem commutatio vel consultatio non est mala respectu illius, qui, ut supponitur utrumque malum impedire non potest, tametsi vellet: ergo &c. Unde *ad Confirmationem* negatur *conseq.* & *paritas*: ideò enim ego committendo leve mendacium peccarem, quia in meo arbitrio stat mentiri vel non, ideoque & possum & teneor non mentiri: è contra verò minimè stat in meo arbitrio impedire utrumque peccatum proximi: ergo non delinquo, dum proximo jamjam resolutò ad committendum majus malum suadeo minus, non quidem absolutè, uti jam dictum fuit, sed potiùs conditionatè, ut si quidem velit peccare &c.

368 Nec refert, quòd illud minus peccatum sit fortassis alterius speciei, prout fornicatio ab adulterio differt, & ebrietas ab homicidio; nam majus peccatum suo modo comprehendit malitiam minoris, & aliquid ultra: neque etiam in tali casu, ut jam dictum est, suadetur minus malum absolutè, sed potiùs hypotheticè & ex supposito, quòd utrumque impediri nequeat: hanc Sententiam velut probabilem tenent multi & gravissimi quidam DD. videndi apud Cardenam *Crisi differt.* 23. n. 148. eamque probabilem agnoscunt Cardenas, Gobat in *Quin. tr.* 5. c. 13. n. 26. Diana *part.* 5. *tr.* 7. *resol.* 18. la Croix *lib.* 2. n. 223. Fateor tamen oppositam sententiam esse tutiorem, & æque probabilem,

fin

fin m
quis
no d
ebri
vel
opin
min

Præ

Ti

liam
eum
gra
rum
hoc
tur
ta.
quic
tam
rele
tia
prio
nec
corp
fine
lici

fin minùs probabiliorem, loquendo de eo, qui suadet, vel inducit ad minus malum omnino diversæ rationis à majori malo, utputa ad ebrietatem, ne committatur homicidium, vel abortus procuretur &c. Ideoque hanc opinionem insinuare volui velut probabilem, minimè tamen consulere.

§. II.

Præmittuntur, & breviter resolvuntur casus practici de Scandalo.

CASUS PRIMUS.

Titia perbene novit Maritum suum furtis ac rapinis deditum, atque ex iisdem familiam alere, tantùm nihilominus absuit, ut eum debortaretur, quin potiùs sibi fuerit congratulata, eò quòd speraverit post pauca futurum, ut Maritus suspendatur, ipsa verò ab hoc onere matrimonii sibi intolerabili liberetur, cum potestate transeundi ad secunda vota. At verò spes hac fefelit; nam Maritus quidem deprehensus fuit & incarceratus, non tamen ad mortem, sed ad virgas ad perpetuam relegationem è Patria condemnatus fuit. Titia proin & Marito & mediis tum ad propriam, tum ad prolium etiam sustentationem necessariis destituta, hanc quærendam censuit corporis ac pudoris sui prostitutione: hunc in finem liberius denudare solet mammas, ut alliciat, itemque familiarius, aut verius lo-
quen-

quando, licentiosius conversari cum altero sexu, & frequentius uni alterive concedere usum proprii corporis. Quàm primum verò animadvertit se concepisse, quærit occasionem conveniendi Maritum, ut pote non ità procul in consinibus demorantem, eidemque offert usum corporis, quatenus hōc modo adulteria perpetrata palliet, & proles nascitura non alteri, quàm Marito imputetur. Jam ad præsentem facti speciem ex dictis in Conferentia 10. n. 298. facillè (ni fallor) erui potest, an vel quomodo Titia peccaverit contra charitatem proximo debitam, omittendo correctionem fraternam: facillè insuper ex dictis, Confer. 11. n. 331. erui potest, quomodo peccaverit optando suo Marito infame mortis supplicium: controversia proin ad præsentis conferentiæ argumentum magis propria moveri potest, 1. *an Titia tutâ conscientia potuerit uti rebus furtivis ad suam suarumque prolium sustentationem, ut puta carnibus ad comedendum, landâ ad vestiendum, pecuniis furtivis ad providendum aliis necessitatibus domesticis?* 2. *An vel quomodo peccet liberiori denudando mammas?* &c.

369

R. Ad primum quæsitum hujus Casus. Si Titia aliunde non habet media, quibus se suasque proles honestè sustentare possit, satis probabile arbitror, eam tutâ conscientia uti posse illis rebus furtivis ad sustentandam familiam; idque hac ratione: quia Maritus ne-

dum

dum prolibus, sed etiam Uxori debet alimenta juxta omnes per *L. si cum dotem ff. 2. sin autem ff. soluto matrim.* ergo Titia ceu uxorata potest ea prætereendere à Marito; quòd autem is nolit dare alia, quàm furtivè obtehta, per accidens se habet respectu Titia, quæ utpote inevitabili necessitate pressa, acceptando hæc censei debet merùm permissivè se habere in ordine ad peccata seu furta à Marito commissa: quemadmodum quævis uxor potest à Marito prætereendere debitum conjugale, tametsi certò prævideat, quòd ille non sit redditurus sinè peccato, utputa sinè pollutione aut dispersione seminis extra vas. Confirmatur hoc à pari; nam juxta communem Doctorum opinionem, cui etiam subscribunt Diana *part. 5. tr. 7. resolut. 13. Sporer tr. 5. c. 1. sect. 3. n. 99. Babenstuber tr. 5. disp. 1. art. 6. n. 25.* ob rationabilem causam (quam subministrat ipse famulatus seu subjectio) coqui & coquæ Dominis suis jejunium violaturis licèt præparant carnes, easque ministrant, eò quòd hæc actio natura suâ non ordinetur ad peccatum, sed solùm ad substantiam actûs comestionis, spectantis ad nutrimentum Dominorum, cui per accidens conjungitur peccatum Dominorum, quòd famuli & ancillæ moraliter loquendo impedire nequeunt, & hoc ipsò non tenentur: ergo similiter, si Maritus nolit præbere alimenta, nisi furtivè hinc inde ablata, Titia

Uxor

Uxor utpote gravi necessitate pressa, ea licetè acceptat, de reliquo permissivè se habens ad peccata Mariti, quippe quæ moraliter loquendo impedire nequit.

370 Dixitamen; *Si Titia aliunde non habeat media &c. &c.* Certum quippe est, quòd per se loquendo nefas sit consumere, & consumendo moraliter destruere rem alienam Domino rationabiliter invito, juxta illud *Tobiæ 2. v. 21. Videte ne fortè furtivus sit (hædus) reddite eum Dominis suis: quia non licet nobis aut edere ex furto aliquid, aut contingere.* Neque etiam negari potest, quin hujusmodi consumptio nata sit præbere occasionem pluribus furtis à Marito continuandis: ergo cum ex dictis n. 365. tantò amplius vitanda sit omnis cooperatio ad peccatum proximi, quantò illud est majus, vel quantò propinquius, cooperatio ad illud accedit, concludendum planè est, quòd Titia omni modò moraliter possibili teneatur abstinere à consumptione alimentorum furtivè oblatorum: atqui hoc poterit, si aliunde habeat media ad suam, suarumque prolium sustentationem necessaria: ergo &c.

371 R. Jam ad alterum quæsitum in hoc casu. Titiam mortaliter peccâsse, & toties quidem, quoties moraliter interruptis vicibus denu- dando mammias, vel licentiosius conversando cum personis alterius sexûs studuit eos allicere ad venerea; tum quia finem pessimum sibi

sibi præfixit; tum etiam quia talis denudatio, utpote de se fortiter attractiva ad venerem, est scandalosa & graviter peccaminosa; quam ob causam Elizalde *in Regul. moral. lib. 8. q. 13. §. 9.* relatus à la Croix *lib. 2. n. 248.* me judiciò rectè ait: *Homines videntes mulieres - - nudas, credere dicerèque possunt: istæ amari & appeti à nobis volunt & placere nobis: hæc autem est maxima motio & tentatio, & per se ad hoc ipsum ordinata: ergo est grave peccatum &c.* Quæ doctrinam vel maximè confirmatur ex nostro casu, ubi Titia refertur ex hac ipsa intentione denudasse mammas, quod utique culpâ gravi minimè vacat. Hinc etiam in Confessionali tenebitur hanc circumstantiam explicare, quandoquidem regulariter loquendo mulier non præsumitur induxisse virum ad peccatum carnale cum scandalo, sed fuisse inducta, ideòque nec Confessarius hoc peccatum scandali satis colligere poterit, nisi à scemina explicetur, prout benè advertit Laymann *lib. 2. tr. 3. c. 13. n. 6.* Sporer *ubi supra c. 1. sect. 2. n. 20.* aliique plures. Cæterùm quomodo Titia deliquerit adulterando, prolésque spurias imputando, seu etiam supponendo Marito &c. & qualem inde contraxerit Obligationem restituendi damna &c. videri potest ex iis quæ diximus *in Theolog. Sacrament. part. 3. Confer. 10. n. 437. ac seq.*

CASUS SECUNDUS.

Sempronius miles Veneri æquè, ac verbis lascivis deditus sæpe sæpiùs in præsentia aliorum proferre assolet verba impudica & advenerem allectiva, quibus aliis audientibus potuisset scandalum dedisse, tametsi probabiliter suspicetur, eos non fuisse scandalizatos eò quòd (ut ipse ait) similia non libenter audiverint: insuper (accusandi, aut gloriandi potius causâ dicam, nescio) fatetur, se nuper feminam quandam ad concubitum sese insinuantem repulisse dicens: hodie ob certam causam nolo, sed cras me iterum convenias &c. Quæritur jam 1. Utrum Sempronius effutiendo illa verba impudica in illis circumstantiis censendus sit peccasse peccato scandali? 2. An peccaverit peccato scandali ex eo, quòd jusserit feminam altero die reverti seu redire?

372

R. ad primum quæsitum, minimè prorsus dubitandum, quin Sempronius graviter peccaverit peccato scandali; tum quia supponitur assuetus similibus verbis impudicis: qui autem pessimâ & detestabili hac consuetudine semel imbuti sunt, passim solent talia proferre coram aliis sinè distinctione personarum, ideòque sæpiùs, quàm par est, coram innocentibus, quibus per similia verba sin minus ad lapsum ipsum, certò tamen ad tentationes seu occasiones labendi materiem subministrare solent tanquam verissima & aptissi-

aptissima instrumenta diaboli: Neque etiam tam facilè à culpâ immunis esse existimari debet Sempronius ex eo, quòd dicat, alios non libenter audiisse similia &c. esto enim ex hoc arguere liceat, illos actu non consensisse, neque etiam complacendo prolapsos fuisse in aliquam turpitudinem; nihilominus certum est, quòd hujusmodi verba coram innocentibus prolata ex se scandalosa sint, id est, nata præbere occasionem ruinæ spiritualis: atqui peccatum scandali activi non consistit in actuali ruina aut lapsû proximi, sed potius in dicto, vel facto inductivo ad ruinam spiritua-lem: ergo ex eo, quòd alii similia verba impudica non libenter audiverint, Sempronius minimè excusari debet à peccato scandali: profectò etiam Christus Dominus non libenter audiverit illa verba à S. Petro non quidem mala, sed bona intentione prolata: *absit à te Domine, non erit tibi hoc* (ut scilicet patiaris) & tamen JEsus illico *conversus dixit Petro: vade post me Satana Scandalum es mihi, quia non sapis ea, quæ Dei sunt; sed ea, quæ hominum.*

Ergonè, inquires, Sempronius tenetur in confessione exprimere nedum consuetudinem illam scandalosè loquendi, sed insuper etiam numerum, quoties scilicet talia verba protulerit, nec non & numerum personarum, coram quibus similia protulit?

373

R. Certum esse, quòd teneatur exprimere pessimam illam consuetudinem, quippe quæ voluntariè retenta meritò reputatur distinctum peccatum à discursibus inhonestis. Certum insuper est, quòd teneatur per se loquendo dicere; quoties moraliter interruptis vicibus similia verba lasciva protulerit in iis circumstantiis, in quibus potuisset audientes pertrahere ad ruinam spiritualem; quandoquidem hæc sint numerò distincta peccata: distinctio autem numerica peccatorum exprimi debet in confessione, prout differtè docet Concilium Tridentium §. 14. *de Sacram. penit. cap. 4. & can. 7.* Insuper etiam juxta probabiliorem ac tutiorem sententiam DD. tenetur exprimere numerum personarum, utpote valde augmentantem gravitatem peccati: quia tamen plerumque hujusmodi hominibus lubricis talis expressio moraliter loquendo impossibilis est; hinc sufficiet dicere: scandalo fui pluribus, tot & tot vicibus &c. vel etiam tot ac tot vicibus turpia loquendo aliis audientibus scandalo fui &c. Videatur Sporer *tr. 5. c. 1. sect. 2. n. 19.*

374

R. jam ad 2dam partem quæsitam in hoc casu. Sempronius resolvendo se ad fornicationem altera die comittendam, & in hunc finem mulierem substituendo &c. absque dubio mortaliter deliquit contra virtutem castitatis, non tamen contra virtutem charitatis peccatò scandali. Ratio hujus est: quia secun-

cundum dicta scandalum activum essentialiter consistit in dicto aut facto de se inductivo ad ruinam spiritualem alterius: atqui Sempronius dicto suo non induxit faminam ad ruinam spiritualem; hæc enim antecederet propriæ libidinis æstu jamjam determinata fuerat ad fornicationem; quandoquidem hac intentione convenit Sempronium more solito, proptereaque ipsa potius, quam Sempronius culpam scandali contraxisse censeretur debet, hac de causa R. D. Augustinus Michel in sua Theol. canon. morali tom. 2. part. 1. q. 3. §. 7. num. 14. rectè concludit, quod famulus Hero jam de se determinato ad fornicandum succollet, ut possit ascendere per fenestram &c. vel si jam actu rixantem adjuvat in ordine ad occisionem Adversarii &c. si ad amasiam scienter deferat litteras amatorias aut invitatorias ad peccandum &c. peccet quidem eodem gravi peccato quo Dominus contra virtutem castitatis, non tamen peccato scandali; quia Dominum non induxit ad peccandum, sed tantum adjuvit in ordine ad exequendum peccatum.

CASUS TERTIUS.

Cajus domum suam locaverat cuidam viduæ quam crediderat esse personam honestam: at verò contra omnem suam expectationem paulò post ab aliis inquilinis audire cogebatur, eandem à nonnullis juvenibus immò & maritis

multum suspectis frequentari, & quidem tempore nocturno, quò factum, ut rumor vel potius murmur per totam viciniam volet, & eadem vidua passim jam malè audiat: hac de re Cajus majoris asssecurationis capefcendæ causâ quondam in angulo ejusdem domus tempore nocturno sese abdidit & revera deprehendit, sparsum rumorem suo non carere fundamento; ast ne hoc quidem contentus omnimodæ veritatis deprehendendæ causâ postea ab eadem vidua simulatè petiit usum corporis, ad quem cum se promptam ac paratam sinè mora obtulisset, Cajus illam severissimè reprehendit, plenusque indignatione domum se recepit. Jam verò dubitat 1. utrum tutâ conscientia præfatam viduam possit protinus in sua domo tolerare? 2. An non re ipsa peccaverit illam sollicitando ad concubitum, tamen si nunquam habuerit animum peccandi, sed potius explorandi mentem illius;

375

R. ad primum quæsitum. Cajus non peccabit relinquendo viduam illam meretricem in domo sua, saltem usque ad terminum, quò juxta consuetudinem loci domicilia commutari solent. Ratio est: tum quia supponitur domum suam bona fide locasse, tum etiam quia vidua vi hujus jam obtinuit quoddam jus inhabitandi, quò sinè periculo graviorum incommodorum & majoris prostitutionis privari nequit, vel quia alibi domicilium non statim inveniret, vel etiam quia
Cajus

Cajus alioquin censu justè percipiendo omnino carere deberet. Ex quibus liquet, quòd dictam viduam absque gravi suo incommodo nequeat domo expellere: at, qui sinè gravi suo incommodo nequit impedire peccatum proximi, potest se permissivè habere in ordine ad illud: ergo Cajus tutâ conscientia potest viduam illam protinus saltem ad tempus relinquere in domo sua; eò præsertim, quòd locatio domûs res sit de se omnino indifferens.

Dixi, Cajum posse relinquere viduam 376
illam *saltem ad tempus*; practicè enim loquendo sin minùs de jure, saltem de consilio omnimodis suadendum erit Cajo, ut elapsò termino locationis amoveat meretricem illam ad tollendum scandalum, cùm enim interea possit acquirere alium inquilinum honestum, planè non videtur conveniens, ut dictam viduam (nisi emendatam) toleret in domo sua, eò præsertim, quòd ex hujusmodi tolerantia haud modica infamia redundaret in ipsum possessorem domûs, ac si vellet quodammodo favere operi meretricio &c. Idque vel maximè dicendum foret, casu quo hæc domus ratione sitûs esset magis accommodata ad alliciendos homines ad hujusmodi commercium carnale, aut tollerantia hujus meretricis multùm noceret aliis fæminis honestis; tunc enim requireretur causa excusans magni ponderis, qualem adhuc sufficientem existimat Tamburinus *in decalog. lib. 5. c. 1.*

§. 4. n. 34. si eadem domus non posset locari aliis honestioribus, proptereaque Dominus seu possessor deberet carere censu inde percipiendo &c.

- 377 R. Jam ad alterum quæsitum hujus Casus. Cajus sollicitando Viduam ad usum corporis, per se loquendo mortaliter peccavit, esto id non fecerit animo peccandi, sed potius animo explorandi mentem dictæ Viduæ. Ratio de se liquet: quia sollicitatio alicujus ad actum intrinsecè malum est mala ex sua natura. Parum autem refert, quòd Cajus non habuerit animum peccandi; nam exterius saltem monstravit, se hujus esse intentionis, & monstrando dictam Viduam, utut demum habitualiter malè dispositam excitavit ad actuale consensum in peccatum mortale, copulam scilicet carnalem: atqui hoc non vacat culpâ gravi juxta communem DD. videndam apud Sporer *ubi suprâ* n. 44. Michel *l. cit.* n. 13. & alios passim: ergo &c.

§. III.

Corollaria ex dictis inferenda.

- 378 Colliges ex hætenus dictis primò, à peccato gravi excusandam esse uxorem, quæ ad evadendam gravem offensam Mariti unâ alteravè vice Sacrum non audit, vel non jejunat &c. Item 2. non peccare fæminam, quæ Sacrum etiam obligatorium intermittit
ex

ex eo, quòd sciat juvenem lascivum ex suo aspectu prolapsurum in impuram complacentiam &c. præsertim si non habeat occasionem alibi audiendi Sacram &c. possunt, inquam similia facere ob evitandum scandalum pusillorum, ad quod declinandum lex naturalis videtur fortius adstringere, quàm lex positiva humana ad audiendum Sacram &c. Non peccat foemina (dixi) intermittendo similia ob rationes mox datas: probabilius nihilominus videtur, quòd de rigore nec ad unum teneatur, neque ad alterum; vix enim in prior casu continget, ut Maritus possit esse rationabiliter invitus: in posteriori autem casu culpa non foeminæ Sacro interessenti, sed potius impotenti libidini adolescentis imputanda est, proptereaque Illsung *tr.* 3. n. 111. aliique plures Doctores meritò negant in tali Casu foeminam obligari ad abstinendum ab ingressu Ecclesiæ &c.

Colliges 2dò, à fortiori ad evitandum scandalum pusillorum intermitteri posse, imò verò, ubi id sinè difficultate fieri potest, quandoque etiam debere intermitteri, vel ad tempus differri opera illa, quæ sunt de Consilio duntaxat, vel aliunde merùm permessa. Ex. gr. Foemina aut Matrona honesta sciens se ardentè amari, & quoties conspicitur ab hoc vel illo lascivo juvene, carnaliter concupisci: non sinè gravi offensa Dei &c. omnino consultò faciet, imò ex charitate etiam te-

netur abstinere à familiari etiam honesta conversatione cum illo, neque se ejusdem conspectui sinè multum rationabili causa offerre: tenetur insuper abstinere à superfluo vel etiam à minus honesto ornatu, quando scit, hunc hactenus existisse causam excitativam lascivi amoris. Ratio horum est: quia magnò charitatis præcepto adstringimur ad præcavenda vel etiam impedienda aliorum peccata, quantum commodè possumus, veluti ex communi omnium Catholicorum tradunt Castropalao *tract. 6. disp. 6. p. 16. n. 6. de la Croix lib. 2. n. 345.* Ob eandem rationem.

380 Colliges 3tò, foeminam peccare adeundo hoc templum vel hoc Sacrum, cui novit interesse lascivum corrivalem, à quo carnaliter concupiscetur, vel sollicitabitur &c. peccat, inquam, si æquè faciliter vel sinè permagno incommodo posset accedere aliud templum vel interesse alteri Sacrificio; quia scilicet non satagit pro viribus impedire peccata proximi & offensam Dei.

381 Dixi tamen: *Si æquè faciliter, vel sinè permagno incommodo posset accedere aliud templum &c.* Enimverò quòd cum notabili difficultate, incommodò, vel etiam detrimento propriæ salutis aut bonorum spiritualium non teneatur abstinere à tali accessu in templum &c. Apud omnes in confesso est; tum quia oportet habere majorem curam salutis pro-

propriæ, quàm alienæ; tum etiam, quia si talis juvenis diutiùs perstiterit in suo luto, seu amore lascivo, lapsus inde consecuturi jam non infirmitati, sed potius malitiæ inveteratæ imputari debebunt; ob quam declinando neque charitas nos obligat; præsertim si cum incommoditate vel detrimento propriæ salutis fieri deberet. Videatur Sporer *loc. cit. n. 37. & 38.*

Colliges 4tò, foeminis sub reatu mortalis culpæ abstinendum esse à cultu lascivo & notabili nuditate corporis utpote de se provocativa & valde attractiva ad venerem, puta mammis usque ad pectus denudatis, aut vestitu ante ventrem nimis tenui, ait Sporer, quæis ego accensendas arbitror foeminas vestitu nimis curtò, & nequidem ad genua usque protenso utentes &c. Ratio similium est: quia tales vestitus ex se sunt valde scandalosi, & vix ad aliud nati quàm ad præbenda innumera scandala sinè commoditate, quin potius cum permagna incommoditate illis vestibus utentium, quàm vel maximè tempore brumali sentiunt. Et certè (nî fallor) experientia constat, in iis locis, ubi talis abusus viget, semper plura peccata carnalia committi, quam in aliis, ubi honesto vestitu & corpore bene tecto incedunt. Meritò proin P. Paulus Mezger *tom. 3. tract. 10. disp. 22. art. 5. n. 22.* ait hujusmodi mulieribus, lascivo scilicet usu utentibus, dene-

382

gan-

gandam esse absolutionem Sacramentalem, nisi abstinere promittant. Alii nihilominus fœminas sic nudè incedentes in locis ubi talis consuetudo (si tamen consuetudo, & non abusus potius dici mereatur) jamjam viget, excusant à mortali, licèt omnes fateantur introductrices talium vestimentorum in aliquam provinciam à peccato mortali excusandas neutiquam esse, & omnes prorsus à Confessariis seriò dehortandas. Videantur de hoc Laymann *lib. 2. tr. 3. c. 13. n. 11*. Sporer *loc. cit. n. 39*. Busenbaum apud de la Croix *lib. 2. num. 243*. Babenstuber *tr. 5. disp. 1. art. 6. n. 23*.

383 Colliges 5tò licitè administrari seu etiam vendi posse res de se ita indifferentes, ut ad bonum vel malum usum applicari queant. Et quidem casu quo liquidò constat, eas non desiderari ad malum usum, nemo prorsus dubitat; major tamen controversia & difficultas confurgit, quando proximus moraliter quasi prævidetur, aut perpensis omnibus circumstantiis prudenter creditur abusus tali re v. g. gladio, veneno &c. Quocirca tamen respondendum videtur cum distinctione. Vel enim materia illa, aut instrumentum quodcumque de se indifferens, supponitur proximè deservire ad malum usum uti gladius furioso ad occidendum &c. Vel remotè duntaxat, uti carnis aut vini administratio ad frangendum jejunium; si prius, dicendum,

dum, quòd non liceat similia vendere præci-
 sè ob lucrum cessans ex venditione: & certè
 prorsus nunquam licebit vendere talem rem
 ad usum seu etiam finem malum v. g. medica-
 mentum ad procurandum abortum, gladium
 ad occidendum inimicum &c. Si verò sup-
 ponatur posterius, licebit talem materiam
 remotè duntaxat se habentem ad peccatum
 vendere ex illo duntaxat motivo, ne lucro ju-
 sto inde capiendo frauderis, præsertim si alii
 supponantur adesse, qui sinè scrupulo vende-
 rent. Hâc de causa excusantur caupones &
 laniones, dum carnes aut vinum præbent il-
 lis, quos advertunt legem temperantiæ aut
 jejunii transgressuros. Excusantur itidem,
 qui meretrici fucum, aut vestem, quibus
 forsân abutetur, vendunt; quia administra-
 tio talium, utpote de se merùm indifferens,
 merùm remotè se habet ad ipsum peccatum,
 quod proin abutenti minimè verò admini-
 stranti debet imputari in tali casu. Videatur
 Illung *cit. tr. 3. n. 112.* vel Viva *ubi supra*
ad proposit. § 1. n. 6. Tannerus *tom. 3. disp. 1.*
q. 9. dub. 5. n. 144. Tamburinus *ubi supra*
§. 4. n. 3. 8.

At quid, inquires, si dubitetur dunta-
 xat, utrum Emptor petat hanc rem v. g. Mer-
 curium vel Arsenicum &c. ad bonum, vel ve-
 rò ad malum usum?

R. Rursus cum distinctione. Nam si du-
 bites merum negativè, ità scilicet ut non ha-
 beas

beas prudens motivum dubitandi ex circumstantiis loci, personæ, temporis, aut modipetendi &c. collectum aut colligendum, sinè scrupulo poteris vendere; nemo enim præsumi debet malus, quosque talem sese probaverit.

At verò casu quo ex circumstantiis mox recensitis, vel aliunde occurrit prudens motivum dubitandi de abusu, major procul dubio requiritur cautela & causa gravior vendendi seu etiam administrandi, quamvis causa ista non debeat esse adeò gravis, inquit *Viva ubi suprà n. 7.* Quocirca tamen Pharmacopæis, Claustrariis, & aliis; hujusmodi officialibus præcipitur singularis cautela.

385

Colliges 6tò graviter peccare illos peccato scandali, qui componunt, scribunt vel describunt, repræsentant in Theatris, vel pingunt turpia seu lasciva, & ad venerem provocantia, utputa 1. imagines nudas alterius Sexûs. 2. Qui scribunt aut scriptas litteras ad concubitus aut turpem amorem invitatorias scienter deferunt ad concubinam. 3. Peccat itidem famulus, qui hero suo fornicaturo januam meretricis aperit, vel eum in eandem domum comittatur, eò sine ut Dominus custodiâ vel auxilio famuli stipatus liberius indulgere possit veneri &c. Secus quoad hoc ultimum dicendum foret, si comitatus famuli se habeat per modum meri obsequii sinè ullo influxu in peccatum Domini,

mini, vel cooperatione ad illud. Secus itidem dicendum foret, si famulus merum dubitet, nec sit certus, an herus bono, an vero malo sine hanc vel illam domum frequenter, vel an litteræ, quas deferre jubetur, aliquid mali contineant; *in dubio enim non debet, præsumi delictum l. meritò ff. pro socio.* Videantur de his Busenbaum apud de la Croix *l. 2. n. 243.* Felix Potestas *Exam. Confess. tom. 1. part. 2. c. 2. à n. 361.*

Atquid, si Dominus metu mortis famulum, aut fur vel latro eodem metu alium quempiam adigat, ut sibi sit auxilio v. g. in asportanda cista furtiva, vel inferendo alio damno temporali v. g. in incendio domus vel segetum? &c. licebitne huic parere sine peccato?

R. Id nullatenus ne metu quidem mortis fas esse existimant Coninck *disput. 31. de charit. dub. 7. n. 104.* eumque secutus R. D. Michael *cit. q. 3. §. 7. n. 20.* hanc ratione: quia directe cooperari vel exequi actionem intrinsecè malam, ab alio intentam intrinsecè malum est, & eò ipsò nullatenus cohonestabile: atqui: ergo &c. Hoc tamen non obstante ego probabiliorem arbitror Sententiam Castropalai *tr. 6. disput. 6. p. 11. n. 10.* Molinæ *tom. 1. de just. disp. 115.* & aliorum plurium, asserentium id esse licitum ob evadendam mortem. Ratio hujus opinionis est: quia urgente periculo vitæ ad evadendam hanc

hanc extremam necessitatem posset famulus seipso alteri auferre rem temporalem sine crimine furti, quandoquidem Dominus in talibus circumstantiis nequeat rationabiliter esse invitus: ergo à fortiori ad salvandam vitam propriam potest adjuvare alterum auferentem. Unde liquet, quòd talis ablatio respectu famuli nequeat dici furtum, vel actio intrinsecè mala; nec mirandum, quòd eadem actio physicè individua à duobus procedens moraliter loquendo possit esse aut dici mala respectu unius, non item respectu alterius, prout pluribus exemplis demonstrari posset. Secus tamen meritò dicendum putat Sporer *tr. 5. c. 1. sect. 3. n. 62.* Si Dominus à suo servo petat adjuvari ad mutilationem vel occisionem innocentis, qui cùm innocens non sit Dominus membrorum vel vitæ (uti est vel esse potest respectu aliorum bonorum temporalium) hinc nequit consentire in sui mutilationem vel occisionem, proptereaque cooperatio famuli semper maneret illicita, velut intrinsecè mala.

387

Colliges 7timò fas esse peccatum proximi permittere vel etiam ad illud anam positivam de se merè indifferentem præbere eò præcisè sine, ut deprehensus corrigatur seu emendetur imposterum v. g. Maritus habens uxorem gravissimè suspectam de adulterio, potest tutà conscientia exeundo eidem relinquere occasionem conveniendi adulterum,

eo

eo fine ut in flagranti deprehensa corrigatur. Item Dominus vel Paterfamilias habens servum aut filium de infidelitate aut furtivis ablationibus suspectum, nedum tacendo vel dissimulando ad tempus potest v. g. exire, sed etiam pecuniam suo modo expositam relinquere, vel clavem non subtrahere de arcula, è qua creditur probabiliter ablaturus pecuniam &c. Ratio est: quia Paterfamilias hōc modo non concurrit formaliter ad ipsum peccatum, sed solum occasionem vel materiam peccandi relinquendo, ad ipsum peccatum permissivè se habere censeri debet ob rationabilem causam, ut scilicet majora malatum sibi, tum famulo etiam aut filio imminetia impediatur, & delinquens efficacius corrigatur.

Dixi tamen, similia fieri posse *eo fine, ut delinquens emendetur.* 387 Neutiquam enim fas est similia permittere vel etiam positivam causam præbere eo præcisè fine, ut deprehensus mulctam solvere cogatur; quia cū mulcta exigi non valeat, nisi suppositō peccato, sicut tamen emendatio delinquentis potest intendi etiam non suppositō novo delicto; hinc, is, qui causam positivam vel ansam præbet ad obtinendam mulctam convincitur velle ipsum peccatum velut quoddam præsuppositum ad exigentiam mulctæ. Et ita tenent Sanchez *lib. 10. de matrim. disp. 12. n. 52.* Bonacina *disp. 2. de peccatis* R. P. Elbel, *Pars II. de Fide &c.* Ee q. 4.

q. 4. pu. 2. §. un. n. 28. Castropalao *de charit. tr. 6. disp. 6. pu. 5. n. 2.* fæda ergo (inquit perbene Sporer *tr. 5. c. 1. sect. 3. n. 68.*) & iniquissima est praxis proditorum certæ urbis, ubi prohibitum est bibere in Cellariis Ecclesiasticorum sub quinque florenorum mulctâ in singulas mensuras, qui potitantibus sese immiscent, & ad liberiùs bibendum alliciunt ad majus suum lucrum, scilicet ad mediam partem mulctæ captandam.

- 389 Colliges denique octavò, eum qui proximo innocenti fuit scandalo, teneri saltem ex charitate ad tollendum scandalum & ad procurandam emendationem ejusdem sive verbis & factis & exemplis, enimverò si secundum dicta superiùs *Confer. 10. n. 299.* quivis christianus ex lege generali charitatis & speciali præcepto fraternæ correctionis tenetur corrigere errantem vel peccantem, profectò consequens est, quòd ex charitate fraterna tantò ampliùs quilibet stringatur ad procurandam emendationem proximi, quantò efficacius meminit se priùs eidem dedisse causam ruinæ spiritualis. Utrum autem ex justitia pariter teneatur ad procurandam emendationem, non ità certum est, immò longè probabiliùs, quòd non, nisi per vim vel fraudem proximus fuit inductus ad peccandum. Et ità tenent Laymann, Lessius, Azorius, Lugo *disp. 9. de just. sect. 1. d. n. 8.* aliique Recentiores præsertim. Ratio est: quia

quia nemo tenetur ex iustitia ad compensationem damni alieni, nisi huic intulerit injuriam: atqui juxta *Reg. 27. Jur. in 6to scienti & volenti non fit injuria*: ergo si alium absque vi vel fraude merum consulendo aut suadendo induxisti in peccatum, non teneris ex iustitia, sed ex charitate duntaxat ad procurandam emendationem delinquentis. Unde etiam *L. Consilii ff. de Reg. Jur.* dicitur: *Consilii non fraudulentum nulla est obligatio* (scilicet ex iustitia) Et rursus *L. 2. ff. mandati habetur: Nemo ex consilio obligatur, etiamsi non expediat ei, cui datur, quia liberum est cuique apud se explorare, an expediat sibi consilium.* Videantur, quæ diximus de *Restitut.* Confer. 7. n. 200. & 201.



CONFERENCE DECIMA TERTIA.

De virtute Religionis in genere & de
Oratione.

S U M M A R I U M.

390. Quid intelligitur nomine Religionis in genere?
 391. Et quid nomine virtutis Religionis in specie?
 392. Objectum immediatum hujus virtutis est cultus Dei.
 393. Recensentur breviter undecim actus Religionis.
 394. Quid sit devotio, & quid, esse devotum?

395. Quid sit oratio propriè dicta?
396. Et quænam conditiones vel quæ actus ad hanc sint necessarij?
397. Oratio alia dicitur mentalis, alia vocalis.
398. Terminativè & ultimativè solus Deus orandus est: respectivè tamen etiam Sancti utiliter orationibus implorantur.
399. Omnis Viator, sive justus sit, sive peccator nondum utiliter potest, sed etiam tenetur orare.
400. Recensentur breviter nonnulli Casus, vel potius circumstantiæ temporum, in quibus tenemur orare.
401. Similiter pro omnibus Viatoribus nondum constitutis in termino &c. tam amicis quàm inimicis etiam orandum est.
402. Bona spiritualia ad animæ salutem conducentia absolutè sunt petenda à Deo, temporalia verò sub conditione, si scilicet, & in quantum conducunt, vel non obstant salutem animæ.
403. Oratio debet fieri humiliter, piè seu devotè, & constanter.
404. Resolvitur Casus I. Cujusdam personæ, quæ orando sæpius à Deo postulavit, ne supposito etiam lapsu in fornicationem evaderet prægnans, vel diffamaretur coram Mundo.
405. Quæ tandem contrarium animadvertens & experta, per octo circiter menses ne unicum quidem Pater aut Ave dixerat.
406. Licèt verò propterea, defectu scilicet orationis, plura fortassis peccata inciderit, non tamen ob id duplex peccatum semper commisit?
407. Resolvitur Casus II. de quodam, qui preces vi consæderationis debitas pro defuncto ad aliquod tempus distulit, eò quò olim ab eodem fuerit offensus.
408. Et quid tenendum de illo Malefactore, qui recitando Pater noster ad illa verba: dimitte nobis -- sicut & nos dimittimus &c. positivè solebat excludere inimicum suum?

409. Occurritur breviter cuidam difficultati contra datam resolutionem factæ.
410. Resolvitur Casus III. Cujusdam sponsæ, quæ Deum, cœlitesque implorare consueverat, ne sponsus mutato animo Monachum induens à sponsalibus resileret.
411. Propterea tamen non videtur arguenda alicujus peccati.
412. Bene verò ex eo, quòd Sanctorum Patrocinium imploraverit eò fine, ut Parens sponsi velut unicum nuptiarum obstaculum brevi moreretur.
413. Virtus Religionis inter virtutes morales præstantissima est;
414. Et sæpè sæpiùs aliarum etiam virtutum actus imperare solet.
415. Recensentur breviter nonnulla principalia impedimenta devotionis.
416. Quid causæ sit, cur sæpiùs frustra videamur orare?
417. Ad omnem orationem præter intentionem saltem implicitam *orandi*, insuper necessario requiritur attentio interna.
418. Hæc attentio potest esse triplex, scilicet vel 1. materialis, vel 2. litteralis, vel etiam spiritualis seu mystica.
419. Omnis voluntaria distractio sive directæ, sive etiam indirectæ seu interpretativa est peccaminosa.
420. Non item distractiones, quas sæpiùs quidem quàm par est, involuntariè patimur.
421. Oratio oblata pro pluribus non est tantæ efficacæ, quantæ est illa, quæ offertur pro uno tantum, vel pro singulis in particulari.

§. I.

Præmittuntur, & breviter resolvuntur quæsitæ, scitu necessaria ad debitè resolvendos casus practicos tangentes Virtutem Religionis, & Orationis.

Quæres primò, quidnam intelligatur nomine Religionis in communi?

390 R. Nomen Religionis ut sic alii à *religando* derivatum volunt; eò quòd Religio nos Deo specialiter religet seu adstringat: alii à *Relegendo* eò quòd ea, quæ ad cultum divinum spectant, sæpius relegenda sint &c. Reipsa autem tripliciter sumitur I. pro virtute, qua Deo debitum cultum exhibere nitimur. II. pro certa quadam formula cultûs divini omnibus communi; quo sensu dicimus in hac vel illa Regione aut Provincia vigere Religionem catholicam, in alia non &c. III. Sumitur non minùs frequenter pro statu Religioso, id est, pro certo quodam & stabili modo vivendi, quò Professores ejusdem sese per tria vota substantialia, paupertatis scilicet, castitatis & obedientiæ adstringunt ad perfectius serviendum Deo, observando in hunc finem certas quasdam Regulas &c. Et in hoc sensu dicitur alia Religio Seraphica S. P. N. Francisci, alia Religio Sancti Benedicti, alia Sancti Dominici &c. &c.

Quæres jam 2dò, quid sit Religio propriè talis in specie?

391 R. Religio propriè talis rectè describitur, quòd sit virtus moralis, inclinans ad debitum cultum Deo tanquam primo rerum omnium principio exhibendum. Ità Lactantius *lib. 4. divin. institut. c. 28. communissimè* receptus à Doctoribus. Herincx *part. 3. tr. 4. disp. 1.*

n. 1. Sporer tr. 2. decalog. c. 7. sect. 1. n. 2. Dicitur 1. *Virtus*; quia est bona qualitas mentis &c. Dicitur 2. *moralis*, ut per hoc noscatur differre ab aliis virtutibus, Theologicis præsertim, quæ secundum dicta superius suis locis, immediatè tendunt in Deum, non sic hæc virtus Religionis; unde etiam additur; *ad debitum cultum* (id est honorem ac venerationem &c.) & quidem *tanquam primo rerum omnium principio*, ideóque cum debita animi submissione, & agnitione nostræ erga eundem dependentiæ ac subjectionis ad contestandam scilicet supremam Dei excellentiam &c.

Quæres 3tiò, quodnam sit objectum Religionis?

R. Objectum immediatum Religionis 392 (sive ut alii loquuntur) *objectum quod*, est cultus Deo debitus: hoc objectum alio nomine appellatur *materiale*, quia est quasi materia, circa quam occupatur hæc virtus: idem cultus *quæ Deo ceu supremo Domino debitus* dicitur *objectum formale*; quia scilicet Deo ceu supremo Dominatori à suis creaturis debetur cultus & omnimoda subiectio. Denique *objectum cui* est ipse Deus, quippe cui ob supremum in nos dominium & excellentiam debetur talis cultus & veneratione vel potius adoratio, prout in Conferentia proxima ampliùs docetur. Ratio horum est; quia virtus Religionis est inter omnes

virtutes morales præstantissima, esto non sit Theologica: licet proin pro suo objecto immediato non possit habere Deum immediatè, necessum tamen est, ut circa aliquid Deum proximè contingens occupetur: atqui hoc est cultus Deo ceu supremo Domino, principio & ultimo fini nostro multiplicibus ex titulis debitus: ergo &c. Videantur Lessius *lib. 2. de J. & J. c. 36. dubit. 2.* Herinex *loc. cit. n. 2.* Reiffenstuel *tr. 5. Theolog. moral. dist. 1. n. 6.*

Quæres 4tò, quinam, & quot universim sint actus Religionis propriè talis?

393

R. Actus Religionis propriè talis mox descriptæ à Doctore Angelico 2. 2. *q. 82. art. 4.* & aliis Doctoribus communiter enumerantur undecim, scilicet 1. devotio. 2. oratio. 3. adoratio. 4. Sacrificium. 5. oblatio. 6. primitiæ. 7. decimæ. 8. Votum. 9. juramentum. 10. adjuratio. & 11. laus Dei. Quocirca (nî fallor) sapienter advertit Sporer *loc. cit. n. 6.* I. Devotionem esse actum Religionis immediatum & elicatum, ac semper internum, reliquos verò actus mox recensitos esse actus Religionis mediatos & imperatos, è quibus alii sunt merè interni, uti oratio aliique affectus merùm mentales: alii verò in- & externi simul, uti est Sacrificium & oblatio. Notat insuper II. ad actus mox recensitos referri debere omnes prorsus observationes sacras & ceremonias ad cultum Dei ordinatas, uti

ui sunt erectio Altarium, celebratio festo-
rum, observatio jejuniorum, usus rerum ab
Ecclesia benedictarum, & vel maximè usus
Sacramentorum; quia omnes hujusmodi
actus, quatenus ad cultum Dei referuntur,
sunt actus specialiter virtutis Religionis.
Lubet jam unum alterumvè actum ex recen-
sitis paulò ampliùs dilucidare, reliquorum
verò, qui non pertinent ad primum præcep-
tum decalogi, explicationem differemus ad
propria loca.

Quæres proin 5tò, quid sit Devotio, &
quid, esse devotum?

R. Devotio sumpta pro actu Religionis 394
est actus creaturæ rationalis, offerentis se
ipsam ad servitium Dei. Ratio hujus facilè
colligitur ex ipsa nominis ethymologia, quod
à devovendo derivatur. Si verò sumatur de-
votio pro ipso habitu, rectè dicitur, prompta
voluntas faciendi & exequendi ea, quæ ad
obsequium vel servitium Dei pertinent: &
hæc quidem acceptio modernò sæculo vide-
tur usitator; nam illi, qui quantumvis per
vota solemnia Deo adstricti parum curant
de servitio & cultu divino &c. non devoti,
sed potiùs indevoti coram plebe habentur.
Videantur *DD. citati*.

Quæres 6tò, quid sit Oratio? & quænam
conditiones vel actus ad veram orationem
requirantur?

Ee 5

R. Ad

395

R. Ad primum membrum hujus quæsti. Oratio propriè dicta est actus virtutis Religionis, quò homo Deo velut auctori omnium bonorum supplicat pro aliquo bono impetrando. Ità in re communissimè Doctores, quos vix non iisdem terminis imitatur Marchantius noster Tribunal. tom. 2. tr. 2. part. 2. tit. 2. q. 1. Bonitas hujus descriptionis ampliùs patebit ex dicendis. Illud solùm animadvertendum est, quòd hìc descripsimus orationem propriè & rigorosè sumptam; nam largiùs loquendo sumi quandoque solet pro pio animi motu in Deum; quo sensu S. Damascenus lib. 3. orthodox. fid. c. 24. ait: *Oratio est ascensio mentis in Deum* &c. quin imò in sensu adhuc latiori alii nomine orationis intelligunt quamcunque actionem bonam factam cum pià erga Deum intentione, seu mentis devotione; & in hoc sensu Venerabilis Beda in illud Luc. 18. c. *Oportet semper orare, & non deficere* ait: *semper orat, qui semper secundùm Deum operatur.*

396

R. Jam ad 2dum membrum ejusdem quæsti. Ad veram & propriè dictam orationem quatuor actus suò modo concurrere debent, scilicet duo ex parte intellectûs, & duo ex parte voluntatis se tenentes. Ex parte intellectûs supponi debet I. practica cognitio divinæ excellentiæ, potentiæ & bonitatis, vi cujus & vult, & potest nobis benefacere II. Itidem supponi debet practica cognitio

gnitio
denti
nunq
impe
modu
vel no
non i
P
essen
trand
pract
depre
timu
nobis
bus,
orati
nion
quid
illan
præ
ad in
tius

let
voc
Ita
stul
ter
tun
ma

gnitio nostræ ad Deum subjectionis, dependentiæ, exigentiæ & infirmitatis, secus enim nunquam Deum sincerè deprecaremur pro impetrando tali vel tali beneficio, quemadmodum non solemus rogare hominem, qui vel non vult nobis benefacere, aut cujus ope non indigemus.

Porro ex parte voluntatis ad orationem essentialiter requiritur I. desiderium impetrandi aliquod bonum, & II. explicatio, seu practica propositio hujus desiderii per modum deprecationis seu piæ petitionis, vi cujus nitimur Deum commovere ad conferendum nobis illud bonum: atque in duobus his actibus, uti jam dictum fuit, essentialiter sita est oratio propriè dicta, juxta probabilem opinionem Scotistarum. Liquet proin ex his, quid Theologo morali respondendum sit ad illam quæstionem speculativam potius, quàm practicam: utrum scilicet oratio pertineat ad intellectum, an verò ad voluntatem potius?

At, inquires, quotuplex est oratio?

R. Oratio ut sic communissimè dividi solet I. in *mentalem tantum*, & in *mentalem & vocalem simul* & II. in *publicam & privatam*. Ità ex *communi* D D. Herincx, Sporer, Babenstuber *tr. 5. disp. 2. a. 2. n. 3.* Declaro breviter singula membra. Oratio *mentalis tantum* est, quæ non voce, sed mente sola formatur, utpote exercendo erga Deum affectus

ctus internos circa mysteria fidei perfectiones divinas &c. desiderandóque, ut ab omnibus agnoscatur, laudetur &c. Oratio autem *mentalis & vocalis simul* dicitur illa, quæ verbis seu vocibus internum mentis affectum exprimentibus efformatur: & bene omnino dicitur hæc oratio mentalis & vocalis simul, nam præciso internò mentis desiderio, vel affectu oratio merùm vocalis seu verbaliter prolata nec nomen veræ orationis meretur, neque etiam fructum; tales enim Oratores meritò sibi dictum existimare possunt illud *Isaïæ 29. Populus hic labiis me honorat, cor autem eorum longè est à me.* Unde & quidam Poëta perbene cecinit: *Si mens non orat, frustra quoque lingua laborat.* Oratio publica vocatur ea, quæ nomine totius Ecclesiæ per Ministros Ecclesiæ Deo offertur, prout fit in SS. Missæ Sacrificio, Processionibus publicis &c. Oratio autem privata, quam quisque privatim sive mente tantùm, sive voce etiam depromit juxta illud monitum Doctoris Gentium 1. *Tim. 2. Volo ergo viros orare in omni loco.*

Quæres 7timò, quis sit orandus?

398

R. Solus Deus velut supremus & absolutus Auctor omnium bonorum tam naturæ, quàm etiam gratiæ & gloriæ orandus est absolutè & terminativè: nihilominus respectivè, id est, tanquam Patroni & intercessores nostri apud Deum ceu Auctorem & absolu-

solutum Dominum omnium bonorum nostrorum utiliter & sanctè omnino rogari possunt nedum Beatissima Virgo Maria, aliique Angeli & Sancti in cœlis, verum etiam probabiliter animæ in purgatorio detentæ. Hæc responsio inter Doctores Catholicos est *communissimè recepta*, imò de fide, exceptò ultimò membrò, circa animas in purgatorio detentas. Ratio prioris est: quia solus Deus est absolutus & supremus Dominus, cui soli competit libera potestas auctoritativè omnia bona dispensandi, & de omnibus disponendi ad libitum sanctissimæ & ordinatissimæ voluntatis suæ: ergo ipse solus rectè à nobis rogatur & invocatur terminativè, id est, tanquam terminus ultimatus, ad quem nostra dirigitur oratio, & à quo ceu fonte omnium bonorum expectamus miseriæ & indigentia nostræ sublevationem. Ratio autem posterioris non una duntaxat, sed plures de invocatione Sanctorum paulò inferius *Conferent. 14. n. 431.* dabuntur. Quod autem animæ in purgatorio utiliter rogari queant, vel inde probabiliter suaderi potest; tum quia supponuntur actu constitutæ in gratiâ & amicitia Dei, ideoque tametsi miseriæ & indigentias nostras in individuo fortassis non cognoscant, nihilominus in genere saltem possunt orare, imò verosimilius orant pro iis, qui eisdem benefaciunt, vel suffragia eorundem implorant; tum etiam quia
sancti

sancti Angeli nostri Custodes eis nostras orationes deferre, vel aliò modò Deus ipse nostras indigentias, nostráque desideria illis manifestare potest. Videatur de hoc P. Sporer *tr. 2. decalog. cap. 7. sect. 3. n. 13.* vel Bellarminus *lib. 2. de purgatorio cap. 15.*

Quæres 8tavò, quibus orandum, & quando vel quàm necessariò?

399 R. Ad primam partem hujus quæsti. Omnis viátor usu rationis præditus, siue justus sit, siue peccator, utilissimè orat. Ratio colligitur ex illo Matth. 7. *Omnis, qui petit, accipit.* Et licèt peccator utpote inimicus Dei non mereatur de condigno exaudiri, nihilominus de congruo exaudiri solet, modò sincerè Deum deprecetur. Et ratio hujus est: quia impetratio ceu effectus orationis propriè dictæ non innititur justitiæ vel statui gratiæ supplicantis, sed divinæ misericordiæ & liberali promissioni Dei, qui dives est, ac pius in omnes tam justos, quàm impios; qua ratione S. Augustinus *tr. 44. in Joan.* dixit: *Si peccatores Deus non exaudiret, frustrà ille publicanus oculos in terram demittens, & pectus suum percutiens diceret: Deus propitius esto mihi peccatori.*

400 R. Jam ad 2dam partem ejusdem quæsti. Omnibus adultis ratione præditis oratio est necessaria ad salutem; quia juxta modernum ordinem divinæ providentiæ Deus non solet nobis conferre auxilia gratiæ ad salutem

salutem necessaria, nisi ea humiliter orando postulemus, juxta illud *Matth. 7. petite & dabitur vobis*. Tametsi autem difficile videatur assignare certum tempus, quò urget præceptum orationis, convenienter tamen & omnino probabiliter assignantur sequentia 1. urget eo tempore, quò peccator tenetur se reponere in statum gratiæ. 2. Urget tempore gravis tentationis, si hæc aliò congruenti remedio repelli non valeat. 3. Urget in manifesto mortis periculo. 4. Urget, quando Reipublicæ imminet gravis pressura, quæ aliter non, nisi orationis præsidio amoveri potest. Urget, quotiescunque aliquod auxilium divinum speciale nobis videtur necessarium ad salutem tum animæ tum corporis etiam, quidquid demum sit, utrum in similibus casibus præceptum orandi obliget per se, vel per accidens duntaxat. Profectò (ut præscindamus ab obligationibus particularibus Clericorum, vel aliorum sive ex voto, sive aliunde ad certas orationes adstrictorum) non desunt Doctores qui peccati venialis saltem condemnant illos ingratisissimos mortalium, quin manè aut vesperi, ante vel post mensam Deo ceu omnium bonorum Largitori debitas non rependunt gratias. Videatur *Michel tom. 2. part. 2. q. 3. §. 3. à n. 12. Suarez lib. 1. de orat. c. ult. n. 16. Castropalao tr. 7. disp. 1. punct. 8. n. 3. vel Lessius lib. 2. de justit. c. 37. dubit. 3. n. 12.*

Quæres

Quæres 9nò, pro quibus orandum sit?

401

R. Orandum esse pro omnibus nondum constitutis in termino, ideóque non tantum pro nobis ipsis, quamdiu in hac miseriarum valle versamur, sed & pro aliis, nedum amicis, sed etiam inimicis. Ratio hujus desumi potest ex illo *Jacobi* 5. *orate pro invicem, ut salvemini*, & rursus *Matth.* 5. ait Christus: *orate pro persequentibus & calumniantibus vos* &c. deinde omnes indigent gratiâ Dei & auxiliis supernaturalibus ad salutem necessariis: ergo omnino conveniens est, ut nedum pro nobis, sed & pro aliis tam amicis, quam inimicis oremus. Conveniens inquam est, ut pro inimicis etiam oremus, etsi præceptum orationis per se non obliget: in casu tamen, quo proximus noster specialiter indigeret orationis nostræ subsidio, per accidens saltem ex charitate teneremur pro eo orare: tenemur similiter nullum ex orationibus præsertim communibus excludere, prout amplius patebit ex dicendis. Videatur de hoc Herincx de Religione *disp.* 1. n. 25. vel Sporer *l. c.* n. 18.

Quæres denique 10. quid sit orandum seu postulandum à Deo? & quomodo?

402

R. ad primam partem hujus quæsit. Bona ad salutem animæ necessaria, utputa dona supernaturalis gratiæ ac virtutum sunt à Deo postulanda absolutè: econtra bona temporalia & naturalia non sunt absolutè postulanda

landa
taci
am,
bis s
n. 46
Rati
ad co
cessa
dum
quar
tere
tra i
anim
sæpi
non
forte
atqu
late
pessa
di e
rò a

siti.
hun
cun
ter
nub
qui
dat
secc
sed
A

landa sed sub conditione expressa, vel saltem tacita, si scilicet, & quantum ad Dei Gloriam, animæ salutem, vel usum salutarem nobis sunt proficua. Ita Filliucius *tr.* 23. *c.* 2. *n.* 46. & 50. Laymann *lib.* 4. *tr.* 1. *c.* 1. *n.* 8. Ratio est: quia illud genus bonorum, quod ad consecutionem vitæ æternæ nobis est necessarium per se, est à nobis absolutè petendum, quemadmodum salutem ipsam, ad quam ordinati sumus, jubemur absolutè petere, & in eam pro viribus tendere, è contra illud, quod per accidens quasi ad salutem animæ ordinatum est, ità scilicet, ut sæpe sæpius nobis possit esse impedimento salutis, non est absolutè à nobis postulandum, ne fortè illo abutamur, & salute excidamus: atqui bona supernaturalia sunt nobis ad salutem necessaria, bonis verò naturalibus sæpe sæpius abutimur, & hæc possunt nobis reddi exitialia: ergo hæc conditionatè, illa verò absolutè à nobis postulanda sunt.

¶ jam ad alteram partem ejusdem quaesiti. Præfata bona sunt à Deo postulanda 1. humiliter. 2. piè seu devotè. 3. instantè secundum divinæ providentiæ leges: *humiliter* quidem tum quia oratio humiliantis se nubes penetrabit. *Eccli.* 35. *v.* 21. tum etiam quia Deus superbis resistit, humilibus autem dat gratiam. 1. *Petr.* 5. *v.* 5. Piè seu devotè; secus enim oratio non foret actus Religionis, sed irreverentiæ potius erga divinam Majestatem.

tem, & hoc ipsò indignationem potius mereretur, quàm gratiam, *Instante* denique seu perseveranter fieri debet juxta monitum Apostoli *Coloss. 4. Orationi instate*. Unde S. Augustinus *serm. 5. de verb. Dom. cap. 5.* ait: *Ideo Deus tardius nonnunquam dat, quæ petimus, ut tandem ferventiùs & perseverantiùs orantes plus etiam impetremus, ac petimus.* Hinc tandem additur: *secundùm divinæ providentiæ leges*; secus enim oratio non esset ordinata, quin immò cùm sæpè sapiùs nesciamus, quid nobis conveniat, posset non rarò contingere, ut effectus esset magis, quàm prodesset animarum nostrarum salutis. Videantur de hoc fusiùs agentes *Castropalao part. 2. tr. 7. disp. 1. pu. 7. n. 6. & seqq. Reiffenstuel tr. 5. dist. 1. à n. 53. Michel ubi suprà §. 3. à n. 5. Herincx de Relig. disp. 1. n. 28.*

§. II.

Proponuntur & breviter resolvuntur Casus practici de Oratione.

CASUS PRIMUS.

Titia tota quasi desperabunda fatetur, se jam inde ab octo & ampliùs mensibus ne unicum quidem Pater noster vel Ave Maria dixisse, eò quòd pluribus annis instante Deum rogaverit, ne permetteret se labi in quandam impudicitiam, multò minùs in fornicationem,
vel

vel certè non in publicam infamiam, quæ ex hoc Crimine vel potiùs imprægnatione subsequi assolet, & nihilominus stantibus etiam tot precibus ad Deum fufis nedum crimen fornicationis, sed & infamiam publicam modò incurrerit. Quæritur jam ad nostrum propositum 1. an Titia non peccaverit rogando Deum, ne supposito etiam lapsu in fornicationem evaderet gravida? 2. An vel qualiter peccaverit ex eo, quòd jam ab octo & pluribus mensibus ne unicum quidem Pater aut Ave MARIA dixerit?

R. ad primum quæsitum. Titia probabiliter non peccavit ex eo, quòd Deum rogaverit, ne supposito etiam lapsu in fornicationem imprægnaretur, aut diffamaretur. Ratio hujus est: quia supposito etiam lapsu non imprægnari, revera huic puellæ bonum fuisset, quatenus hoc modo infamiam publicam inde subsequentem evitâisset: neque etiam supponitur postulâsse à Deo, ut is modò illicito impediret conceptionem, vel aliud quidpiam in actu conceptionis illicitum fieret, sed ut ex alio accidente (quorum procul dubio multa etiam sinè peccato intervenire possunt) non evaderet gravida. Et quis, amabo! quis conjugatam peccati alicujus condemnabit ex eo, quòd optet, vel Deum roget (prout revera sæpiùs faciunt) ne velit permittere, ut ex concubitu conjugali concipiat, ne scilicet prolem nimis copio-

404

sam alere vel educare cogatur? Certè si talis fœmina voveret v. g. dare eleemosynam sub conditione: *si non conceperit ex tali congressu*, votum esset validum, & supposita conditione adimplendum, prout dissertè docent Cajetanus 2. 2. q. 88. art. 2. §. *sed quid dicendum*. Arriaga, Navarrus, eosque secutus Laymann l. 4. tr. 4. c. 2. n. 7. *in fine*; atqui votum non esset validum, nisi objectum hujus fuisset honestum & licitè appetibile: ergo &c. &c.

405 R. jam ad 2dum quæsitum. Titia per se loquendo graviter peccavit ex eo, quòd per tot menses ne unicum quidem Pater vel Ave dixerit. Ratio est: quia præceptum orandi, vel certè non nimis diu differendi orationem *per se obligat*; atqui Titia orationem in morali hominum existimatione diu nimis distulit; cùm enim singulis diebus tot tentationes occurrant, & tot pericula amittendi gratiam divinam, cùmque quotidie in omnibus dependeamus ex adjutorio Dei, perfectò sana ratio dictat, Deum voluisse, ut ad Eundem, à quo omne auxilium, orando & obsecrando recurramus sæpiùs. Meritò proin Castropalao cit. tr. 7. disp. 1. pu. 8. n. 3. ait, dilationem unius mensis (quidni & octo mensium) gravem esse: idipsum docent Suarez lib. 1. de orat. c. ult. n. 16. Lessius lib. 2. de just. c. 37. dubit. 3. num. 12.

Sed quid, inquires, si Titia interim defe-

ctu

ctu orationis incidisse supponatur plura peccata v. g. fornicationis, judicandumne erit vel concludendum, quod semper comiserit duplex peccatum, unum scilicet contra virtutem Religionis, & alterum contra virtutem castitatis?

R. cum P. Herincx *cit. n. 18.* & R. D. 406 Michel *loc. cit. n. 16.* Negativè. Ratio est: quia obligatio orandi seu invocandi divinum auxilium in casu particulari necessitatis non oritur per se ex præcepto aut virtute Religionis, sed merum per accidens, in quantum scilicet oratio supponitur necessaria per modum medii ad evadendum lapsum in peccatum fornicationis, ideoque neglectus orationis constituit moraliter unum peccatum; sicut revera voluntas non orandi non in tali censetur voluntas peccandi v. g. contra castitatem. Satisfaciet proin Titia in confessione exponendo numerum & speciem peccatorum v. g. fornicationis, nec erit necessum addere, quod hæc inciderit defectu orationis, licet secundum dicta teneatur confitendo dicere, quod per tot & tot menses orationem omnem neglexerit, idque ex contemptu quasi & desperatione &c.

CASUS SECUNDUS.

Sempronius dum nuper obitum cujusdam pro quo vi confederationis certas preces persolvere debuisset, ex litteris intellexisset, dicta

suffragia consultò distulit, eò quòd meminerit se ab eodem olim haud leviter fuisse offensum, ob eam verò injuriam se meliùs vindicare non posse, nisi hoc modò, quatenus scilicet defunctus ex dilatione suffragiorum diutiùs cogere-tur luere in purgatorio. Quomodo Sempronius deliquisse censendus est?

407

R. Censendus est in hoc facto vel potiùs omissione facti peccasse mortaliter. Ratio est: quia ex lege generali charitatis (nil dicam de obligatione particulari Sempronio vi confederationis incumbente) quivis tenetur proximo suo etiam inimico non malè, sed bene velle, immò quantum in nobis est, omne damnum grave ab eo pro viribus propulsare seu avertere: quo enim modò Christus nos dilexit: hoc modò diligimus nosmetipsos, & hoc eodem modò jubemur diligere proximum *Joan. 15. c.* atqui Sempronius respectu defuncti id non fecit; sed potiùs contrarium voluit. Adde insuper, quòd appetitus inordinatus gravis vindictæ sit mortaliter malus secundum omnes; atqui ex hac facti specie liquet, quòd Sempronius differendo suffragia eo fine ut defunctus, à quo olim offensum se meminit, diutiùs detineretur in purgatorio, inordinatam vindictam & gravissimam quidem appetierit: quandoquidem fide divina jubemur credere, poenas purgatorii esse gravissimas, easdemque animas in extrema miseriâ

ac

ac necessitate versarii, quas nihilominus suffragiis nostris sublevare possumus, imò Sempronius, ut supponitur, vi confederationis debuisset: ergo hoc negligendo ex præfato fine censendus est peccasse mortaliter, merito proin P. Sporer *tr. 2. in decalog. c. 7. sect. 3. §. 3. n. 18.* ait, excusandos non esse à peccato morali, qui nunquam vellent pro illis animabus, & maximè sibi conjunctorum orare, mox subdens: *Praxis facillima est, nihil speciale velis orare, in orationis dominicæ ultima petitione: libera nos à malo &c. piè te reflectas ad miseras illas animas.*

An, inquires, quomodo peccasse censendus est ille malefactor, qui jamjam condemnatus ad mortis supplicium, noluit ignoscere cuidam alteri, à quo proditus fuerat, propterea que ubi recitando orationem dominicam, pervenit ad illa verba: *Et dimitte nobis sicut & nos dimittimus* at non huic NN. velut inimico meo &c. quem nominetenus semper solebat exprimere?

R. Etiam iste censendus est peccasse mortaliter; tum quia contra expressum mandatum Christi Domini *Matth. 11. v. 25. & 26.* noluit ignoscere suo inimico, ideoque seipsum reddidit indignum venià & gratia reconciliationis; tum etiam quia ex appetitu vindictæ illum exclusit à communi oratione, de mente Christi pro omnibus persolvenda, quòd planè nullus Doctorum teste Herinex

cit. disp. 1. n. 25. à culpâ mortali excusandum censet; etsi non ignorem, Castropalaum *tr. 7. disp. 1. pu. 6. n. 6.* dubitare, an talis exclusio à communi oratione mortaliter, an verò venialiter duntaxat sit mala, si scandalum & vindicandi affectus supponatur abesse; quod tamen in nostro casu minimè supponi potest.

Dices tamen contra hoc: plus quàm certum est, non omnes consecuturos salutem æternam: ergo nec possumus, multò minùs tenemur orare pro salute omnium; quin imò talis oratio non minùs inepta, quàm præsumptuosa esset. Unde & Christus Dominus non pro omnibus orâsse, sed potius aliquos positivè exclusisse legitur *Joan. 17. v. 9.* *Ego, inquit, pro eis rogo, NB. non pro mundo rogo, sed pro his, quos dedisti mihi.*

409 R. *Concesso anteced. disting. Conseq.* ergo non tenemur orare pro salute omnium *collectivè sumptorum*, trans. *distributivè sumptorum.* neg. conseq. Cùm enim nobis ex certa revelatione non constet, quinam ex massa totius humani generis sint salvandi velut electi, & quinam tanquam reprobi damnandi sint; hinc omnino prudenter & sanctè facimus, dum omnibus ac singulis gratiam, beatitudinèmq; postulemus. Imò verò tamen de aliquo homine in particulari nobis ex revelatione divina constaret, eum damnatum iri; quia tamen non minùs certum est, nemi-

neminem condemnari nisi ob demerita; hinc juxta ordinem voluntatis divinæ etiamnum pro tali possemus Deum interpellare, quatenus eidem velit dare auxilia gratiæ, quibus mediantibus suam operetur salutem; in hoc enim nihil prorsus reperitur contrarium divinæ voluntati, quippe quæ vult *omnes homines salvos fieri*, 1. *Timoth. 2. v. 4.* Illud verò exemplum Christi Domini nihil obstat; gratis enim concedimus, quòd nemo teneatur quovis tempore orare pro omnibus, sed possit pro suo libitu (præcisa omni alia obligatione) orare modò pro illo, sicut Christus *loc. cit.* oravit specialiter pro suis Electis, non verò pro Mundo seu pro Reprobis: illud solùm negamus, quòd è communibus orationibus à Deo vel Ecclesia pro omnibus institutis, liceat aliquem excludere, eò præsertim, quòd nulla rationabilis, & satis ponderosa causa videatur excogitabilis, quæ sufficiat ad cohonestandam hanc exclusionem, Videantur Suarez *lib. 1. de orat. c. 15. à n. 6.* Valentia 2. 2. *dist. 6. q. 2. pu. 8.* Castropalao *part. 2. tr. 7. disp. 1. pu. 6. n. 5. & 6.*

CASUS TERTIUS.

Casa desponsata Deum ac Cælites diu quasi nocturne orando sollicitat, quatenus ex parte sponsi velint conservare, imò, & augmentare amorem sponsalitium, ne fortassis ille mutatio animi proposito à sponsalibus resiliat,

Ff 5.

aut

aut mundo prorsus valedicens Monachum induat. Et quia nuptias celebrare non licet prius, quàm Parens sponsi vel vita excefferit, vel filio suo (sponso scilicet) officium suum sponte resignaverit, hinc eadem Caja sanctum Antonium, aliósque sanctos Patronos suos sæpissimè interpellat, velint meritis suis & intercessionibus rem eò deducere, ut dictus Parens vel brevè moriatur, vel certè officium, quod hæcenus gesserat, filio suo resignet. Quæritur jam, an Caja hæc & similia tutà conscientia à Deo cœlitibusque orando prætere-
dere possit.

410

R. Primò Caja implorando Dei, Cœlitumque opem ad impetrandum ex parte sponsi augmentum amoris sponsaliti (honesti tamen, uti suppono, non item carnalis & lascivi non peccat, modò id faciat ordinatè, id est, cum debita resignatione in divinam voluntatem, & conditionatè potius, quàm absolutè, scilicet si ad Dei gloriam & ad animæ salutem conducat vel expediat. Ratio hujus resolutionis facilè colligi potest ex dictis n. 401. qua orando licitè petimus à Deo bona etiam temporalia, in quantum hæc conducunt ad Dei gloriam vel animæ salutem: atqui amor sponsalitiutius sicut & augmentum hujus respectu Cajæ erat quoddam bonum, in quantum per modum medii conduxit ad assequendum honestum & favorable matrimonium: ergo Caja hoc petendo à Deo & cœliti-

cœlitibus non peccavit : peccâisset tamen gravissimè & Sacrilegè , si postulâisset augmentum amoris etiam lascivi , valde communis inter hujusmodi personas , prout illico ampliùs constabit ex dicendis n. 412.

Dices fortassis contra datam resolutionem , Status Ecclesiasticus aut Monachalis est longè perfectior statu Matrimoniali , ideòque & Deo gratior ; erga Cajam inordinatè , & hoc ipso illicitè postulavit à Deo , ne sponsus contempto mundo , & statu conjugali Monachum indueret.

R. Negando Conseq. esto enim status 411
Monachalis sit perfectior , respectu Caje tamen non fuisset melior , quin potius obstitisset assécutioni honesti Matrimonii. Rursus status Matrimonialis quantumvis de se minùs perfectus , potest nihilominus comparative ad hanc vel illam personam particularem esse magis conveniens , tum ad animæ salutem , tum etiam ad bonum familiæ , vel totius Ecclesiæ , propterea que jam sæpiùs dispensatum fuit cum Clericis in voto castitatis in ordine ad contrahendum matrimonium , & ad propagandam familiam , prout videre licet apud Sanchez de *Matrim. lib. 8. n. 6.* Gobat *Theolog. exp. tr. 9. n. 149.* Lessium de *J. & J. lib. 2. c. 40. n. 141.* Kugler de *Matrim. n. 1662.* & alios plures. Neque etiam semper tenemur orando à Deo petere ea , quæ sunt majoris perfectionis ; secus enim,

enim, ut de se liquet, quævis Virgo, aut Juvenis teneretur potius à Deo postulare statum Monachalem, quam matrimonialem, quod, quam absurdum, quamque à veritate alienum sit, nemo prudentum non videt.

412

R. Jam 2dò ad eandem facti speciem. Caja implorando Dei, Sanctorumque Patronorum suorum opem in ordine ad impetrandam mortem Parentis &c. probabilissimè peccavit moraliter, nedum contra virtutem charitatis proximo debitæ: sed vel maximè etiam contra virtutem Religionis peccatò Sacrilegii. Ratio horum haud difficulter erui potest ex dictis n. 333. Enimverò optare cuiuspiam mortem ob emolumentum temporale nobis inde eventurum, graviter repugnat charitati: in hunc autem finem Deum, Cœlitésque interpellare, idem est, ac illos vel le facere auctores peccati, quod utique gravissimè pugnat contra reverentiam Deo Cœlitibusque debitam: atqui Caja hoc fecit; ergo dupliciter peccavit. Nec refert, quod mortem Parentis videatur non absolutè, sed disjunctivè potius, id est, vel mortem, vel resignationem officii desiderasse; nam per hoc satis patenter manifestavit, perinde sibi esse, sive per resignationem officii, sive etiam per mortem Parentis liceat transire ad connubium; quod cum sit bonum longè inferioris ordinis quam vita Parentis, inordinate postulatur per huiusmodi medium, velut constare

stare potest ex dictis *loc. cit.* graviterque repugnat reverentiæ Sanctis debitæ. Unde non abs ratione Suarez *lib. 1. de orat. c. 23. n. 4.* Herincx *ubi supra n. 27.* Sporer *loc. cit. n. 19. in fine* docent, semper peccari mortaliter, quando à Deo petitur res etiam venialiter, duntaxat mala; est enim gravissima & blasphema in Deum irreverentia, petere ejus concursus vel auxilium ad rem quamcunque malam, sicque ipsum facere auctorem mali.

§. III.

Corollaria ex dictis inferenda.

Colliges ex dictis primò, virtutem Religionis inter morales esse præstantissimam; esto enim virtutes Theologicæ, utpote immediatè Deum respicientes quâ tales nobiliores sint (præstantia enim virtutum desumi solet ab objecto præsertim formali, in quod tendere solent vel inclinare) quia tamen nulla alia virtus moralis tam propè accedit vel tendit in Deum, sicut virtus Religionis, quippe quæ secundum dicta *n. 292.* pro suo objecto immediato habet Dei cultum, imò circa Deum ipsum velut *objectum Cui* cultus exhibendus est, quod non habent aliæ virtutes morales, hinc meritò aliis præferatur. Inde

Colliges 2dò, ab hac virtute Religionis aliarum etiam virtutum tam Moralium, quam

quàm Theologicarum actus utpote fidei, spei &c. imperati posse. Ratio est: quia actus similium virtutum possunt assumi velut medium in ordine ad colendum Deum, quem cultum virtus Religionis immediatè respicit velut suum objectum, uti mox dictum, atqui Deus colitur nedum virtutibus fidei, spei & charitatis, sed aliis insuper virtutibus moralibus, præsertim misericordiæ, justitiæ &c. ergo hujusmodi actus possunt præcipi virtute Religionis.

415 Colliges 3tò, virtutem Devotionis multipliciter impediri, vel omnino extingui posse: potissimam tamen (teste Herincx *disp. 1. de Relig. n. 11.*) sunt 1. immoderata rerum temporalium sollicitudo, 2. terrenarum consolationum nimia cupido; 3. indiscreta de ultimo vitæ suæ termino, id est, de adipiscenda beatitudine anxietas. 4. tanta in laboribus occupatio, ut animi recollectionem & spiritualia exercitia non compatiatur: subinde tamen reperire est tales, qui labores suos sive manuales, sive liberales cum humilitate Deo offerentes & consecrantes, majorem aliis devotionem sentiunt, teste eodem Herincx, qui utpote summis laboribus per complurium annorum curricula occupatus, & functus id ipsum expertus fuerit. Plura alia impeditiva devotionis prudens lector faciliùs experienciâ, quàm lectione discet.

416 Colliges 4tò, minimè mirandum esse, quòd

quòd multi videantur sibi frustra suas orationes fundere aut fudisse, tametsi Christus Dominus multis in locis, singulatim *Matth. 7. v. 8. omnis enim, qui petit, accipit*, itemque *Joannis 16. v. 23. Si quid petieritis Patrem in nomine meo, dabit vobis &c.* & alibi pluries videatur promisisse infallibilem orationis effectum. Non, inquam, mirandum est, quòd multi videantur orare, & tamen nihil impetrare; quia mox allegatæ promissiones Christi intelligi debent velut conditionatæ, prout innuunt verba *in nomine meo*, id est Salvatoris &c. ideòque ad hoc, ut oratio fortiatur infallibilem effectum, necessum est, ut oretur humiliter, piè, & instanter &c. secundum dicta *n. 403.* atqui certum est, quòd quàmplures non observent dictas conditiones: ergo minimè mirandum, quòd videantur frustra orare, juxta illud *Jacobi 4. v. 3. petitis & non accipitis eò quòd malè petatis.* Tametsi autem non rarò videamur frustra orare; nihilominus divina pietas nostras orationes frustrari minimè patitur; nam testemelisso Doctore S. Bernardo *sermon. 5. in quadrages. de tripl. modo orat. Unum indubitanter & duobus sperare possumus; quoniam aut dabit, quod petimus, aut quod nobis noverit esse utilius.* Videatur de hoc Sanctus Doctor.

Colliges igitò, ad omnem Orationem, etiam liberam seu non præceptam præter intentionem saltem virtuales aut implicitas
417
 oran-

orandi, insuper 2dò necessariam esse internam attentionem & reverentiam. Ratio prioris est: quia recitatio quarumcunque demum precum sinè omni intentione orandi seu Deum colendi, non est verus actus Religionis, consequenter, nec vera oratio, prout ex hæcenus dictis clarè liquet. Ratio autem posterioris est: quia lumen naturale dictat, cum Deo ceu ultimo fine & supremo immò infinitæ Majestatis Domino reverenter ac submissè agendum esse: at ubi nulla intervenit attentio interna aut reverentia, hoc non fit. Unde S. Bonaventura *lib. de perfect. vitæ c. 5.* ait: *indecens est valde, ut quis cum Deo loquatur ore, & aliud meditetur corde.* Et certè qui cum aliquo Principe aut Magnate loquitur, attendere debet ad ea, quæ loquitur, & interim cum aliis non miscere sermones, quantò magis cum Deo loquens debet esse attentus?

418

Quocirca illud breviter advertas velim à Doctoribus satis communiter distingui triplicem attentionem. Prima vocatur *superficialis* seu etiam *materialis*, quando scilicet ad sola verba attenditur, ne committatur aliquis error. 2da dicitur *litteralis*, quando attenditur ad sensum verborum, seu quid verba significant. 3tia denique (quæ est omnium optima) appellatur *spiritualis* quâ scilicet attenditur ad Deum ceu terminum, & ad finem orationis, potèstque ab omnibus etiam idiotis,

idiotis, aut linguæ ignaris, in qua officium divinum recitatur, prout apud Moniales contingere assolet, haberi. Ità post Divum Thomam 2. 2. q. 83. a. 13. Filliucius *tr.* 23. c. 3. n. 74.

Colliges 6tò, omnem voluntariam distractionem in oratione esse saltem venialiter peccaminosam, siue dein directè sit volita, siue etiam indirectè (quod tunc contingit, dum quis perfectè advertit se de hoc vel illo objecto ab oratione longè alieno cogitare, ideòque esse distractum, & tamen negligit cor suum seu mentem ad Deum revocare) Ratio patet ex dictis: quia omnis hujusmodi distractio fit cum quadam irreverentia erga Deum: ergo cum offensa levi saltem divinæ Majestatis. Quin immò P. Herincx *disp.* 1. de *Relig.* n. 31. voluntarias distractiones durante oratione jure divino præcepta, condemnat peccati mortalis; quod tamen procul dubio intelligendum putaverit de distractionibus ad longum tempus captatis; secus enim cum la Croix *lib.* 6. *part.* 2. n. 443. Diana, Bardi & aliis satis probabile existimo, quamcunque distractionem internam, etiam sub consecratione vel communione (modò absit periculum erroris) non esse nisi venialiter malam; partim quia secundum probabilem sententiam Doctorum essentia orationis subsistit cum distractione interna; partim etiam quia intentio virtualis orandi, quæ

R. P. Elbel, Pars II. de Fide &c. Gg sem-

semper adhuc manet , sufficienter dirigit omnes illas actiones , facitque , ut sint actus Religionis.

Dixi insuper : *omnem voluntariam distractionem* &c. Nam distractiones , quas sæpiùs quidem , quàm par est , etiam contra voluntatis inclinationem patimur , non sunt peccaminosæ , eò ipso quòd non voluntariæ , quin potius possunt esse occasio meriti , si cum patientia & humilitate sufferantur : quod vel maximè notari velim à quibusdam scrupulosis , qui ob quamlibet distractionem putant se graviter peccare , nec satisfecisse suo officio : tales enim non debent facilè quidquam repetere , etsi in fine psalmi vel horæ advertant , se fuisse distractos , præsertim cùm in repetitionibus eadem imperfectiones intercurrere soleant. Quare mente ad Deum revocatâ tunc pergendum est sinè ulla turbatione vel anxietate ; ait sapienter Herinex *part. 3. tr. 4. disp. 4. n. 39.*

421

Colliges demum 7^{timò} , orationem oblatam aut factam pro multis non esse tantæ efficaciz & virtutis , quantæ fuisset , si pro uno duntaxat , vel pro singulis in specie fuisset oblata. Ratio est : quia tametsi efficacia orationis ultimatè fundetur in divina promissione & liberalitate , certum nihilominus est , quòd à Deo etiam attendatur moralis valor ipsius orationis , prout vel ex eo haud obscure colligere licet , quòd oratio fervida
pluris

pluris valeat apud Deum, quàm tepidè peracta: atqui moralis valor orationis, dum pluribus applicatur dispersus quasi, procul dubio minor est pro singulis, quàm si uni tantum fuisset applicatus: quia singuli in petitione illa communi confusè & indistinctè intelliguntur, non item in petitione vel applicatione particulariter facta. Unde etiam Ecclesia sæpè orat pro aliquo peccatore speciali, quod non esset consultum, si oratio fusa ad Deum pro omnibus, singulis æqualiter prodesset, prout bene advertit Castropalao *l. cit. punct. 7. n. 11.* Videatur Suarez *lib. 1. de orat. c. 27. n. 6.* Vel Azorius *tom. 1. lib. 9. c. 5.*



CONFERENTIA DECIMA QUARTA.

De Adoratione Dei, Cultuque Sanctorum, & Sacrarum Reliquiarum.

SUMMARIUM.

422. Adoratio genericè sumpta est exhibitio reverentiæ alteri factæ in recognitionem suæ excellentiæ.
423. Et hæc communiter partiri solet in Latriam, Hyperduliam, & Duliam.
424. Deo T. O. M. debetur cultus latriæ, seu adoratio latrevtica.
425. Eadem adoratio debetur Christo; nec non
426. Augustissimo Eucharistiæ Sacramento.

427. Qualis cultus debeatur humanitati Christi?
428. Sanctissimum Nomen JESU pariter adorandum, seu colendum est cultu latrevtico respectivo.
429. Sancti in cælo, velut singulares Dei amici licitè, & utilissimè coluntur ab universa Ecclesia Catholica.
430. Beatissimæ Virgini sinè labe conceptæ debitus est cultus hyperdulæ.
431. Reliquis verò Sanctis debetur cultus Dulæ: qui etiam à nobis utiliter invocantur velut Patroni & intercessores apud Deum.
432. Satisfit breviter nonnullis objectionibus hæreticorum oblatrantium.
433. Imagines Christi & Sanctorum nedum licitè exponuntur in Ecclesiis, sed etiam coli debent à fidelibus cultu Barundem Prototypis respectivè debito.
434. Occurritur rursus oblocutionibus Adversantium.
435. Quidnam intelligatur nomine SS. Reliquiarum Christi, & aliorum Sanctorum?
436. Iisdem pariter debetur cultus respectivus.
437. Diluuntur brevissimè fundamenta hæreticorum contradicentium.
438. Resolvitur breviter Casus I. de quodam acatholico converso, qui nullum Sanctum invocare voluit.
439. Confessarius hoc inaudiens bene fecit, eidem pœnitentiæ causâ injungendo certas quasdam preces ad B. Virginem, aliósque Sanctos fundendas.
440. Homines cum fama sanctitatis defuncti, esto nondum canonizati aut beatificati supponantur, nihilominus licitè invocantur orationibus privatis.
441. Resolvitur Casus II. cujusdam personæ, quæ certas quasdam recolas seu Reliquas de Venerabili Abbatissa Maria Joanna de Roveredo in multa veneratione habet;
442. Immò verò Ejusdem effigiem domi suæ suprâ quoddam altariolum collocare, & coram eâdem genuflectere solet.
443. Nuper insuper à quodam Sacerdote postulavit, quatenus veller quoddam Sacrificium Missæ offerre in

in honorem Ejusdem Venerabilis Matris : & quid Sacerdoti in tali casu agendum fuerit ?

444. Resolvitur Casus III. de quodam famulo , qui Domino suo furtivè auferendo quandam cistulam Sacris Reliquiis refertam , procul dubio graviter deliquit.

445. Utrum vel quando in tali furto possit dari parvitas materiæ ?

446. Utrum idem famulus aliis distribuendo particulas falsas & fictitias de S. Cruce , & quidem loco verarum , peccaverit ?

447. Crux sacra sicut etiam particulæ sacræ crucis colendæ sunt cultu latriæ respectivo.

448. Quomodo colendus sit SS. Sanguis JESU Christi , qui hinc inde in diversis Ecclesiis asservatur ?

449. Crux sacra Reliquiis partim approbatis , partim etiam non approbatis seu authenticatis licitè exponitur publicæ venerationi fidelium.

450. Non item sinè cruce solæ Reliquiæ partim authenticatæ , & partim non authenticatæ seu approbatæ.

451. Cuilibet fidelium fas est sacras Reliquias etiam non authenticatas penes se reverenter deferre v. g. in Capsula.

452. Neque ab iisdem abstinendum , eò quòd simus homines fragiles , peccatis obnoxii.

453. Quo cultu Ceræ Papales (vulgò Agnus Dei dictæ) prosequendæ sint ?

§. I.

Premittuntur , & breviter resolvuntur quæsitæ scitu necessaria ad debitè resolvendos casus præscticos circa adorationem Dei , & Christi &c. &c.

Quæres primò , quit sit Adoratio in genere , & quotuplex ?

422 R. Ad primam partem hujus quæſiti. Adoratio eſt exhibitio reverentiæ, quâ alium reveremur, ipſi nos ſubmittendo tanquam Superiori in recognitionem ſuæ Excellentię. Ità in terminis Matthæucci *in cautela Confessariorum lib. 3. c. 3. n. 62. in re verò communis* eſt Doctorum. Dicitur autem: exhibitio reverentiæ alteri *tanquam Superiori* &c. In hoc quippe differt adoratio ab honore, quòd honor ſit pariter conſeſtatio ſeu teſtificatio de alterius excellentia, at non neceſſariò *tanquam Superioris*, unde & æqualem, imò & inferiorem nobis honorare poſſumus: at verò adoratio fieri nequit, niſi Superiori, id eſt, tali, quem velut Superiorem agnoſcimus, cujus & excellentiam conſeſtamur, ſive dein proſtratione corporis, ſive inclinatione capitis, aut genuflexione, ſive denique pectoris tuſione, vel alio modò.

423 R. Jam ad alteram partem ejusdem quæſiti. Adoratio ut communiter quidem & rectè dividi ſolet in Latriam, Duliam, & cultum politicum, quo quis teſtatur alterius excellentiam purè naturalem & creatam; verùm cum hæc politica adoratio ad forum noſtrum non pertineat; hinc, eam politicis relinquimus, adorationem verò ut ſic à Theologis dicimus rectè dividi in Latriam Hyperduliam, & Duliam, Latria eſt cultus ſoli Deo debitus ob infinitam ipſius excellentiam.
Hyper-

Hyperdulia est cultus creaturæ debitus propter excellentiam supernaturalem & sanctitatem singularem. Dulia verò est cultus Sanctis debitus ob creatam excellentiam sanctitatis, quam habent. Ratio autem hujus divisionis rectè desumitur ex diversitate excellentiarum: cùm enim adoratio secundùm dicta consistat in contestatione excellentiæ alterius tanquam superioris, jam verò soli Deo competat suprema & infinita excellentia: singularissima autem excellentia competat hodie humanitati Christi ob unionem hypostaticam, nec non B. Virgini Mariæ ob dignitatem Maternitatis Filii Dei &c. alia denique sit excellentia Sanctorum seu sanctitatis, quâ cæteris creaturis supereminet; hinc meritisimo jure adoratio ut sic partiiri solet 1. in Latriam soli Deo debitam, 2. in Hyperduliam humanitati Christi secundùm se sumptæ debitam, nec non B. Virgini Mariæ, 3. denique in Duliam reliquis Sanctis debitam, prout amplius patebit ex dicendis.

Quæres jam adò, qualis adoratio debeatur Deo?

R. Deo Triuno, & soli quidem, debetur adoratio latrevtica, seu cultus latriæ. 424
Ratio hujus liquet ex proximè dictis: soli quippe Deo Triuno competit excellentia suprema & infinita tanquam principio ac ultimo fini nostro: ergo huic soli debetur adoratio latrevtica, seu cultus supremus. Quin

imò hoc verbum *Adorare*, prout perbene notavit Perrerus *inc. 32. Gen.* teste Sporer *tr. 2. decalog. c. 8. sect. 1. n. 5.* in vulgari Christianorum usu ac sermone denotat solum Dei cultum latrevticum, propterea que Sanctos colere quidem, non tamen adorare nos profiteamur, sumendo adorationem strictè pro cultu latrevtico; quo sensu *Deut. 5. & Matth. 4. dicitur: Dominum Deum tuum adorabis, & illi soli servies.*

Quæres 3^{tiò}, qualis cultus seu adoratio debeat Christo?

425 R. Christo debetur cultus latriæ, & quidem absolutus. Ità cum S. Thoma 3. *p. q. 25. à 2. communissimè DD.* Ratio est: quia illi debetur cultus latriæ, & quidem absolutus, cui inest Divinitas: atqui Christo utpote constituto ex natura divina & humana simul inest Divinitas, imò *omnis plenitudo divinitatis* juxta Apostolum *Coloss. 2. 9.* ergo huic debetur. Unde etiam *Hebr. 1. dicitur Adorent eum omnes Angeli Dei.*

426 Quod verò hic de adoratione Christo debita diximus, illud ipsum dictum intelligas velim de Venerabili, & Augustissimo Eucharistiæ Sacramento, quippe in quo verè & realiter Christum Dominum, ceu verum Deum & hominem contineri, fides vera nos docet. Hac de causa Concilium *Trident. ss. 13. c. 5. & Can. 6. de eod. Sacr.* ait: *Si quis dixerit, in Sancto Eucharistiæ Sacramento Christum unigenitum Dei Filium non esse cultu latriæ etiam*

etiam externo adorandum, vel non publicè, ut adoretur, populo proponendum, & ejus adoratores esse idololatrias, anathema sit.

At, inquires, qualis cultus debetur humanitati Christi secundum se præcisè spectatæ?

R. Si humanitas Christi spectaretur præcisè secundum se, id est seorsim quasi & à Verbo D. separatim sumpta, esset colenda duntaxat culu hyperdulix; quia ut sic spectata habet quidem excellentiam supernaturalem maximam super omnes creaturas ratione unionis hypostaticæ, non tamen infinitam, veluti paulò suprà n. 423. jamjam insinuavimus. Verùm enim verò cùm humanitas Christi semper subsisterit, & etiamnum subsistat subsistentiâ Verbi, ideoque realiter unita divinitati; hinc practicè loquendo semper adoranda est cultu latriæ: id, quod hodiedum confirmat perpetua praxis Ecclesiæ, quippe quæ in communibus orationibus ad Christum fuis nunquam auditur dicere: *Ora pro nobis*, sed semper: *Miserere nobis*. Unde & Concilium Ephes. *auth.* 8. definivit: *Siquis audet dicere, assumptum hominem coadorari oportere quasi alterum alteri, & non potius unâ adoratione honorificat Emanuelem secundum quod factum est Caro Verbum; anathemata sit.* Rursus ex 5. Synodo (quæ fuit 2. Constantinopol.) *can.* 9. habetur: *Si quis non unâ adoratione Deum Verbum Incarnatum cum propria ipsius carne adorat, sicut*

ab initio DEÏ Ecclesiæ traditum est, anathema sit.

Quæres 4to, utrum etiam Sanctissimum Nomen JESU sit adorandum?

- 428 R. Hoc Sanctissimum Nomen adorandum est & colendum cultu latriæ respectivo. Ità *communiter Catholici* contra Calvinistas, præsertim Puritanos. Ratio est: quia hoc Sanctissimum Nomen nobis repræsentat & quodammodo innuit ipsum Christum Salvatorem nostrum tanquam verum Deum & hominem: ergo huic respectivè debetur idem cultus, qui absolute debetur Christo: atqui Christo debetur cultus latriæ absolutus: ergo cultus latriæ respectivus debetur ejusdem Nomini. Hac de causa Apostolus *Philipp. 2.* ait: *In Nomine JESU omne genuflectatur &c.*

Quæres 5to, utrum Sancti à nobis licitè colantur seu honorentur?

- 429 R. Affirmativè. Ità *omnes Catholici* contra Calvinum, Lutherum, aliósque hæreticos seu Sectarios. Ratio est: quia ille rectè colitur, cui competit singularis excellentia, velut ex hæcenus dictis liquet, cum cultus aliud nihil sit, quàm quædam contestatio excellentiæ in alio repertæ: atqui in Sanctis ceu specialibus Dei amicis reperitur singularis prærogativa excellentiæ supernaturalis, scilicet gratia & Sanctitas à Deo participata, sicut & intima amicitia cum Deo, quâ

quâ perpetuò fruuntur : ergo &c. Hinc Doctor Angelicus 3. part. q. 25. a. 6. ait : *Sanctos Dei in veneratione habere debemus tanquam membra Christi, Dei filios & amicos, & nostros intercessores.* Idipsum constat innumeris aliis tum Sanctorum Patrum, tum etiam S. Scripturæ testimoniis, confirmaturque nunquam interruptâ SS. Ecclesiæ Romano Catholicæ praxi, prout constabit ex proximè dicendis 431.

Quæres 6tò, qualis cultus debeatur Beatissimæ Virgini Mariæ ?

R. Huic debetur cultus Hyperdulix. Ita 430 tota Ecclesia contra Bezam, aliósque Sectarios. Ratio est : quia Sacratissima hæc semperque illibata Virgo excellentiâ Sanctitatis & donorum gratiæ supernaturalium superat, & longè antecellit omnes Angelos & puros homines : ergo meretur cultum huic excellentiæ proportionatum, superiorem quidem reliquis omnibus Sanctis, inferiorem tamen Christo ceu vero Deo & homine simul : atqui iste est cultus hyperdulix : ergo &c.

Quæres 7timò, qualis cultus sit debitus reliquis Sanctis ?

R. Reliquis Sanctis à sancta Matre Ecclesia 431 vi Canonizationis solemnæ aut Beatificationis declaratis ut talibus, rectè impenditur cultus Dulix, etiam publicus : rectè insuper iidem Sancti à nobis invocantur. Hæc responsio quoad utramque partem nedum est inter

inter Catholicos communiter recepta, sed etiam de fide, utpote jam sæpius per diversa Concilia signanter in Synodo 7. general. Act. 7. nec non per Concilium Trident. SS. 25. c. 2. de invocat. & venerat. SS. declarata, innumerisque SS. Patrum testimoniis robodata, prout passim videre licet apud DD. nostros. Ut proin ab hæreticis sinè nota temeritatis & pertinaciæ negari sanè non possit. Ratio prioris jam fuit data n. 429. Ratio autem posterioris, quòd scilicet iidem Sancti à nobis licitè invocentur, non quidem velut *per se* largitores & auctores bonorum, neque ut Mediatores immediati apud Deum (nam *unus est Mediator Dei & hominum JESUS Christus*, 1. *Timoth. 2.*) sed velut Mediatores mediati sive subalterni duntaxat, quatenus videlicet ipsi meritis Christi interpositis à Patre nostro cœlesti nobis impetrent, seu etiam impetrare nos juvent ea, quæ postulamus.

Ratio, inquam, validissima hujus desumitur à pari; nam I. licet invocare homines, ut pro nobis orent apud Deum; sic enim 1. *Reg. 7. dixerunt* (filii Israël) *ad Samuelem, ne cesses clamare pro nobis ad Dominum Deum nostrum, ut salvet nos.* Item *Job 42. v. 8. dicitur: Servus meus Job orabit pro vobis, faciem ejus suscipiam.* Denique ad *Rom. 1. 30.* ait Apostolus: *Obsecro ergo vos fratres - - ut adjuvetis me in orationibus vestris pro me ad Deum.*

II. Li-

II. Licet invocare Angelos Sanctos, prout manifestè eruitur ex illo *Gen. 19. v. 21.* ubi Angelus ad rogantem Loth dixisse fertur: *Ecce etiam in hoc suscepi preces tuas, ut non subvertam urbem, pro qua locutus es*: ergo Loth Angelum invocavit seu rogavit, ne subvertèret &c. Imò & Angelum pro Jerosolyma intercessisse disertè narrat *Zach. 1. v. 12.* Idipsum habetur *Josue 5. 13.* & alibi locorum sæpiùs.

III. Etiam licitè invocantur Sancti defuncti, uti habetur *Baruch 3. 4.* ubi *universus populus legitur Deum rogasse* sequentibus verbis: *Domine omnipotens Deus Israël, audi nunc orationem mortuorum Israël &c.* Ex quibus brevissimè contra hæreticos conficitur sequens argumentum: licitum est invocare homines adhuc viventes, ut pro nobis vel apud Deum, vel apud hominem alium intercedant, prout quotidiana experientia probat: licitum insuper est invocare Sanctos Angelos, & homines cum fama Sanctitatis defunctos, quorum intuitu Deum multa nobis contulisse beneficia immò indies conferre constat ex hætenus dictis: ergo similiter fas est Sanctos in cœlis jamjam existentes, meritisque abundantes invocare, quippe qui apud Deum multò potentiores sunt, quàm nos homines in via adhuc degentes, nec minori erga nos charitate præditi, quibus proin nec voluntas intercedendi pro nobis

nobis deficit, neque facultas : vel dent nobis Adversarii aliquam disparitatem.

At verò, inquiunt Hæretici, I. Soli Deo debetur honor invocationis, ut habetur *Matth. 4. v. 10.* II. Unus est Mediator Dei & hominum Christus JESU, 1. *Timoth. 2. v. 5.* III. Christi merita sunt infinita & ipse solus sufficit ad omnia nobis impetranda. IV. Sancti de vivis nihil sciunt; ad quid ergo jüvet eos interpellare? V. *Apocal. 22. v. 9.* Legitur Angelus Joannem avertisse ab invocatione, dicens : *vide ne feceris, conservus enim tuus sum. Deum adorâ :* ergo Sancti nedum inutiliter, sed ineptè etiam & illicitè invocantur.

432

R. Simpliciter ad hæc omnia negando confeq. Ut verò constet, quo modò singulis objectionibus in particulari occurrendum. Respondeo breviter ad I. distinguendo ant. Soli Deo debetur honor invocationis, *tantumquam auctori* bonorum in cujus potestate est conferre vel non, conced. *tantumquam intercessori*, neg. ant. cum conf. Ad II. R. disting. Unus est Mediator immediatus *mediatione redemptionis*, qui nos Patri suo reconciliavit, conced. *mediatione interpellationis tantum*, ità ut præter hunc nullus alius pro nobis intercedere valeat apud Deum, neg. ant. cum conf. Secus enim nec liceret invocare hominem, ut pro nobis roget Deum. Ad III. R. disting. ant. Christi merita sunt infinita in

actu

actu primò, conced. in actu 2dò, ità ut nulla
 indigeant applicatione nostrâ vel Sanctorum
 cooperatione seu etiam intercessionem impe-
 tranda, neg. conf. Et licet verum sit, quod
 absolutè loquendo ipse solus sufficiat ad om-
 nia nobis impetranda : ex hoc tamen in-
 eptè infertur, quod nullum alium præter
 Christum liceat interpellare, quemadmodum
 (ut ad hominem loquar) ex eo, quod Im-
 perator vel Rex tuus solus per seipsum suffi-
 ceret ad te temporaliter beatificandum, in-
 eptè concluderes : ergo nullò alio interces-
 sore indigeo &c. Ad IV. R. disting. ant.
 Sancti de nobis nihil sciunt *finè revelatione*
 à Deo iisdem communicata, con. *supposita*
tali revelatione, quam sin minus de omnibus
 nostram salutem concernentibus, tamen de
 nonnullis procul dubio habent, præsertim si
 specialiter in eum finem à nobis invocentur,
 neg. ant. cum conseq. Secus enim quomo-
 do possent in cœlis gaudere super uno pec-
 catore in terris pœnitentiam agente, ut ha-
 betur *Luc. 15. 7.* nisi Deo revelante cogno-
 scerent talem pœnitentiam ? Si autem pos-
 sint, immò actu cognoscant talem pœniten-
 tiam, quidni etiam agnoscant nostras pre-
 ces ? Ad V. R. in illo loco, prout ex littera
 liquet, nihil agi de invocatione, sed de ado-
 ratione, quod autem adorationem Joanni in-
 terdixerit, vel idedò contigit, quia Joannes
 tunc existimavit, illum qui sibi apparuit,
 esse

esse Deum, proptereaque adorationem propriè dictam seu cultum latreviticum soli Deo debitum eidem deferre voluit; vel si supponatur interdixisse etiam adorationem minùs propriè dictam seu cultum dulix, dicendum, quòd id fecerit propter dignitatem Apostolatùs, & eminentiam Sanctitatis officiique in Joanne perspectam: absolutè autem hujusmodi adorationem Angelorum non esse illicitam, clarè colligitur ex illo *Genes. 19. v. 1.* ubi dicitur, quòd cùm Loth vidisset duos Angelos, *surrexit, & ivit obviam eis, adoravitque pronus in terram*, nec propterea ab Angelis fuit reprehensus.

Quæres 8tavò, qualis cultus debeatur SS. imaginibus Christi & Sanctorum ab Ecclesia Canonizatorum &c. &c.

433

R. Dictæ imagines nedum in Ecclesiis aliisque piis seu etiam honestis locis licitè ponuntur (prout quotidiana fidelium praxis probat) sed insuper honorari & coli debent cultu respectivo earundem Prototypis debito, ità scilicet, ut imagines Christi & Dei cultu latriæ respectivo; imagines B. Virginis cultu hyperdulix, reliquorum verò Sanctorum imagines cultu dulix respectivo colendæ sint. Ità fides Catholica contra Wiclefum, Carolstadium & Calvinistas, reprobantes omnem prorsus usum imaginum, nec non contra Lutheranos, admittentes quidem usum imaginum in ordine ad conservandam

memo-

mem
quen
quen
ut co
rò hu
est :
eo ip
dam,
& Sa
3. &
ad M
rum
Simil
viros
cussi
non
imag
quar
rem
ctos
pecu
eàqu
tur f
ratu
go e
mati
gine
opp
faci
hon
ris,
R

memoriam, minimè tamen in ordine ad aliquem cultum iisdem exhibendum, utpote quem prorsus superstitiosum existimant, prout constabit ex dicendis proximè. Jam verò hujus asserti nostri ratio fundatissima hæc est: quia quidquid Sacrum & Sanctum est, eo ipsò veneratione est dignum seu colendum, prout nedum ratio naturalis dicat, sed & Sacra Scriptura satis clarè innuit *Exod. 3. & Act. 7. 33.* ubi Dominus legitur dixisse ad Moysen: *solve calceamentum pedum tuorum: locus enim, in quo stas terra Sancta est.* Similiter 1. *Reg. 6.* Deus legitur septuaginta viros & plures de populo bethsamitico percussisse, eò quòd Arcam Dei utpote Sanctam non satis reverenter conspexissent &c. atqui imagines Christi & Sanctorum Sanctæ sunt; quandoquidem ex institutione sua peculiariter habent relationem ad Christum & Sanctos; imago quippe propria, & suò modo peculiaris est illius, cujus est imago, propter eaque Adversarii volentes, nolentes coguntur fateri, quòd, dum imago alicujus honoratur vel dehonatur, etiam ille cujus imago est, censeatur in morali hominum estimatione honorari vel dehonari: ergo imagines Christi & Sanctorum honorandæ sunt, oppositum verò faciendo hæretici pessimè faciunt, quemadmodum malè facerent dehonorando effigiem v. g. August. Imperatoris, prout ipsimet negare minimè possunt.

R. P. Elbel, Pars II. de Fide &c. Hh Hac

Hac de causâ (ut brevitatis causâ præscindam ab auctoritate Sanctorum Patrum etiam primitivæ Ecclesiæ, qui Sanctorum imagines verbô & exemplo honorari docuere, prout videre licet apud R. P. Julium Cæsarem in *suo Epitom. controvers. demonstrat.* 25. c. 1. nec non ab innumeris miraculis, quibus D. O. M. venerationem hanc Religiosissimam contestatam ac probatam voluit) lubet duntaxat in medium & confirmationem hujus doctrinæ adferre verba Concilii Tridentini SS. 25. de invocat. & venerat. SS. ibi : *imagines porro Christi (inquit) Deiparæ Virginis & aliorum Sanctorum in templis præsertim habendas & retinendas eisque debitum honorem & venerationem impertiendam -- quoniam bonos, qui eis exhibetur, refertur ad Prototypa, quæ illæ repræsentant &c. &c.*

At, inquiunt Adversarii. I. Exod. 20. (& rursus Deuter. 5. v. 8.) Deus prohibendo ait: *non facies tibi sculptile, neque omnem similitudinem, quæ est in cælo desuper, & quæ in terra deorsum, nec eorum, quæ sunt in aquis sub terra, non adorabis ea, neque coles: ergo &c.* II. Catholici idem faciunt hodie, quod olim Judæi & Idololatræ; quemadmodum enim nos in imagine Dei, Sanctorum vè protestamur venerari non ipsum lignum vel lapidem, sed Eum, cujus imago est, ita prorsus Idololatræ non idola sua, sed in ido-

lis v. g. vitulo aureo Deum honorare voluere : ergo nulla est differentia inter catholicum & idololatram. III. Si nos Catholici in imaginibus nil aliud veneremur, quam Prototypon, tunc unam imaginem v. g. Christi Domini, seu etiam B. Virginis deberemus æquè venerari, quàm aliam : at, hoc non facimus, nam unam votivis peregrinationibus vel etiam tabulis votivis seu anathematibus honoramus, alteram non : ergo &c. IV. Denique (inquit) homo est perfectior imago Dei, quàm alia quævis inanimata vel etiam animata creatura, & tamen hominem adorare propter Prototypon nefas foret : similiter nefas est adorare aliam quamcunque imaginem inanimatam &c. &c. Hæc sunt principalia fundamenta Adversariorum ; ad quæ tamen facillimè.

R. ad I. Explicando textum allatum & 434 distinguendo : non facies - - non adorabis ea, adoratione *Deo soli debita*, id est, cultu *latriæ*, con. *adoratione* vel potius *cultu dulciæ* quem solum Sanctis aliis (præter B. Virginem &c.) debitum dicimus, neg. ant. cum conseq. Nec obstat, quòd in cit. textu sub disjunctione dicatur : *neque coles* : esto enim imago merùm materialiter spectata non mereatur cultum, meretur tamen hunc ipsum Prototypon, cujus est imago, veluti liquet in humanis : unde redit eadem distinctio : non licet colere *cultu latrevitico*, conc. *cultu*

tu dulciæ aut (respectivè) *hyperdulciæ*, neg. ant. cum conseq.

Ad II. Negando ant. contrarium enim clarè liquet, de Judæis quidem *Psal. 105. fecerunt vitulum in Horeb, & adoraverunt sculptile, & NB. obliti sunt Deum, qui salvavit eos.* De Gentilibus similiter liquet ex illo *Psal. 95. Dii gentium demonia &c.* item *1. Cor. 10. quæ immolant gentes, demoniis immolant, & non Deo.*

Ad III. dist. Maj. unam æquè ac aliam deberemus venerari *quoad substantiam cultûs*, imagines scilicet Christi cultu latriæ respectivo, imagines verò B. Virginis cultu *hyperdulciæ* &c. conced. unam æquè ac alteram etiam *quoad frequentiam* &c. neg. Nam Deus ipse diversas imagines diversis (ut ita dicam) exornat beneficiis, dum intuitu hujus illiusvè miraculosæ imaginis innumera quasi confert nobis beneficia, quæ non solet conferre intuitu aliarum: mirandum proin non est, quòd frequentior concursus fidelium fieri soleat ad hanc potius, quàm aliam imaginem: immò ex hoc ipsò Hæretici colligere possent ac deberent, quòd non imagines ipsas, sed Deum potius revereamur in suis Sanctis, quorum intuitu nobis tam innumera confert beneficia.

Ad IV. negatur paritas. Cùm enim homo (idem de Angelis judicium ferendum est) habeat *in se* quandam dignitatem naturæ ra-

tional-

tionalis, & excellentiam gratiæ seu talentorum, quam nulla habet imago inanimata; hinc majus foret periculum, ne adorantes hominem sisterent quodammodo in eodem velut termino, & hunc cultum non referrent ad Deum ipsum, cujus est imago. Accedit insuper, quòd imaginem Dei omnes æqualiter participemus, ideòque in hoc passu nullus sit excellentior altero: ergo non est, cur unus alterum adoret, sed magis convenit, ut omnes adoremus Deum, ad cujus imaginem & similitudinem omnes creati sumus.

Quæres denique 9nò, utrum etiam Sanctorum Reliquiis debeat aliquis cultus aut veneratio?

Ante responsionem supponendum est, 435
nomine Reliquiarum Christi intelligi lignum Crucis, sudarium, spinas ex corona, sanguinem &c. Per Reliquias autem Sanctorum intelliguntur Eorundem ossa, sanguis, vestimenta, aliæve mortificationis instrumenta, quibus carnem suam redigere in servitutem spiritûs &c. Rursus solent Doctores distinguere inter Reliquias principales & non principales. Principales (teste Felix Potestas *Exam. Confess. tom. 1. p. 2. c. 6. n. 15 19.*) sunt caput, crus, brachium, aut illa pars corporis, in qua passus est Martyr, dummodo integra sit, & non parva, legitimè ab Ordinario vel Ecclesiæ auctoritate approbata (huc

insuper referri debent Crux Christi, spinæ & similia passionis instrumenta) econtra auricula, digitus, vestes Sanctorum &c. inquit idem Felix Potestas, non sunt Reliquiæ insignes. His suppositis & notatis

436

R. Ad præsens quæsitum. Reliquiæ Christi & Sanctorum in veneratione habendæ sunt & colendæ cultu respectivo : illæ quidem patriæ, istæ verò hyperdulciæ aut dulciæ &c. Ratio hujus responsionis inter Catholicos receptissimæ est : quia Deus ipse honorat Sanctorum suorum Reliquias, patrando per illas aut ad illarum præsentiam miracula : ergo & nos illas debemus revereri. Ant. constat ex S. Scriptura 4. Reg. 2. Deus Eliæ palliô stitit, & divisit aquas Jordanis. Item 4. Reg. 13. ad præsentiam Cadaveris Elisæi suscitavit mortuum. Rursus Act. 19. legitur per cinctoria & sudaria Pauli Apostoli sanasse ægros. Denique idipsum probant historiarum monumenta plena miraculis, quæ Deus fecit per Sanctorum suorum Reliquias, quibus omnibus fidem negare nemo potest, nisi stolidissimus & pertinacissimus ingeniô. Profectò si Adversarii nolint credere auribus; oculis saltem credere debent, dum quorundam Sanctorum corpora & arida ossa odorato liquore, & salutari oleo perfusa atque manantia viderint, prout in multis orbis Christiani partibus monstrantur, Sapienter proin hæc veritas Catholica antiquissimâ

quissimâ Eccesiæ praxi, & SS. Patrum testimoniis (apud R. P. Julium Cæsarem in suo *Epitome Controvers. demonstr.* 24. c. 1. videnti) roborata, etiam pridem in Synodo VII. *Act.* 3. & 7. nec non in Concilio Lateran. sub Innocentio III. definita, denuo contra Sectarios nostri temporis in Concilio Trid. *ss.* 25. de *Vener. SS. Reliq.* instaurata fuit sequentibus omnino verbis: *Sanctorum Martyrum, & aliorum cum Christo viventium Sancta corpora: quæ viva fuerunt membra Christi, & templum Spiritûs sancti, ab ipso ad æternam vitam suscitanda & glorificanda, à fidelibus veneranda sunt: per quæ multa beneficia à Deo hominibus præstantur &c. &c.* Cæterum quòd cultu respectivò duntaxat venerandæ sint, constare potest ex dictis *n.* 433. de Sacris Imaginibus: est enim utrobique par ratio.

Dices fortassis cum aliquo Hæretico I. In Scriptura sacra nihil prorsus habetur de colendis Sanctorum Reliquiis; ergo hîc cultus omnino reprobandus est: omnis quippe cultus arbitrarius à D. Paulo condemnatur *Coloss.* 2. 23. II. Quin potius contrarium Scriptura sacra innuit, dum *Luc.* 11. 47. prohibet Christum Legisperitis dixisse: *Væ vobis, qui ædificatis monumenta Prophetarum: patres autem vestri occiderunt illos.* Ex quo liquet illos Prophetas fuisse Martyres Sanctos & tamen &c. ergo &c. III. Ex divina

voluntate corpus Moyſis defuncti occultatum fuit Judæis, ne illud colerent, prout conſtat ex Epiftola Catholica S. Jacobi Apoſtoli: ergo ne Sanctorum quidem Reliquiæ vel offa ſunt collenda. IV. Per cultum Reliquiarum diminuitur cultus & honor divinus: ergo &c. V. Denique cum Reliquiis committuntur innumeræ fraudes & deceptiones, dum verarum locò falſæ hinc inde ſparguntur, prout vel ex hoc haud obſcurè convincitur, quòd ſubinde de uno Sancto (ſicut & de S. Cruce Chriſti) tam multæ circumferantur, ut ſi veræ eſſent, planè neceſſarium fuiſſet, vel eundem Sanctum plura habuiſſe corpora, vel certè corpus gigantæum; hinc non immeritò natum eſt commune illud verbi verbum: *Multorum Reliquiæ in terris honorantur, quorum animæ in inferno cruciantur.*

437

R. Ad I. diſting. ant. In ſcriptura nihil habetur *per modum præcepti*, tranſ. *per modum exempli*, neg. ant. cum conſeq. Nam *Exod. 13. 19.* legitur, quòd Moyſes diſceſſurus ex Ægypto honorificè tranſtulerit offa Patriarchæ Joſeph: nec dubitandum, quin aliis præceperit, ut eadem offa in veneratione haberent: an propterea Adverſarii noſtri Moyſem condemnabunt ſuperſtitionis? Negari proin debet, quòd hic cultus ſit merè arbitrius, utpote nedum exemplis SS. Scripturæ, ſed & miraculis innumeris à Deo intuitu Sacrum Reliquiarum patratis confirmatus.

Ad II.

Ad II. R. disting. ant. Christus legitur in-
tonuisse vā! &c. eò quòd Legis periti ædifi-
cārint Prophetarum sepulchra, idque *in ho-
norem eorundem Prophetarum* velut SS. Mar-
tyrum, neg. *in honorem suorum Majorum*,
qui Prophetas injustè occiderant, concedo,
hoc enim Christus Dominus innuit dum *l. cit.*
vers. 48. ait: *Profectò testificamini, quòd*
consentitis operibus Patrum vestrorum (qui
scilicet Prophetas occiderunt) ex quo liquet,
quàm longè alieni Scribæ & Pharisei ædifi-
cantes dicta sepulchra fuerint ab intentione
SS. Ecclesiæ Romano-Catholicæ.

Ad III. R. disting. ant. Corpus Moyſis de-
functi fuit Judæis absconditum, eo fine ut
non colerent *cultu duliæ* nego. *cultu latrevti-
co & superstitioso*, utpote soli Deo, & nulli
alteri debito, concedo. Cùm enim popu-
lus ille ad superstitiones fuerit promptissimus
in tantum, ut etiam Vitulum aureum locò
Dei habuerit, profectò fuisset maximum pe-
riculum, ne pariter videns Sacras Reliquias
Moyſis dicerent: *Hi sunt dii tui Israël, qui*
te eduxerunt de terra Ægypti, *Exod. 32.*
v. 4. Hujusmodi periculum longe abest à
nobis, veluti ex doctrina hætenus tradita,
& inter Doctores Catholicos plebémque
Christianam communissimè recepta quivis
Adversariorum à fucò passionis alienus fa-
cilè capiet.

Ad IV. R. negando ant. Nam per cul-

H h 5

tum

tum S. Reliquiarum potius augetur cultus Dei, quia non colimus eos, nisi in quantum fuerunt & actu sunt singulares Dei amici: talis verò cultus ultimatiò redundat in Deum, quemadmodum honorifica illa translatio ossium Joseph Patriarchæ suo modò redundavit in honorem Patriarchæ Jacob, ceu Parentis optimi.

Ad V. R. disting. ant. Cum Reliquiis committuntur innumeræ fraudes, *contra mentem & intentionem Ecclesiæ*, conced. *juxta mentem Ecclesiæ*, neg. ant. cum consequ. Nam Ecclesia diligentissimè solet inquire in veritatem SS. Reliquiarum: ex eo autem, quòd subinde malitiâ unius alteriusvè fraus contingat, Sacrarum Reliquiarum cultus reprobari non debet, quemadmodum nullus prudentum judicat Sacramentorum usum, imò & aliorum contractuum, negotiationumve usum esse reprobandum, eò quòd in similibus per hominum malitiam fraudes irreperere soleant, aut possint.

§. II.

Proponuntur, & breviter resolvuntur casus practici de invocatione Sanctorum, nec non de veneratione Sanctarum Reliquiarum.

CASUS PRIMUS.

Titius è Lutherano factus Catholicus sapius quidem videbatur, imò & audiebatur ferven-

venter orare, ità tamen, ut suas preces nunquam direxerit ad aliquem Sanctorum, sed ad solum Deum, eundem pro obtinendis beneficiis interpellando per Christum Dominum nostrum. Hujus rei causâ, dum quondam ab uxore sua fuisset quodammodo correptus & interrogatus, cur ergo Sanctos nunquam invocet? respondit, Deum solum posse, & velle hominibus benefacere, propterea que sibi non opus esse aliorum Sanctorum patrocínio. Paulò post uxor de Salute sui Mariti non nihil sollicita rem hanc narravit Confessario Titii, quibuic in proxima confessione injunxit certas preces de B. Virgine Maria, nec non & Lytaniis de omnibus Sanctis pœnitentiæ locò dicendas.

Queritur jam ad hanc facti speciem primò, quid de fide seu etiam fidelitate Titii tenendum sit? 2. An Confessarius bene egerit dictam pœnitentiam injungendo, & an Titius potuerit obligari ad eandem persolvendam?

R. Ad primum quæsitum, de Titio meritò dubitari, imò probabiliùs ex data responsione concludi posse, eum non esse bonum Catholicum: tametsi enim verum sit, quòd Deus solus seu se solò possit, imò & velit nobis benefacere, hancque ob causam ipsum solum velut fontem & auctorem omnium bonorum ultimatò invocandum esse juxta dicta. in Conferent. priori n. 398. ac proin Sanctorum invocationem non esse simpliciter necessariam ad salutem: quia tamen Titius hacte-

hactenus nullum prorsus Sanctorum invocare voluit, quin potius protestatus fuit, Eorundem patrocínio se non indigere &c. profectò satis clarè manifestavit, in pectore suo etiamnum aliquid de Lutheranismò latere, séque flocci pendere Sanctorum patrocínium velut inane commentum; quod utique sanæ Fidei & orthodoxæ Doctrinæ repugnat, docente Concilio Trident. SS. 25. *in Decreto de Invocat. Sanctorum, bonum atque utile esse simpliciter Eos (Sanctos scilicet) invocare, & ob beneficia impetranda à Deo per Filium ejus Jesum Christum Dominum nostrum, qui solus noster Redemptor & Salvator est, ad eorum orationes, opem, auxiliúmque confugere &c. &c.*

439

R. jam ad 2dum quæsitum, Confessarium omnino prudenter & bene fecisse preces de Sanctis pœnitentiæ causâ dicendas injungendo; cùm enim Titius in fide fuerit suspectus (velut ex proximè dictis liquet) debuit sinè dubio Confessarius Ejus dispositionem, mentèmque circa cultum & invocationem Sanctorum explorare: atqui hoc vix alio modo commodiori præstare potuisset, quàm injungendo dictas preces; tum quia per hoc medium consuluit honori conjugis, cujus delationem Maritus inde nequaquam potuit colligere; tum etiam quia unà simul consuluit reverentiæ Sacramenti & pœnitentis salutis: reverentiæ quidem, quia si pœnitens

tens Sanctorum invocationem, cultumque contempsisset, procul dubio talem pœnitentiam non acceptasset, consequenter Sacramentum non fuisset frustratum: saluti autem; quia peragendo talem pœnitentiam cum ingenti salutis emolumento potuit magis ac magis disponi, seu etiam excitari ad cultum Sanctorum. Cæterum extra controversiam esse debet, quod Titius hanc pœnitentiam debuerit acceptare, quippe quæ gravitati delictorum, ut suppono, fuit commensurata, simulque reverentiæ Sacramenti, nec non saluti pœnitentis summopere proficua: tales autem pœnitentias quivis pœnitentum tenetur acceptare, veluti ex professo diximus in Theologia Sacramentali *part. 2. Confer. 9. n. 227.*

At, inquires, quid tenendum de illis, qui invocant, quos nōrunt cum fama sanctitatis mortuos quidem, nondum tamen ab Ecclesia canonizatos aut beatificatos?

R. Si id faciant cultu privato duntaxat, 440
minimè culpandi, quin potius laudandi sunt: secus si illis vellent deferre cultum publicum, utputa precibus à tota Ecclesia ad Deum directis eos invocando, eorumvè nomina litanis inferendo &c. &c. Ratio est: quia universaliter loquendo (prout illico patebit ex proximè dicendis) cultus privatus laudabiliter & utilissimè quidem defertur hominibus cum fama sanctitatis defunctis, non ta-
men

men cultus publicus: atqui invocatio illorum importat quendam cultum: ergo si hæc privatim fiat, laudabiliter, si autem publice in sensu proximè dicto & mox ampliùs declarando fiat; culpabiliter omnino fit; quia contra constitutiones SS. Pontificum, uti mox dicitur.

CASUS SECUNDUS.

Sempronia devota femina multa partim fami volante audièrat, partim etiam legerat de insigni Sanctitate Venerabilis Matris Abbatissæ Revoredanæ Mariæ Joannæ de cruce, quam ob rem longo tempore desideravit, tandemque obtinuit de eadem nonnullas recolas seu etiam Reliquias sacrat, ut puta numismata Sacra, coronulam precariam & similia: Quin & nuper sibi procuravit quandam effigiem Ejusdem Venerabilis Matris jacentis in pheretro vultu admodum rubente, instar dormientis (absque radiis tamen) prout paulò post felicissimum obitum suum visa fuit; hanc verò effigiem Sempronia domi suæ supra quoddam altariolum collocatam venerari assolet, flexisque coram eadem poplitibus haud infrequenter ejusdem patrocinium implorare; & quia firmiter sibi persuasum habet, se nuper intercessione hujus insigne quoddam beneficium obtinuisse; hinc à quodam Sacerdote (oblato eidem congruo stipendio) petit, quatenus is vellet offerre quoddam SS. Missæ Sacrificium
tum

tum in gratiarum actionem, tum etiam in honorem ejusdem Venerabilis Matris, de cujus Sanctitate dubitandi locus jam nullus videtur superesse. Dubitatur nihilominus ad hanc facti speciem 1. an, vel qualem cultum præfatis Reliquiis Sempronia potuerit licitè exhibere? 2. An memoratam effigiem licuerit ponere supra altariolum, eandemque flexis etiam poplitibus venerari? 3. Denique, an Sacerdos tantâ conscientia potuerit acceptare stipendium pro Sacro ad memoratam intentionem offerendo & applicando, & quid huic specialiter fuerit observandum?

R. ad primum Sempronia potuit dictis 441
Reliquiis deferre cultum privatum, immò nedum licitum, sed & pium ac laudabile est hujusmodi Reliquias v. g. vestes, scripturas, instrumenta mortificationis aut pietatis, ut puta libros, imagines &c. secum portare, ad collum suspendere, osculari, aliove simili cultu privato venerari. Ità Fagnanus in c. cum ex eo. 2. de Relig. & venerat. Sanctior. n. 11. quem sequitur R. P. Reiffenstuel lib. 3. decret. tit. 45. §. 2. n. 29. & 30. Ratio est, quia in cit. cap. 2. ab Ecclesia solum interdictur, nequis præsumat cultum publicum exhibere Servis Dei nondum Canonizatis aut beatificatis: ergo à contrario cultus privatus censi debet licitus.

R. jam ad 2dum quæsitum ejusdem Casus affirmativè. Esto enim ad tollendos seu 442
etiam

etiam præcavendos abusus, qui in hac materia potuerant irrepere, immò hinc inde privati erroribus irrepsere, Urbanus VIII. *Bullâ Sanctissimus* 39. itèrque *Bullâ Cœlestis Jerusalem* 134. videndistum in *Bullario Cherubin. tom. 4.* tamen etiam apud Reiffenstuel *loc. cit. §. 1. n. 19.* esto, inquam, dictus Pontifex gravissimè prohibuerit, ne imagines defunctorum, qui cum fama Sanctitatis aut insignis pietatis mortui quidem, nondum tamen ab Ecclesia Canonizati, aut Beatificati fuere cum aureolis, radiis, seu splendoribus pingantur, vel taliter pictæ habeantur, sive dein publicè, sive privatim & in occulto aserventur, vel verò in Templis, Sacrariis, vel Oratoriis quibuscunque, præsertim ubi Sacrificium Missæ vel alia officia peraguntur &c. licitum nihilominus est eorum imagines sinè radiis, splendoribus, aureolis depictas vel sculpras domi suæ habere, easque ibidem etiam videntibus aliis venerari: nam ut perbene advertit Reiffenstuel *in Theolog. mor. tr. 5. dist. 1. n. 39.* nomine cultûs privati intelligitur ille, qui non exhibetur tanquam institutus ab Ecclesia vel nomine Ecclesiæ, sed fit ex peculiari devotione colentis, sive dein privatim, sive publicè, videntibus scilicet aliis fiat: atqui Sempronia non colit dictam imaginem nomine Ecclesiæ, & imago ipsa supponitur depicta sinè radiis seu splendoribus &c. licèt supponatur picta vultu nonnihil

hil rubente & viventis instar, prout post felicem transitum suum eadem Venerabilis Mater cunctis videntibus apparuit: ergo licitè omnino hoc fit. Vide etiam, si placet, Lantusca in *Theatro Regular. V. Beatificatio n. 2.*

R. ad 3tium quæsitum ejusdem Casûs. 443
Sacerdos potuit equidem acceptare stipendium congruum cum intentione celebrandi Sacrum tum in gratiarum actionem pro ob-
tento beneficio, tum etiam in honorem dictæ Venerabilis Matris Rovoredanæ, ita tamen, ut Missam debeat sumere de festo aut feria eo die currente, non autem de ipsa Venerabili Joanna, aut de communi Virginum cum memoria seu invocatione Ejusdem. Ratio est: quia Missa fit nomine Ecclesiæ, ideoque censetur cultus publicus: atqui non licet cultu publico venerari Sanctum aut Sanctam nondum publicâ auctoritate Ecclesiæ albo Sanctorum vel Beatificatorum insertam, veluti habetur *cap. 1. & 2. de Reliq. & Venerat. Sanctor.* nec non ex constitutionibus Urbani VIII. proximè allegatis: ergo non licet legere Missam de Venerabili Matre, vel cum speciali oratione de eadem, licet ex privata Sacerdotis intentione possit Sacrificium applicari quodammodo ad honorem illius: quæ intentio fit potiùs ex privata devotione; prout etiam fieri censetur, dum Sacerdos Missam applicat pro aliquo excommunicato non tolerato, &c. Videatur Sanchez *lib. 2.*
R. P. Elbel, Pars II. de Fide &c. I i in

*in decalog. c. 43. à n. 3. vel Bonacina disp. 3.
in decalog. q. 1. n. 2. Reiffenstuel Theolog.
mor. tr. 5. dist. 1. n. 41.*

CASUS TERTIUS.

Cajus è Germania nostra Romam usque comitatus fuit quendam magnum Dominum, cui à servitiis exstitit; at verò dum in Patriam reverterentur, idem Cajus itineris & servitii hujus pertæsus, clanculò Dominum suum deseruit, unà secum furtivè asportans quandam cistulam, in quâ diversæ Sanctorum Reliquiæ, nec non quædam Sanctæ Crucis particulæ continebatur unà cum authenticis. Porro Cajus dictas Sacras Reliquias hinc inde suis amicis obtulit, reservando sibi Sacratissimam Crucis particulam, cujus locò alias nonnullas ex communi ligno formatas particulas aliis præsertim simplicioribus hinc inde distribuit & quidem lucri capiendi causâ. Jam verò facti hujus pœnitens sciscitatur à quodam Theologo 1. quomodo peccaverit auferendo memoratam cistulam; in qua noverat, diversas Sanctorum Reliquias latere? Et 2. an vel quomodo peccaverit distribuendo falsas S. Crucis particulas lucri capiendi causâ.

444

R. ad primum quæsitum, Cajum auferendo cistulam illam indubitanter commisisse peccatum mortale, & quidem sacrilegum. Ratio est: quia supponitur abstulisse rem, & quidem Sacram Domino rationabiliter invito:

to: atqui tale furtum est sacrilegum: ergo. Nec refert, quod Sacra Reliquiæ non sint pretio humano æstimabiles &c. hæc enim circumstantia non minuit, sed potius aggravat malitiam hujus furti Sacrilegi, prout bene advertit Castropalao *part. 2. tr. 8. disp. 1. pu. 6. n. 19.* Sylvester *verb. Reliquiæ q. 2.* Sanchez *lib. 2. mor. cap. 43. n. 23.* Azorius *1. p. l. 9. c. 8. q. 9.* & alii plures.

Ergone inquires, non datur parvitas materiæ in ablatione SS. Reliquiarum?

R. Posse quidem dari, sed suppositis certis conditionibus, scilicet 1. si auferatur pars valde exigua. 2. si in Ecclesia sint aliæ ejusdem Sancti partes (quibus de causis excusari possunt personæ, Sanctorum corpora conglebantes & ornantes, quæ plerumque aliquid clepere assolent; haud secus, quam Sartores de panno &c.) 3. si Reliquia furtivè ablata non sit rara. Ratio horum est; quia gravitas hujus furti non tam ex quantitate, quam ex qualitate Sacrarum Reliquiarum dimetienda est; at, si S. Reliquia non sit adeò rara, vel in eadem Ecclesia ejusdem Sancti plures contineantur &c. Dominus non censetur graviter invitus, vel certè rationabiliter esse non potest: bene verò si S. Reliquia sit admodum rara, veluti judiciò Dianæ *part. 5. Resolut. 35.* & Felix Potestas *Exam. Confess. tom. 1. part. 2. n. 1522.* est minima pars sacrae spinæ, seu coronæ spinæ, aut

Sanctæ Crucis, quippe quæ tum ob dignitatem è corpore Christi participatam, tum etiam ob raritatem meritò magni æstimari solent à verè fidelibus.

446

R. jam ad 2dum quæsitum ejusdem casûs, Cajum procul dubio mortaliter peccâsse locò verarum particularum de Sancta Cruce falsas hinc inde distribuendo: quisquis enim falsas Reliquias distribuit, Deo Sanctis, ipsique S. Religioni haud exiguam injuriam facit, veluti mox infrà n. 464. patebit. Cùm verò Cajus feratur falsas illas particulas distribuissè lucri capiendi causâ; hinc à Confessario vel à Theologo desuper consulto specialiter indagari debet, an id fecerit cum pacto oneroso, scilicet vendendo illas particulas, an verò sinè omni pacto, & ob meram spem aliquid per modum eleemosynæ propterea adipiscendi? Si primum, dicendum, quòd incurrerit labem Simonix: esto enim supponatur re ipsa vendidissè particulas non sacras seu falsas, simulavit tamen exterius, se velle pro pretio temporali venderem spiritualem, & ad talem contractum alios simpliciores induxit cum scandalo, non sinè gravi & perniciosâ deceptione, & hõc ipsõ tenetur restituere pretium acceptum. At verò si absque omni pacto cum mera spe aliquid per modum eleemosynæ obtinendi id fecit, equidem à labe Simonix immunis erit, non tamen ab omni peccato; tum quia proximum suum

suum decepit; tum etiam quia sinistram intentionem habuit, & contra prohibitionem Concilii Trident. *ss. 25. in Decret. de cult. & Venerat.* SS. per hujusmodi particulas turpem quæstum quodammodo intendit. Videatur de hoc Palao *loc. cit. pu. 6. n. 18.*

§. III.

Corollaria ex dictis inferenda.

Colliges ex hæcenus dictis primò, nedum Christi Crucifixi effigiem verasque seu authenticas sacratissimæ Crucis particulas, aliæque passionis instrumenta, utputa clavos, lanceam, spinas &c. sed & alias cruces ex quacunque demum materia efformatas, sive eisdem sit affixa, seu etiam appicta Christi effigies, sive non, licitè à nobis adorari, seu etiam coli cultu latriæ respectivo. Ratio horum jam fuit data superiùs *n. 431.* quia imagini debetur idem honor & cultus respectivus, qui absolutè debetur prototypo; & licèt communibus crucibus, id est, ex quâvis materia sinè effigie Crucifixi efformatis, deberetur cultus inferior latriâ (quem Doctor Seraphicus *3. dist. 9. art. 1. q. 4. honorem venerationis* appellat) quia tamen hujusmodi cruces non solùm efformantur in ordine ad repræsentandam Crucem Christi, sed potiùs ad repræsentandum ipsum Christum pro nobis in Crucem mortuum; hinc laudabi-

dabilissimè à verè fidelibus honorantur cultu latriæ respectivo.

At, inquires, quò cultu honorandus est Sanguis Jesu Christi, qui hinc inde in diversis Ecclesiis visitur & asservatur?

448

R. Juxta Vasquetii, Palai aliorumque opinionem honorandus est cultu latriæ respectivo; eò quòd aliquando fuerit pars Corporis Christi unita divinitati, licet defacto non amplius sit, e contra alii putant. Eum esse honorandum cultu latriæ absoluto, eò quòd probabiliter etiamnum sit unitus divinitati, juxta notissimum illud S. Damasceni effatum: *Quod Verbum semel assumpsit, nunquam dimisit.* Nec refert, inquiunt, quòd non sit actu pars Corporis Christi; nam Sanguis ille Sacratissimus in Passione Christi per plateas Jerusalem hinc inde dispersus actu non amplius existit pars Corporis Christi, & tamen meruit honorari cultu latriæ. Ita Valentia & alii nonnulli haud improbabiler: placet nihilominus quoad hoc judicium nostri V. P. Cherubini Mayr in suo *Trismegisto continuo*, ubi dist. 3. c. 1. n. 246. ait; in praxi optimè facturum, qui hunc SS. Sanguinem honorat vel adorat cum intentione illum adorandi, sicut & quantum adorari potest ac debet: hoc quippe modo nec deficiet, neque etiam excedet in modo adorandi.

449

Colliges 2dò, non esse illicitum crucem diversis Reliquiis etiam non approbatis, vel para-

partim non approbatis, partim autem approbatis ornatam exponere publicæ venerationi. Ratio est: tum quia usus id jamjam obtinuit: tum etiam quia cùm crux Reliquiis ornata in altari collocatur, non Reliquiæ, sed crux adoranda proponitur: quòd autem unus fortassis vel alter Reliquias suo modò adoret, merùm per accidens contingit, & ad cultum privatum, non ad cultum publicum referri debet. Ità Sanchetius *lib. 2. in decalog. c. 43. n. 17.* Eumque secutus Castropalao *loc. cit. disp. 1. pu. 6. n. 11.*

Dices. Nefas foret publicæ venerationi exponere Reliquias partim approbatas, partim etiam non approbatas: ergo similiter nefas est, exponere crucem ornatam Reliquiis partim approbatis, partim non approbatis.

℞. *Negando consequ. & parit.* Nam ubi sola Reliquiæ exponuntur publicæ venerationi, tam approbatæ, quàm non approbatæ sinè ulla differentia proponuntur publico cultui, quod posterius per Concilium Trident. *ss. 25. c. 2. de invocat. & venerat. SS. &c.* graviter fuit prohibitum: At verò ubi crux Reliquiis ornata exponitur, sola crux, uti jam dictum fuit, non item Reliquiæ censentur exponi publico cultui fidelium. Ità rursus Sanchez *loc. cit. n. 12.* Castropalao *n. 12.* Bonacina *disp. 3. q. 1. punct. 4. n. 5.*

Colliges 3tiò cuilibet fidelium per se loquendo fas esse sacras Reliquias, esto non re-

cognitas ab Episcopo vel authentizatas, penes se reverenter portare v. g. in quadam capsula; idque partim quòd hoc nullo jure fuerit prohibitum, partim insuper, quòd talis devota gestatio mirum in modum deserviat, tum ad repellendas inimici infernalis tentationes; tum etiam ad excitandam fidelium devotionem: secus dicendum foret, casu quo subesset periculum, ne Sacrae Reliquiae aliquà fœditate aut obscœnitate polluerentur. Videantur Valentia *tom. 3. disp. 6. q. 1. 1. pu. 6. in fin.* vel Bonacina *disp. 3. de adorat. q. 1. pu. 4. n. 7.*

Dices fortassis contra hoc. Quicumque portans SS. Reliquias peccat, præsertim graviter, irrogat irreverentiam Sacris Reliquiis: ergo cùm omnes simus fragiles, nec sit homo, qui faciat bonum & non peccet *Eccles. 7. 21.* consultius omnino videtur abstinere à portatione SS. Reliquiarum.

452

R. disting. ant. irrogat irreverentiam gravem & necessariò in Confessione explicandam, *neg.* (nisi supponatur in contemptum SS. Reliquiarum peccare) irrogat irreverentiam levem & non necessariò exprimendam, *conced.* & *neg. conseq.* Nam perjuriò, furto, fornicatione &c. SS. Reliquiæ per se & directè non offenduntur, neque irreverenter tractantur, sicuti nec specialiter coluntur ex eo, quòd portans Sacras Reliquias faciat aliquod opus bonum: cùm ergo aliunde Earundem portatio serviat ad excitandam devotionem,

nem, quivis fidelium ad hanc allici potius debet, quàm absterri. Videatur Azorius 1. part. lib. 9. c. 8, q. 6. vel Sanchez lib. 2. decal. c. 40. n. 27. & 28.

Colliges denique 4^{to}, etiam illas ceras Papales, quas quilibet Pontifex primo & septimo Pontificatus sui anno infrà Octavam Paschæ benedicere solet, & ob figuram Agni eisdem impressam vulgò *Agnus Dei* appellari solent, magno in honore habendas esse imò & cultu latriæ respectivo venerandas.

453

Ratio est: tum quia præferunt imaginem Agni, qui pro nobis occisus fuit, & est dignus accipere honorem & gloriam, *Apocal.* 5. 12. tum etiam quia propter preces Ecclesiæ in earundem benedictione adhiberi solitas, habent magnam virtutem contra fulgura, grandines, incendia &c. nec non ad repellendos dæmonum insultus. Unde neque pretio (nisi quantum eorum materia vel labor & expensæ ad transportam factæ valent) vendi debent, neque etiam minio, aurovè aut alio colore pingi juxta constitutionem Gregorii XIII. *Omni certè studio &c.* 8. *Kalend. Julii* 1572. editam. Nihilominus quemadmodum Sanctorum Reliquiæ, ita etiam hæc Agnus Dei nedum à Clericis, verum etiam à Laicis tam unius quàm alterius sexûs licitè tanguntur, modò id fiat debita cum reverentia; tum quia nullibi hoc prohibetur; tum etiam quia usus id jamjam obti-

nuit, nec quisquam prudentum facile piaculo sibi ducet hujusmodi contactum: secus si irreverenter vel sinè omni prorsus devotione id fieret. Videantur DD. *proximè cit.* vel la Croix *lib. 6. part. 1. n. 225.*



CONFERENCE DECIMA QUINTA.

De superstitione in genere, nec non de
Idololatria in specie.

S U M M A R I U M.

454. Superstitio genericè sumpta est vitium Religioni oppositum per excessum.
455. Hæc immediatè partitur in duo membra, scilicet in superstitionem cultûs indebiti, & rei indebitæ.
456. Superstitio cultûs indebiti seu incongrui rursus subdividitur incultum falsum, & superfluum.
457. Explicatur brevissimè superstitio cultûs falsi,
458. Et superstitio cultûs superflui.
459. Prior species, cultûs scilicet falsi est mortaliter; posterior autem ex suo genere venialiter duntaxat peccaminosa.
460. Superstitio rei indebitæ, ist est, falsi Numinis rursus sub se continet quatuor species, scilicet 1. Idololatriam. 2. Divinationem. 3. Vanam observantiam & 4. Magiam.
461. Idololatria propriè dicta est superstitio, quâ divinus honor tribuitur alicui creaturæ sicut Deo.
462. Et hæc rursus solet dividi 1. in perfectam 2. in imperfectam, & 3. in simulatam.
463. Undenam Idololatria suam traxerit originem.
464. Resolvitur Casus I. de quodam Religioso confessore

- store & commendatore Schedularum lucanarum, seu Immaculatæ Conceptionis.
465. Num obstetrix condemnanda sit superstitionis ex eo, quod parturientibus assueverit dare tres schedulas cum infallibili spe felicitis partus.
466. Satisfit breviter cuidam objectioni in contrarium.
467. Resolvitur Casus II. cujusdam militis assueti ante solis ortum dicere certam quandam orationem eo fine, ut sese redderet eo die invulnerabilem.
468. Reprehenditur damnabilissima praxis, qua nonnulli tentant se reddere invulnerabiles defodiendo quodammodo cutem inter & carnem SS. Eucharistiæ Sacramentum.
469. Discutitur illud inane commentum de herbis, quæ dicuntur habere vim reddendi feras vel homines invulnerabiles.
470. Resolvitur Casus III. cujusdam pœnitentis dubitantis, an liceat uti virgâ coryli ad detegenda seu manifestanda maleficia.
471. Quid si talis virga supponatur diversis Sanctorum Reliquiis ornata &c.
472. Quid de usu virgæ avellanæ & aliarum tenendum?
473. Recensentur breviter nonnulli casus, in quibus committitur cultus perniciosus.
474. Enumerantur rursus alii, in quibus committi solet cultus superfluus & incongruus.
475. Nec affectus devotionis vel bonæ fidei in similibus satis excusare videntur à peccato superstitionis.
476. Qui in Theatris repræsentant cultum aut Ceremonias Gentilium, neutiquam dici possunt Idololatræ.
477. Multò minùs nos Catholici ex eo, quod Sanctos, imagines vel Reliquias SS. honore congruo veneremur.
478. Vel quod SS. Eucharistiæ Sacramentum adoremus cultu latræ debito.

479. Sitnè licitum dæmoni propriâ sponte aliquid afferenti credere, vel eundem de aliis interrogare?

480. Quæ fides adhibenda sit dæmoni, dum exorcismis Ecclesiæ adactus aliquid revelat, vel asserit?

§. I.

Præmittuntur, & breviter resolvuntur quæ sita, scitu necessaria ad debitè resolvendos casus practicos de Superstitione & Idololatria.

Quæres primò, quid sit Superstitio in Genere?

454 R. Superstitio est vitium Religioni oppositum per excessum, quò vel Deo cultus indebitus, vel creaturæ cultus Deo debitus exhibetur. Ità in terminis Babenstuber *tr. 5. disp. 2. a. 4. n. 2.* allegans D. Thomam 2. 2. q. 92. art. 1. Dicitur autem 1. *Vitium*, & quidem *Religioni oppositum*. Quemadmodum enim aliæ virtutes, ità & virtus Religionis in medio consistit, & per consequens sicut contra alias virtutes, ità & contra hanc peccari potest & solet vel 1. per defectum: & dicitur *irreligiositas* prout infra *Conferent. 17tima* ampliùs dicetur. Vel per excessum: & vocatur superstition, eò quòd sit quasi quædam susperstatutio, seu superflua observantia in cultu super statuta seu instituta majorum. Dicitur 2. oppositum *per excessum*, non quidem ex eo, quòd quoad substantiam Deus nimium colatur; (nam cultus

cultus verus Deo utpote infinitæ dignitatis exhibitus nunquam dici potest nimius) sed dicitur excessivus quoad circumstantias, seu etiam modum collendi, quia scilicet non prudenter colitur vel non moderatè, unde & ab aliis appellari solet cultus incongruus. Dicitur denique 3. vel *creaturæ cultus Deo debitus*: quod fit, quando vel diabolus vel alia creatura colitur locò Dei, vel ut Deus, prout amplius patebit per decursum.

Quæres 2dò, quotuplex sit Superstitio mox descripta?

R. Superstitio generatim duplex est veluti colligere fas est ex descriptione mox data. Enimverò per quamvis superstitionem vel colitur quidem verus Deus, sed modò indebito vel incongruo: & vocatur superstitio cultûs incongrui seu indebiti. Vel colitur creatura locò Dei seu ut Deus, & hæc dicitur superstitio Rei indebitæ aut cultus falsi, Numinis scilicet. Utraque tamen hæc species subalterna superstitionis rursus sub se continet diversas superstitiones specie infimâ inter se distinctas; Unde

Quæres 3tiò, quot dentur species superstitionis ratione cultûs indebiti seu incongrui?

R. Duæ dantur species superstitionis ratione cultûs incongrui. Una vocatur superstitio cultûs falsi: altera superstitio cultûs superflui. Ità cum S. Thoma 2. 2. q. 93. art. 1. &

I. & 2. & *Communi DD.* Reiffenstuel *Theolog. mor. tr. 5. dist. 2. n. 6.* Explico brevissimè utramque speciem.

457 I. Superstitio cultûs falsi (ob modum scilicet colendi) appellatur, quando cultus est mendax vel quia falsus, id est, non amplius verum significantibus ceremoniis colliter Deus, vel quia materia aut forma Sacramentorum mutatur, prout faciunt hæretici nostri temporis, vel denique quia quis se fingit publicum Ecclesiæ Ministrum, cum tamen rêvera talis non sit.

458 II. Superstitio cultûs superflui appellatur, quando quis nititur Deum colere quibusdam circumstantiis seu etiam ceremoniis, quæ neque ad ipsius gloriâ neque ad devotionem excitandam, neque juxta institutum aut rubricas, sed potius contra rubricas Ecclesiæ excogitantur vel usurpantur.

Quæres 4tò, quale peccatum sit superstitio cultûs falsi, mox descripti, & quale peccatum superstitio cultûs superflui?

459 R. Superstitio cultûs falsi quoad illum modum colendi semper est peccatum mortale: superstitio autem cultûs superflui ordinariè non excedit gravitatem peccati venialis, modò absit scandalum & contemptus Ecclesiæ. Ità Tamburinus *in decalog. lib. 2. c. 6. §. 1. n. 2.* Sanchez *lib. 2. decalog. c. 37. n. 2. & n. 9.* Bonacina *tom. 2. disp. 3. q. 5. pu. 1.*

Ratio

Ratio prioris est: quia per cultum falsum Deo irrogatur gravis irreverentia, populusque fidelis graviter decipitur, prout rem perpendenti cuipiam facile patebit. Ratio autem posterioris est: quia cultus superfluous repugnat consuetudini, seu etiam ordinationi Ecclesiæ, ideóque involvit aliquam inobedientiam saltem venialiter malam, modò (ut jam dixi,) scandalum absit & contemptus Ecclesiæ. Videatur de hoc Lessius *l. 1. c. 43. dubit. 1. n. 5.*

Quæres 5tò, quæ, & quot sint species 460
superstitionis rei indebitæ, seu falsi Numinis?

R. Hujus superstitionis rursus communiter enumerantur quatuor species, scilicet
1. Idololatria. 2. Divinatio. 3. Vana observantia, & 4. Magia. Ita Herincx *part. 3. tr. 4. disp. 7. de Religion. n. 3.* Reiffenstuel *Theolog. mor. tr. 5. dist. 2. n. 5.* & communior Theologorum, licèt Filliuc. *tom. 2. tr. 24. n. 4.* superaddat maleficium, quod tamen potius videtur quidam effectus magiæ, ut infra videbimus. Ratio autem hujus divisionis satis congrua inde desumitur; nam vel diabolus honoratur ut quoddam Numen seu Deus; & tunc committitur idololatria; vel invocatur eo fine, ut aliquid occultum revelet &c. & habetur divinatio, vel denique ut in operando dirigat seu aliquid mirum efficiat ob applicationem vanorum medicorum &c. & dicitur vel vana observantia,
vel

vel magia; ad quam reduci potest, ac debet maleficium, prout ampliùs constabit ex dicendis. Jam de prima specie hujus superstitionis, id est, magia, in hac Conferentia nonnulla agemus, reliquas species proximis duabus Conferentiis discussuri.

Quæres 6to, quid sit Idololatria?

461

R. Idololatria strictè sumpta, prout scilicet constituit primam speciem ex enumeratis est superstitio, quâ divinus honor tribuitur alicui creaturæ tanquam Deo, vel sicut Deo. Ita *ex communi DD.* Valentia *tom. 3. disp. 6. q. 11. punct. 1.* Explico brevissimè. Dicitur *superstitio*, locò generis, in hoc enim convenit Idololatria cum reliquis speciebus superstitionis, immò suò modò reliquas omnes excedit, in quantum per nullam aliam tam patulò cultus soli Deo debitus tribuitur creaturæ, sicut per hanc. Additur insuper super locò differentiæ: *quâ divinus honor &c.* ut per hoc significetur, quòd, quemadmodum ad cultum veri Dei, ità & ad veram idololatriam suo modò concurrere debeant tres actus, scilicet 1. quædam apprehensio seu existimatio divinitatis concepta de idolo. 2. quidam affectus internus reverentiæ, quò quis Idolo tanquam Numini sese vult submittere, & 3. quædam exhibitio signi externi, quò idololatra vult testificari suam submissionem &c. Dixi etiam: *ad veram seu propriam idololatriam*; nam latè & meta-

metaphoricè idololatrare dicitur, quisquis mortaliter peccat, & peccando in creatura ultimum suum finem collocat, prout benè advertit noster P. Herincx *loc. cit. n. 4.* Verùm hæc non est particularis species idololatriæ in confessione necessariò exprimenda, cum aliunde per expositionem ipsius peccati mortiferi satis à Confessario intelligi possit.

Quæres 7^{mò}, quotuplex sit Idololatria?

R. Triplex communiter à Doctoribus assignatur 1. perfecta, 2. imperfecta, & 3. simulata. Ita Suarez *de Religion. tom. 1. lib. 2. c. 4. & 6.* Laymann *tr. 10. cap. 2. n. 5.* Perfecta dicitur, dum quis cultum Deo debitum exhibet Idolo, eò quòd falsò credat, id esse Deum. Imperfecta est, dum quis bene animadvertens huic Idolo vel creaturæ nihil inesse divinitatis, nihilominus ex pravo affectu v. g. odii adversus Deum, aut concupiscentiæ aliquid obtinendi v. g. à dæmone aliavè creatura, eidem cultum externum exhibet sicut Deo. Simulata dicitur idololatria, dum quis ob metum v. g. Tyranni vel populi cultum soli Deo debitum exhibet Idolo vel creaturæ alteri, absque eo, quòd recognoscat in illa quandam excellentiam, aut divinitatem, aut quòd habeat internum affectum colendi ipsam, prout in annalibus Ecclesiasticis legitur de sancto Marcellino Papa. Verùm has duas posteriores species non esse propriè tales, liquidò constabit ex
R. P. Elbel, *Pars II. de Fide &c.* Kk di-

dictis numero priori de idololatria propriè dicta.

Quæres denique 8tavò, unde Idololatria suam traxerit originem ?

463

R. Primam hujus originem fuisse quoddam inordinatum desiderium, quò parentes quidam acerbo luctu dolentes (ut dicitur *Sapient.* 14. v. 15.) de filiis citò sibi raptis, erexerunt quasdam statuas, in quibus filios tanquam præsentés cernerent. Deinceps ipsæ statuæ tanquam Numine quodam plenæ & animatæ coli cæperunt, & quia diabolus stautis illis, mox ut dedicatæ erant, se insinuavit, putavit cæca Gentilitas, se posse Deos facere. Ex his postea factum est, quòd Ethnici capti pulchritudine & virtute corporum cœlestium & elementorum, nec considerantes, unde eam haberent, etiam eis cultum divinum exhibere cæperunt, eorúmque imagines adorare, prout clarè legitur *Sapient.* c. 13. v. 2. & seqq. Tandem pravâ hac consuetudine ampliùs invalescente eousque deventum est, ut cæca Gentilitas pro Deo coleret illud omne, de quo vel commodum sibi obventurum sperare, vel etiam damnum inferendum timere potuit; quam ob causam Lunam, Solem, Crocodilum aliásque bestias velut Deos colere cæperunt, falsò sibi persuadentes hujusmodi creaturis vim aliquam invisibilem præsidere & connexam esse, à qua regerentur: quam proin precibus ac Sacrificiis

crificiis placandam censuere. Ita sin minus in terminis saltem in re noster P. Herincx p. 3. tr. 4. disp. 7. n. 5. omnino probabilissimè. Videatur D. Augustin. lib. 8. de civit. Dei. c. 23.

§. II.

Proponuntur & breviter resolvuntur Casus practici de Superstitione & Idololatria.

CASUS PRIMUS.

Titius Religiosus quotannis infra Octavam Immaculatæ Conceptionis notabilem quantitatem Schedularum (quas alio nomine ab Authore derivato Lucanas appellamus), scribendo conficere & benedicere assuevit, earundem verò vim ac multiplicem virtutem mirum in modum extulit, ut sequitur. 1. quisquis hujusmodi Schedulam penes se portat, nequit ullo venificio infici. 2. Si tales Schemulæ defodiantur in quatuor angulis horti vel agri, aut in stallis animalium, infantiumve cunis, neutiquam infici possunt magorum aut sagarum infestationibus. 3. Eadem Schemulæ prorsunt parturientibus, ita, ut quam Mater paulò ante partum sumpsit, postea infans in luccem editus vel supra frontem, vel intra labia manusvè non rarò deferre soleat in hunc mundum &c. hæc & alia plura Titius de suis Schemulis hinc inde narrare assueverat, appositâ tamen hac clausula, quòd is, qui eas sumere vult per modum medicinæ spiritualis, de-
beat

beat illas sumere cum aqua benedicta trium Regum ut vocant, & insuper in honorem Nativitatis Christi & Immaculatæ Conceptionis dicere ter Pater noster & Ave Maria, nec non ter Gloria Patri, addito insuper : Ave, Amen. Hanc miram commendationem multiplicè-que virtutes cum quædam vetula obstetrix intellexisset : illico postulavit à Titio sibi copiam fieri ejusmodi Scedularum : qua obtentâ quotiescunque ad aliquam puerperam vocatur 1. Ante omnia eidem porrigit tres Schedulas Lucanas in aqua Trium Regum sumendas. 2. jubet eandem dicere dictas preces ad amussim. 3. denique infallibiliter sperare felicem partûs expeditionem. Jam quæritur, utrum Titius & obstetrix illa non sint arguendi alicujus superstitionis ?

464

R. Primò ad hanc speciem facti, Titium conficiendo prædictas Schedulas neutiquam peccâsse, certum quippe & exploratum est, memoratas Schedulas nedum ab Ecclesia hæcenus fuisse toleratas, verùm insuper à viris prudentiæ, discretionis ac Religionis zelo insignibus commedatas ; neque verò dubitandum, quin earum intuitu Beatissima Virgo Maria sinè labe originaria concepta devotè se invocantibus plura contulerit beneficia, prout experientia multiplici comper- tum habemus. At verò, an Titius non sit arguendus alicujus superstitionis ob commendationem seu deprædicationem nimiam dicta-

dictarum Scedularum, major est ratio dubitandi: videntur enim plures circumstantiæ superstitionem sapientes concurrere: Cur enim infrâ octavam, & non alio tempore confici deberent? Cur in aqua trium Regum, & non in alia benedicta? Cur ter & non sapiùs dici Gloria Patri, & Pater noster & Ave? Cur superaddi deberent illa duo verba *Ave, Amen*? Deinde: ubi scriptum aut revelatum à Deo legitur, quòd nullus tali Scedulâ munitus, valeat intoxicari? quòd animalia, horti, infantes &c. nequeant infici veneficio? profectò hæc omnia videntur manifestam sapere Superstitionem. Neque dubitandum, quin Titius mortaliter peccâset, si contra mentem propriam asseruisse supponatur, quòd infantes recens nati (de quo certè authenticè non satîs constat) non rarò soleant Scedulas Lucanas à Matre paulò antè sumptas manibus deferre in hunc mundum: quisquis enim falsis miraculis cultum Dei vel Sanctorum promovere nititur, magnam Deo injuriam irrogat secundùm dicta n. 459.

R. 2dò, Obstetricem longè adhuc probabiliùs condemnandam esse Superstitionis. 465
Si enim supponatur tres Scedulas porrigere parturienti & jubere, ut dicat ter Pater & Ave &c. eò quòd existimet vlm omnem & efficaciam positam esse in ipso numero ternario Scedularum vel orationum, tunc li-

quidò constat de Superstitione juxta *communissimam DD.* videndam apud Sporer *tr.* 2. *in decalog.* c. 9. *sect.* 3. n. 27. Sin verò non numero Scedularum, sed fidei potius ac devotioni oratricis, vel potius potentissimo patrocínio ac meritis B. Virginis Mariæ attribuendum arbitretur beneficium felícis partûs, bene quidem facit, at non videtur eximenda ab omni nãvo Superstitionis ex eo, quòd jubeat mulierem *infallibiliter expectare* felicem expeditionem partûs. Ratio est: quia cùm præter Sacramenta & Sacramentalia nihil omnino sit ex sacris verbis vel rebus, quòd infallibilem habeat effectum (prout sapienter advertit Tamburinus *in decalog.* l. 2. c. 6. §. 1. n. 45. Felix Potestas *tom.* 2. *part.* 2. c. 6. n. 259. & alii DD.) autem sumptio Scedularum nec Sacramentum sit, nec quid Sacramentale, planè sequitur, quòd si obstetrix vel parturiens ex hac sumptione vel etiam oratione infallibiliter expectet felicem partûs expeditionem, hanc expectare debeat ope dæmonis tacitè invocati sub larva pietatis. Unde enim, amabo! unde præfatarum Scedularum usui competeret tanta vis, & quidem infallibiliter? profectò non ex natura sua, ut de se liquidò constat, neque etiam ex authentica institutione Dei, vel Christi vel Ecclesiæ: quia de hac nullibi constat: ergo ope dæmonis tacitè invocati iste effectus infallibilis expectetur, necessum

cessum est. Secus procul dubio dicendum est, ubi dictæ Schedulæ Lucanæ sumuntur duntaxat ex devotione cum quadam pia confidentia in merita & præpotens patrociniū B. Virginis Mariæ, quippe quæ clientibus suis in necessitate constitutis piè admodum succurrere assolet, ubi id ad Dei gloriam & animæ salutem expediens judicat. Et hæc quidem dixerim non eò fine, ut vel Schedulas ipsas, vel Schedulingum hōc modō sumptarum usum improbem, sed ne usus de se laudabilis tandem vertatur in abusum Superstitiosum summopere vituperabilem. Videatur Herincx *part. 3. tr. 4. disp. 7. n. 25.* vel Marchantius *tom. 2. tr. 2. p. 3. tit. 1. §. 2. q. 2. dub. 1. & 2.*

At verò, inquires, Magister cœlestis Christus jubet nos firmiter credere, quòd simus obtenturi quidquid petiērimus : *Habete fidem Dei* ait, Matth. 11. 22. *omnia quæcunque orantes petitis : credite, accipietis & evenient vobis.* Similiter Jacobus Apostolus in sua Epistola c. 1. v. 6. jubet nos postulare à Deo *absque hæsitazione in Fide* : cur ergo obstetricem hanc Superstitionis alicujus condemnemus ex eo, quòd jusserit parturientes infallibiliter expectare felicem partūs sui expeditionem?

R. Ad hanc instantiam conformiter ad dicta superius n. 416. hujusmodi promissiones à Christo factas intelligendas esse sub

conditione, quòd scilicet simus obtenturi à Deo, quidquid petiêrimus, si nimirum id, quod orando petimus, sit expediens ad nostram salutem & Dei gloriam; non autem esse intelligendas *absolutè* ità, ut quidquid petiêrimus sive bonum & conducens, sive etiam malum & excludens à salute &c. simus obtenturi: hoc enim posterius non peteremus in nomine Salvatoris &c. atqui certum est, quòd etiam felix expeditio partûs non semper conducat ad animarum salutem: ergo hanc nulla mulier potest infallibiliter exspectare. Cæterùm gratis omnino fate-mur, obstetricem non esse condemnandam alicujus Superstitionis, si sub præfata conditione duntaxat jubeat mulieres exspectare felicem partûs expeditionem, idque cum pia confidentia in patrocinium B. Virginis Mariæ, non autem in numerum Scedularum, vel orationum. Cùm verò aliunde multiplici experienciâ compertum habeamus, in his & similibus casibus aut circumstantiis, ubi præscribitur certus numerus orationum &c. & quidem cum infallibili exspectatione effectûs, plerùmque sive dein ex simplicitate, sive etiam ex malitia muliereularum ir-repere quasdam observantias supersticiosas; hinc à Confessariis vel simpliciter dehortandæ sunt, vel meliùs erudiendæ, ne scilicet spem suam collocent in ipso numero vel circumstantiis, sed in Deo potiùs &c. &c.

CASUS

CASUS SECUNDUS.

Sempronius miles Emeritus ingenue fatetur se eo tempore, quo olim castra secutus fuerat, parum, vel nihil omnino orasse, præter unicam orationem, quam singulis diebus infalibiliter ad Deum fudit, vel ante solis ortum vel post ortum quidem, ast facie erga solem conversa; huic, cum quidam Theologus contradixisset, asseverando nulli prorsus orationi competere vim reddendi quempiam invulnerabilem; ille subridendo dixit: vos nescitis quidquam, neque intelligitis utpote nunquam experti: mihi certò constat, quòd per eandem orationem non me solum, sed & alios commilitones, imò & canem meum reddiderim prorsus invulnerabilem, prout non semel sed sæpius experientia probavit. Quid iudicii de Sempronio concipiendum?

R. Judicandum & concludendum esse, 467
quòd Sempronius vixerit in malo statu, quamdiu mediò illo usus fuit. Certum quippe & exploratum esse debet, quòd nulla prorsus oratio ab Ecclesia defacto approbata habeat hanc vim, reddendi quempiam invulnerabilem; non enim ex natura sua, ut de se liquet; neque etiam ex Institutione Dei, vel ordinatione Ecclesiæ; unde enim de hoc constat? ergo quisquis vitalis orationis infalibiliter expectat effectum tam insolitum & naturaliter impossibilem, convincitur illum

expectare aliunde; atqui non à Deo, vel ab Angelo bono, quippe qui non volunt ullatenus cooperari ad hujusmodi Superstitiones, utpote contrarias voluntati divinæ: multò minùs ab homine &c. ergo à diabolo: id quod vel inde patenter colligere licet cum Superstitione fuisse factum; nam si Sempronius credidisset soli orationi tantam inesse vim, planè nec ante solis ortum oràisset, nec post ortum faciem versus solem convertisset. Sapienter proin advertit Illiung *tr. 5. disp. 3. n. 284. fin.* hujusmodi media apparenter pia tantò magis impiè adhiberi, quantò magis vertuntur in contemptum Dei: vel enim creditur Deus se solo posse efficere effectum postulatum intuitu orationis absque aliis ceremoniis? & hòc ipsò frustra aliæ ceremoniæ adhibentur, vel creditur non posse sinè hujusmodi ineptiis & impertinentibus ceremoniis aut superstitionis verbis? & hoc modò contemnitur non sinè permagna injuria, quasi is non posset absque cooperatione diaboli aliquid operari. Vanissimæ ergo & prorsus supersticiosæ sunt orationes etiam ad Deum fusæ cum dictis ceremoniis, vel etiam in ordine ad affectum invulnerabilitatis.

468 Quod verò de oratione diximus, id ipsum intelligas velim dictum de damnabilissima illa praxi, quâ nonnulli impiè & sacrilegè abutuntur SS. Eucharistiæ Sacramentò, utputa illud carnem inter & cutem defodiendo, si-
bique

bique quodammodo incorporando eo fine, ut sint perpetuò invulnerabiles: damnatissima inquam est hæc praxis, utpote Reverentia tanti Sacramenti summinopere injuriosa & sacrilegè superstitiosa: non enim institutum legitur ad reddendum hominem corporaliter illæfibilem, sed potiùs ad conservandam vitam Spiritualem animæ.

Nec refert, quòd unus fortassis aut alter sacrilegè abutens hoc Sacramentò testetur se fuisse invulnerabilem: præsumendum quippe est, hunc effectum non à Deo (utpote averfante & detestante omnem impietatem & commercium diabolicum) provenisse, sed potiùs à diabolo, qui similibus Sanctuariis tantò dexterius novit abuti ad palliandum technas suas, quantum ob eorum Sanctitatem aptiora videt ad persuadendum hominibus, præsertim simplicioribus, nihil prorsus malitiæ sub iisdem posse latere.

At, inquires, constat multiplici experientia, nonnullas feras, Damas præsertim & cervos à venatoribus non potuisse trājici glandibus; quod planè prudenter refundi nequit, nisi in virtutem herbarum, quibus ejusmodi feræ vesci solent: ergo cogimur fateri, dari media, quibus homo naturaliter sese valeat reddere invulnerabilem, seu, ut vulgò dicitur, fest machen.

R. Negando conseq. Datò enim, quòd aliquæ feræ à Venatoribus non potuissent
gland.

glandibus trajici, hoc sanè nullatenus adscribi deberet virtuti herbarum, sed dæmoni potius: aliisvè hominibus malignis, quibus dæmon promisit se conservaturum animalia, ne occidi possint hōc vel illo modo &c. Memini sanè me olim à quodam viro fide dignissimo & omni exceptione majori audivisse, se quondam vacantiarum tempore cum aliis pluribus interfuisse venationi, in qua venator comparere fecerat leporem, qui licèt à pluribus jaculatoribus fuisset petitus grandine plumbea & hujus impetu ac virtute à nonnullis susque deque versus, à nullo tamen vulnerari, multò minùs occidi potuit. Constat similiter de aliis venatoribus, quòd arte magicâ, seu diabolica potius feras in districtu territorii sui contentas reddiderint invulnerabiles in tantùm, ut à nullo feripeta potuerint occidi: quis autem prudentum non videat, hujusmodi effectus non herbarum virtuti, sed potius diabolicæ arti esse adscribendos? Id quod ampliùs

Confirmatur I. Certum quippe est, quòd, quemadmodum nullum prorsus animal ex sua natura est immortale; ità pariter nullum ex sua natura sit invulnerabile: tibi ergo asseveranti, vel potius somnianti id posse fieri, incumbit probare quodnam sit illud herbarum genus; quod si daretur in rerum natura, procul dubio jam pridem fuisset à Monarchis vel Principibus comparatum pro suis exerciti-

tibus

tibus tempore prelii seu conflictus usurpandum ab omnibus, velut medium omnibus loricis amplius proficuum ad conservandum exercitum. 2. Causæ naturales uniformiter operari solent: ergo si supponas herbam tanta virtute præditam, profectò omnes feras ejusdem saltem speciei v. g. cervos &c. de ea comedentes, deberet pariter reddere invulnerabiles, in quocumque demum territorio existant: ad hoc in æternum non probabis, cùm experientia contrarium probet. Denique 3. eadem experientia compertum habemus, quòd si Venator aut feripeta utatur glande vitreâ, vel alia de plumbo quidem, sed benedicta, illico possit hujusmodi feras trajicere: vel si gladium, pugionemvè ter infingat terræ, aut eo mediante ter crucem efformet in aère, possit transfigere talem feram redditam invulnerabilem, prout hisce meis oculis aliquando vidi: at, hoc, ni fallor, evidens argumentum est, hujusmodi illæ sibilitatem non ex aliqua causa naturali, sed à morali potiùs, vel ab ipso dæmone proficisci, quippe qui virtute pacti cum Saga vel Mago initi solet feras, vel etiam homines conservare invulnerabiles, non simpliciter, sed sub certis conditionibus tantùm, utputa nisi tale vel tale instrumentum fuerit adhibitum, quò factò hujusmodi homines relinquit temporaliter, quatenus tantò securiùs illos capiat aternaliter gehennalibus flammis secum involvendos.

CA-

CASUS TERTIUS.

Cajus vehementer dubitat, utrum in sua domo non lateat quoddam maleficium ed potissimum, quoddum tota familia sua immò & pecoribus continuis quasi infirmitatibus obruatur, quamdiu domi se continent: è contra verò foribus egressi sin minus ex tota, magna salutem ex parte sublevare se sentiant. Cùm verò plura jam media adhibuerit ad avertendum hoc malum, at sinè effectu; hinc sciscitatur è Confessario, an non sibi liceat accersere quendam communi de plebe fabrum ferrarium, qui mediante quâdam virgula naturali dicitur jam plura detexisse maleficia non sinè ingenti solatio maleficatorum. Quid Confessarius Cajo respondebit?

470

R. Confessarius respondeat Cajo, id neutiquam effelicium, & ob id omnimodis abstinendum, tum à vocatione fabri, tum etiam ab usu virgæ in hunc finem. Ratio est: quia certum omnino videtur, usum hujus virgæ esse superstitiosum; vel enim hæc virga haberet ex sua natura vim detegendi maleficia, vel eam haberet ex institutione divina aut humana? atqui non ex sua natura; quia causa naturalis, uti supponitur hæc virga, nullam prorsus connexionem habere potest cum maleficiis, utpote consistentibus in composito quodam morali, id est, in quibusdam rebus v.g. crinibus, acubus, ovorum

rum testis &c. quæ ex natura sua nullam prorsus habent vim, sed sunt tantum quædam signa, ad quorum positionem diabolus vi pacti cum Saga &c. initi solet nocere hominibus maleficiatis: ergo quicumque demum utitur tali virgâ in ordine ad detegendum maleficium, convincitur velle hunc effectum præstare ope alterius, & quidem agentis rationalis: atqui non ope Dei, vel Angeli boni, aut Ecclesiæ, quandoquidem nullibi constat, quod Deus voluerit hanc vim maleficia detegendi conferri virgæ naturali: ergo extacita saltem invocatione & ope ipsius dæmonis &c.

At, quid, si talis virga supponatur artificiosè terebrata, diversisque Sanctorum Reliquiis exornata, qualem quidam homo pariter plebejus fertur habere, licebitnè hujusmodi virgam adhibere in ordine ad detegenda maleficia?

R. Licebit probabiliter, modò id fiat absque infallibili expectatione eventûs, sed potiùs cum pia quadam fiducia in patrocinium ac merita Sanctorum, quorum SS. Reliquiæ in virga continentur. Ratio est: quia secundum communissimam DD. opinionem jam superius insinuatam, fas est uti precibus & exorcismis Ecclesiæ in ordine ad dissolvenda opera dæmonis: quidni ergo pariter fas sit, uti tali Virgâ, vel potiùs Sanctorum Reliquiis in virga contentis ad eundem finem, modò in
iisdem

iisdem non collocetur vis aut fides infallibilis, multò minùs in ipsa Virga secundùm se sumpta.

Dices adhuc. Dantur certæ virgæ, quas meritò dixeris divinatorias, eò quòd iis mediantibus possit inveniri, seu etiam detegit hesauri, nec non venæ subterraneæ diversorum metallorum & aquarum: ergo similiter dari possunt virgæ, quæ naturaliter indicent maleficia latentia.

472

R. Etiam id, quod de virgis divinatoriis asseritur, verosimiliùs omnino esse falsum: esto enim à nonnullis Doctoribus permittatur usus similium virgarum cum hac limitatione, si scilicet natæ sint in loco vicino venæ subterraneæ v. g. metalli aut aquæ &c. eò quòd ob naturalem sympathiam habeant vim sese inclinandi, & inclinando se indicandi venam latentem v. g. auri &c. multò tamen probabilius mihi videtur, quòd ne hanc quidem vim habeant ex sua natura; tam quia tales virgæ solent subinde flecti, ubi non sunt metalla, &c. è contra non flecti, ubi sunt. Dein flecti solent ad nimis multa, quæ planè diversas habent naturas & exhalationes: ergo non agunt velut causa naturalis, quippe quæ semper eòdem modo agit in iisdem circumstantiis. Et certum omnino esse debet, usum huiusmodi virgarum esse superstitiosum, si adhibeantur (prout hodie fieri solet à militibus vel furibus) i. indifferenter unde-

cun-

cunque demum natæ vel arreptæ vel 2. ad detegendos quosvis thesauros aut res latentes, etiamsi ibi nullum esset aurum vel argentum sed vestes duntaxat aliavè mobilia. Item 3. si adhibeantur ubivis locorum, etiam supra terram, præsertim cum ceremoniis superstitiosis & impertinentibus. 4. Denique certum esse debet, per hujusmodi virgam v. g. coryli, vel aliam quamcunque naturaliter detegi non posse limites agrorum aut sylvarum, neque latrones vel homicidas, neque res perditas vel furto ablatas; nam quòd hic vel ille lapis, hæc vel illa columnæ lignea &c. sit limen agri aut territorii &c. pendet merè ab arbitrio hominum ponentium & instituentium hæc signa, & ex illorum intentione, quæ sunt quid morale: atqui causæ naturales, uti esse deberet virga Coryli, vel alia quæcunque, non attingunt moralia, quandoquidem cum his nullam prorsus habeant connexionem naturalem: similiter quòd hic homo sit latro vel homicida, aut quòd hæc pecunia sit perdita aut furtiva, est circumstantia merè moralis, qua non immutatur vis, aut modus naturalis agendi, quem habet virga. Videantur de hoc *Sporer tr. 2. decalog. c. 9. sect. 3. n. 32.* vel *la Croix lib. 3. part. 1. n. 35.*

§. III.

Corollaria ex dictis inferenda.

Colliges ex hætenus dictis primò, supersti- 473
R. P. Elbel, Pars II. de Fide &c. Ll tio-

tionem cultûs perniciosi committi in sequentibus casibus. 1. Si quis hiscetemporibus vellet Deum colere cultu aut ceremoniis Veteris Legis, jam pridem abrogatæ, vel 2. Si non Sacerdos vellet fungi officiô veri Sacerdotis. 3. Si quis fidelibus proponat falsas Reliquias, aut falsis miraculis seu etiam beneficiis conetur promovere cultum Dei, vel 4. Si referendo falsas seu apocryphas sententias aut historias velut contentas in Sacra Scriptura, velit populum permovere ad poenitentiam &c. Idipsum denique 5. tenendum est de iis, qui vel formam aut materiam alicujus Sacramenti immutant. Nam omnes isti supra cultum Deo debitum & approbatum aliquid suo modô statuunt, & quidem Deo ac vero cultui divino præjudiciosum, veluti ex dictis *n. 459.* constare potest; consequenter per se loquendo graviter delinquant, esto non semper peccent graviter, vel ob simplicitatem, vel ob fidem bonam in eorundem simplicitate fundatam. Videatur Sanchez *lib. 2. decalog. c. 37. n. 2. & 9.* Vel Tambur. *lib. 2. decalog. c. 6. §. 1. n. 33. & seq.*

474

Colliges 2dò, cultûs superflui condemnandos esse illos, qui v. g. preces fundendo adhibent certum candelarum vel potiùs cereorum numerum cum certo colore ac situ, aut cum certa corporis situatione v. g. versus aut contra solem. Item 2. qui gallinam albam potiùs, quàm nigram offerunt, vel 3. Missam

Missam libentiùs audiunt à Sacerdote hujus quàm alterius nominis, &c. 4. qui diebus sabbathinis non volunt nere aut suere, nec tamen ab aliis operibus servilibus abstinere. 5. qui in officio divino, & potissimùm in celebratione SS. Missæ Sacrificii exercent ceremonias superfluas, imò expressè contrarias Rubricis ab Ecclesia præscriptis, utputa dicendo *Gloria* aut *Credo*, ubi non essent dicenda, vel formando plures *Cruces*, &c. Hæc enim & similia contrariantur legitimo cultui divino ab Ecclesia instituto: ergo sunt superflua & vitiosa, licet subinde fiant sine peccato formali præsertim gravi secundum proximè dicta.

Dixi: *sine peccato formali & gravi* &c. 475
Neque enim omnimodis excusandi sunt ex eo, quòd protestentur, se id facere ex mera devotione: Deus enim non rectè colitur cultu reverentiæ divinæ, vel legibus ab Ecclesia præscriptis contrario: timendum proinde hujusmodi devotuli falsâ pietate delusi existiment, se obsequium præstare Deo, cum tamen potius offensam incurrant. Vid. Bonacina tom. 2. disp. 3. q. 5. punct. 1. n. 4. vel Laymann lib. 4. tr. 10. c. 1. n. 5.

Colliges 3tiò, nullius Idololatriæ arguendos esse illos actores, qui in scenis gentilium ritus repræsentantes, Jovi, aliisve idolis thus immolant, & nescio quas ceremonias, vel potius ineptias exercent; enimverò ex
L l 2 omni-

omnibus circumstantiis dant intelligere, se id non practicare animò seriosò, seu animo idolum colendi, sed potiùs illudendi, aut certè exhibendi duntaxat gentilium ritus ineptos. Sayrus *in elav. Reg. lib. 4. c. 4. n. 7.*

477

Colliges 4tò, nos Catholicos ab hæreticis imprudenter inculari vel redargui velut idololatrias, ex eo, quòd Sanctos velut speciales Dei amicos honore debito prosequamur, vel eorundem SS. Reliquiis congruum deferamus cultum. Ratio ex hætenus dictis facilè patebit cuivis sano, & à fæce passionis alienato intellectui: nullus enim prudentum iisdem exhibet *cultum latræ*, utpote soli Deo debitum, neque ullus sanæ mentis Catholicus ipsis exhibebit cultum *veluti* Deo, sed cultum duliæ tantùm, & quidem respectivum, juxta dicta superiùs *n. 436.* Vid. Valentia *tom. 3. disp. 6. q. 11. punct. 5. & 6.*

478

Colliges 5tò, Catholicos multò minùs alicujus Idololatriæ redargui posse, aut debere ab hæreticis ex eo capite, quòd SS. Eucharistiæ Sacramentum adorent cultu latrevtico. Ratio est: quia ille cultus adhibetur vero Christo sub speciebus Eucharisticis contento (neque enim adoramus panem vel vinum, utpote quorum substantia vi consecrationis omnino destruitur, neque etiam ipsas species velut motivum adorandi, sed ad summum per accidens velut terminum) atqui vero Deo debetur, & hòc ipsò rectè impen-

impenditur cultus latriæ : ergo etiam idem cultus debetur Venerabili & Augustissimo SS. Eucharistiæ Sacramento. Hac de causa Concilium Trident. ff. 13. de S. Euchar. Sacr. can. 6. rectè definit : *Si quis dixerit, in sancto Eucharistiæ Sacramento Christum unigenitum Dei filium non esse cultu latriæ etiam externo adorandum --- & ejus adoratores esse Idololatrias ; anathema sit.*

Colliges 6tò ab illis, quidæmoni propria sua sponte aliquid asserenti fidem adhibent, non quidem committi Idololatriam propriè, bene tamen impropriè dictam. Ratio est, quia hoc modò dæmon velut mendaciorum pater ultra omne prorsus meritum honoratur, ob fidem ejusdem revelationi datam, quam certè nullatenus meretur, tametsi in hoc non videatur intervenire tanta irreverentia, quæ mortalem conscendat malitiam. Similiter si quis ex levitate animi vel curiositate dæmonem in Energumeno loquentem unô aut altero verbo imperativo interroget rem vanam & inutilem, non peccat, nisi venialiter, modò id non faciat animò discendi aliquid ab ipso ; nam hoc esset, expectare beneficium, & communicare cum illo, inquit la Croix *lib. 3. part. 1. n. 26.* 479

Colliges tandem 7timò, ea, quæ dæmon SS. Ecclesiæ exorcismis compulsus edisserit, absque peccato Idololatriæ credi posse ; tum quia Minister Ecclesiæ exorcizando diabo-

lum non habet cum eodem quoddam commercium illicitum, nec eum colit, sed potius torquet; tum etiam, quia Deus non potest illum cogere ad mendacium. Attamen non facilè fides eidem adhibenda est; quia adhuc dum relinquitur dubium, an à Deo fuerit coactus, an verò propriâ malitia ductus ad hoc vel illud asserendum, prout sapienter monet Lessius *in auctar. V. Magia, c. 6.* Unde, si dicat, hunc vel illum esse magum &c. non licet propterea apprehendere accusatum, nisi accedant alia indicia, inquit Gobat *tr. 11. Theolog. experim. n. 794.* Multò minùs ei credendum erit, si dicat, se à Deo missum ad populi instructionem, ut qui non credunt Concionatoribus & Parochis, saltem sibi, diabolo scilicet, credant, idque esse extremum remedium, quò Deus uti voluit ad conversionem populi; nam hoc prorsus vanum est, & techna dæmonis, volentis errores suos cum vera doctrina insinua-
re, uti advertit idem Lessius, eúmque secutus la Croix *loc. cit. n. 25.*



CONFERENCE DECIMA SEXTA.

De Divinatione, & vana observantia.

SUM-

S U M M A R I U M.

481. Divinatio est superstitio, quâ ex pacto cum dæmone occulta prædicuntur aut manifestantur.
482. Alia fieri solet cum pacto explicitè, alia cum pacto implicitè inito cum dæmone.
483. Divinationis cum pacto expresso recensentur breviter novem species.
484. Cum pacto autem implicito adhuc plures succinctè explicantur.
485. Omnis divinatio superstitiosa est ex suo genere mortaliter peccaminosa.
486. Divinatio astrologiæ naturalis laudanda, judiciariæ verò reprobanda est.
487. Divinatio ex physiognomia hominis petita alia est philosophica, alia astrologica.
488. Prior de se licita, posterior verò illicita est & reprobanda.
489. Notatur breviter triplex somniorum genus.
490. An, vel qualiter fas sit ex somniis conjecturare?
491. Et unde colligendum, quòd somnium vel à natura, vel à Deo, vel denique à dæmone sit causatum?
492. Distinguitur triplex Sortium genus.
493. An, vel quando licitus sit sortium usus?
494. Vana observantia est superstitio, quâ per media inepta expectatur effectus insolitus.
495. Differt à divinatione, eò quòd hæc sit speculativa, illa verò practica.
496. Hujus dantur tres species, scilicet 1. ars notoria.
2. observantia sanitatum. 3. vana observantia eventuum.
497. 498. & 499. Singulæ species mox enumeratæ breviter explicantur.
500. Undenam, & quibus ex indiciis colligenda sit vanitas dictarum observantiarum?
501. Quid agendum vel observandum, casu quo dubitatur, num medium habeat vim ex sua natura respectu effectûs?

502. Resolvitur Casus I. cujusdam Cabalistæ, qui per hanc artem assueverat explorare, essetne evasurus ex infirmitate sua, vel non.
503. Satisfit cuidam objectioni ejusdem Cabalistæ.
504. Quid si is instante mortis periculo confiteri quidem velit, non tamen improbare aut deferere exercitium hujus artis?
505. Resolvitur II. de quodam Juvene, qui dum in nocte sancti Andreae conatus fuit in quodam proficiente perspicere imaginem futuræ conjugis, in flumen præceps prolapsus fuit.
506. Quid judicii ferendum de iis, qui ex inspectione certorum speculorum tentant prospicere futurum maritum, vel auctorem furti commissi, aliavè similia?
507. Et quid de illo, qui nocte natalitiâ retrò januam Ecclesiæ sese collocavit super tripodem eo fine, ut dignosceret, quænam è fœminis introeuntibus esset saga, vel non?
508. Resolvitur Casus III. de quadam conjugata, quæ caligis sui Mariti clam insuerat quendam fasciculum herbarum eo fine, ut à lusu excessivo deinceps averteretur.
509. Utrum hæc à Confessario fuerit obliganda ad tollendum rursus eundem fasciculum?
510. An eidem fuerit permittendum dicere orationem S. Christophori (uti vocant) eo fine, ut impetraret pecunias, vel alia necessaria sustentationis media?
511. Consulere Ægyptios seu Cingaros (uti vocantur) de futuro vitæ statu, fortuna &c. vanum est, ac per se illicitum.
512. Fas nihilominus est, uti scientiâ ope dæmonis semel acquisita, modò is ad usum aut praxin concurrere non debeat.
513. Etiam in usu rerum sacrarum sæpiùs, quàm par est, irrepere solent vanæ quædam observantiæ.
514. Imò verò (quod damnabilius) etiam in Sacrosancto Missæ Sacrificio.

515. Quæ superstitiones committi soleant per vetu-
rulas incantatrices ?
516. Pulveris sympathici usus an sit permittendus à
Confessario ?
517. An fas sit transplantare Sanguinem humanum
v. g. in arborem eo fine, ut membrum tabescens re-
cuperet pristinum vigorem ?
518. Usus artificialium, an sit licitus in ordine ad pro-
curandos effectus extraordinarios ?
519. Quando certò constat, medium esse supersti-
tiosum, certò peccatur, esto is, qui utitur, prote-
stetur, se nolle habere quoddam commercium cum
dæmone.

§. I.

*Præmittuntur, & breviter resolvuntur quæ-
sita scitu necessaria ad debite resolvendos
casus practicos de Divinatione,
& vana observantia*

Quæres primò, quid, & quotuplex sit Di-
vinatio ?

R. ad primum. Divinatio (prout hic su-
mitur) est Superstitio, quæ ex pacto cum dæ-
mone occulta prædicuntur, seu etiam mani-
festantur. Ità *ex communi DD. Sententia*
Delrio lib. 4. disquisit. mag. c. 2. q. 1. Lay-
mann lib. 4. tr. 10. c. 3. n. 1. Sporer tr. 2. in
decalog. c. 9. sect. 2. n. 12. Explico brevissimè.
Dicitur 1. *Superstitio*; quia est vitium Reli-
gioni oppositum per excessum. Dicitur 2.
qua ex pacto cum dæmone &c. per quod divi-
natio differt tum à Prophetia, quæ immediatè
à Deo vel infundi solet, vel revelari; tum
etiam à naturali conjectione, quæ per indu-

481

striam vel observantiam hominum gignitur, veluti de Astrologis & Medicis constat. Insuper per hæc verba quodammodo insinuat malitia divinationis, eò quòd per hanc cultus soli Deo debitus quodammodo attribuitur diabolo. Dicitur 3. *occulta*; id est, ab hominum notitia procul remota, sive de futuris contingentibus, sive de præsentibus vel præteritis &c. Unde additur 4. *prædicuntur seu etiam manifestantur* &c. divinatio quippe non in sola interna notitia consistit, sed signis insuper ac verbis externè prolatis perfici solet, veluti experientia probat.

482

R. jam ad secundum. Divinatio ut sic duplex est *secundum omnes*. Una, quæ fit cum expressa dæmonis invocatione, sive hoc fiat verbis, sive etiam factis, ut puta usurpando tale factum, cui dæmon respondere, seu etiam occulta manifestare noscitur. Altera, quæ fit cum tacita invocatione dæmonis, prout fieri assuevit, dum vana verba vel facta usurpantur, & ex talibus occulta manifestantur. Rectè autem dicuntur vana, eò quòd ex se, sinè interventu dæmonis, nequeant manifestare occulta, prout amplius patebit ex dicendis de vana observantia *Conferentia sequente*. Castropalao *part. 1. tr. 17. disp. 1. pu. 3. n. 5.*

Quæres 2dò, quæ, & quot sint species divinationis cum invocatione expressa dæmonis, & quot cum invocatione tacita?

R. 1.

R. 1. Divinationis cum invocatione expressa dæmonis communiter enumerantur novem species, quarum distinctio desumitur ex diversitate modorum, quibus solet dæmon respondere, seu occulta manifestare; vel enim dæmon invocatus apparet variis imaginibus aut corporibus assumptis seu etiam effectivatis ex aëre sicque manifestat occulta: & hoc dicitur *Præstigium*. Vel 2. per somnia certò situ aut ceremoniis decumbentis captata & dicitur *Somnium*. Vel 3. adhibitis certis signis aut carminibus mortui videntur resurgere & loqui occulta manifestanda &c. (quod nemo præter dæmonem facit) & dicitur *Necromantia*. 4. Subin diabolus vi pacti cum eo initi docet per homines arreptitios: & dicitur *Pytonismus*. Vel 5. dæmon manifestat similia per certa signa apparentia in corporibus terrestribus, utputa, in lapidibus, plumbo fuso, aut biviis &c. & dicitur *Geomantia*. 6. *Hydromantia* verò appellatur dum per signa apparentia in aqua. 7. *Aeromantia*, dum per signa apparentia in aëre; 8. *Pyromantia*, dum per signa apparentia in igne manifestat &c. Denique 9. *Auruspicium* dici solet, dum diabolus per signa apparentia in intestinis seu etiam arteriis Sacrificatorum animalium responsa dat, prout olim dedit cæcæ Gentilitati, veluti post alios observat P. Sporer *cit. n. 13.*

R. jam 2. Divinationis cum pacto impli- 484
cito

cito seu tacita invocatione dæmonis rursus duæ sunt species generales scilicet Sortilegium, de quo paulò infrà *d n.* 492. & Augurium latè sumptum. Hoc posterius rursus subdividitur 1. in astrologiam judiciariam, de qua rursus *n.* 486. dicetur. 2. in augurium propriè dictum, dum scilicet ex animalium seu etiam avium cantu aut vocibus divinantur occulta. 3. in auspicium, cùm ex avium volatu &c. 4. in omen, dum ex hominis sententia præter intentionem prolata. 5. in onyrocriticam, dum ex somniis habitis &c. 6. in physiognomiam, dum ex totius hominis signis &c. 7. in metoposcopiam, dum ex fronte &c. 8. in Chiromantiam, dum ex manuum lineis occulta prædicuntur &c. piget profectò plures hujusmodi ineptias recensere; tum quia Doctores in iisdem recensendis neutiquam conveniunt; tum præsertim, quia fusior earum explicatio ad praxin parum, vel nihil conducit, quandoquidem de se patulum est, quamlibet speciem per se loquendo esse mortaliter peccaminosam & illicitam. Quia tamen de nonnullis posset esse dubium, in quibus circumstantiis illicitè usurpentur; hinc principaliores enucleatius ventilabimus in hac Conferentia. Jam verò

Quæres 3tiò, quale peccatum sit Divinatio?

485

R. Divinatio superstitiosa (de qua sola
hic

hîc loquimur) ex suo genere est peccatum mortale, & nedum jure divino *Deuteron.* 18. sed & humano *Can. qui divinationes. II. C. 26. q. 5. & Can. si quis Clericus &c. ibidem.* prohibita sub infligenda excommunicationis pœna. Ita Doctores *unanimitèr.* *Valentia tom. 3. disp. 6. q. 12. punct. 3. & 4.* *Laymann ubi suprâ c. 3. n. 4.* *Sanchez &c.* Ratio est: tum quia omnis divinatio includit formalem contemptum Dei, dum ea, quæ à Deo peti deberent, à dæmone postulantur, vel hujus suggestu aut delusione potius diviniantur; tum præsertim, quia involvit commercium cum dæmone, hoste infensissimo Dei, totiusque humani generis, quod planè recta ratio naturalis & natura humana abhorret, dictâtque illud commercium explicitum rem esse prorsus detestabilem, neque in hoc facile reperietur ignorantia invincibilis, licèt fateri cogamur (experientiâ teste) in illa divinatione, quæ fit cum pacto implicito duntaxat, subin non peccari nisi venialiter, idque triplici potissimum ex capite, vel quia 1. simpliciores non ità apprehendunt malitiam hujus taciti commercii cum dæmone, ideóque excusari possunt à gravi culpa ratione ignorantix; vel, quia prudentiores etiam non adhibent veram fidem; vel denique 3. quia ex mera levitate ac joci causâ subinde tentant aliquid de futuro aut præterito occultum indagare per vanum

vanum medium, quô casu non tam superflitionis, quàm vanitatis cujusdam de se venialis condemnandi sunt, veluti sapienter advertunt Valentia, Sanchez, Laymann, *lib. 4. tr. 10. c. 3. n. 4.* Babenstuber *tr. 5. disp. 2. art. 4. n. 23.* Felix Potestas *tom. 2. part. 2. c. 6. n. 253.* & alii plures.

Ergonè, inquires, omnis divinatio ex astris petita illicita est & graviter peccaminosa?

486

R. Minimè gentium; non enim illicita est, sed honesta & laudabilis divinatio astrologiæ naturalis, illa scilicet, vi cujus Astrologi ex astrorum concursu seu etiam influxu præfagiunt effectus quosdam naturales, seu necessariò eventuros, utputa eclypses solis, vel lunæ, &c. vel etiam contingentes, & per alias causas naturales impedibiles, utputa tempestates, pluvias, aëris serenitatem, ventos, &c. Illa proin Astrologia duntaxat velut noxia & superstitiosa reprobanda est, quam judicariam vocant, eò quòd quidam Phantastici volentes sapere plus, quàm oportet, ex puncto nativitatis (licèt incertissimo) vel potiùs ex situ astrorum seu etiam constellatione &c. gestiunt præfagire nedum temperamehtum, vel etiam inclinationem hominis recens nati, verùm insuper alia plura contingentia futura ab arbitrio humano dependentia, utputa officia, dignitates, electionem statûs, v. g. matrimonium, Religionem, &c. aliòsve effectus fortuitos, uti sunt incen-

incendia, submersionem, depredationem, bella, Magnatum fata, &c. quo in genere nonnulli valde excedunt, licet vanitatis potius, quam superstitionis propterea arguendi &c. Hæc, inquam, & similia ex astris serio velut certò ac infallibiliter, immò & probabiliter duntaxat futura divinare, graviter illicitum est, & nedum in Scriptura Sacra *Isaia* 47. sed & à jure *Ecclesiast. cap. Illos. 26. q. 2. & cap. Non liceat. 26. q. 5.* itémque per Bullam *Sixti V.* jam pridem graviter prohibitum. Ratio est: quia hæc divinatio judiciaria nequit fundari in astris ceu causis quibusdam naturalibus; secus enim actum foret de nostra libertate quoad actus humanos ab arbitrio nostro dependentes. Neque fundari potest in astris velut signis quibusdam: quis enim, amabo! quis, inquam, astra hæc velut signa instituit, aut vim portendendi futura contingentia libera iisdem indidit? Certè nec Deus, nec Angelus bonus, vel ullus mortalium: undenam enim tibi de hoc constat? restat proin, quòd debeas illa apprehendere velut signa quædam à diabolo instituta ex tacito saltem pacto: ergo sunt graviter illicita. Ità Suarez *de Religion. tom. 1. lib. 2. c. 11. n. 17.* Laymann *loc. cit. n. 5.* Sanchez *lib. 2. decalog. c. 38. n. 30.* Quin immò similia contingentia ex astris vel conjecturaliter tantum prædicere, prohibuit idem Sixtus V. in motu proprio *cæli & ter-*

vae &c. jubens, ut contra tales ab Inquisitoribus procedatur, etiamsi id se non certò affirmare asserant, aut protestentur: tamen si non ignorem Castropalaum, Sporer, la Croix, aliòsque plures DD. existimare, hunc rigorem pro solo foro ex - - non item interno esse attendendum quantum ad illos, qui conjecturaliter præcisè similia divinare gestiunt. Videatur Kreslinger in *addit. ad Theolog. mor. R. P. Reiffenstuel tr. 5. distinct. 2. q. 3. post n. 19.* Vel Felix Potestas *Examen. tom. 2. part. 2. n. 245.*

At, inquires, quid de divinatione illa tenendum, quæ petitur ex physiognomia hominis?

487

Ante responsionem notandum breviter, à Doctoribus distingui inter duplicem physiognomiam, Philosophicam scilicet, & astrologicam, Philosophica (ab aliis naturalis) dicitur, vi cujus ex corporis dispositione, vultûs, manuûmque, vel potius lineamentorum dispositione fit quædam conjectatio prudens, v. g. de robore corporis, sanâ vel adversa valetudine, phlegmata, hominisque naturali propensione v. g. ad iracundiam, vel ad Melancholiam &c. &c. Astrologica appellatur, vi cujus ex iisdem lineamentis aut signis corporis prædicuntur alia non habentia connexionem, v. g. prospera vel adversa fortuna, promotiones ad officia honorifica, divitiæ, paupertas, nuptiæ, status vitæ, aliivè eventus

eventus fortuiti, vel à libera hominis electione dependentes, immò & de præsentì v. g. quòd sit adulter, fur, homicida &c. &c. Hòc prænotato

℞. ad quæsitum. Divinatio desumpta ex 488
physiognomia philosophica & naturali licita est: non item illa, quæ petitur ex physiognomia astrologica. Ratio utriusque facillè conjecturari potest ex dictis; nam divinatio prior petitur ex signis habentibus naturalem connexionem cum effectu v. g. propensione ad iram vel melancholiam: ergo ex his prudenter & probabiliter, esto non infallibiliter possunt prædici similes effectus: è contra posterior divinatio petitur ex signis nullam prorsus habentibus connexionem, uti jam insinuatum est: ergo ex his fieri nequit, nisi imprudens & superstitiosa divinatio, per se loquendo mortaliter peccaminosa. Secus dicendum, si supponatur fieri ex mero joco, prout semel factum fuisse memini, dum quidam alteri maritato (quem ex aliorum relatione noverat esse mœchum) ex lineamentis manuum divinavit, quòd ancillam præferat uxori, &c. &c.

Quæres 4tò, sitnè semper illicita divinatio ex somniis petita?

Ante resolutionem rursus animadvertendum est, dari triplex somniorum genus; aliud enim provenire potest ex causis naturalibus, utputa ex occupationibus vel cogitationibus 489
R. P. Elbel, Pars II. de Fide &c. Mm tem-

tempore vigiliæ habitis, vel etiam ex temperamento seu humorum constitutione aut commotione; enimverò Sanguinei læta; Cholerici verò, qui scilicet flavâ bile abundant, sæva, lites, jurgia, cædes &c. Melancholici, quia atrâ bile abundant, tristitia, morbos scilicet, infirmitates, oppressiones &c. Denique Phlegmatici aquarum submersiones, ambulationes graves somniare solent, sicut Medicorum persuasio fert. 2. Aliud somniorum genus datur, quod à diabolo immittitur per commotionem phantasie, dum in hac diversas species excitare solet, prout olim fecit in uxore Pilati, quæ propterea maritum admonuit sequentibus verbis Matth. 27. 19. *Nihil tibi & justo illi: multa enim passa sum hodie per visum* (id est, somnium à diabolo immissum, uti exponunt Interpretes) *propter eum.* 3. Tandem aliud datur somniorum genus à Deo immissum, prout legitur in sacra Scriptura *Judic. 7.* de Gedeone; de Josepho & Magis *Matth. 1. & 2. cap.* & alibi sæpius. Jam hoc notato

490

§. 1. Illicitum quidem ac superstitiosum est, ex somniis etiam naturalibus conjecturare futura contingentia libera, vel effectus merè fortuitos, non item bonam aut pravam affectionem animi. Similiter 2. quando sufficientibus, & quasi moraliter certis indiciis constat, somnium fuisse immissum à diabolo, nulla huic adhibenda est fides, benè verò, si mora-

moraliter constet, illud fuisse immissum à Deo. Ità sanè *satis communiter* Doctores quoad utrâmq; partem, prout videre licet apud Delrio *disquisit. mag. lib. 4. c. 3. q. 6. conclus. 3.* Suarez *de Relig. tom. 1. lib. 2. c. 13. d. n. 6.* Sporer *tr. 2. in decalog. c. 9. n. 18.* & 19. &c. &c. Ratio prioris partis hujus resolutionis est: quia somnia naturalia solent proficisci à bona vel prava affectione naturæ, temperamenti, seu etiam phlegmatis, ideoque cum hoc habent naturalem connectionem, non item cum futuris merè contingentibus: ergo ex similibus prudenter quidem & absque omnis superstitionis nota fas est colligere temperamentum naturale &c. non item futura merum contingentia. Ratio autem posterioris est: quia, qui fidem adhibet somnio à diabolo sibi immisso, convincitur velle habere quoddam commercium cum eodem, velut suo Magistro ac directore: e contra verò, qui omnibus perpensis prudenter judicat somnium sibi à Deo fuisse communicatum, nedum prudenter potest, sed etiam tenetur illius ductum sequi: quis enim verè fidelium dubitet Dei consilia esse sequenda?

At inquires, undenam discernendum erit, sitne somnium à diabolo potius, quam à Deo immissum?

R. Equidem in hoc discernendo magnâ 591 discretionem & cautela utendum esse, nequis à dia-

à diabolo sese in Angelum lucis transformante fortassis decipiatur. Quem in finem iuvabit præ oculis habere sequentes duas regulas. 1. *Si somnium impellit ad opus bonum, præsumere licet illud fuisse à Deo: contra si impellat ad malum, vel ad aliquid præsumptuosum &c. potius concludendum est, illud fuisse à diabolo immissum & causatum.* 2da Regula hæc est: *si quis post somnium se sentiat animò perturbatum, animò perplexum, minus promptum ad servitium Dei & alia exercitia spiritualia &c. suspicari licet, illud somnium fuisse ingestum à diabolo, contra si se inde sentiat alacriorem ad opera pietatis, & ad amorem Dei &c. prudenter præsumet, illud somnium fuisse à Deo, vel ab Angelo quodam bono causatum:* Diabolus enim ad bonum excitare non solet, sicut vice versa Deus & Angeli boni ad malum minimè, bene verò ad bonum operandum nos solent impellere. Tandem si dubium prudens relinquatur, sitnè somnium à Deo, vel potius à diabolo causatum, illud vel omnino contemnendum, vel certè cum viro quodam discreto, id est, Spiritu discretionis pollente (invocato prius Dei auxilio) discutiendum erit, prout sapienter monet Del-Rio *lib. 4. disquis. mag. cap. 3. q. 6. post. 5. conclus.* Vide, si placet Valent. *tom. 3. disp. 6. q. 12. punct. 3.* Vel Reiffenstuel *tr. 5. dist. 2. n. 23.*

Quæres 5to, an ergo usus Sortium semper sit illicitus?

Ante

Ante responſionem nota, nomine Sor- 492
tium intelligi actionem, quâ aliquid fit eo fi-
ne, ut inde deveniatur in notitiam alterius:
Ex. gr. ut ex projectione taxillorum inno-
teſcat, quisnam jaciendo plus effecerit, id-
eoque & vicerit, ut eidem potiùs debeat,ur,
quàm alteri id, de quo ſortiuntur, utputa ve-
ſtis, pecunia &c. hōc modō milites leguntur
miſiſſe ſortem, & ſortiendo inter ſe diviſiſſe
veſtimenta Chriſti, *Matth. 27. v. 35.* Tri-
plex porro ſortium genus à Doctōribus com-
muniter recenſetur: primum appellant *di-
viſorium*, quō indagatur quidnam cuius
tribuendum de bonis communibus v. g. de
hæreditate &c. 2dum dicitur *conſultorium*,
quō mediante indagatur divina voluntas cir-
ca agibilia vel non agibilia, v. g. an ſtatus
religioſus ſit amplectendus; 3tium vocatur
divinatorium, quo intenditur notitia de oc-
cultis v. g. quisnam ſit auctor homicidii vel
furti commiſſi &c. &c. *hoc not.*

R. jam ad quæſtionem propoſitam 1. Sor- 493
tes diviſoriæ licitæ ſunt, præterquam in ele-
ctionibus Eccleſiaſticis. 2. Sortes verò con-
ſultoriæ rariùs uſurpandæ, denique 3. Sor-
tes divinatoriæ nunquam ſunt licitæ, & hoc
ipſo nunquam uſurpandæ. Ità Sanchez, Bo-
nacina, Filliucius *tr. 24. c. 4. d. n. 94.* Spo-
rer *tr. 2. in decalog. c. 9. ſect. 2. n. 21. & ſeqq.*
Reiſſenſtuel *tr. 5. diſt. 2. n. 25. & alii Do-
ctores communiter.*

Ratio primi est : quia Sortilegium divisorium revera nil aliud importat, quam contractum, quò plures ad rem aliquam jus habentes inter se conveniunt & volunt, ut sit illius, cui fors obtigerit : atqui in hoc pacto de se nulla prorsus malitia apparet : ergo non sunt reprobandæ sortes divisoriae. Dixi tamen ; præterquam in electionibus Ecclesiasticis : nam in his debet eligi persona dignior, non autem respici fortuna vel fors melior. Unde etiam *C. fin. de Sortileg.* Pontifex concludit hisce verbis : *sortis usum in electionibus* (Ecclesiasticis scilicet) *perpetuâ prohibitione damnantes.* Ratio 2di est : quia regulariter loquendo Deus vult, ut suam voluntatem indagemus, vel ab Ecclesia, vel per directionem Superiorum, Confessariorum, aut Concionatorum &c. non autem per sortes. Nihilominus in casu, quò talis modus, consulendi scilicet Superiorem &c. non suppetit, simulque necessitas vel alia causa honesta ac ponderosa id suadet, fas erit meditante sorte v. g. aperitione libri Evangeliorum, vel alterius devoti ascetæ, invocato prius auxilio divino, explorare quodammodo mentem divinam, prout nedum Sanctissimus Patriarcha noster Franciscus trinâ aperitione libri Evangeliorum fecisse legitur, sed & alii plures Sancti. Ratio 3tii hæc est : quia sortes divinatoriæ, utpote de se improporcionatæ ad investiganda hujusmodi occulta, semper

semper includunt pactum saltem implicitum cum dæmone : ergo sunt illicitæ. Hac de causa c. 1. & 2. de *fortileg.* sub gravibus pœnis prohibetur, ne per sortes inquiratur Author furti, vel quid impofterum futurum fit. Videatur Reiffenstuel *cit. tr. 5. dist. 2. n. 25.*

Quæres 6tò, quid sit vana Observantia, & quomodo differat à Divinatione?

R. Ad primam partem hujus quæsit. Vana 494
Observantia est superstitio, quâ media inutilia & impropportionata adhibentur in ordine ad aliquem effectum extraordinarium. Ità in re *communis DD.* prout videre licet apud Valentiam, Filliucium, Herincx, & alios passim. Dicitur autem hæc observantia *vana*, tum quia media de se sunt inania & destituta virtute in ordine ad talem effectum; tum quia non rarò frustrà & vanè, utpote sinè effectū, adhibentur, diabolo non servante, vel non potente servare pactum &c. vel denique vana dici meretur, eò quòd semper plus nocimenti Spiritualis inferat vano observatori, quàm conferat emolumenti temporalis, prout bene notârunt *Doctores cit.*

R. Jam ad alteram quæsit partem. Vana 495
Observantia à divinatione differt per hoc, quòd hæc posterior sit quodammodo speculativa, quippe quæ tota quanta occupatur circa cognoscendos, conjiciendos, seu etiam prædicendos ac divinandos eventus occultos : ècontra prior, vana scilicet observantia,

tia, sit prorsus practica, utpote occupata circa applicanda diversa media in ordine ad præstandos effectus extraordinarios. Ex. gr. docet Ariolus, te fore infelicem illo die, quò surgens pedem sinistrum præ dextro exponis è plumis, vel quò persona primò tibi in platea obvians est vetula &c. tu verò captatâ hac instructione diligenter observas, ne pedem sinistrum priùs quam dextrum exponas, aut dum vetula tibi primò occurrit, domum illico te recipis &c. in hoc casu Ariolus dicitur vanus divinator, tu verò vanus observator. Exemplum hoc, nî fallor, ad captum appositè in rem nostram deservit. Cæterùm quod malitiam concernit, nihil prorsus inter se differunt, tam enim divinatio, quàm etiam vana observantia ex suo genere est mortaliter peccaminosa, ob commercium vel pactum saltem implicitum cum dæmone in utraque contentum, licèt divinatio sæpiùs post se trahat peccatum scandalum, quàm vana observantia, quippe quæ non ità frequenter fieri solet coram aliis, aut certè non petit fieri coram aliis, sicut vana divinatio.

Quæres 7timò, quæ & quot sint species vanæ observantiæ?

- 496 R. Vanæ observantiæ communiter enumerantur tres species, scilicet 1. Ars notoria. 2. Observantia sanitatum, & 3. Observantia even-

eventuum. Ità rursus satís communiter Doctores. Ad has enim species cæteræ omnes congruè revocari possunt, prout constabit ampliùs ex dicendis, sive dein cum pacto ex sive cum implicito contingant; in malitia enim substantiali superstitionis prorsus conveniunt, licèt materialiter inter se differant, prout observant Suarez *lib. 2. de superst. c. 14. n. 10. & c. 15. n. 2.* Castropalao *disp. 1. de superst. punct. 8. n. 8.* Jam lubet brevissimè explicare, seu etiam declarare singulas species mox recensitas.

I. Ars notoria dicitur vana observantia 497
in ordine ad consequendam scientiam infusam de rebus occultis per media inutilia, utpote per inspectionem quarundam figurarum in speculo, vel aëre vel aqua apparentium, aut per prolationem verborum ignotorum &c. Hac arte teste Sporer, Reiffenstuel, Sylvestro, Herincx & aliis, uti solent Anabaptistæ, dum post sumptum poculum suæ cœnæ subitò scripturarum aliarumvè rerum hactenus ignoratarum scientiam assequuntur, dæmone illis procul dubio suggerente, prout vel inde haud obscurè colligere fas est, quòd Ecclesiæ exorcismis adorti eâdem scientiâ non sinè illorum confusione fuerint sapiùs destituti, veluti refert Marchantius noster *tom. 2. tr. 2. part. 3. tit. 1. q. 2. §. 2.* Huc pariter revocandam existimo vanissimam illam Cabalistarum observantiam, qua ex
M m 5 com-

computatione partim certorum verborum aut litterarum, partim etiam numerorum &c. tentant acquirere scientiam de futuris contingentibus, etiam à mero hominis arbitrio dependentibus, falsò sibi persuadentes, iisdem litteris ac numeris quandam vim sive naturalem, sive supernaturalem ex sympathia astrorum vel aliunde obtentam, competere in ordine ad portenta illa occulta: sed quàm inaniter hoc sibi persuadeant, constabit ex dicendis n. 502. & 503.

498 II. Vana observantia sanitatum est superstitio, quâ adhibentur media inania & inutilia ad sanandos homines aut jumenta &c. velut contingit, dum ad recuperandam vel etiam conservandam sanitatem, vulnorum curationem, aut mitigationem dolorum usurpantur verba, signa, ceremoniæ inutilis, seu etiam incantationes &c. quæ neque ex sua natura, nec à Deo, nec denique ab Ecclesia habent vim in ordine ad talem effectum.

499 III Denique vana observantia eventuum est superstitio, quâ ex fortuito & casuali eventum homo sibi vel alteri aliquid prosperi aut adversi conjectans, suas actiones moderatur vel regulat juxta illam divinationem, ut si domo egressus anum aut leporem sibi primò obviam habuit, aut canem ullulantem, picamvè pictitantem audivit, propterea quæ in malum omen illud accipiens, ocyus domum

num se contulit &c. Nec dubitandum, quin omnes ac singulæ species mox recensitæ ex suo genere mortaliter sint peccaminosæ, idque propter implicitum saltem commercium cum diabolo in hisce observantiarum generibus involutum. Nihilominus experientiâ teste fateri cogimur, simpliciores non rarò à mortali peccato posse ac debere excusari; vel quia non apprehendunt malitiam superstitionis sub tali facto latitantis; vel certè quia absque firma fide vel certa expectatione eventus similia practicant ex mera animi levitate, prout jam suprà *num.* 485. animadvertimus.

Quæres denique 8tavò, undenam colligidebeat vel possit dictarum observantiarum vanitas aut malitia superstitiosa?

R. Vanitas artis notoriæ dignosci potest, 500
vel ex eo, quòd adhibeantur verba vel signa ignota, frivola, vel falsa, aut diabolorum nomina, puta Beelzebub, Astaron, Zabulon &c. vel si quidem adhibeantur nomina & verba de se sancta, nihilominus admisceantur circumstantiæ vanæ, inutiles, & omnino impertinentes ad ejusmodi effectum, uti rectè observant Laymann, Del-Rio, Gobat, Sporer & alii. Vanitas porro sanitarum & eventuum deprehendi potest ac debet ex eo, vel quòd medio adhibito nec ex se neque aliunde, à Deo scilicet competat vis producendi effectum expectatum vel certè exinde;

de, quòd tametsi videatur de se habere aliquam vim seu etiam connexionem cum illo effectu, utputa sanitate aut eventu, &c. nihilo fecius aliæ nonnullæ circumstantiæ accedere, seu etiam per modum necessariæ conditionis observari debeant, ex. gr. quòd medicina contra febrim debeat esse confecta tali horâ, tali loco, à persona hujus nominis, vel sumi in summo silentio, facie versus januam versa &c. quid enim hæc & similia conferant ad efficaciam medicinæ? Vide de hoc Sporer *tr.* 2. c. 9. *sect.* 3. n. 30. Filliucium *tr.* 24. c. 6. à n. 158. Vel Reiffenstuel *tr.* 5. *dist.* 2. n. 34.

At, inquires, quid, si dubitetur, an hoc vel illud medium non habeat vim ex sua natura, vel certè ex institutione divina in ordine ad effectum expectatum, licebitnè illud adhibere?

501

℞. Ubi certò, aut certò probabiliter constat, quòd medium ex sua natura præcisè non habeat virtutem producendi effectum, solumque dubitatur, an non habeat vim ex institutione Dei vel hominum, &c. neutiquam fas est uti tali mediò: è contra tamen 2. ubi omnibus perpensis prudenter dubitatur, utrum medium illud ex sola sua natura non habeat virtutem sufficientem ad hujusmodi effectum de se & naturaliter possibilem, ex rationabili & urgente causa licitè adhibetur, modò non accedant aliæ circumstantiæ vanæ &

& superstitiosæ, simulque utens tali medio
 protestetur, se nolle effectum illum assequi,
 si non possit aliter, nisi ope dæmonis obtineri.
 Ità quoad utramque partem tenent Sporer
cit. 31. & 33. Laymann *lib.* 4. *tr.* 10. *c.* 4.
 Tamburinus *in decalog.* *lib.* 2. *c.* 6. §. 1. *n.* 63.
 & 68. Sanchez. *lib.* 2. *in decalog.* *c.* 40. *n.* 43.
 & 44. Ratio prioris est hæc: quia ubi causa
 suapte natura certò agnoscitur esse impotens
 seu destituta vigore producendi effectum,
 ibi effectus aliunde exspectari debet: atqui
 in hoc casu exspectari nequit à Deo, quippe
 qui nullibi legitur appromississe talem concur-
 sum extraordinarium, & hòc ipso neque ab
 alio Angelo bono: ergo ab Angelo malo.
 Ratio autem posterioris est hæc: quia nemo
 prudentum negare potest, dari à parte rei
 mirabiles, & quasi innumerabiles rerum na-
 turalium, v. g. lapidum, herbarum virtu-
 tes &c. quæ nos penitus latent, vel quarum
 dare non possumus rationem convenientem,
 veluti de virtute magnetis in ordine ad attra-
 hendum sibi ferrum constat, & de aliis pluri-
 bus: ergo in casu, ubi aliunde causa natura-
 lis videtur & noscitur habere virtutem ope-
 ratricem in ordine ad effectum, & solum
 dubitatur, an habeat de se sufficientem, ne-
 que aliunde accedunt vanæ observantiæ &c.
 planè non videtur, cur non ex gravi causa
 saltem fas sit uti hujusmodi remedio, præser-
 tim cum protestatione, quòd utens nolit ob-
 tinere

tinere effectum ope dæmonis : quandoquidem per talem protestationem prorsus excluditur omnis cultus, & omne commercium cum dæmone ineundum, veluti advertunt Doctores proximè allegati & citati.

§. II.

Proponuntur, & breviter resolvuntur casus practici de Divinatione, & vana Observantia.

CASUS PRIMUS.

Titius in arte cabalistica fundatissimum sese existimat, quam ob rem semel & iterum periculosè satis decumbens per eandem artem suam exploravit, essetne ex hac infirmitate decessurus, nec ne? Confessarius in iisdem circumstantiis utpote valde periculosis ab amicis Titii accersitus eidem nitebatur persuadere, ut mediante Confessione sacramentali, aliisque consuetis Ecclesiæ Sacramentis, utageret se disponere ad beatam mortem; ast, nil minùs persuadere potuit, Titio itentidem replicante, se per artem suam cabalisticam certò certius cognovisse, nondum sibi imminere horam mortis. Confessarius verò dubitare cepit, quid de Titio iudicandum, vel cum eodem in his circumstantiis agendum?

502 R. Confessario concludendum fuisse, quòd Titius in malo statu nedum corporis, sed & animæ versetur, & hòc ipso conandum, ut

ut Titio persuaderet seriam detestationem hujus artis revera superstitiosæ : certum quippe est, quòd vi hujus artis cabalisticæ non infallibiliter, immò ne quidem conjecturaliter, aut probabiliter divinari possit mors, aut sanitas recuperanda, vel non recuperanda, veluti plurimis rationibus fundatissimis probat Delrio *disquisit. magic. lib. i. c. 4. q. 3.* Neque enim ulla verba vel litteræ, neque etiam numeri aut cifrae (quibus Cabalisticæ uti solent) neque eorundem combinatio aut computatio ullam habent vim, aut connexionem naturalem cum sanitate (quemadmodum nullam habent cum divitiis obtinendis) nec potest iisdem attribui vis aliqua artificialis vel supernaturalis : quo enim auctore hanc obtinuissent ? Et certè, sanitas semel deperdita recuperari nequit sinè mutatione seu alteratione, median- tibus qualitatibus activis facienda : atqui qualitates activæ exigunt & supponunt sub- jectum dispositum, & ad operandum idonèe præparatum, tale autem subjectum non sunt, neque esse possunt verba vel litteræ, aut numeri, eorumvè combinatio : ergo si ex his expectetur sanitas recuperanda, prorsus superstitiosè, & vi impliciti saltem pacti cum dæmone expectari debet.

Nec dicat Cabalista, se sanitatem non expectare recuperandam per artem cabalisticam, sed vi hujus duntaxat explorare, sit-
nè

nè per alia medicamina eandem recuperaturus vel non? Nam

503

Contra hoc inane effugium redit idem argumentum: Verba, litteræ, numeri, eorumque combinatio æquè parùm habent connexionis naturalis vel artificialis aut divinæ &c. cum medicamentis necessariis, vel proficuis, quàm cum ipsa sanitate, vel cum peritia aut solertia Medici; ergo quemadmodum sanitatem ipsam nullatenus conferre valent, ità nec ex iisdem conjecturari possunt medicamenta, vel Medicorum peritia aut solertia &c. ac per consequens nec ipsa sanitas recuperanda, vel non recuperanda. Mihi certè videtur hæc fraus diabolica non collimare in alium finem, quàm ut Cabalisticam faciat negligere omnem curam salutis æternæ, quò securiùs eundem tandem pertrahat ad tartara: profectò quisquis ambiat hanc arte de futuris contingentibus præsertim à mero arbitrio humano dependentibus notitiam sibi comparare infallibilem, tacitè convincitur velle de similibus instrui, vel dirigi ab aliqua alia causa occulta, & quidem ratione prædita: atqui non à Deo vel alio Angelo bono: ubi enim constat de promissione vel infallibili assistentia Dei? &c. ergo ab Angelo malo seu dæmonio.

At quid, inquires adhuc, si Titius velit quidem confiteri, nolit tamen hanc artem cabalisticam detestari, ejusvè exercitium deserere?

R. Si

R. Si tam firmiter huic inhæreat, ut eadem etiam vim infallibilem divinandi futura attribuat, & desuper admonitus simpliciter nolit ab ea desistere &c. velut indispositus & vanus divinator absolutionis capax non est, prout ex hæcenus dictis liquidò constare potest. Nihilominus casu quo Confessarius animadverteret, hujusmodi pœnitentem hæcenus bonâ fide exercuisse suam artem, nec unquam apprehendisse gravitatem malitiæ sub ea latentis: & à fortiori, si pœnitens ipse supponatur nunquam adhibuisse fidem firmam huic artificio, sed potius ex curiositate similia practicâsse, aliunde verò videatur difficulter persuadendus ad omnimodam fugam & destinationem illius, haud imprudenter acturum existimo, si dissimulatâ interim veritate eundem relinquat in bona fide, & præmissa generali detestatione omnium peccatorum eundem absolvat Sacramentaliter, velut in casu simili diximus superiùs, *Confer. 1. num. 34. & in Theolog. Sacr. part. 2. Confer. 18. n. 464.* Præstat enim in similibus desperatis dissimulatâ veritate relinquere pœnitentem in bona fide, & peccare materialiter, eidemque administrare Sacramentum quodammodo dubium, quàm omnino nullum, vel veritate declaratâ dare quodammodo causam peccatis formalibus, deinceps ab eodem committendis. Videatur Stoz *lib. 1. part. 3.*
R. P. Elbel, Pars II. de Fide &c. N n num.

num. 428. vel la Croix lib. 3. part. 1.
num. 36.

CASUS SECUNDUS.

Sempronius post maturam deliberationem statuerat ducere uxorem, dubius autem quamnam ex pluribus puellis sibi oblati deberet amplecti, intempestâ nocte sancti Andree, dum luna clariùs incessit, facemque quodammodo prætulit, Sempronius ad ripam cuiusdam fluminis se contulit (audiêrat enim ab alio quodam amico, se undecimam inter & duodecimam in eodem profluente velut in speculo quodam visurum imaginem futuræ sponsæ) at verò dum Sempronius super ripam stans superiori corporis parte nonnihil se inclinavit, quatenus formam puellæ ex aquis reluscentem perfectiùs contemplari posse, ripâ inopinatò sub pedibus dilabente velut plumbum in flumen prolapsus fuit. Denique utut ægrè emersus, & frigore algens banc suam curiositatem detestatus fuit, grates millenas referens Deo, qui è tam evidenti vitæ discrimine ipsum liberavit. Jam ad nostrum propositum dubitare licet, sitnè Sempronius culpæ gravis condemnandus ob hoc factum?

505 **R.** Minimè dubitandum, quîn Sempronius in hoc facto mortaliter peccaverit quis enim prudentum vel primo etiam contuitu non illico apprehendat, hoc medium prorsus esse superstitiosum, utpote omni prorsus virtute.

virtute, tam naturali quàm supernaturali etiam destitutum in ordine ad hunc effectum. Et amabo! ad quid illa circumstantia, quòd inspectio debeat fieri in hac nocte; scilicet S. Andreæ? ad quid, quòd undecimam inter & duodecimam? Profectò sola aqua sinè adminiculo alterius speciei impressæ non habet vim exprimendi, seu etiam repræsentandi effigiem futuræ sponsæ vel sponsi: at impressio illa speciei nec à Deo, nec à bono Angelo, neque ab alio homine in iis circumstantiis prudenter expectari potuit: ergo à solo dæmone, qui similibus sese immiscere solet, non alio fine, quàm ut homines decipiat, ac secum in barathrum æternæ damnationis involvat.

Quod autem de inspectoribus aquarum hic dictum fuit, id ipsum intelligas velim de inspectricibus certorum speculorum, eo fine, ut in iisdem prospiciant futurum maritum, vel ut deprehendatur author furti, homicidii, maleficii positi &c. Cùm enim nullum prorsus sit speculum habens ex sua præcisè natura sinè interventu alterius speciei impressæ vim repræsentandi similia objecta; hujus autem speciei impressio à nullo alio, præterquam à diabolo prudenter expectari possit, vel debeat, uti jam dictum fuit, hinc evidenter convincitur velle habere quoddam commercium cum humani generis hoste, quisquis tali medio utitur: quod vel inde am-

plius colligi potest; nam plerumque debent ab inspectricibus observari nonnullæ aliæ circumstantiæ prorsus vanæ, v. g. quod inspectio fieri debeat à tali persona hujus & non alterius nominis, hâc & non alia hora, cum tali situatione, vel (quod adhuc pejus) cum plena & perfectâ denudatione corporis &c. &c. è quibus omnibus secundum dicta *n.* 500. haud obscurè deprehendi ac colligi potest vanitas, & superstitionis hujus malitia, licet rursus fateri cogamur, similia subinde à simplicioribus praticari absque peccato mortali formaliter tali, ob rationes jam superius *n.* 485. & 499. datas.

At verò, inquires adhuc, quid de illo tenendum, qui nocte natalitiâ fertur sese locasse supra tripodem retro januam, seu portam Ecclesiæ, eo fine, ut hac ratione dignosceret, quænam ex foeminis intrantibus Ecclesiam esset saga vel non?

507

R. Auctor hujus facti nedum perniciosæ curiositatis, sed & damnabilis superstitionis est arguendus; tum quia medium hoc vel nullius prorsus potuit esse efficaciam in ordine ad discernendas sagas, vel certè si quam habuisset efficaciam, eam non aliunde, quàm à diabolo habuisset; tum etiam, quia factum hoc attentavit nedum tempore, sed & loco vel maximè incongruo, & quidem cum evidentissimo periculo temerè judicandi de proximo etiam innocente: quis enim obligabit diabolum,

lum, ut nocentem potius, quàm aliam innocentem tibi proponat, velut Sagam? hòc autem facto nunquid graviter delinques eandem habendo, vispendendo &c. velut Sagam? &c. Hoc ipsum tenendum arbitror de alio quodam, qui, quotiescunque vetulam obviam sibi habuit, assueverat secretò erga illam pronuntiare certum quendam versiculum barbaricum, nullius scilicet prorsus significationis: & casu quo fœmina vel minimum, quid oblocuta fuisset, eam habere pro Saga seu Lamia: hoc enim sinè permagna temeritatis notà fieri non posse, quisque prudentum facilè capiet ob rationem proximè datam.

CASUS TERTIUS.

Caja de consilio alterius cujusdam fœminæ in caligas sui mariti secretò insuit certum quendam barbarum fasciculum eo fine, ut deinceps ab inordinato lusu, cui hactenus nimium quantum deditus fuerat, retraheretur. Et quod mireris: fatetur insuper Caja se id praticasse effectum tam prospero, ut ab eo tempore advertat, maritum prorsus aversum ab omni lusu. Verùm cum ob dictam causam multa contraxerint debita, ut propterea jam cogantur vivere in perpetua egestate & miseria; hinc sciscitatur ulterius, an sibi non liceat dicere illam satis notam orationem S. Christophori eo fine, ut pecunias, vel alia media sustentationi necessaria obtineant? Jam ad no-

strum propositum circa præsentem facti speciem dubitatur 1. Utrum, vel qualiter Caja peccaverit, insuendo caligis sui mariti fasciculum herbarum? 2. An non teneatur illum tollere, vel verò sufficiat præcisè mutare animum, credendo scilicet, quòd dictæ herba non habeant vim retrahendi maritum à lusu inordinato? 3. Denique quidnam de illa oratione Sancti Christophori tenendum sit?

508

R. Ad primum quæsitum, Cajam procul dubio graviter peccâsse, quandoquidem illud medium certò certius fuit superstitiosum, utpote omnino impropportionatum in ordine ad effectum intentum: nam abstinencia vel cessatio mariti ab inordinato lusu dependebat præcisè à libero ipsius arbitrio: atqui fasciculus herbarum caligis insutus naturaliter non potuit immutare arbitrium, seu voluntatem mariti; quia quæ naturaliter moveri non solet, nisi præsupposita cognitione objecti: objectum autem (fasciculus scilicet herbarum latenter insutus) nunquam fuit cognitum à marito: ergo non potuit habere vim naturalem movendi voluntatem.

Neque ulla prorsus videtur ratio asserendi, quòd fortassis occultæ quædam exhalationes dictarum herbarum habuerint vim immutandi intellectum, & consequenter etiam retrahendi voluntatem ab inordinato lusu &c. Naturaliter enim loquendo illæ exhalationes priùs debuissent immutare aliquem sensum: quan-

quandoquidem juxta sanam Philosophiam nihil esse possit in intellectu, quòd non prius fuerit in aliquo sensu: atqui nullibi constat, neque est prudens ratio asserendi, quòd vis dictarum herbarum, utpote prorsus incognitarum Marito, immutârit aliquem sensum, ac per consequens etiam intellectum aut voluntatem: ergo &c.

R. ad 2dum quæsitum, Cajam à Confessario fuisse persuadendam, & suo modò obligandam, ut è caligis sui Mariti auferat dictum fasciculum herbarum, idque propterea, ne habeat occasionem in sua persuasione sinistra ulterius perseverandi. Profectò si firmiter credat dictis herbis nullam competere vim retrahendi Maritum ab inordinato lusu, nullam pariter sentiet difficultatem eas tollendi: sin verò supponatur etiamnum perseverare in hac sinistra persuasione, velut superstitiosa & vana observatrix privari debet beneficio absolutionis. Tametsi in rigore loquendo existimem, quòd in hoc casu sufficeret, deponere sinistram persuasionem, nec simpliciter necessum, ut fasciculus herbarum tollatur; tum quia is supponitur nemini esse nocivus; tum etiam quia Caja poterit sibi persuadere, Maritum non propter herbarum fasciculum, sed propter alias rationes v.g. infortunium, aliavè incommoda mutâsse animum, ita, ut nolit amplius ludere. Hac de causa Sporer, alii-
que plures Doctores benè advertunt, univer-

saliter loquendo non benè argui: hic vel ille
 usus fuit mediò superstitioso v. g. ad febrim
 depellendam, & ex eo tempore sensit selibe-
 ratum: ergo medium illud iuvit &c. Non,
 inquam, benè hoc infertur; potuit enim con-
 tingere, ut eo tempore, quò medium illud
 superstitiosum fuit applicatum, naturaliter
 cessaret materia peccans, unde febris ortum
 duxerat: quidni ergo similiter contingere po-
 tuisset, ut eodem tempore, quò Caja applicavit
 medium superstitiosum, Maritus ex alio moti-
 vo, uti jam dictum fuit, lusum execraretur?

510 R. Jam ad 3tium quæsitum, neutiquam
 approbandum, vel etiam permittendum fuisse
 usum illius orationis ad S. Christophorum;
 quandoquidem hæc in rei veritate non est, ni-
 si magica quædam incantatio, cum implicito
 saltem pacto, aut invocatione diaboli; nam
 tales solent sperare ac credere, post certum
 tempus vel numerum orationum S. Christo-
 phorum (verius dixeris diabolum) sibi com-
 pariturum, & subministraturum subsidia pecu-
 niaria &c. ubinam autem hoc scriptum vel à
 Deo revelatum legitur? Licitè quidem & san-
 ctè pro quavis necessitate sublevanda ad Deum
 recurrimus, & hunc in finem Magister cœle-
 stis Christus Dominus noster orationem domi-
 nicam nos docuit, quam cum pia in Deum ceu
 Patrem nostrum cœlestem fiducia quilibet tan-
 tò utiliùs, quantò frequentius orare poterit:
 hujus ergo usum ac frequentiam Confessarius
 effica-

efficaciter inculcet, alterius verò omnino prohibeat, ob rationes jam datas. Vide, si lubet, Castropalao *part. 3. tr. 17. disp. 1. pu. 10. n. 9.* vel Matthæucci *in cautel. Confessar. lib. 1. c. 17. n. 98. & seqq.*

§. III.

Corollaria ex dictis inferenda.

Colliges ex hæcenus dictis primò, illicitum 511
esse consulere Cingaros, uti vocant, aut cingaras de futuris contingentibus, utputa de statu deligendo, de prospera, vel sinistra fortuna &c. Ratio est: quia consulendo datur iisdem occasio vel potius motivum, vel ope dæmonis divinandi, vel certè mentiendi; cùm aliunde notitiam de futuris contingentibus habere non possint, nisi à dæmone. Esto autem talis consultatio ex joco (uti plerùmque assuevit) facta, culpam venialem excedere non videatur, potest nihilominus fieri mortalis, si vel consulens animò serio consulat, & responsis firmam fidem adhibeat, vel certè prævideat cingaram dæmonem invocaturam, utendo mediò superstitioso, vel animo serio responsuram &c. &c. Sanchez *lib. in decalog. c. 38. n. 48.* Matthæucci *loc. cit. n. 112.*

Colliges 2dò, non esse illicitum uti scien- 512
tiâ ope dæmonis acquisita v. g. de affectu aut virtute naturali alicujus rei, modò dæmon ad actualem usum concurrere non debeat.

Nn 5

Ita

Ita ex communi DD. tenent Sanchez *cit. c.* 42. *n.* 20. Suarez *tom. i. de Relig. l. 2. c.* 15. *n.* 24. Tamburinus, Sporer &c.

Ratio hujus est: quia scientia de se est bona, quantumvis illicitè acquisita. Hinc fit, ut, si à dæmone didicisti, quænam medicamenta naturalia serviant ad hunc vel illum morbum depellendum, licitè ea applies &c. vel nôsti, quò medio aut viâ naturali tolli valeat maleficium, licitè illud tollas, ferè quemadmodum meretrix licitè utitur pecuniis, opere suo meretricio malè adeptis.

513 Colliges 3tiò, etiam in usu sacrarum rerum, utputa orationum, gestatione sacrarum Reliquiarum &c. intervenire posse vanam observantiam v. g. quòd oratio debeat dici facie erga solem vel lunam versa &c. hâc vel illa hora &c. Hæc inquam & similia innumera non nisi superstitionem sapiunt; cùm tales circumstantiæ prorsus nihil conferant ad efficaciam orationis. Confessario proin incumbit, ut fideles, quos animadvertit hisce superstitionibus deditos, bene instruat, docendo ac demonstrando, quòd similes circumstantiæ prorsus sint vanæ ac inutiles, ad eoque spem & fiduciam suam non in hisce ineptiis ac insaniis falsis, sed potiùs in Dei bonitate ac clementia, nec non in Sanctorum meritis, vel eorum, quorum SS. Reliquias colunt, intercessione collocare debeant, prout sapienter monet Matthæucci *loc. cit. n.* 195. Hinc ulterius.

Col-

Colliges 4tò, graviter delinqui ab iis qui 514
SS. & tremendò Missæ Sacrificio abutuntur,
sive procurando, ut illud legatur ex malo fi-
ne, sive ut adhibeantur aliæ circumstantiæ
superstitiosæ velut necessariæ in ordine ad
obtinendum aliquem effectum v. g. sanita-
tis, illæsiibilitatis seu invulnerabilitatis &c.
Hujus sacrilegæ superstitionis condemnandi
sunt sequentes 1. qui curant tot & tot præ-
cisè Missas v. g. tres & non plures legi, &
quidem tribus diebus continuis, tribus Sa-
cerdotibus hujus, & non alterius nominis,
accensis tot & tot candelis &c. 2dò qui cer-
tas scripturas, carthas & similia infrà map-
pam altaris abscondunt, ut super easdem
certus Missarum numerus legatur, quatenus
postea iis mediantibus reddantur invisibiles,
aut invulnerabiles &c. &c. Cùm enim va-
nius nihil excogitari possit, immò nil ne-
quius, quàm credere, quòd sinè hujusmodi
circumstantiis SS. Missæ Sacrificium nullum
habeat effectum, vel quòd iisdem observa-
tis conferat ad hujusmodi fines nequissimos,
hinc meritò gravissimi Sacrilegii condemnan-
tur, qui modò præfato abutuntur tremendò
Missæ Sacrificio : licèt cæteroquin malum
non sit, in ordine ad bonum finem v. g. in
honorem SS. Trinitatis curare, ut legantur
tria Sacra, quinque in honorem Sacrorum
quinque vulnerum &c. &c. Videatur San-
chez l. 2. in decalog. c. 40. n. 40. & 41. Bo-
nacina

nacina tom. 2. disp. 3. q. 5. pu. 4. n. 16. Sporer tr. 2. in decalog. c. 9. sect. 3. n. 27. fin.

§15

Colliges 5tò, Superstitionis arguendas esse vetulas illas, quæ certarum orationum murmuratione admixtis plerumque certis verbis nihil prorsus significantibus, aliisque ineptis Ceremoniis, utputa inhalationis, insufflationis, oscitationis &c. nituntur curare vulnera, vel procurare facilem partûs expeditionem, aliósque morbos depellere vel ægras affectiones, item quæ 2. insufflando nonnulla verba in aurem præsertim animalium irrationalium, volunt/subitò depellere morbum 3. qui vel quæ per prolationem certorum verborum volunt canes reddere mutos, aut sanguinem sistere, ne ampliùs diffuat v.g. ex naribus aut vulnere corporis &c.&c. Ratio similium facilè potest erui ex dictis: nam pactum saltem implicitum cum dæmone sub schemate similium verborum latens facilè potest colligi tum ex eo, quòd circumstantiæ prorsus vanæ adhibeantur, (ad quid enim insufflatio verborum in aurem animalis ratione destituit, & nil prorsus intelligentis?) tum etiam, quia dicta verba de se sacra non habent vim infallibilem impetrandi tales effectus insolitos. Et licèt me non lateat, à multis Doctoribus non improbari usum similium verborum, seu etiam versiculorum ex Psalmis &c. si cum pia in Deum confidentia, & sinè infallibili expectatione à Deo desiderentur

rentur dicti effectus ; existimo nihilominus hanc praxin, utpote plenam periculo, omnimodis à Confessario esse dissuadendam, vel ex eo duntaxat capite, quòd pauci intra terminos piæ duntaxat confidentiæ sint substituti, præsertim si semel effectum ad prolationem dictorum versiculorum fuerint experti. Videatur la Croix *lib. 3. p. 1. n. 29.*

At inquires, quid tenendum est de pulvere Sympatico, quo nonnulli curare solent vulnera distantium ?

R. Ab aliquibus Doctoribus usum hujus pulveris approbari cum hac tamen limitatione : modò vulneratus non nimium distet v. g. ultrà trecentos passus &c. tum quia probabile est, dari aut possibilem esse *actionem in distans* ; tum quia fortassis idem pulvis potest diffundere nonnullas qualitates per medium, quemadmodum cadavera defunctorum (teste S. Thoma, aliisque multis DD.) per multa milliaria solent emittere quendam odorem, vel potiùs factorem : hac de causa credo in casu urgenti permitti posse usum hujus pulveris cum limitatione jam insinuata, præsertim si utens protestetur, se nolle quodcunque cum Cacodæmone habere commercium, neque etiam desiderare effectum sanitatis, nisi hæc naturaliter restitui vel obtineri possit.

Alii tamen Doctores fati communiter damnant usum hujus pulveris velut supersticio-

stitiosum, eò quòd incredibile videatur, quòd qualitates hujus pulveris tam longè, per muros etiam & media corpora interjecta undequaque sese diffundere valeant: hæc opinio procul dubio tutior est, propterea que usus ejusdem pulveris non faciliè approbandus à Confessario.

- 517 Colliges ex his 6tò, id, quod de cura mediante pulvere sympatico mox diximus, pariter tenendum esse de transplantatione (ut vocant) sanguinis, dum scilicet Chirurgi sanguinem humanum è membris tabescentibus v. g. brachio, pede &c. extractum infodiendo transplantant in arborem eo fine, ut membra tabescentia recuperent pristinum vigorem ad instar arboris reflorescentis. Mihi probabilius, immò propemodùm certum & indubitabile videtur, quòd hoc medium prorsus vanum sit & inane: quid enim virtutis aut vigoris corpori humano tabescenti conferat sanguis in arborem, præsertim multùm distantem transplantatus? vel quid arbor distans corpori? Nec immeritò S. Thomas aliique plures Doctores, quos sequitur Burghaber *centur. 1. cas. 46.* cert.: superstitionis damnant eos 1. qui pueros aut chartulas nomine puerorum inscriptas mittere solent per fissuram arboris, ut sanentur à ruptura item 2. qui ferrum, quò læsi sunt, infigunt lardo porcino, ut sanentur; vel qui 3. arborem vel aliam rem ligant locò vulneris sanan-

sanandi &c. &c. Qui plus hujusmodi ineptias & superstitionas observantias (nam omnes recensere impossibile foret, nec capi possent libelli hujus angustiiis) nōsse desiderat, adeat R. P. Del-Rio *lib. 3. disq. magic. part. 2. q. 4. sect. 9.* Gobat *theolog. experiment tr. 11. à n. 923.* vel la Croix *lib. 3. part. 1. n. 29. & seqq.*

Colliges 7^{timò}, superstitionis pariter 518
condemnandos esse illos, qui ad procurandos vel obtinendos effectus extraordinarios adhibent artificialia quā talia, utputa imagines astronomicas, annulos, characteres, numeros arithmeticos. Itā Del-Rio *lib. 1. c. 3. q. 1.* Valentia *tom. 3. disp. 6. q. 10. pu. 2.* Sanchez, aliique plures. Ratio est: quia artificialia, utpote destituta qualitatibus alterativis nequeunt esse principium naturale alicujus operationis vel immutationis. Nec dici valet, quòd habeant quandam virtutem naturalem ab astris sibi impressam: unde enim amabo! unde constat de tali impressione? vel quis artifex ex astris hunc influxum infallibilem impetrabit? Profectò cū quodvis artificiale quā tale sit voluntarium, dicendum potius foret, astra immediatè influere in arbitrium artificis, & non in artefactum: at, hoc æquè absurdum est quā illud, utpote omni fundamento destitutum, veluti colligi potest ex dictis ad casum primum hujus Conferentiæ ergo &c.

Colli-

519

Colliges denique 8tavò nunquam prorsus fas esse uti medio, de quo certò constat, esse superstitiosum, & omni virtute in ordine ad talem effectum destitutum.

Ratio est: quia superstitio utpote intrinsecè mala nullo casu nulliusvè necessitatis intuitu cohonestari potest. Unde in simili contingentia nulla prodest protestatio, quòd nihil cum dæmone velis habere commercii &c. opere enim ipso contrarium monstras, utpote gnarus tali medio nullam competere vim ex sua natura, neque etiam ex aliqua ordinatione divina, & tamen (utì supponitur) eodem uteris in ordine ad effectum, à nullo alio, quàm à dæmone præstandum.



CONFERENCE DECIMA SEPTIMA.

De Magia & Maleficio.

S U M M A R I U M.

520. Nomine Magiæ ut sic intellegitur ars mira operandi; quæ dividi solet in naturalem & superstitiosam.

521. Magia superstitiosa rursus ex duplici fine dicitur vel Magia simpliciter, vel maleficio.

522. Utraque hæc species absque dubio est mortaliter peccaminosa.

523. 524. & 525. Breviter explicatur, quidnam Sagæ aut Magi valeant. 1. circa Elementa. 2. circa corpora

pora humana, & 3. quid circa animas, vel in animas hominum?

526. Esto Saga non semper, fortassis tamen sæpiùs transferuntur à dæmone de loco in locum per aëra.
527. Non ergo audiendi sunt Lutherus, Melanchton & alii, existimantes id duntaxat fieri, vel absolvi in mera imaginatione, nec esse, nisi diaboli illusionem.
528. Respondetur breviter ad principale fundamentum Adversariorum.
529. Maleficio rectè dicitur: ars sive potestas nocendi aliis.
530. Hoc rursus à DD. distingui solet in philtum amoris, & veneficium.
531. Quænam remedia sint adhibenda contra maleficia?
532. Nunquam fas est solvere maleficio per aliud novum maleficio, bene tamen per ablationem signorum.
533. Quidnam agendum sit, casu quo dubitatur, an magus vel saga possit medio naturali vel licito solvere maleficio?
534. Quid si possit quidem, dubitetur tamen, an non medio superstitioso sit soluturus?
535. & 536. Solvuntur breviter duæ objectiones in contrarium.
537. Resolvitur breviter Casus I. de quodam lascivo qui mediante philtro nifus puellam honestissimam in suam trahere sententiam.
538. Quid Confessario agendum fuerit cum tali juvene pœnitente?
539. An Maleficio ab eo depositum potuerit turâ conscientia in eodẽ loco relinqui, an verò debuerit auferri?
540. Resolvitur Casus II. Cujusdam pœnitentis, qui ad recuperandam pecuniæ summam furtivè sibi ablatam jussus fuit à quodam ariolo insigere clavum cistulæ, è qua pecunia fuerat subtracta.
541. Prorsus illicitum ac superstitiosum est, percutere seu etiam comburere animalia veneficio infecta,

R. P. Elbel, Pars II. de Fide &c.

Oo

eo

- eo fine, ut saga eundem dolorem sentiens cogatur deinceps abstinere à nocumentis inferendis.
542. Fas nihilominus est, ponere tale signum contrarium, quò diabolus cogatur abstinere deinceps à maleficio continuando, seu damno inferendo &c. &c.
543. Sitnè licitum ponere signum contrarium, de quò dubitatur, an non sit superstitiosum?
544. Resolvitur Casus III. de quodam puero decenni, qui parochus suo ingenuè fassus fuit, se à Caco-dæmone didicisse artem magicam.
545. Parochus huic illicitè præcepisset, ut artis suæ probam monstraret ad oculum.
546. Potuit tamen tutâ conscientia uti balneo, ut liberaretur à veneficio, quò ab eodem puero fuerat infectus.
547. Quomodo vel quibus de punctis puer iste, vel alius quicumque magnus in simili casu specialiter sint examinandi?
548. Quâ via, quibusvè mediis ad frugem meliorem sint reducendi?
549. Opera magorum, quantumvis videantur mira, non tamen sunt vera miracula.
550. E quibus indiciis colligendum sit, an intervenierit verum miraculum à Deo, an verò operatio merè naturalis, aut diabolica?
551. Iudex illicitè peteret à Mago vel Saga productionem v. g. muris aut ranæ in testimonium artis magicæ &c.
552. Similiter illicitum est vertere scopam, vel projicere pulvinar versus januam eo fine, ut Saga cogatur remanere in cubiculo usque dum agnoscat personam.
553. Sitnè licitum in ordine ad se liberandum ab infestatione dæmonis repercutere Sagam, esto illa propterea à dæmone esset graviter percutienda, aut intoxicanda novo maleficio?
554. Quid denique agendum cum pecuniis à diabolò obtentis, & an licitè à mago expendantur?

§. I.

*Præmittuntur, & breviter resolvuntur quæ-
sita, scitu necessaria ad debitè resolvendos
casus practicos de Magia, &
Maleficio.*

Quæres primò, quid sit Magia? & quotu-
plex?

℞. ad primam partem hujus quæsitæ, no- 520
mine magiæ ut sic seu in genere communi-
ter intelligi *artem operandi mira*: commu-
nissimè autem dividi solet in naturalem &
superstitiosam seu diabolicam. Naturalis
dicitur, dum hominum inventione aut in-
genio mediantibus causis naturalibus (appli-
cando scilicet activæ passivis) admirandi qui-
dam effectus, utpote transcendentes com-
munem naturæ ordinem, producuntur. Et
hanc magiæ speciem, etsi de se minimè ma-
lam, Doctores communiter dissuadendam
monent, eò quòd sit valde periculosa, ac
sensim sinè sensu viam sternat ad magiam
superstitiosam &c. Magia verò superstitio-
sa (de qua sola impræsentiarum tractabimus)
perbene describitur, quòd sit ratio seu *ars
operandi mira ope dæmonis*, id est, per signa
à dæmone instituta: quemadmodum enim
magia naturalis utitur causis naturalibus;
ità superstitiosa utitur quibusdam signis, qui-
bus dæmon suò modo allicitur, vel vi pacti
cogitur ad præstandum id, quod magus aut
saga petit.

521

R. ad alteram partem ejusdem quæsti. Magia superstitiosa seu diabolica ratione finis à mago aut saga intenti rursus est duplex; vel enim magus suam artem exercet eo præcisè fine, ut sibi magnum acquirat nomen, vel sese ostentet, uti fecisse leguntur magi in Ægypto coram Pharaone producendo serpentes &c. & tunc dicitur simpliciter *magia*: vel exercet illam in ordine ad inferendum proximo damnum; & tunc appellatur *maleficium* seu etiam *veneficium* veluti Herinex noster, & alii Doctores communiter docent, & mox ampliùs patebit ex dicendis à n. 529.

Quæres 2dò, quale peccatum sit Magia?

522

R. Magia est ex suo genere peccatum mortale. Ità *omnes*. Ratio est: quia nunquam exercetur sinè expressa, vel saltem tacita invocatione & commercio cum dæmone: atqui hoc commercium gravissimè repugnat tum legi divinæ, tum etiam rectæ rationi nobis congenitæ: ergo &c. Nunquam proin in hac arte dari potest excusatio à mortali ob parvitatem materiæ, esto fortassis dari possit ob defectum sufficientis usus rationis, v. g. in infante ante septennium seducto &c. Immò verò ordinariè loquendo multa, & gravissima quidem peccata comitari solent magiam, utputa hæresis, infidelitas, abnegatio Dei, execratio SS. Trinitatis, B. Virginis & omnium Sanctorum &c. Idololatria, blasphemia in Deum & Sanctos, profanatio item &

& abusus rerum sacrarum, maximè Sacramentorum, nefariæ commixtiones cum dæmone, & alia innumera peccata luxuriæ, damna proximorum, præsertim infantium nondum baptizatorum, quorum postea officulis magi abuti solent ad varia præstigia, maleficia &c. ad mortem animalium, destructionem ac ruinam segetum &c. &c. teste Herincx *part. 3. tr. 4. disp. 7. n. 30.* Babenstuber *tr. 5. disp. 2. art. 4. n. 65.* & Filliucio *tr. 24. c. 7. n. 180.*

Quæres 3tîo, quantum, vel quidnam Sagæ vel magi valeant circa elementa, nec non circa corpora & animas hominum?

R. primò, Sagæ & Magi, vel potiùs dæmones velut illorum Magistri circa Elementa possunt tria præcipuè. 1. Excitare tempestates, grandines, fulmina, tonitrua, ventos. 2. Efficere possunt inundationes ac terræ motus, nec non incendia, ædificiorum ruinas &c. 3. Possunt insuper transferre integras segetes, vel integra pomaria de loco in locum, transponendo scilicet superficiem terræ aut terram, in qua arbores aut segetes erant plantatæ &c. Ratio horum est: tum quia gaudent maxima celeritate ac potestate, seu virtute movendi hæc corpora sublimaria de loco in locum; tam etiam quia polent notitia rerum naturalium v. g. quò modo tonitrua aut grandines confici debeant: proin facillimo modo possunt nubes in aliis

etiam regionibus collectas coadunare ad locum, ubi magus demoratur, easdémque vel in pluvias resolvere, vel inducto frigore ita indurare, ut densissima grandine in terram decendant &c.

524 R. 2dò, Circa corpora hominum Magi vel potius dæmones possunt sequentia. 1. Ea celerrimo motu transferre de loco in locum. 2. Eadem corpora transformare quodammodo, saltem extrinsecè, mutando scilicet figuram, & ex aère vel crassis vaporibus terræ aliam v. g. lupi circumponendo &c. vel substituendo veram bestiam lupi, locò hominis subitò in alium locum translati, & hòc etiam modo hominem reddere invisibilem &c. 3. Possunt causare varios morbos in humano corpore, vel 4. viceversa infirmatum aut vulneratum sanare &c. intellige semper: *per se loquendo & permittente Deo.*

525 R. jam ad idem quæsitum 3tiò. Circa animas hominum corporibus conjunctas dæmones, & ope ipsorum magi omnia possunt, quæ ex dispositione corporis & imaginatione dependent: utputa incitare ad amorem, ad odium, ad libidinem; potest enim diabolus efficere, ut objectum amandum semper obversetur phanataxiæ amantis, vel objectum odiosum phanataxiæ odientis, prout multiplex experientia constat, & amplius patebit ex dicendis à n. 537.

Circa animas tamen à corporibus jamjam separa-

separatas seu solutas nec dæmones (nisi in damnatas, puniendo illas juxta mensuram delictorum) neque etiam magi aliquid possunt v. g. excitando eas ab inferis. Hinc si magus aut Saga faciat spectrum quoddam apparere, minimè credendum est, quòd sit anima alicujus hominis defuncti, sed potius dæmon ipse sub tali forma latitans. Neque obstat illud, (inquit rectè Babenstuber *cit. n. 68.*) quod 1. *Reg.* 28. de Samuele narratur; nam si verè apparuit anima Samuelis, id non factum est vi artis magicæ, sed ex peculiari ordinatione divina, ad majorem terrorem & confusionem impii Saulis. Videatur de his Suarez *tom. 1. de Relig. l. 2. c. 16.* Filliucius *tr. 24. c. 7. à n. 171.* vel Sayrus in *clavi Reg. lib. 4. c. 6. à n. 14.*

Quæres 4tò, sitnè verum, quòd Sagæ vel striges aliquando realiter ac physicè per dæmonem transferantur de loco in locum?

℞. Vix prudenter dubitari posse, quin subinde saltem portentur per aëra de loco in locum, ità ut corporaliter intersint nefariis conventibus, & nescio quæ detestabilia ac nefanda scelera committant. Ratio est: quia in primis negari nequit, diabolum pollere hac potestate loco motiva: ex parte autem lamiarum seu strigum nulla prorsus apparet repugnantia. Adde insuper, quòd hæc corporalis præsentia, & præsertim commixtiones illæ nefandissimæ, quas solent habere frequen-

quentissimas tum inter se, tum etiam cum ipso dæmone, longè efficacius alliciant, & quoddammodo pertrahant aut cogant ad omne nefas: unde minimè ambigendum, quin Cacodæmon hoc medio sæpè sæpiùs utatur ad hunc finem, esto fortassis subinde interveniant nonnullæ illusiones dæmonis v. g. *circa situm loci ad quem, vel circa apparatus convivii, epularum &c.* Denique veritatem hujus opinionis probant experientiæ, & quasi innumeræ historiæ prout videre licet tum apud Delrium *disquis. mag. lib. 2. q. 16.* tum etiam apud Sprengerum *in malleo malefic. part. 2. q. 1. c. 3.* Binsfeldium *de Confess. malefic. pag. 202. & seqq.* omnibus autem illis historiis fides negari nequit sinè nota imprudentiæ; & indolerabilis pertinaciæ: ergo &c.

527

Scio equidem, Lutherum, Melanchtonem & alios nonnullos, etiam Catholicos, præferim Juris Consultos asseruisse, lamias seu striges verè ac realiter per dæmonem non transvehi, neque deportari de loco in locum, sed illudi duntaxat, quatenus mille artium artifex earundem phantasie nescio quas species deliciarum, conviviorum aut epularum &c. imprimit (ferè quemadmodum non raro aliis somniantibus solet accidere, esto à parte rei semper maneant in eodem loco, vel etiam lecto, &c. Verùm quàm perniciofa sit hæc sententia nedum Ecclesiæ, sed & toti Reipu-

Reipublicæ Christianæ ac universo generi humano, peregregiè demonstrat R. P. Del-Rio *cit. lib. 5. sect. 16.* Non enim alio collimare videntur Patroni hujus opinionis, quàm ut deinceps nulla prorsus saga morte plectatur, veluti teste Babenstuber ex Ponzinibii, Wieri, & aliorum scriptis liquidò colligitur. Et sanè constat (ait idem Doctor) Judices quosdam iisdem deceptos dimisisse lamias vel impunitas, vel minùs punitas, quàm oportuerat, eò quòd opinarentur, omnia, quæ confiterentur, esse illusoria, nec gravem pœnam mereri. Immò compertum est, alicubi illa tantùm puniri scelera, quibus hominibus, vel brutis nocuerint : injurias verò ab ipsis Deo illatas per idololatriam, blasphemias, sodomiam &c. tanquam merè illusorias insuper haberi, & non curari. Ità Babenstuber *tr. 3. disp. 2. art. 4. n. 71.* & sapienter omnino : nam si Judex nolit animadvertere in sagam propter idololatriam, blasphemias, sodomiam, &c. eò quòd hæc & similia à parte rei non faciant, sed potiùs à dæmone illusæ credant, se fecisse, planè non video, cur idem Judex non debeat pariter existimare, sagas à parte rei non nocuisse hominibus aut brutis, sed solùm vi illusionis diabolicæ credere, quòd talia damna intulerint, quo semel datò planè non apparet, cur ob hæc scelera potiùs quàm ob illa debeat animadvertere in sagam.

At, inquires, *cap. Episcopi* 26. q. 5. dicitur: quòd *Satanas* - - - *mentem* (sagarum) quàm *captivam tenet*, in *somniis deludens*, modò *lata*, modò *tristitia*, modò *cognitas*, modò *inco-*
gnitas personas ostendens, per *devia quæque de-*
ducit, &c. mósquè subditur: *quis verò tam*
stultus & hebes sit, qui *hæc omnia*, quæ NB. *in solo spiritu fiunt*, *etiam in corpore acci-*
dere arbitraretur? ergo non verè ac reali-
 ter, sed in solo spiritu, id est, phantastica il-
 lusione dæmonis transferuntur.

- 528 R. in *cit. capitulo* solùm reprobari, quòd
 sagæ cum Diana Dea paganorum, &c. verè
 & realiter transferantur per aëra &c. prout
 legenti contextum ejusdem capituli patebit,
 minimè autem doceri, quòd omnia illarum
 peccata in sola phantasia vel imaginatione ab-
 solvantur. Unde in forma breviter responde-
 ri potest distinguendo consequens: ergo non
 verè ac realiter per aëra transferuntur eum,
 vel per Dianam paganorum Deam, *conced.*
 non transferuntur per diabolum, saltem sæ-
 pius &c. uti jam dictum fuit, *neg. consequent.*
 Reliqua Adversariorum fundamenta confu-
 tata videri possunt apud Azorium *tom. 1. lib.*
9. c. 25. q. 3. Suarez, Sayrum, Del-Rio, Ba-
 benstuber *n. 71.* & alios proximè cit.

Quæres 5tò, quid sit Maleficium? & quæ
 vel quot species ejusdem?

- 529 R. ad primam quæsitam partem. Malefi-
 cium est ars, sive potestas nocendi aliis ex
 pacto

paſto expreſſo vel tacito cum dæmone. Ità Filliucius *tr.* 24. c. 8. n. 181. Tambur. *lib.* 2. in *decalog.* c. 6. §. 2. n. 1. & alii *DD.* cōmuniter. Ratio hujus descriptionis facilè poteſt colligi ex dictis; nam maleficiū convenit cum magia mox deſcripta, nec aliter ab ea differt, quàm quòd magia tendat ad potentiam dæmonis ſeu etiam magi &c. oſtendendam aut magnificandam, ars verò malefica ſeu maleficiū potiùs inferatur in ordine ad nocendum aliis.

℞. jam ad alteram quæſiti partem. Duæ 530
dantur ſpecies maleficii, è quibus prior vocatur *maleficiū amatorium*, vel (ut alii loquuntur) *phyltrum*: poſterior verò dicitur *veneficiū*. Per phyltrum ſeu etiam maleficiū amatorium hominum animus ſecti ſolet ad amorem carnalem & laſcivum, proptereaſque ſæpiùs quàm par eſt inter conjugatos excitari ſolent rixæ, dum amor unius ſectitur ad alienam perſonam. Veneficiū verò appellatur illud, quò malefici utuntur ad nocendum aliis, ſive in propria eorum perſona, utputa occidendo, ægritudines immitendo, præſertim ſterilitatem vel impotentiam &c. ſive in aliis rebus mobilibus aut immobilibus, utputa, deſtruendo ſegetes aut vineas, ſubvertendo ædificia, vel occidendo animalia &c. Ità communiter *DD.* nominatim Filliucius *loc. cit.* n. 182. Babenſtuber *ubi ſuprà* n. 73.

Quæres 6tò, quænam remedia contra homines maleficos, vol potiùs contra ipſa maleficia ſint uſurpanda?

℞. Du-

531

R. Duplicis generis remedia licitè & utiliter possunt adhiberi, scilicet vel 1. naturalia, quæ ordinariè à Medicis contra diversas ægitudines pro exigentia rerum præscribi solent, esto hæc plerumque non sint tam efficacia, casu quo infirmitas etiamnum in facto esse dependet à maleficio, eò, quia diabolus facile potest impedire eorum vim & efficaciam, aut certè restringere influxum &c. Vel. 2. supernaturalia seu spiritualia, quæ prioribus sunt magis efficacia, cujusmodi sunt 1. magna fides & firma in Deum, Divarumque protectionum fiducia. 2. susceptio baptismi, si maleficiatus supponatur hactenus nondum fuisse baptizatus. 3. sincera ac dolorosa confessio peccatorum; cum enim peccata nostra non rarò Deum moveant, ut diabolo permittat potestatem nocendi, consequens erit; ut si per veram peccatorum retractationem divina Nemesis placetur, denovo diabolica potestas coerceatur. 4. devota sumptio seu participatio SS. Eucharistix Sacramenti. 5. Exorcismi ab Ecclesia approbati, quorum quanta sit vis & efficacia contra malignos dæmones, frequens monstravit experientia. 6. aqua benedicta à ministris Ecclesiæ, quippe quæ ob preces Ecclesiæ pariter magnam habet vim ad evertendas dæmonis infestationes. 7. Reliquiæ Sanctorum, Cerei Sacri, item panis & sal benedictus, aliæque similes res ab Ecclesia benedictæ. 8. Signum

Signum salutiferæ & sanctæ Crucis, ad cuius contuitum dæmones terreri ac fugere assolent. 9. Invocatio SS. Nominis Jesu, B. Virginis Mariæ, S. Angeli Custodis & aliorum Sanctorum. 10. Oratio, præsertim conjuncta jejunio. Lessius *lib. 2. de J. & J. c. 44. n. 28.* Bonacina, Reginaldus & alii.

Quæres 7timò, sitnè licitum accersere maleficum, ejusvè operâ uti in ordine ad solvendum maleficium, quò bestia vel etiam homo fuit infectus?

R. cum distinctione. Nam ubi constat, 532
quòd maleficium à mago tolli non possit sinè novo maleficio, id est, sinè nova invocatione aut pacto cum dæmone, quò is cogatur aliquid de novo operari &c. non licet accersere maleficum ejusvè operâ uti, esto is aliunde supponeretur paratus ac promptus ad hoc præstandum. Econtra verò, ubi certò aut certè probabiliter constat, maleficium tolli posse sinè novo maleficio, sivè dein præcisè auferendo signa magica, utputa ligaturas, acus, fragmenta testarum, vitrorum, ovorum &c. sivè etiam signa positivè contraria apponendo, ast eo præcisè ex fine, ut diabolus cogatur abstinere à maleficio inferendo seu etiam continuando, licitè potest accerseri maleficus, ejusque opera peti. Ità cum communi Doctorem Sayrus in *clav. reg. lib. 4. c. 6. n. 26.* Sporer *tr. 2. in decalog. c. 9. sect. 4. n. 40. & seqq.* Sanchez *lib. 2. in*

in decalog. c. 41. n. 6. & 13. Suarez tom. 1. de Relig. l. 2. c. 18. n. 10. Ratio prioris est: quia maleficium ponere est actio intrinsecè mala & nullo, quantumvis honesto fine co-honestabilis: atqui nunquam fas est petere ab alio actionem de se & intrinsecè malam, esto is supponatur ad hoc paratus, quemadmodum à meretrice etiam paratissima non licet petere usum corporis; quia hoc modò petens cooperatur ad malum, & est causa peccati, quatenus causat actuale exercitium, seu etiam voluntatem alterius quodammodo excitat ad peccandum: ergo nunquam fas est à mago petere solutionem maleficii, quando hoc solvi ab eo nequit sinè novo maleficio. Ratio autem posterioris est: quia dum maleficium solvi potest sinè novo maleficio, potest talis solutio nedum licitè prætendi, sed & magus aut maleficus tenetur ex iustitia (si ipse priùs posuit) vel saltem ex charitate erga proximum, si non posuit quidem, possit tamen licitè, illud tollere.

At quid, inquires, si dubitetur, an magus vel quiscunque demum alius sciat aliquod medium licitum & honestum auferendi &c. licebitnè illum accersere, ve ejus operâ uti?

533 R. Non licèt illico uti operâ, sed oportet priùs illum examinare, qua ratione vel quibus mediis maleficium velit solvere? Quod si recuset explicare modum solvendi, præsumendum erit (nisi aliunde de probitate viri

virī constet) eum non soluturum finē novo maleficio, eò præsertim quòd per media naturalia rariùs tolli queant: supernaturalibus autem Laici, præsertim de probitate morum aliunde suspecti, uti non solent. At verò casu quo explicat modum tollendi, rursus prudentum iudicio disquirendum erit & examinandum, an in tali non lateat aliquod novum maleficio, fraus dæmonis, vel vana observantia, sive quoad substantiam ipsam, sive quoad ceremonias. Denique si omnibus examinatis supponatur remanere dubium, existimarem, quòd possit solutio peti, cum expressa tamen protestatione, ne fiat novò maleficio, vel nova dæmonis operatione. Insuper sapienter advertit Lessius, Laymann *l. 4. tr. 10. c. 4. n. 9.* Sporer *tr. 2. decalog. c. 9. sect. 4. n. 42.* Del-Rio & alii plures, de eo, qui maleficio posuit, faciliùs præsumendum esse, quòd sciat modo licitò, utputa ablatione signorum &c. illud tollere, quàm de alio, qui illud non posuit; nam tales plerùmque nova dæmonis invocatione comparare debent notitiam vel de maleficio ipso, vel certè de modo solvendi. Videatur Sporer *loc. cit. in fine.*

Sed quid, si magus sciat quidem medium licitum illud solvendi, dubitetur tamen, an non illicitò potiùs & superstitioso, cum nova Dei offensa sit usus?

℞. In hoc casu adhuc licitè peti posse solutionem.

lutionem à mago aut malefico; quemadmodum ob rationabilem causam licitè peti potest mutuum ab eo, qui quidem posset dare, certò certius tamen prævidetur non daturus sinè usura. Et ratio est: quia si magus possit licitè, & tamen nolit, nisi mediò illicito uti ad opus de se bonum, uti est solutio malefici &c. tunc malitia hæc soli mago, non item solutionem petenti imputari debet, quippe qui hanc nec intendit neque petit, sed solam solutionem modò licito & honesto faciendam. Videantur dicta superiùs *Confer. 12. num. 365.*

Dices contra resolutiones proximè datas, præsertim *n. 532.* Qui tollit signa magica eo fine, ut diabolus cogatur non amplius nocere, &c. effectum desideratum expectare nequit à causa naturali, neque à voluntate humana, neque etiam per miraculum à voluntate Dei aut Sanctorum: ergo necessum est, ut illum expectet à diabolo: at, hoc semper est illicitum, ergo &c.

535 R. Cum P. Herincx *part. 3. tr. 4. disp. 7. de superstit. n. 36.* hunc effectum sperari posse à Deo, quippe qui juxta ordinarium agendi modum non permittit diabolo hominibus nocere, nisi per malitiam seu malevolentiam aliorum hominum certa quædam signa maleficia ponantur, quibus proinde signis sublati per se à Deo sperari potest cessatio damnorum vel nocumentorum à diabolo aliàs infer-

ren-

rendorum. Ex quo patet, negandam esse Majorem.

Dices rursus : quisquis modò præfato tollit signa magica, videtur saltem sese immiscere, & quandam habere partem cum pacto diaboli, quippe qui statuit positis hujusmodi signis nocere, iisdemque ablatis cessare à damno inferendo : at omne pactum cum dæmone peccaminosum est, &c. ergo &c.

R. Rursus *neg. Major.* Nam in primis 536 necessum minimè est, ut dæmonem inter & maleficum duplex intercesserit pactum, sed potuit intervenire unicum, scilicet *quòd positis signis velit nocere maleficiato* ; quibus sublatis ordinariè & regulariter loquendo non amplius permittitur à Deo, ut noceat. Deinde casu quo belli dux inaudit, quendam è suis cum hostibus iniisse pactum, quòd iisdem velit dare signum aggrediendi seu etiam impugnandi urbem, &c. idemque belli dux hujusmodi signum tollat, vel ne ponatur, impediatur, planè dici nequit, quòd voluerit habere quoddam cum hostibus pactum, sed dici potius debet, quòd pactum cum hoste à suo subdito initum velit annihilare seu destruere : idem ergo judicium ferendum est de eo, qui signa malefica tollit eo fine, ne diabolus deinde nocere possit. Videatur Herincx *loc. cit. n. 37.* Kreslinger *addit. post. num. 49. ad tr. 5. dist. 2. Theolog. mor.*
R. P. Elbel, Pars II. de Fide &c. Pp R. P.

R. P. Reiffenstuel, vel Sporer part. 2. Theolog. decalog. c. 9. n. 41.

§. II.

Proponuntur & breviter resolvuntur Casus practici de Magia & Maleficiis.

CASUS PRIMUS.

Titius lascivus juvenis amore cujusdam honestæ puellæ captus, cum eandem nec promissis, nec blandimentis aliisvè lenociniis in suam sententiam pertrahere potuisset, tandem operæ dæmonis impetrandum censuit, quod suis viribus impossibile apprehendit. Et verò vixdum ad instructionem cujusdam magi certas quasdam schedulas, nec non laminam metallicam diversis figuris ac characteribus insignitam clam defoderat subtus limen habitaculi, in quo præfata puella demorari consueverat, dum ecce! eadem puella quasi in rabiem acta illico velum capitis sui abjecit, & inconditis clamoribus ac gestibus vociferando nil aliud identidem ingeminando expressit, quàm nomen dicti juvenis, cujus insano amore nedum jam capta, sed & à sensibus penitus alienata videbatur. Paulò post à parentibus suis Sancto Hilarioni præsentata, deprehensa fuit à diabolo obsessa, qui SS. Ecclesiæ exorcismis compulsus dictitavit, se à lascivo illo juvene coactum fuisse ad possidendam hanc puellam, neque etiam inde discessurum, usque dum maleficium seu
phyl-

philtum amoris subtus limen reconditum tolleretur. At verò sanctus vir, ne vel maligno hosti fidem, vel potestatem justò majorem attribueretur, relicto etiam philtro partim meritis ac precibus suis, partim etiam SS. Ecclesiæ exorcismis diabolum compulit ad deferendam hanc creaturam, teste R. S. Stengeliotom. 2. c. 59. §. 11. Jam ad nostrum propositum quæri potest. 1. an, vel quomodo Titius peccaverit in hoc facto? 2. quid eidem d Confessario fuerit præcipiendum? 3. an illud philtum amoris potuisset aut debuisset auferri?

R. ad primum quæsitum, Titium procul 537
dubio gravissimè peccasse, & quidem multipliciter 1. contra charitatem proximo debitam ratione scandali dati, dum puellam ad lasciviam pertrahere conatus fuit, atque hòc ipso 2. contra castitatem, sin minùs in effectu deliquit. 3. insuper gravissimè deliquit contra virtutem Religionis peccato superstitionis & magicæ observantiæ, dum philtum amoris ex pacto diaboli confectum defodit subtus limen habitaculi, propterea què minimè dubitandum, quin incurreret casum reservatum, secundùm dicta in *Theolog. Sacram. part. 2. Confer. 13. n. 353.* idque à fortiori dicendum, si perversus ille juvenis supponatur hoc maleficio defodisse eo fine, ut puella à diabolo possideretur; quo casu gravissimè peccasset nedum contra charitatem,

tem, verum insuper contra justitiam. Videantur ea, quæ in casu haud multum ab simili diximus *part. 1. Theolog. decalog. Confer. 22. n. 641.*

538

R. ad 2dum quæsitum. Si supponatur Titius (idem dic de alio quocunque simili) verè poenitens redire ad Confessarium, huic incumbet accuratè indagare in omnes circumstantias mox annotatas, præsertim an positivè intenderit nedum seducere puellam, verum insuper reddere subjectam, seu etiam obsessam à diabolo? Jubeatur seriò detestari sua peccata, præprimis commercium illud diabolicum; quòd, cum efficaciter ab eodem fieri nequeat, nisi amoveantur illa signa diabolica; hinc 3. obligandus est ad illa auferenda & comburenda, quam primùm moraliter loquendo id potuerit; secus enim non esset capax absolutionis, veluti rem consideranti facilè patebit. Sanchez *lib. 2. mor. c. 41. n. 22.* Suarez *lib. 2. de superst. c. 17. n. 13.* Herincx noster *part. 3. tr. 4. disp. 7. n. 39.*

539

R. Jam ulteriùs ad 3tium quæsitum, illud phyltrum amoris potuisse sinè omni peccato auferri; quia auferens propterea dici nequit novum cum dæmone pactum inire vel initum ratificare, sed potiùs annullare ac destruere, veluti constat ex proximè dictis *n. 536.* Nolim tamen per hoc improbare factum S. Hilarionis, quippe qui tanti procul dubio meriti apud Deum existit, ut relictis etiam signis magi-

magicis diabolum nedum à possessione puel-
læ deturbare, verùm insuper ab inferendo
deinceps quocunque damno compescere po-
tuerit, prout sapienter notat Castropalao
tr. 17. disp. 1. punct. 11. n. 11. in fine. Cæte-
rùm quænam remedia spiritualia contra dia-
bolum ipsum ejusdemque opera maligna sint
adhibenda, quibusvè armis hostis ille anti-
quus humani generis sit retundendus, vide-
ri potest tum ex dictis *n. 531.* tum ex iis, quæ
tradit. R. P. Del-Rio *disquis. mag. lib. 6. c. 2.*
sect. 3. per tot. ad quem Lectorem benignum
remitimus.

CASUS SECUNDUS.

*Sempronius tentatis quampluribus (at sinè ef-
fectu) mediis spiritualibus, ut pecuniam fur-
tivè sibi subtractam denuo recuperaret, tandem
consuluit quendam ariolum, à quo jussus fuit ei-
dem cistulæ vel arculæ, è qua pecunia fuere sub-
tractæ, adhibitis nonnullis ceremoniis ac preci-
bus, clavum infigere, & si fur pecuniam abla-
tam restitueret, alterâ die profundius intrude-
re, tertio denique die eandem cistulam median-
te clavo omnino penetrare, quò factò fur eodem
clavo confixus infallibiliter mortem opeteret.
At verò hoc remedium Sempronio nonnihil vi-
detur suspectum; unde sciscitatur è Confessa-
rio, an sinè peccato superstitionis eò uti possit.
Quid respondendum interroganti?*

R. Nedum usum hujus medii certò certius
super-

superstitiosum esse & prorsus damnabilem, sed & consultationem arioli fieri non potuisse à Sempronio sinè gravi peccato. Ratio prioris est : quia secundùm dicta *n. 532.* nunquam fas est solvere maleficium mediante novo maleficio ; non enim licet facere malum , ut eveniat bonum : atqui , intrudere clavum cistulæ eo fine, ut eodem clavò torqueatur fur, & cogatur restituere vel omnino deperire, est ponere novum maleficium, & moraliter loquendo dæmonis opem implorare , ut ille furem pungendo cogat ad restituendum aut moriendum, prout clarè colligi potest ex dictis *loc. cit.* & vel inde satis patet ad oculum, quòd clavus cistulæ infixus naturaliter loquendo nequeat furem pungere aut torquere, multò minùs ejusdem corpus utpote distans penetrare : ergo ope altioris virtutis id expectetur, necessum est : atqui non ope Dei vel alicujus Sancti Angeli, vel hominis : ergo ope diaboli. Ratio autem posterioris est hæc : quia quicumque ariolum consulit, eidem præbet occasionem, immò quodammodo movet, vel ad novum cum diabolo commercium, vel certè ad exercitium seu executionem artis diabolicæ, aut certè ad mendacium : at, hæc omnia absque peccato fieri nequeunt, saltem per se loquendo, tametsi non ignorem, hujusmodi consultationes subinde à simplicioribus fieri absque formaliter gravi peccato ; vel quia ignorant ariolum habere quoddam commercium cum diabo-

diabolo vel quia sperant ab eo aliquod medium naturale percipere, aut certè quoddam consilium absque peccato practicabile, prout fortassis etiam Sempronius noster fecit.

At, inquires, quid de Rustico illo tenendum, qui ob infestationem hominum maleficorum plura perdidit animalia, utputa equos, gallinas &c. neque etiam è lacte potuit amplius excludere Butyrum, proindè ad se servandum indemnem, equi demortui ungulam præcisam projecit in ignem, gallinam pariter mortuam cuidam mappulæ involutam totis percussit viribus: denique & lac superposuit igni eo fine, ut Saga vel magus cogerentur eundem dolorem ignis aut verberum sustinere à diabolo, & hac viâ abstererentur ab ulteriori infestatione: quid iudicii de his factis?

R. Conformiter ad dicta superiùs, hæc 541
& similia fieri non potuisse absque peccato mortali, ob tacitam saltem invocationem, & implicitum commercium cum diabolo, quod ipsò facto attentare meritò censetur, quisquis tali mediò utpote certò certius superstitioso utitur, juxta communissimam DD. sententiam apud Castropalao, Sanchez, Tamburinum, Sporer, Matthæucci *in cautel. Confess. l. 1. c. 17. §. 14. n. 92.*

Dices fortassis: si Rusticus nòset certò, diabolum cum mago aut Saga fecisse hoc pactum, quòd velit impedire exclusionem Butyri,

tyri, quamdiu supra vas coagulatorium non fuerit efformatum signum crucis, vel quamdiu in illud non fuerit injectum numisma v. g. S. Benedicti &c. aut infra illud vas positus cultellus. Rursus, si constaret, diabolum iniisse tale pactum, quod ad positionem hujus vel illius signi à Saga factam, tamdiu velit infantem infestare, quamdiu is non fuerit collocatus super tripodem, aut per scalam devolutus &c. procul dubio liceret Rustico, aut cuicunque alteri similia facere eo animo ac fine, ut butyrum excludatur, aut infans ab infestatione liberetur: quidni ergo & illud prius liceat, scilicet projicere ungulam in ignem &c. &c.

- 542 R. *Neg. paritatem.* In priori etenim casu solvitur maleficium per novum maleficium, id est, novam invocationem, cooperationem, & commercium cum diabolo; quod semper nefas est: ècontra in casu posteriori non fit novum maleficium, sed potius destructio prioris maleficii, & pacti diabolici; non enim ponitur talis actio vel signum contrarium eo fine, ut diabolus invocetur aut honoretur, sed ut cogatur desistere ab infestatione, & v. g. infantem, vel lac relinquere in suo esse naturali: quò supposito Butyrum naturaliter excludetur: atqui, ponere hujusmodi signum contrarium, modo de se honestum sit vel indifferens, vacat omni culpa juxta *communissimam Doctorum:*
quam

quam tenent Castropalao *part. 3. tr. 17. disp. 1. pu. 11. n. 8.* Sanchez *lib. 2. decalog. c. 41. n. 25.* Filliuc. *cit. n. 195.* Sporer *tr. 2. in decalog. c. 9. n. 41.* Tambur. *lib. 2. c. 6. §. 2. n. 13.* Hac de causa cohonestari potest praxis Judicum, qui maleficos torquendos jubent vestibus exui, abradi capillos eorum aut lavari &c. ne tormenta non sentiant; potuit enim diabolus cum Saga tale pactum inisse, quod eam velit reddere illæsibilem, quamdiu non fuerit lota, vel exuta vestibus &c. ergo à Judice licite ponuntur hujusmodi signa contraria, non quidem eo fine, ut cum Cacodæmone pactum ineat, vel conditionem ab eo positam adimpleat, sed potius ut pactum dissolvat, & quodammodo dæmonem impediat, quò minùs Sagam aut magum reddat illæsibilem aut insensibilem &c.

At quid, si dubitetur, an non tale signum contrarium sit superstitiosum?

R. In tali casu abstinendum prorsus existimant Sanchez, aliique multi & gravissimi DD. eò quòd sinè periculo Superstitionis adhiberi non valeat. Nihilofecius alii Doctores probabiliter licitum existimant, saltem cum protestatione, quòd non adhibeatur talis actio vel signum eo fine, ut diabolus aliquid de novo operetur, sed ut à Deo coercetur, ne ulterius nocere pergat. Videatur de hoc Herincx *disp. 7. de superstit. n. 38.* Lessius *c. 44. dub. 6.* 543

CASUS TERTIUS.

Cajus puer decem circiter annorum D. Parocho suo ultrò fatetur, se à Cacodæmone artem magicam didicisse, jamque ab uno & altero anno frequentasse conventicula Sagarum nocturno tempore celebrari solita; hinc 2. nominetenus recenset nedum locum in quo, sed & Personas plures alterius Sexûs, Domino Parocho haud incognitas, quæ convenire solent: narrat insuper 3. chorearum, conviviorum, & epularum delicias; nec non 4. ceremonias & varios ritus, quibus diabolus in contemptum Dei & æmulationem fidelium flexo etiam poplite honorare, & adorare coguntur. 5. fatetur insuper, quòd jam sæpius excitârit horribiles grandines, ventos ac pluvias, cum ingenti segetum fructuumque campestrium detrimento. 6. pariter sat multa peccora se intoxicasse asserit. Quò verò dictis suis majorem conciliaret fidem, cooperante sibi diabolo (quem suam matrem appellare consueverat) eundem D. Parochum de repente claudicare fecit, postea verò jussit, ut ad recuperandum gressum sese lavaret in aqua naturali, mixta prius eidem modicâ quantitate aquæ benedictæ, quò factò R. D. Parochus illico pristinam sanitatem recuperavit. Casum hunc non fictum, sed factum narrante eodem, cui accidit, intellexi, & quia valde practicus est, ad nostrum propositum eundem nedum proponendum, sed & paulò enucleatiùs ventilandum duxi.

duxi. Itaque dubitare licet primò, an ad depositionem dicti pueri R. D. Parochus potuerit prudenter credere, eum imbutum, & versatum in arte magica, feminasque ab eo recensitas esse Sagas seu stryges? 2. An non ad capiendum certius experimentum potuerit à puero petere, ut is in confirmationem dictorum subito excitaret ventos ac pluvias, saltem sine detrimento aliorum, vel ut in sua præsentia sine mora produceret vanas aut mures? 3. an ad recuperandum gressum tutâ conscientia potuerit uti balneo illo aquâ benedicta mixto? 4. denique quid circa hunc pœnitentem (si tamen verè pœnitens supponatur fuisse) R. D. Parochus debuerit observare aut examinare?

R. ad primum quæsitum. R. D. Parochus prudenter omnino sibi persuadere potuit, hunc puerum arte magicâ esse infectum & imbutum; tum quia quivis Confessarius tenetur pœnitenti tum pro- tum contra se etiam loquenti credere; tum quia propria confessio est optima probatio cum precum. Cod. de lib. caus. tum denique, quia repentina illa claudicatio, nec non subitanea pristini gressûs recuperatio ad usum balnei præscripti firmissimum sanè præbent argumentum cujusdam artificii magici à puero attentati: & certè nihil prorsus impossibile seu implicatorium in tota hac depositione pueri apprehendi valet; cum ergo aliunde notum sit,

fit, dari hodieum stryges ac magos, qui ope dæmonis similia praticare solent, planè non video, quâ ratione vir prudens huic depositioni fidem negare deberet. Secus arbitrator de ferendo iudicio circa mulieres ab eodem puero denunciatas; cùm enim sagæ ac magi diversis illusionibus à dæmone decipiantur, repræsentatione scilicet diversarum personarum eo fine, ut & innocentes in suspicionem criminis conjiciantur: immò verò, cùm Sagæ ac magi veluti flagitiosissima dæmonis mancipia exemplò magistri sui omni possibili modò nocere conentur proximo; hinc ob solam depositionem cujusdam Sagæ neutiquam fas est ferre firmum iudicium, quòd scilicet illæ personæ à puero denunciatae revera sint stryges, esto fortassis Parochus haud imprudenter faceret, declinando quodammodo (ità ut alii non advertant) consortium talium personarum, præsertim ubi aliunde accedant alia non levia indicia de talibus personis. Videantur de hoc R. D. Augustinus Michel Theolog. *canon-mor. tom. 1. p. 2. appendic. 2. p. 5. n. 4.* Tannerus *tom. 3. disp. 4. q. 5. dup. 2.* Diana *4. part. tr. 6. resol. 30.* ubi rectè docent, neminem aliàs bonæ vitæ aut famæ à Iudicibus sæcularibus capi posse ex sola denunciatione Sagarum, nisi alia gravia indicia accedant, cujusmodi recenset Bonacina *disp. 3. q. 5. pu. fin.* & ex eodem Michel *loc. cit.*

R. ad

R. ad 2dum quæsitum negativè. Ratio 545
est: quia, cum similia à puero fieri nequeant
sinè novo maleficio vel invocatione dæmo-
nis, planè sequitur, quòd quisquis illum ad
similia provocat, ponat causam scandali, quin
immò aliquò modo cooperetur ad illud com-
mercium diabolicum, utique non sinè gravi
peccato. Videatur Sanchez *lib. 2. in decal-*
log. c. 41. n. 4. Castropalao *ubi suprà de su-*
perstit. disp. 1. pu. 11. n. 6.

R. ad 3tium quæsitum affirmativè. Ratio 546
hujus resolutionis liquet ex dictis suprà n.
532. & 542. tum scilicet, quia talis ablutio
est res de se omnino indifferens; tum etiam,
quia non supponitur fieri eo fine, ut diabolus
aliquid de novo operetur vel sanitatem con-
ferat, sed solùm, ut à continuatione malefi-
cii cesset, quò facto natura restituetur pri-
stino statui & convalescet: at cuilibet fas est
per media indifferentia vel licita tendere ad
recuperationem sanitatis: ergo &c.

R. jam ad 4tum quæsitum. R. D. Paro- 547
chus (idipsum intelligas velim de quocun-
que alio Confessario) respectu talis pœni-
tentis duo præcipuè observare debet, primò,
examinando indagare in sentinam malorum
seu peccatorum, quæ magi aut sagæ ordina-
riè committere solent. 2dò, præscribere
media salutaria, quibus pœnitens in viam sa-
lutis reducatur. In ordine ad assequendum
primum intentum, necessum erit interrogare
quan-

quantum ad primum punctum : quo tempore sese mancipaverit diabolo ? item an illò statim tempore agnoverit malitiam hujus mancipatùs ? Quoad 2dum : Caveat Confessarius indagare in numerum vel nomina personarum, quas dictus puer asseruerat interfuisse conventiculis diabolicis ; hoc enim non pertinet ad integritatem confessionis, quin potius præbere posset ansam detractio- nibus, sinistris judiciis, vel suspicionibus &c. Quantum ad 3tium, oporteret quidem expiscari numerum, quoties scilicet convenerint ? quos ritus, aut ceremonias diabolo exhibue- rint ? verùm cùm hoc plerùmque ab homi- nibus tam inveteratis in malitia recenferi ne- queat ; hinc Confessarius debet esse con- tentus, si pœnitens fateatur, quoties circiter per septimanam, vel mensem, vel annum convenirent, & an diabolum velut Deum co- luerint ? Singulariter verò notet Confessa- rius, quoad hoc punctum esse interrogan- dum, an pœnitens verè & ex animo abjura- verit SS. Trinitatem, B. Virginem, aliòsque Sanctos, ita scilicet, ut judicaverit diabolo potius, quàm Deo ac Sanctis honorem esse tribuendum &c. an verò id fecerit ex mera malitia & voluntatis perversitate, ita scilicet, ut bene apprehenderit honorem non diabolo, sed Deo potius & Sanctis tribuen- dum ? nam si hoc posterius judicavit, non esset hæreticus, nec incurrisset casum Bullæ Cœnæ,

Cœnæ, bene verò, si illud prius. Quantum ad 5tum & sextum interrogari debet, quoties circiter grandines causaverit; quot pecora intoxicaverit? quæ vel quanta circiter damna aliis causaverit? nam per se loquendo teneretur nedum ad tollenda maleficia hinc inde posita, verum etiam ad refarcienda omnia damna, licet plerumque hujusmodi homines ob pauperiem & impotentiam physicam vel moralem excusentur ab onere restitutionis, uti rectè advertit Michel *loc. cit. pu. 4. num. 5.* Vid. Suarez *lib. 2. de superst. c. 14. n. 12. & c. 17. n. 13.* Filliuc. *tr. 24. c. 7. n. 180.* Bonacina *disp. 3. q. 5. pu. 5.*

Porro in ordine ad assequendum secundum intentum imò, necessum erit excitare poenitentem ad veram detestationem peccatorum suorum, & ad sinceram compunctionem, exponendo eidem gravitatem flagitiorum, simulque proponendo periculum animæ, & æternæ damnationis, certò certius incurrendæ, nisi seriò respuerit. 2dò, declarando eidem infinitam Dei misericordiam, quâ ad respiscendum vocatur, nec non immensum amorem Jesu Christi Salvatoris nostri, tam boni & misericordis Domini, qui pretiò sanguinis sui & vult & potest quantumvis maximum peccatorem recipere ad pristinum statum gratiæ, modò is velit cooperari divinæ vocationi: ècontra ingerat eidem tædium diabolici mancipatûs & crudelita-

delitatis, quâ suos sibi adhærentes nedum in hac, sed potissimum in altera vita tractare, eorûmque servitia non nisi pœnalibus flammis ac cruciatibus per totam æternitatem compensare solet. 3^{ti}ò, conetur illum excitare ad firmam spem, quòd scilicet non obstante chyrographo vel subscriptione &c. facta diabolo, nihilominus possit resipiscere & redire in gratiam, immò pertingere ad omnimodam Sanctitatem, veluti constat exemplis sancti Anastasii, Anastasiæ, Cypriani &c. & multorum aliorum ex primis Christianis, qui libros magicos Apostolis comburendos tradidisse leguntur *Act. 19. v. 19.* 4^{to} jubeatur fortiter contemnere dæmonis insultus, quibus tales conversos multipliciter & fortissimè quidem infestare assolet, quos cum patientia supportare oportebit. 5. singularissimè verò Confessarius instruat talem pœnitentem de modo eliciendi frequentissimos actus charitatis erga Deum ceu summum bonum, contritionis de peccatis commissis, abrenuntiationis sathanæ, cultûs erga Beatissimam Virginem velut speciale refugium peccatorum & advocatam, nec non aliorum Sanctorum, præsertim Cypriani & Anastasii &c. de quibus proximè dictum. 6. denique jubeatur pœnitens sese munire spiritualibus armis & auxiliis, utputa frequentando Sacramenta pœnitentiæ & Eucharistiæ, utendo aquâ benedicta, nec Sanctorum Reliquiis, &c. &c.

§. III.

§. III.

Corollaria ex dictis inferenda.

Colliges ex hactenus dictis primò, opera 549
 Magorum & sàgarum (quantumvis mira
 videantur & insolita) non esse, neque dici
 posse vera miracula. Ratio est: quia theo-
 logicè loquendo miraculum illud duntaxat
 dici meretur, quod ità rarum & insolitum
 est, ut simpliciter excedat virtutem totius
 naturæ, seu omnium causarum naturalium:
 atqui opera magorum &c. nunquam exce-
 dunt totam virtutem causarum naturalium,
 quandoquidem omnia perficiantur vel mo-
 tu naturali, vel applicatione activorum na-
 turalium ad passiva &c. Videatur Delrio
lib. 2. disq. magic. q. 7.

At, inquires fortassis, undenam igitur col-
 ligendum, sitnè effectus aliquis verè miracu-
 losus, vel naturalis, vel verò superstitiosus?

R. Circa hoc dignoscendum universalem 550
 regulam statui neutiquam posse, nihilominus
 juvabit multum notasse sequentia principia
 Theologica.

I. Deus ordinariè non facit miracula ni-
 si per homines Sanctos; unde si patrator mi-
 rabiliùm vel apertè sit improbus, vel suspe-
 ctus de probitate vitæ ac morum, non facile
 credendum est, eum divina virtute, sed po-
 tiùs ope diaboli adjuvari.

II. Deus hodiedum rarò facit miracula,
 neque id statis vicibus, vel ad cujusvis libi-
 R. P. Elbel, Pars II. de Fide &c. Qq tum:

tum : ex quo consequens videtur, pro suspecto habendum esse illum, qui ex hoc vel illo medio semper pollicetur certum & infallibilem effectum, sive corporalem, utputa morborum curationem periculorum evasionem &c. sive Spiritualem v. g. quòd homo non possit damnari, neque mori subitanè morte, vel sinè prævía Confessione &c.

III. Deus non facit miracula sinè gravi causa, gloriam scilicet suam, hominumve utilitatem v. g. persuasionem veræ fidei &c. concernente. Ex quo prudenter colligere licet, quòd si effectus aliquis merè inutilis, vanus, aut soli curiositati deserviens expectetur per medium aliunde ex sua natura minùs proportionatum, talis effectus supersticiosus potiùs, quàm miraculosus censendus sit.

IV. Deus non operatur miracula, nisi modis decentibus & honestis: ubicunque ergo scædæ, frivolæ vel ineptæ circumstantiæ concurrere debent in ordine ad aliquem effectum insolitum, minimè ambigendum est, quin effectus ille sit supersticiosus, & non Deo, sed diabolo velut Auctori adscribendus.

V. Denique Deus in operandis miraculis non adstringit se certis verbis, aut modis, sed modò istò, modò illo utitur pro suo beneplacito. Ex quo colligendum, meritò suspectam esse habendam illam operationem, quæ certis verbis aut ceremoniis dicitur alligata,

gata, ità, ut secus neutiquam expectari debeat vel possit. Videantur de his Fagundez in 2. *præcept. lib. 8. c. 4.* vel R. D. August. Michel tom. 1. *part. 2. appendic. 2. punct. 3. n. 13. & seqq.* ubi præsens punctum fusiùs declarat.

Colliges 2dò, quòd, quemadmodum Parocho aut Confessario non licet petere à Saga vel mago, ut in confirmationem vel probam artificii sui bene apprehensi producat v. g. ranam, aut ventos vel pluvias &c. veluti dictum fuit n. 545. ità pariter neque iudicibus permissum vel permittendum esse, ut malefico præcipiant, vel alio modò cogant, quatenus is maleficium positum auferat certà quadam benedictione &c. 551

Ratio est: quia talis benedictio vel ceremonia superstitiosa reipsa nil aliud est quàm novum cum damone commercium, vi cuius is à mago cogitur, vel ad aliquid de novo operandum, vel à maleficio & infestatione cessandum: commercium verò cum diabolo esse nefarium, jam constat ex dictis. Videatur Sanchez *lib. 2. in decalog. c. 41. n. 10.*

Colliges 3tiò, non esse licitumvertere Scopam in tuo cubili eo fine, ut experiaris, sitnè foemina ad te ingressa lamia seu Saga, vel non. Neque etiam 2dò fas est projicere pulvinar è lecto eò animo & intentione, ut lamia supra illud cogatur sedere, usque dum agnoscatur, quænam sit &c. Ità R. P. Kreslinger 552

linger addit. post num. 51. tr. 5. dist. 2. Theolog. mor. R. P. Reiffenstuel. Ratio prohibitionis similitum est (ait idem Doctor) quia hoc modò non solvitur prius pactum (quod aliàs liceret) sed præterea novum involvitur, cùm Sagæ per similia non præcisè in statum naturalem redigantur, sed præterea aliquid de novo facere cogantur, ad quod non, nisi mediante novò diabolico pacto adstringi possent. Ità ille.

Sed quid, inquires fortassis, si ego sciam v. g. ex relatione Sagæ, dæmonem cum eadem hoc pepigisse foedus: si tu percusseris Titium, ego eundem intoxicabo: at verò, casu quo ille te percusserit, ego Eum non inficiam, quin potius se (Sagam scilicet) percutiam aut torquebo: liceretne in hoc casu Sagam repercutere?

553

¶ Si certò tibi constaret de tali pacto, minimè dubitarem, quin adhuc Sagam licitè repercuteres, non quidem animò, ut pactum dæmonis adimpleas, vel eundem ad aliquid operandum cogas, sed præcisè, ut ab infestatione te liberes. Ratio est: quia repercussio hæc res est de se indifferens, & à te ponitur præcisè eò animo, ut diabolus te non vexet: quòd autem ille statuerit Sagam percutere supposità tua repercussione, id respectu tui merè per accidens se habet posset enim hostis malignus cessare ab infestatione præcisà omni percussione vel afflictione Sagæ,

gæ, aliunde etiam non teneris cum tanto tuo incommodo impedire afflictionem Sagæ, cum charitas potius consulat, ut tuæ, quàm alienæ salutis vel incolumitati invigiles. Dixi tamen : *si certò tibi constet* &c. nam in dubio potius præsumendum foret, quòd diabolus alios quoque præter Sagam voluerit involvere pacto aut commercio suo : & certum esse debet ex hæcenus dictis, quòd in tali casu nefas foret repercutere Sagam eò animo, ut diabolum adigas ad affligendam Sagam. Videatur de hoc Sanchez in decalog. lib. 2. c. 41. n. 21.

Colliges denique 4tò, Sagam vel magum 554
licitè uti posse pecuniâ à dæmone obtenta, modò constet, esse veram pecuniam, nec alteri subtractam. Ratio est : quia potuit contingere, ut dæmon talem pecuniam vel è fundo maris extraxerit, vel deprompserit ex thesauro, cujus nemo amplius habet dominium : ergo si supponantur veræ esse pecuniæ, licitè expenduntur, esto à diabolo malè fuerint partæ seu obtentæ, quemadmodum v. g. meretrix pecuniam opere suo promeritam absque ullius injuria licitè expendit ad usum honestum juxta communissimam DD. Dixi tamen rursus : *modò constet esse veram pecuniam, nec alteri subtractam* &c. Solet enim dæmon non rarò dare pecunias apparentes duntaxat, quæ postea evanescent, aut in carbones vel stercorea converti solent : li-

quet autem de se, quòd tales absque injuria aut damno proximi pro veris expendi non possint: similiter si constaret, pecuniam fuisse alteri furtivè subtractam, deberet restitui Domino suo. Videatur Laymann *lib. 4. tr. 10. c. 4. n. 8.* Sanchez *lib. 2. decalog. c. 38. n. 96.* Vel Babenstuber *tr. 5. disp. 2. art. 4. n. 84.*



CONFERENCE DECIMA OCTAVA.

De Tentatione Dei, & Sacrilegio.

SUMMARIUM.

555. Irreligiositas per defectum quid sit, & quot ejus membra vel Species?
556. Quid intelligatur nomine tentationis in genere?
557. Et quid sit tentatio Dei in specie?
558. Hæc tentatio potest esse vel formalis, vel virtualis tantum & interpretativa.
559. Utraque tamen ex suo genere est mortaliter peccaminosa.
560. Nihilominus posterior subin evadit venialiter duntaxat mala.
561. Sacrilegium est rei Sacræ violatio, seu indigna tractatio.
562. Aliud dicitur personale, aliud locale, & aliud reale.
563. Quidnam intelligatur nomine personæ Sacræ?
564. Sacrilegium personale quatuor modis contingere potest.
565. Et hæc Sacrilegia utpote Specie morali inter se differentia necessario explicanda sunt in confessione.
566. Quid

566. Quid intelligatur nomine loci Sacri?
567. Sacrilegium locale tribus modis fieri assolet.
568. Quidnam intelligatur nomine rei Sacræ?
569. Sacrilegium reale quinque modis potest committi.
570. Peccatum Sacrilegii ex suo genere est mortale;
571. Non rarò tamen per accidens quasi fit veniale tantùm.
572. Resolvitur Casus I. de quodam Prædicatore Evangelico, qui hæreticis convertendis ex zelo indiscreto videtur promississe miraculum à Deo impetrandum.
573. & 574. Satisfit duabus instantiis contra resolutionem hujus casûs factis.
575. Resolvitur Casus II. de quodam homine lascivo, assueto diebus festivis in Ecclesia oculos pascere aspectibus impudicis, & Sponsam suam sollicitare &c.
576. Nec non secretò sese polluere in eodem loco.
577. Quid tenendum vel agendum cum illis, qui se accusant de s. v. flatibus in Ecclesia emissis?
578. Resolvitur Casus III. Cujusdam custodis Ecclesiæ, dubitantis, an sua Ecclesia non sit habenda pro polluta, eò quòd quædam mulier ab altera percussa, è naribus haud modicum Sanguinem effuderit in eadem?
579. Item, an non fuisset polluta, casu quo idem custos & alteram mulierem usque ad consimilem Sanguinis effusionem nervò bubulo coëgisset, aut percussisset?
580. Utrum Ecclesia polluatur, casu quo vulneratio aut læsio fit quidem intra, effusio autem Sanguinis, vel mors ipsa consequitur extra parietes Ecclesiæ?
581. Qui irreverenter orando præsumunt impetrare à Deo id, quod alii devotè orantes; item qui sinè prævio studio vel justa causa cathedram conscendentes prædicare præsumunt, Deum tentare meritò reputantur.
582. Idem censendum de iis, qui absque justa causa martyrii periculo sese exponunt.
583. Item qui purgationem à crimine per ferrum candens, vel aquam bullientem attentant.

584. Obstrictus votò simplici, probabiliter non committit Sacrilegium strictè dictum, esto carnaliter peccet contra illud.
585. Bene verò ille, qui peccat cum persona votò solenni obstricta, aut in Sacris constituta.
586. Non item Novitius, nullum habens votum, neque Ordinem majorem.
587. Auferens rem non Sacram è loco sacro, esto non depositam in Custodiam Ecclesiæ, probabiliter committit Sacrilegium.
588. Potest insuper Sacrilegium committi peccatò omissionis.

§. I.

Præmittuntur, & breviter resolvuntur quæsitæ scitu necessaria ad debitè resolvendos casus practicos de Tentatione Dei, & Sacrilegio.

Quæres primò, quid sit Irreligiositas per defectum, & quæ, vel quot sint ejus membra aut species?

- 555 R. Conformiter ad dicta superius, nomine irreligiositatis intelligi quendam defectum contra virtutem Religionis; quemadmodum enim virtus Religionis occupatur circa cultum Deo debitum, ità vitium Religioni oppositum, id est, irreligiositas ut sic opponitur cultui Deo debito, idque vel positivè, seu per excessum, vel negativè, id est, per defectum: & quia de irreligiositate per excessum hætenus jam egimus, restat, ut deinceps agamus de irreligiositate per defectum, quæ sub se comprehendit sex membra sequen-

sequentia, scilicet 1. Tentationem Dei. 2. Sacrilegium. 3. Simoniam. 4. Blasphemiam. 5. Perjurium, & 6. Violationem Voti, de prioribus tribus in hoc tractatu agemus, posterioribus dilatis in proximum: qui Deo adjuvante aget de 2do præcepto decalogi.

Quæres 2dò, quid sit Tentatio ut sic seu generatim sumpta, & quid tentatio Dei?

R. Tentatio ut sic dicitur *dictum vel factum ad capiendum de aliquo experimentum* 556
v. g. an sit prudens, doctus, fortis, in sua arte peritus &c. Porro alia dicitur *tentatio seductionis*, id est facta in ordine ad seducendum, seu etiam inducendum ad peccatum, quò sensu Diabolus nos tentat, dum ad quodvis malorum genus allicit: alia verò appellatur *tentatio probationis*, quæ absque omni sinistro affectu solius experimenti capiendi causâ fieri potest: & in hoc sensu Deus dicitur tentasse Patriarcham Abraham, Job, Tobiam & alios Sanctos, ut eorum obedientiam, patientiam, vel constantiam, amorem vè experiretur. Videatur Sporer *tr. 2. in decalog. c. 10. sect. 2. n. 6.*

R. jam ad alterum membrum ejusdem quæsti. Tentatio Dei proprietatis est dictum vel factum, quò quis absque justa causa explorat, an Deus sit v. g. justus, misericors, omniscius, &c. vel aliâ quadam perfectione præditus. Ità post S. Thomam 2. 2. q. 97. *art. 1. Herincx noster part. 3. tr. 4. disp. 8.* 557

n. 3. Reiffenstuel *Theolog. mor. tr. 5. dist. 3. n. 3.* Dicitur autem: quò quis *absque justa causa &c.* Nam ubi talis intervenit, non erit tentatio Dei dicenda, utputa si honor Dei, aut salus propria vel proximi v. g. ad tuendam fidem veram id exigat, vel si quis habeat donum miraculorum vel sanitarum &c. &c. Econtra qui sinè justa causa id facit, Deo irrogat gravem injuriam, sicut & in humanis servus contra observantiam suo domino debitam delinqueret, qui sinè causa de Ejusdem virtute vellet capere experimentum ait Herincx. Illud porro circa descriptionem datam observandum venit, quòd *per experimentum divinæ perfectionis* Doctores hic intelligant omne extraordinarium opus vel auxilium Dei suprâ communem rerum ordinem præstandum, quò divina potentia vel sapientia exploratur &c.

558 Quæres 3tiò, quotuplex sit tentatio Dei?
R. Duplex est, scilicet 1. formalis sive expressa, & 2. implicita sive interpretativa. Ità rursus *communis D.D.* formalis dicitur, quando quis dubitans de aliqua perfectione Dei, eò sine positivè aliquid facit, ut experiatur, an Deus habeat illam perfectionem v. g. ad explorandam Dei potentiam, impugnat fidem, vel Ecclesiam persequitur, volens experiri, an Deus possit eam defendere, prout à nonnullis hominibus perversissimis, ut à Nabuchodonosore, Juliano Apostata &c. factum

factum legitur. Implicita verò seu interpretativa tentatio Dei appellatur, quando quis expressè quidem non dubitat de aliqua perfectione Dei, neque intendit de illa capere experimentum, nihilominus facit aliquid, quod suapte natura videtur referri non posse, nisi ad experiendam aliquam Dei perfectionem; ut si quis contemptâ & recusata omni medicina expectet à solo Deo sanitatis restitutionem, vel si flumen siccò pede transire tentet &c. prout pluribus exemplis mox infra adferendis amplius patefiet.

Quæres 4tò, quale peccatum sit Tentatio Dei?

R. Nedum formalis seu expressa, sed & 559
virtualis seu implicita tentatio Dei sinè justa causa facta est peccatum mortale ex suo genere. Ità *communissimè* DD. Suarez, Sanchez, Resenstuel, Sporer, Illsung, *tr. 5. disp. 3. a. 2. n. 287.*

Ratio prioris est: quia, ut jam visum fuit, tentatio formalis & expressa procedit ex quadam incredulitate & dubitatione de divina perfectione, quam tentator sinè causa justa explorare nititur: atqui per hoc præter peccatum infidelitatis, quam tentatio formalis involvit, gravissima injuria Deo irrogatur, prout haud obscure colligi potest ex punitione Judæis, Dominum Deum tentantibus, irrogata, *Psal. 77. Unde & Deut. 6.* &

& Matth. 4. dicitur, *non tentabis Dominum Deum tuum.*

Ratio autem posterioris est : tum quia nedum formalis, sed & virtualis tentatio Dei adversatur excellentissimæ virtuti morali, scilicet Religionis; tum quia ponendo actionem aliquam, quæ ex sua natura non nisi ad explorandam aliquam perfectionem Dei referri posse videtur, irrogatur Deo gravis injuria, uti post Suarezium & alios bene notat Babenstuber *tr. 5. disp. 2. a. 5. n. 8.*

560 Dixi tamen : *ex suo genere esse peccatum mortale*; negari enim minimè potest, quia tentatio implicita saltem sæpius contingat absque peccato mortali, idque vel propter ignorantiam & simplicitatem, aut inconsiderationem; vel propter levitatem materiæ seu etiam periculi, cui tentator sese exponit, ut puta si leviter infirmatus nolit uti medicamenti congruis &c.

Quæres 5tò, quid sit Sacrilegium, & quotuplex?

561 R. ad primam partem hujus quæsit. Sacrilegium ethymologicè, id est, secundum nomenclaturam sumptum idem dicit, ac *rei sacræ legium*, id est, furtum. Reipsa autem bene describitur, quòd sit rei sacræ violatio, seu etiam indigna tractatio rei sacræ quæ talis. Dicitur autem 1. *violatio* &c. per quod Sacrilegium genericè convenit cum aliis peccatis. Dicitur 2dò, *rei sacræ*, id est, auctoritate publicâ

blicâ ad cultum Dei deputatæ, seu, etiam consecratæ &c. Additur 3tiò, *quâ talis*, &c. In ordine enim ad dignoscendam malitiam Sacrilegii oportet attendere primò ad quid persona, locus, vel etiam res sit sanctificata? 2dò, an aliquid factum sit contra illud, ad quod talis res vel persona fuit sacra: atque hinc fit, ut v. g. sacerdos, utpote consecratus Deo, nedum ad serviendum, sed etiam ad castè serviendum, &c. fornicando committat Sacrilegium, non item alteri, v. g. detrahendo, quia ad hunc finem non fuit specialiter consecratus. Similiter ager Ecclesiæ est sanctificatus & Deo dicatus quoad hoc, quòd sit exemptus ab oneribus laicorum, non item ut nullus per eum transeat, vel in eodem loco duellet: quòd rursus fit, ut si quis laicorum oneribus agrum talem aggravare contendat, Sacrilegium incidat, non item si in tali agro duellet. Videatur de hoc Matthæucci *in cautela Confess. l. 1. c. 17. §. 17. n. 123.* vel Valentia *tom. 3. disp. 6. q. 15. punct. 1.*

¶ Jam ad alteram partem ejusdem quaesiti. Sacrilegium triplex dari potest, scilicet 1. personale, 2. locale, & 3. reale. Ità omnes. Ratio hujus divisionis est facilis, nam triplex datur genus rerum sacrarum, 1. persona, 2. locus & 3. res, prout à loco & persona distincta, & hæc omnia inhonorari, seu etiam indignâ tractatione violari pos-

possunt, veluti experienciâ multiplici constat: atqui ex violatione personæ sacre Sacrilegium personale, ex violatione loci sacri locale, & demum ex violatione, seu indignâ tractatione rei sacre Sacrilegium reale committi meritò reputantur, veluti patet ex dictis: ergo &c. &c.

Quares 6tò, quot modis vel actionibus contingat Sacrilegium personale?

563 Ante responsionem notandum, nomine personæ sacre hîc intelligi omnem personam per sacram ordinationem, vel per statum Religionis, ejusvè aliquam participationem ad cultum Dei dicatam: ideoque nedum Sacerdotes aut Clerici in sacris constituti, sed & fratres laici (ab aliis conversi vocantur) nec non & Moniales, utpote per solenne votum castitatis Deo singulariter consecratæ, sub nomine personæ sacre comprehenduntur, veluti Herincx, Henno, & alii *DD. communiter* advertunt. Hôc notato

564 R. ad quæstionem. Sacrilegium personale quatuor modis potest contingere, 1. inferendo manus violentas in Clericum vel Religiosum, utputa percutiendo, mutilando, vel occidendo, aliamvè atrocem injuriam eidem inferendo contra privilegium Canonis, *si quis suadente*. 17. q. 4. 2. Personas Ecclesiasticas subjiciendo iudicio fori sæcularis, vel ad illud trahendo, contra privilegium fori c. 1. & *seqq. de foro. compet.* 3. Ab
iisdem

iisdem personis Ecclesiasticis tributa vel gabellas exigendo, contra privilegium immunitatis c. 4. X. de immunit. Ecclesiast. 4tò demum luxuriosè violando corpus personæ Deo sacratæ, vel per Ordinem sacrum, vel per votum solemne castitatis &c. sive dein hoc fiat per concubitum, sive per pollutionem, sive denique per tactus impudicos, &c. &c. Ità rursus communis DD.

Quocirca cum Filliuccio *tr.* 24. c. 9. 565
n. 228. animadvertendum existimo, hæc sacrilegia specie morali inter se differre, eò quòd præceptis formaliter diversis, id est, diversis ex motivis factis opponantur, consequenter iudex sæcularis Clericum percutiens primùm, dein violenter illum detinens seu incarcerans contra SS. Canones, non satisfaceret in confessione generaliter duntaxat dicendo, se manus violentas in Clericum injecisse, sed deberet insuper exprimere, id contigisse nedum percutiendo, verùm insuper jurisdictionem in eundum exercendo, quæ posterior injuria longè diversa est ab illa priori, propterea que diversa seu distinctâ censura solet affici ab Ecclesia.

Quæres 7timò, quot modis vel actionibus committatur Sacrilegium locale?

Ante responsionem supponendum est, 566
nomine Ecclesiæ ceu loci sacri intelligi Ecclesiam, sacellum, altare, & quemcunque locum ad Missam vel officium divinum peragendum

dum publica auctoritate deputatum, non item oratoria privata vel Eremitoria, esto fortassis celebratio Missæ in his fuerit permiffa: non enim propterea hęc gaudent privilegio immunitatis.

Porro quodad locum sacrum bene notandum est, nomine hujus in ordine ad effectum refugii seu asyli capiendi intelligi, nedum Ecclesiam cum suis capellis, sed etiam cœmeterium, sacristiam, campanile, immò & monasterium totum &c. quia hoc immunitatis privilegium loco sacro concessum est aliquid favorabile, & hęc ipso latè interpretari debet: è contra verò in ordine ad incurrendam speciem Sacrilegii nomine loci sacri intelligitur sola Ecclesia, vel Capellæ in eadem contentæ, &c. non item sacristia, vel campanile, aut monasterium: quia hæc materia velut odiosa strictè interpretari debet. De qua videri possunt Laymann *lib. 4. tr. 10. c. 7. n. 5.* Bonacina *disp. 3. q. 6. pu. un. n. 9.* August. Michel *ubi suprà appendic. 2. ff. 10. n. 5.* vel Felix Potestas *Exam. Confess. tom. 1. part. 2. c. 4. n. 554.* His notatis.

567

¶. Sacrilegium locale committi potest tribus modis. I. exercendo actum in loco sacro, per quem Ecclesia polluitur, prout fit
 1. per voluntarium & culpabilem occisionem hominis, *c. præposuisti. de consecr. Eccl.*
 2. per voluntariam & mortaliter malam effusionem humani sanguinis, *c. un. de consecr. Eccles.*

Eccles. in 6to. & 3. per culpabilem effusionem seminis humani, immò & probabilissimè per copulam conjugalem absque necessitate in loco sacro exercitam. 4. per sepulturam hominis excommunicati saltem non tolerati, & 5. per sepulturam hominis non baptizati in loco sacro, *c. consuluisti de cons. Eccl. &c. Ecclesiam. de cons. dist. 1.* De quibus videri potest D. August. Michel *Theolog. canon-mor. tom. 1. part. 2. appendic. 2. pu. 5. §. 10. n. 7. 8. & 9.*

II. Sacrilegium locale committitur exercendo in Ecclesia actum profanum, utputa 1. iudicium ferendo in causa sanguinis aut poenæ corporalis, *cap. cum Ecclesia, de immunit. Ecclesiast.* 2. exercendo ibi mercatum. *c. decet. de immunit. Eccl. in 6to.* 3. committendo furtum, sive dein auferatur res sacra de loco sacro, sive res sacra de loco non sacro, sive res non sacra in loco sacro, *c. quisquis 17. q. 4.*

III. Committitur violando immunitatem loci sacri; quod fieri censetur 1. Ecclesiam infringendo, aut bonis suis spoliando, *c. Sacrilegium. c. quisquis. 17. q. 4. & c. conquesti. de sent. excomm. 2.* fieri etiam censetur extrahendo per vim delinquentes, qui ad illam confugerunt, modò non commiserint tale delictum, quod non gaudet immunitate Ecclesiastica, vel potius jure asyli, *c. diffinivit. c. miror. 17. q. 4.* 3. fieri potest materiam di-

R. P. Elbel, Pars II. de Fide &c. Rr rutæ

rutæ Ecclesiæ convertendo ad usus profanos, *c. ligna. de consecrat. d. 1.* Videatur de his Filliuccius *tr. 24. c. 9. d. n. 235.* Felix Poestas *in Exam. Confess. tom. 1. p. 2. c. 3. n. 554. & seqq.*

Quæres 8vò, quot modis vel actionibus committi soleat Sacrilegium reale?

568

Ante responsionem rursus advertendum est, nominere i sacra intelligi rem ad cultum divinum consecratam vel publicâ auctoritate deputatam, uti sunt 1. Sacramenta Ecclesiæ, præsertim SS. Eucharistiæ, cujus violatio importet gravissimam speciem Sacrilegii. 2. Sacra vasa ad usum Sacramentorum deputata, item sacri liquores, utputa Chrysmâ, Oleum infirmorum, aqua benedicta, nec non Cruces Christi & SS. imagines, vel Reliquiæ, nec non nomina Dei, Christi & Sanctorum, item Sacra Scriptura Canonica &c. 3. Omnia, quæ ad ornatum Altarium & Ministrorum pertinent, uti sunt Pallæ, Corporalia & Paramenta Ecclesiastica, 4tò denique rebus sacris aliquò modo, licèt remotiùs & minùs propriè accensentur bona mobilia, deputata ad congruam sustentationem Ministrorum Ecclesiæ, templorum fabricam, itemque pia legata, vel alia deposita in Ecclesiis, &c. quæ licèt in rigore loquendo non sint res sacræ seu consecratæ, quia tamen publica auctoritate ad cultum divinum præ cæteris deputatæ sunt; hinc eorum

rum violatio seu indigna tractatio in jure passim appellatur sacrilegium. Videatur Suarez *l. 3. c. 6. d. n. 7. b. n.*

℞. Hoc solet committi quinque modis sequentibus. 1. abutendo Sacramentis, vel ea indignè administrando, puta in statu disgratiæ, vel scienter indigno, &c. vel aliâ ratione vilipendendo, conculcando, &c. more hæreticorum aut sagarum &c. 2. profanando vasa sacra vel ornamenta, utpote calices sacros, vel vestes consecratas &c. 3. violando seu etiam indignè tractando imagines Sanctorum. 4. abutendo Sacræ Scripturæ textibus ad errores confirmandos, uti faciunt hæretici. 5. non solvendo decimas, utpote ab Ecclesia consecratas ad cultum divinum. Vide Valentia *tom. 3. disp. 6. q. 15. pu. 1.* Sporer *tr. 2. in decalog, c. 10. d. n. 29.* vel Babenstuber *cit. art. 5. n. 16.* 569

Quæres denique 9nò, quale, vel quantum peccatum sit Sacrilegium?

℞. Sacrilegium est ex suo genere peccatum mortale. Ità omnes. Ratio est: quia secundum dicta Sacrilegium adversatur excellentissimæ virtuti morali, simulque unaquæque species habet materiam satis gravem, veluti inductione facillè potest ostendi; nam percussio Clerici, vel usus jurisdictionis à sæculari in eum usurpata, nec non violatio castitatis &c. (quæ sunt de prima specie) sunt peccata ex se mortalia. Similiter effusio 570

humani sanguinis aut seminis, itémque furtum & violatio immunitatis Ecclesiasticæ (quæ ad 2dam classē pertinent) rursus sunt peccata de se gravia. Denique indigna administratio aut receptio Sacramentorum, nec non abusus Sacrorum vasorum vel S. Scripturæ &c. graviter repugnant rectæ rationi, ut de se liquet, consequenter ex suo genere sunt peccata mortalia.

571 Dixi. *ex suo genere* &c. ut per hoc innuerem, Sacrilegium subin committi posse absque peccato mortali, idque duplici ex capite: primò ob levitatem materiæ &c. non enim quævis aut quantumcunque levis percussio Clerici, aut furtum rei Sacræ &c. juxta rectam rationem dici debet mortaliter peccaminosum. 2dò, ob inadvertentiam seu in-deliberationem; nam ubi actus de se non est plenè liberè factus, peccatum mortale non committitur, veluti diximus *in part. 1. Theolog. Decalog. Conferent. 2. n. 32. & 53.*

§. II.

Proponuntur, & breviter resolvuntur casus practici de Tentatione Dei, nec non de Sacrilegio.

CASUS PRIMUS.

Titius Zelosus Concionator cum è pulpito sapientius pro fide Catholica egregiè dixisset, quin tamen vel unum hæreticum (quorum ingens

gens numerus non raro interfuit concionibus) suis rationibus, vel argumentorum eloquentiæ, vè pondere ad fidem catholicam pertrahere potuisset, tandem (nescio quo spiritu ductus) sese obtulit ad probandam, seu etiam demonstrandam veritatem fidei catholicæ quodam miraculo, modò hæretici adpromitterent, se Religioni Catholicæ accessuros, posteaquam in huius confirmationem quoddam portentum seu miraculum coram perspexissent. Alii è contra viri prudentes dissuasere Titio similia promissa, eò quòd per hæc Deus potius tentaretur, & Religio Catholicæ periculo exponeretur &c. at ille respondit, quamplures Sanctos similia miracula à Deo postulasse & impetrasse, prout de S. Antonio Paduano legitur, similiter D. Petrum binâ vice per aquas ad Christum properasse, tametsi illud more aliorum Apostolorum potuisset facere navigio: denique & Eliseum ignem à Cælo avocasse, esto hoc non fuisset necessarium, hodie dum autem manum Dei non esse abbreviatam &c. Quid de hoc Zelo Titii?

R. Hunc Zelum ab aliis viris prudentibus meritò fuisse reprobatum velut indiscretum & immaturum. Cùm enim veritas Fidei Catholicæ hodie satis sit probata, nedum rationibus ex antiquitate, unitate, sanctitateque doctrinæ petitis; verùm insuper innumeris miraculis, quorum claritas & evidentia ipsorum etiam Adversariorum oculos fugere nunquam posset, modò ipsimet nollent

opponere pertinaciæ suæ umbraculum &c. hinc sanè minimè opus est, ut ad convincendam pertinaciam, vel ad cujuslibet placitum Deus hodie fidem nostram novis confirmet miraculis. Unde R. P. Illsung *tr. 5. disp. 3. n. 287.* narrat, alium quendam Prædicatorem Evangelicum, ut fidem Christianam populo infideli persuaderet, tentâsse eo inspicente super aquas sicco pede incedere, sed navigio liberari debuisse, ne undis hauriretur, moxque sapienter resolvit, hunc Prædicatorem Deum graviter tentâsse, & hoc ipso (nisi per Zelum non secundum scientiam exercitum excusetur) graviter peccâsse: quemadmodum enim magnam irreverentiam Principi inferret, qui Eum à sapienter decretis sinè necessitate recedere quodammodo cogeret, aut recusantem contemptui exponeret; ità gravem irreverentiam Deo irrogat, qui Deum vel ab ordine suæ providentiæ dimovere vult ad faciendum miraculum sinè necessitate, vel ipsum apud populum infidelem trahere in suspensionem alicujus impotentiae aut malevolentiae, quòd scilicet Deus vel non posset vel non vellet patrare miraculum ab altero præsumptuosè promissum in fidei contestationem.

573 Nec obstat (inquit idem Doctor) quòd etiam Sancti viri videantur nonnunquam petivisse à Deo miracula sinè necessitate; nam quotiescunque Deus scitur hujusmodi miracula

cula patrâsse, inde velut à posteriori certò colligitur, ea ex divino instinctu petita, atque à Deo ad speciales fines ordinata fuisse.

At, inquires, Christus ipse suis Prædicatoribus hanc gratiam miraculorum adpromississe legitur *Marci* 16. v. 17. sequentibus omnino verbis: *signa autem eos, qui crediderint, hæc sequentur, in nomine meo dæmonia ejicient, linguis loquentur novis &c.* quis ergo hodie dum Concionatorem Apostolicum temeritatis aut præsumptionis arguat, eò quòd in confirmationem veræ fidei novum à Deo miraculum prætendat?

R. Equidem Christum Dominum hanc 574 gratiam miraculorum adpromississe, at Apostolis seu discipulis ad promulgandum Evangelium primùm missis in exordio nascentis Ecclesiæ, quo tempore utique ad persuadendam hominibus hanc novam doctrinam Evangelicam aliunde satîs difficilem & nunquam antehac cognitam necessaria fuere miracula. At verò, posteaquam fides Evangelica per Orbem universum jam satîs fuit promulgata, & per tot sæcula innumeris miraculis luce meridianâ clarioribus confirmata, minimè sanè necessum est, ut vel ob hæreticorum aut infidelium pertinaciam convincendam, vel ob Zelum non secundùm scientiam exercitum (meliùs præsumptionem diceremus) illico nova patret miracula, veluti more suo sapientissimè animadvertit D. Georgius

hom. 29. in Evang. post initium, dicens: hæc (signa) necessaria in exordio Ecclesiæ fuerunt. Ut enim ad fidem cresceret multitudo creditum, miraculis fuerat nutrienda; quia & nos, dum arbuscula plantamus, tamdiu eis aquam infundimus, quousque ea in terra jam coaluisse videamus: & si semel radicem fixerint, irrigatio cessabit &c. Similia ex aliis refert Cornelius à Lapide in eundem locum.

CASUS SECUNDUS.

Sempronius diebus festivis Ecclesiam diligenter quidem accedit, non tamen animò honorandi Deum, sed videndi & conveniendi sponsam suam, cujus in aspectu nedum oculos impudicè pascere, morosèque delectari assolet, sed insuper sese secretò polluere in eodem loco sacro; finitis denique divinis certis quibusdam signis eandem invitare & sollicitare assuevit ad concubitus, non quidem in Ecclesia, sed in alio tertio loco complendum, quem & sponsa plerumque acceptat, nisi impossibilitas moralis vel aliæ circumstantiæ id prohibeant. Jam ad nostrum propositum quæritur. 1. an Sempronius committat speciale peccatum Sacrilegii ex eo, quòd diebus festivis, & quidem in loco sacro soleat oculos pascere, morosè delectari, ad concubitus invitare soleat &c. &c. 2. dubitatur singulariter, an non commiserit Sacrilegium, eò quod in Ecclesia sese polluerit, licet non notoriè, sed secretò?

R. ad

R. ad prius quæsitum. Sempronius pro- 575
 babiliter non commisit Sacrilegium ex eo,
 quòd diebus festivis Ecclesiam frequentave-
 rit animò non honorandi Deum, sed oculos
 pascendi, & in eodem loco invitandi seu et-
 iam sollicitandi suam sponfam. Ratio est:
 quia tempus sacrum non venit inter res sa-
 cras numerandum: esto enim in illo sacra
 fiant, tempus tamen ipsum non sacratur.
 Hinc Castropalao *tom. 1. tr. 7. disp. 2. pu. 2.*
n. 11. cum Suarezio ac Lessio rectè infert,
 omissionem Sacri, vel laborem servilem in
 die festivo exercitum, aliavè peccata mor-
 talia die festivo commissa, ratione temporis
 non induere malitiam Sacrilegii. Rursus ex
 eo, quòd (seclusò tamen contemptu & vo-
 luntate in honorandi locum sacrum) spon-
 sam suam ad concubitum alibi complendum
 invitare soleat, probabiliter non committit
 Sacrilegium, etsi P. Sporer *tr. 2. in decalog.*
c. 10. sect. 4. n. 28. in fine haud improbabiler
 dicat, similia peccata gravem continere ir-
 reverentiam contra loci sanctitatem, meri-
 tò à timoratis explicandam in confessione,
 prout revera etiam faciunt juxta dictamen
 rectæ rationis. Et certum omnino existimat
 Suarez *de Relig. tom. 1. l. 3. c. 7. n. 11.* tactus
 impudicos in partibus verendis, saltem pu-
 blicè factos vel attentatos in loco sacro, con-
 trahere circumstantiam Sacrilegii: *fortasse*
tamen (subdit idem Doctor) *non erit idem*

de turpi aspectu, aut nutu, aut levi verbo, maximè quando in transitu & sine notabili mora & scandalo fiunt; quia non videntur materia ità gravis: de quo non potest ferri certa regula, sed id prudenti judicio relinquendum est. Ità ille. Censeo proin interrogandum ex tali poenitente, an non apprehenderit specialem malitiam vel irreverentiam, ex eo, quòd in loco sacro similia practicaverit, tum verò ex responsis non erit difficile practicum ferre judicium de gravitate peccatorum, aut de circumstantia Sacrilegii.

576 R. jam ad 2dum, Sempronium commississe Sacrilegium locale toties, quoties voluntariè quantumvis secretò sese polluit in Ecclesia. Esto enim per effusionem humani seminis secretò factam locus sacer non polluitur; nihilominus actus ipse ex se indecentissimus est dignitate loci sacri, & summo opere contrarius ejusdem sanctitati, atque hoc ipso jure naturali divino (quod dictat sancta esse sanctè tractanda) censeri debet graviter prohibitus. Hac de causa Sacri Canones statuere, ut si talis effusio seminis postea publicetur, Ecclesia habeatur pro violata & profanata, quippe cujus sanctitas per talem actum fuit prostituta & contemptui exposita, donec per reconciliationem quasi jure postliminii honorem suum recuperet. Non latet me quidem, à pluribus Doctoribus teneri, hujusmodi actus impudicos non contrahere

trahere malitiam Sacrilegii, nisi fiant publicè, vel cum periculo publicationis; nihilominus cum D. Michel *cit. appendice cit.* 2. §. 10. n. 16. probabilibus iudicio, esse sacrilegos, etiam si occultè fiant in locò sacro; non enim ideò præcisè Ecclesiæ sanctitati fit injuria, quia hæc per eos profanatur aut polluitur, sed ex eo potiùs, quòd ex natura sua sint valde turpes, & ob hanc turpitudinem Sacri Canones voluèrunt, ut Ecclesia habeatur violata & profanata.

Sed quid tenendum de illis, dicet fortassis nonnemo, qui se accusant, quòd in Ecclesia durantibus divinis S. V. Flatus emiserint;

R. Eximendum illis esse hunc scrupulum, ne deinceps forsan ex conscientia erronea peccent, atque dicendum, quòd hujusmodi emissio aut exoneratio (nisi fortassis ex contemptu vel tum Scandalo audientium fieret) omni culpâ vacet, tum quia natura frequentius exigit exonerationem à flatibus, hanc proin ob causam semper exire, nimis foret onerosum; fortassis etiam officii ratio non semper permetteret: tum etiam, quia status nullam specialem turpitudinem relinquunt post se, vi cujus Ecclesia in prudenti hominum estimatione reputari deberet profanata vel prostituta. Secus dicendum foret, si quis in Ecclesia ventrem aut vesicam vellet exonerare aut vertere stomachum, more

more canum ; vel si in eadem præsumeret stabulari equos : cum enim tales actiones ex sua natura sint valde turpes , & permagnam post se relinquant foeditatem , profecto , sana ratio dicat , eas esse inconvenientissimas sanctitati Ecclesiæ , veluti ex *communiori DD.* bene docet R. D. August. Michel *l. cit.* num. 17.

CASUS TERTIUS.

Cajus certæ cujusdam Ecclesiæ custos, dum nuper post prandium insolitum quendam tumultum in eadem sua Ecclesia percepisset, quid rei esset exploraturus, deprehendit duas mulieres de proprietate seu dominio cujusdam libri precarii nedum verbis contendentes, sed & rixantes, ita ut una ab altera percussa copiosum sanguinem è naribus effuderit. Cajus rei novitate nedum obstupefactus, sed & honoris divini zelo inflammatus præ scelus ! exclamavit: heri Ecclesia mea latratibus canum, hodie rixis & incondito clamore mulierum molestatur & profanatur: discedite subito malæ bestię, & foribus Ecclesiæ exestote, secus mediante nervo bubulo viam vobis monstrabo & januam. Haud paulò post Cajus consuluit quendam Theologum interrogando I. an dictæ mulieres non commiserint grave sacrilegium, & an propter rixas, humanique sanguinis effusionem Ecclesia non sit habenda pro polluta, ita ut indigeat reconciliatione?

2dò,

2dò, an ipse Cajus non bene fecisset, mediante nervo bubulo dictas mulieres instar canum expellendo, & alteram pariter usque ad effusionem sanguinis è naribus aut dentibus percutiendo? Quid Theologus respondebit sciscitanti?

R. ad primum quæsitum. Mulieres in hoc casu procul dubio commisisse irreverentiam sacrilegam, Ecclesiam tamen propterea non censi debere pollutam, primò: quia ad hoc non sufficit quæcunque effusio sanguinis è naribus ob inflictam ab altera muliere aliunde ad iracundiam concitata alapam, esto injuriosa fuerit, probabiliter tamen non fuit, nisi venialiter peccaminosa. 2dò: quia nares sunt organum nimis promptum ad effundendum sanguinem, & hanc ob causam Felix Potestas *Exam. Confess. tom. 1. p. 2. c. 4. n. 571.* absolutè asserit, per effusionem sanguinis humani è naribus vel dentibus factam, Ecclesiam non pollui. 3tiò denique in ordine ad hoc, ut Ecclesia censeatur polluta, debet effusio sanguinis (vel seminis humani) esse notoria, nedum *notoreitati facti*, hoc est, ità, ut de eadem notabili parti communitatis constet, sed insuper, *notoreitate juris*, ità scilicet, ut super crimine commissio, & inde inducta pollutione emanaverit declaratoria judicis sententia, juxta receptam *DD. opinionem*, videndam apud Laymann *l. 5. moral. tr. 5. c. 5. n. 8.* Dianam 6. 578

part.

part. tr. 7. miscellan. resolut. 27. & part. 11. tr. 2. resolut. 59. Moyam tr. 3. de Sacr. pœnit. disp. 3. q. 4. c. 2. n. 6. & alios: atqui hæc omnia non contingere in nostro casu; ergo &c.

579

R. jam ad alterum quæsitum. Tamen si Cajus nervô bubulo dictas mulieres percussisset etiam usque ad effusionem sanguinis è naribus, probabiliter tamen ad id nec Sacri-legium incurrisset, neque Ecclesia fuisset polluta. Ratio horum facile eruitur ex dictis; quia talis percussio, utpote non malo affectu, sed potius zelô honoris divini facta non fuisset peccaminosa, neque etiam Ecclesiæ injuriosa: at hœc ipso non potuit esse Sacri-lega &c. ergo. Profectò Christus ipse legitur *Joan. 2. v. 15. fecisse quasi flagellum de funiculis, & ejecisse de templo omnes, qui volebant facere è domo Patris sui ceu domo orationis, domum negotiationis.* Cæterum an etiam conveniens fuisset, ut Cajus alteram mulierem pariter percuteret usque ad effusionem sanguinis, aliorum judicio ac discretionis relinquo, minimè verò consulo.

Sed quid dicendum, ais, casu, quo quis in Ecclesia alterum lethaliter vulnerat, aut lædit, ita tamen, ut iste non intra, sed extra Ecclesiam effundat sanguinem, vel etiam sine omni sanguinis effusione omnino vi læsionis moriatur;

580

R. In hoc casu adhuc pollui Ecclesiam. Ratio

Ratio est: quia talis occisio censetur voluntaria & injuriosa, necdum Deo vel homini occiso, sed & Ecclesiæ, utpote in qua data fuit causa mortis, non sinè gravi torto sanctitatis loci, esto sanguis humanus neque etiam extra parietes Ecclesiæ fuerit effusus. Similiter quis extra Ecclesiam positus alium in Ecclesia existentem percutiendo vel gladio aut globo trajiciendo occidat, polluta censetur Ecclesia; etsi enim in tali casu motus fiat extra, occisio tamen moraliter loquendo censetur fieri intra parietes Ecclesiæ, quemadmodum existens in uno territorio, si trajiciat aut occidat hominem in altero territorio existentem, ibidem etiam deliquisse censetur, ità, ut ratione delicti ab illius territorii judice conveniri possit, & puniri. Videatur Laymann *l. 5. tr. 5. c. 5. n. 7.* Aut Felix Potestas *l. cit. c. 4. d. n. 568.* ubi hanc materiam fusiùs tractat.

§. III.

Corollaria ex dictis inferenda.

Colliges ex hæcenus dictis primò, tentato-
ribus Dei adnumerandos esse sequentes. 581
1. qui quantumvis irreverenter orantes, nihilominus sperant, se impetraturos à Deo idem, quod alii reverenter ac devotè orantes impetrare solent; tales enim censentur vel le experiri divinam potentiam & bonitatem, an scilicet etiam irreverenter orantibus sub-
venire

venire possit aut velit, licet in hoc Doctores regulariter non agnoscant nisi culpam venialem. 2. iisdem accensendi sunt, qui non coacti iustâ causa, sed ex mera desidia negligunt studia Sacrarum Litterarum, & nihilominus prædicare vel cathedram conscendere præsumunt, convidentes temerè, Spiritum Sanctum sibi astiturum & inspiraturum omnia; quod Navarrus *c. 11. n. 80.* existimat mortaliter malum, Sanchez tamen *in decalog. l. 2. c. 34. n. 16.* cum aliis rectius asserit non esse nisi veniale peccatum, modò absit scandalum, vel aliud periculum v. g. animarum, quod ex tali negligentia vel incuria natum est pullulare. 3. tiò, etiam illi censendi sunt tentare Deum, qui paganorum more viventes, christianè tamen & piè morituros se credunt vel expectant, uti bene advertit Henno *tr. in decalog. disp. 1. q. 5. art. 1. conclus. 2. circa fin.*

582

Colliges 2dò, à peccato tentationis excusandos non esse illos, qui temerè, id est, sinè necessitate vel iusta utilitate (quales esse possent, si periclitaretur honor Dei, veritas fidei, vel salus propria, aut proximorum, &c.) sese offerunt, vel etiam exponunt periculo martyrii. Ratio est: quia tales imprudenter, & ex præsumptione seu nimia confidentia extraordinarium Dei auxilium in perferendis tormentis sibi promittunt. Insuper infidelibus vel Tyrannis præbent occasionem scandali

scandali, peccandi scilicet contra charitatem, dum eos quodammodo provocant ad martyrizandum; unde minimè dubitandum, quin propterea graviter peccent nedum peccato tentationis contra virtutem Religionis, sed etiam peccato scandali contra charitatem, tum proximo, tum etiam sibi debitam. Dum verò nonnulli Sanctorum leguntur Tyrannos quodammodo provocasse ad martyrium sibi inferendum, piè credendum est, eos id fecisse vel ex zelo fidei, vel ex speciali instinctu Spiritus Sancti, & hoc ipso non sinè justa causa. Sporer *tr. 2. in decalog. c. 10. sect. 2. n. 7.* Laymann *lib. 4. tr. 10. c. 5. n. 6.* Babenstuber *tr. 5. disp. 2. art. 5. n. 6.*

Colliges insuper 3^{tiò}, ad tentationem Dei pertinere illas purgationes à crimine ob-
jecto, quæ olim fieri solebant per ferrum candens, vel per aquam ferventem. Unde consequenter dicendum, nedum eos, qui sponte sese offerunt ad probandam tali modò innocentiam suam, sed etiam iudices, qui hujusmodi probas expetunt, vel contra personam aliquam, quæ noluit, aut non potuit sufferre talem probam, tanquam proditam & convictam de crimine procedunt, sive torturæ eam subjiendo, sive omnino ad pœnam condemnando graviter peccare, uti benè docet Laymann *lib. 4. tr. 10. c. 5. n. 5.* Ratio est: quia usus talium purgationum prorsus est temerarius & præsumptuosus: tum etiam, quia
R. P. Elbel, *Pars II. de Fide &c.* Ss iudex

judex in processu contra reos indicibus ac probationibus uti debet, quæ humano ac naturali modò deprehendi possunt: at, tales non sunt probæ mox recensitæ; cùm Deus nulloatenus teneatur personam etiam innocentem conservare illæsam ab ardore ferri candentis, seu etiam aquæ ferventis, neque horum calorem ita attemperare, ut non lædat &c. ergo.

Nec obstat, similes purgationes delictorum sæpe fuisse à Deo variis miraculis confirmatas, veluti constat de sancta Chunigunda, aliisque ex historiis videndis apud Delrium *disquis. magic. l. 4. c. 4. q. 4. sect. 3. & seqq.* id enim accidisse censendum est, in casibus, in quibus id fieri licuit ex divino instinctu, vel in quibus Deus singulariter voluit favere innocentiae putatitii delinquentis, uti post Suarezium *tom. 1. de Relig. tr. 3. l. 1. c. 3. n. 8.* rectè advertit Sanchez in *decalog. l. 2. c. 34. n. 12.*

584

Colliges 4tò, eum, qui delinquit contra votum simplex castitatis, committere quidem duplex peccatum mortale in confessione, necessariò explicandum, unum scilicet luxuriæ contra virtutem continentiae, alterum infidelitatis contra votum Deo factum, probabiliter tamen non committere peccatum Sacrilegii. Ratio est: quia per votum simplex persona non fit Sacra, nec Deo specialiter consecrata, sicuti fit per votum solenne Reli-

Religionis, vel susceptionem Ordinis Sacri, vi quorum ex ordinatione Ecclesiæ saltem censetur corpus specialiter Deo consecratum, proptereaque vi talis læsionis committeretur Sacrilegium. Quin immò Filliucius *tr.* 24. *n.* 224. probabiliter tenet, etiam per violationem voti simplicis committi Sacrilegium, eo quòd etiam per tale votum castitas fuerit Deo quodammodo dicata & consecrata.

Colliges igitò, complicem qui cum persona sive per votum solemne, sive etiam per Ordinem Sacrum Deo consecrata carnaliter peccat, semper committere Sacrilegium, esto complex ipse non sit obstrictus ne simplici quidem voto castitatis. Ità *ex communi Doctorum Laymann cit. l. 4. tr. 10. c. 7. n. 3.* Ratio est: quia talis complex cooperatur saltem ad violandam rem Sacram, corpus scilicet alterius: ergo quemadmodum solutus peccando cum conjugata, committit verum adulterium, esto ipse ligatus non sit, ità etiam talis complex committit verum Sacrilegium.

Colliges igitò, Novitium qui nec votum emisit, neque etiam Ordinem Sacrum suscipit &c. non committere peccatum Sacrilegii peccando contra castitatem, sive deinceps, sive cum alia persona non sacra peccet; & hoc ipsò non teneri ad exprimendam in Confessione circumstantiam Novitiatus. Ratio est: quia in tali casu non violatur persona

sacra, velut hæcenus dicta consideranti patebit: ubi autem non intervenit violatio rei sacræ, ibi Sacrilegium non committitur: ergo &c. Vid. Tambur. in *Methodo expedit. Confess. l. 2. c. 7. §. 5. n. 33.* aut Filliucius *cit. tr. 24. n. 233. & 234.*

587

Colliges 7^{mo}, Eos, qui in loco sacro vel è loco sacro rem non sacram, neque etiam in custodiam Ecclesiæ specialiter depositam furando surripiunt, utputa succidendo marsupium, aut clependo horologium saccale (uti vocant) probabilius committere verum Sacrilegium. Ità sanè *communis* & probabilior sententia, quam sequuntur Valentia *tom. 3. disp. 6. q. 15. pu. 1.* Filliuc. *cit. c. 9. n. 234.* Bonacina *tom. 2. disp. 3. q. 6. pu. un. n. 17.* August. Michel *ubi supra n. 20.* Pontas in *dictionario Casuum V. Verb. Sacrilegium, Cas. I.* Ratio est: quia hòc modo vera infertur injuria sanctitati loci, dum ità profanatur, ut homines securè non amplius ibi valeant vacare divinis, sed potius cogantur invigilare atque intendere marsupio aut horologio, quàm divinis, prout in magnis concursibus, ubi devotioni plurimum vacandum esset, non rarò fieri assolet, non sinè detrimento honoris divini; quandoquidem multi propter hunc timorem à cultu divino retrahi, aut meritò absterri possint vel soleant. Unde etiam *can. quisquis. 21. C. 17. q. 4.* simpliciter dicitur: *Sacrilegium committi-*

*mittitur auferendo sacrum de sacro vel NB.
non sacrum de sacro, sive sacrum de non sacro.*

Colliges denique 8tavò, Peccatum Sa- 588
crilegii nedum committendo, sed etiam omittendo posse incurri, tametsi pluries committendo, quàm omittendo incurratur. Ratio hujus est: quia etiam per culpabilem omissionem res sacræ possunt violari seu indignè tractari, utputa si fons baptismalis non servetur immunis à sordibus, si vasa sacra vel instrumenta ad Sacrificium necessaria non purgentur aut laventur, vel quod adhuc pejus, si Ciborium non purgetur, ita ut particulæ vel hostiæ consecratæ permittantur corrodi à vermibus &c. vel ità corrumpi, ut decènter non ampliùs possint administrari communicaturis &c. De quibus meritò dicitur *cap. 2. de custod. Eucharistiæ: Sunt & alii, qui non solum Ecclesias dimittunt inculatas, verùm etiam vasa ministerii, & vestimenta Ministrorum, ac pallos altaris, nec non ipsa corporalia tam immunda relinquunt, quòd interdum aliquibus sint horrore.* Videatur Laymann *l. 4. tr. 10. c. 7. n. 14.* vel Illung *tr. 5. disp. 3. n. 300.*



CONFERENTIA DECIMA NONA.

De Simonia.

S s 3.

SUM-

S U M M A R I U M.

589. Simonia est studiosa voluntas emendi aliquid spirituale &c.
590. Ad hanc tria necessariò debent concurrere.
591. Pretium simoniacum (alio nomine *munus* dicitur) est triplex, scilicet 1. munus à manu. 2. à lingua, & 3. ab obsequio.
592. Simonia triplex est, scilicet. 1. mentalis. 2. conventionalis, & 3. realis.
593. Rursus alia dicitur contra jus naturale, & divinum, alia contra jus humanum duntaxat.
594. Simonia ex suo genere est mortaliter peccaminosa, nonnunquam per accidens tantum fit veniale peccatum.
595. Simoniam committit, quisquis pro bono spirituali dat temporale per modum pretii, vel per modum motivi in ordine ad impetrandum illud.
596. Aut per modum gratuitæ compensationis prius in pactum deductæ &c.
597. Nunquam fas est pro re spirituali exigere vel acceptare bonum temporale per modum pretii &c. bene tamen per modum stipendii vel sustentationis &c.
598. Bonum temporale tripliciter potest esse annexum bono spirituali, scilicet 1. antedenter, 2. concomitanter, & 3. subsequenter.
599. Pro re temporalis quæ connexa spirituali, nunquam fas est aliquid temporale accipere &c.
600. Nihilominus res benedictas v. g. calicem, rosaria &c. merè materialiter sumptas, scilicet pro materia aut forma artificiali licet vendere &c.
601. Solvitur quædam instantia contra hanc resolutionem.
602. & 603. An vel qualiter licet Monasterio aliquid exigere vel acceptare à Novitio aut Novitia professura?
604. An summus Pontifex, & quinam alii incurrere possint labem Simonie?
605. Resolvitur Casus I. de quodam Capellano, qui intuitu

- intuitu ulterioris promotionis ad beneficium Ecclesiasticum multis annis extitit à Servitiis cujusdam Comitris.
606. Alius quidam pro eodem beneficio supplicans promiserat, se fore gratum illò obtento.
607. Alii Comitissæ promiserunt auri pondus pro intercessione.
608. Qui propterea probabilius inciderunt crimen Simonie.
609. Resolvitur Casus II. de aliquo quodam Clerico aspirante ad quoddam beneficium, & pecuniis corrumpente alium corrivalem, quatenus hâc vice abstineret à supplicando ;
610. Simulque adpromittente, se ad proximam vacaturam pro eodem laboraturum :
611. Insuper cum patrono seu Collatore ejusdem beneficii spondendo certavit centum dugatis, se hâc vice non minusquàm aliis præteritum iri.
612. Resolvitur Casus III. de alio Clerico, qui ob recommendationem & præces cujusdam Domicellæ obtinuit insignem Parochiam.
613. Quot modis fieri possit vexatio in ordine ad impediendum aliquem à beneficio Ecclesiastico ?
614. Fas est, injustam vexam pecuniis redimere ab eo, qui quidem obesse, non item prodesse potest ad idem beneficium :
615. Probabilius tamen ante beneficium obtentum non licet redimere ab illo, qui nedum obesse, sed & prodesse potest.
616. Bene verò licet se redimere à quocunque demum injusto vexatore postplenum jus adeptum semel in beneficium.
617. Ad bene discernendum an Simonia præsertim mentalis fuerit commissa, oportet gnauiter advertere, quò animo aut fine temporale bonum fuerit oblatum v. g. Collatori &c.
618. Clerici sub mera spe promotionis sua obsequia deferentes aut exhibentes non incurrunt labem Simonie.

619. Neque illi, qui ex pura & pia gratitudine aliquid temporale pro spirituali offerunt, præsertim post obtentum jam beneficium.
620. Insuper absquè nota simoniæ exigere potest salarium pro doctrina Theologica, vel pro responso morali.
622. In Electionibus ad officia & dignitates Ecclesiasticas potest committi Simonia etiam à Religiosis & Canonicis.
623. Idque probabilius, tametsi unus alteri fidè aliquod promittat v. g. pro suffragio sibi conferendo &c.

§. I.

Præmittuntur, & breviter resolvuntur quæsitæ, scitu necessaria ad debite resolvendos casus practicos de Simonia.

Quæres primò, quid sit Simonia, & quotuplex pretium simoniacum?

589

R. Ad primam partem hujus quæsitæ. Simonia à *Simone Mago* (qui oblatis pecuniis voluit ab Apostolis emere potestatem conferendi Spiritum sanctum *Act. 8. c.*) sic dicta, rectè describitur, quòd sit studiosa voluntas emendi vel vendendi aliquid Spirituale vel Spiritualis annexum, pretiò temporali. Ità communiter DD. Dicitur 1. *studiosa voluntas*; id est, actus deliberatus voluntatis; tum quia Simonia velut grave peccatum deliberationem exigit; tum etiam, quia Simonia in sola voluntate interna præcipuè potest consistere, veluti constabit ex
proxi-

proximè dicendis. Dicitur 2dò, *emendi vel vendendi*; quæ particulæ juxta S. Thomam 2. 2. q. 100. art. 1. ad 5. accipiendæ sunt latius, id est, pro omni contractu & pacto oneroso, quò datur pretium temporale, vel aliquid pretio æstimabile pro Spirituali, sive dein id fiat per veram emptionem aut venditionem, sive per aliquam permutationem vel alium quemvis contractum onerosum. Dicitur 3tò, *aliquid Spirituale*; id est, supernaturale, seu ex natura sua ordinatum ad salutem animæ & finem supernaturalem, sive dein sit tale per essentiam, uti sunt gratia sanctificans, & alia dona Spiritûs sancti; sive sit tale causaliter, uti sunt Sacramenta causantia gratiam, sive denique sit tale per effectum, uti sunt actus ordinum & officiorum Ecclesiasticorum. Dicitur 4tò vel *Spirituali annexum*, sive antecedenter, sive concomitanter, sive etiam consequenter veluti n. 598. ampliùs declarabitur. Additur tandem 5tò, *pretiò temporali*; quo nomine hic intelligitur non solum omnis pecunia, sed etiam, omne illud, quod est pecuniâ æstimabile; simulque innuitur malitia Simonie, in eo consistens, quòd contra omnem reverentiam & virtutem Religionis res Spiritualis comparetur rei temporali, perinde, ac si tam vilis esset, ut rei terrenæ pretio æstimari vel æquiparari posset.

Ex qua explicatione liquet, nî fallor, ad 590

Simoniam propriè talem tria debere concurrere 1. *materia*, quæ sit res Spiritualis vel Spirituali annexa, 2. *pretium temporale*, vel aliquid pretio æstimabile comparatum vel commensuratum rei spirituali quâ tali; ubi enim datur Spirituale pro Spirituali v. g. Calix pro Calice, Reliquiæ pro Reliquiis &c. propriè non committitur Simonia, licèt talis commutatio circa beneficia Ecclesiastica sinè auctoritate legitima facta vel facienda, jure humano graviter sit prohibita velut obnoxia Simonjæ &c. 3. Necessum est, ut ad veram Simoniam interveniat *factum* sive explicitum, sive implicitum saltem, seu tale, vi cujus unus intendit alterum sibi reddere obstrictum seu obligatum ad dandum Spirituale pro temporali, aut vicissim.

591 R. jam 2dò ad 2dum membrum ejusdem quæsti. Pretium Simoniacum (quod alio nomine in jure Canonico *cap. sunt nonnulli* 1. q. 1. & *can. Salvator* 1. q. 3. vocari solet *munus*, non quidem prout ly munus idem significat, quod donum gratuitum, sed prout importat debitum ex obligatione) pretium, inquam, hoc simoniacum seu munus triplex est, scilicet 1. *munus à manu*. 2. *munus à lingua* & 3. *munus ab obsequio*. Per munus à manu intelligitur pecunia, & quidquid pretiò æstimatur ab hominibus, puta vestis, animalia, artefacta &c. *c. totum* 1. q. 3. Per manus à lingua

lingua intelliguntur laudes, intercessionones
vel recommendationes v. g. apud Principem
vel populum ex pacto interponendæ pro eo,
vel amicis ejus, qui beneficium, vel rem
spiritualem cuiquam contulit, aut conferre
intendit. Denique per munus ab obsequio
intelliguntur servitia seu obsequia tempora-
lia cuiquam præstita vel præstanda sub condi-
tione vel cum pacto beneficii Ecclesiastici sibi
conferendi, aut vice versa &c. Ità *commu-
nis Doctorum* apud Henno & alios.

Quæres 2dò, quotuplex sit Simonia, &
quale peccatum sit?

R. ad primum membrum hujus quæstioni, 592
Simonia ut sic est triplex: alia dicitur *menta-
lis*, alia *conventionalis* (ad quam reduci so-
let *confidentialis*) alia denique *realis*. *Si-
monia mentalis* juxta Laymann, Pichler, la
Croix & alios, non sumitur hic pro mero
actu interno, quò quis intendit committere
Simoniam (esto etiam talis voluntas possit
suò modo dici Simonia mentalis, sicut vo-
luntas adulterandi dicitur adulterium menta-
le) sed committitur tunc, dum quis re ipsa
dat aliquid temporale pro spiritali (vel vi-
cissim) absque eo tamen, quòd exterius
manifestet, se per hoc velle alterum obliga-
re, licet à parte rei habeat animum alterum
obligandi aut permovendi ad conferendum
sibi aliquid spirituale: & ab hac intentione in-
mente retenta datio illa exterior appellari so-
let

let Simonia mentalis : ad quam secundum Pichler & alios sufficit pactum inchoatum ex parte unius, nec requiritur completum vel acceptatum ex parte alterius ; secus enim Simon Magus dici non posset commisisse Simoniam.

Simonia conventionalis est ; quæ fit conventionem expressa vel saltem tacita , dandi scilicet spirituale pro temporali aut vicissim , & hæc quamdiu id , quod promissum fuit , nec ab una , neque etiam ab altera parte fuit præstitum , dicitur Simonia merè & purè conventionalis , si verò ex alterutra parte tantum fuit præstitum , dicitur Simonia conventionalis *mixta* , scilicet ex conventionali & reali ; nam *Realis* appellatur , quæ suppositâ conventionem seu pacto per mutuam traditionem , rei scilicet spiritualis pro temporali , fuit consummata. Ultrà has tres species communiter à Doctoribus recensetur *Simonia confidentialis* , quæ committitur circa beneficia Ecclesiastica , dum scilicet unus beneficium Ecclesiasticum alteri procurat , sive eligendo , sive præsentando , aut resignando , sed ex *confidentia* , id est , pacto vel expresso , vel saltem tacito , ut alter vicissim illud beneficium procuratori aut tertio cuiquam resignet , vel certam pensionem ex eodem beneficio præstet. Verùm hæc species commodè reduci potest ad illas tres mox recensitas ; vel enim talis procuratio fit cum solo animo con-

fiden-

fidentia &c. & dici potest Simonia mentalis, vel fit cum pacto, quidem, sed ab una parte duntaxat adimpleto, & dicitur Simonia conventionalis: vel denique facta supponitur cum pacto ex parte utriusque jamjam adimpleto; & dicitur Simonia confidentialis realis, uti bene advertit Henno *tr. in decalog. disp. 1. q. 5. art. 3. §. 2. concl. 2.*

Porro Simonia ut sic solet communissimè 593
dividi in eam, quæ est *contra jus naturale & divinum*, & in illam, quæ est *contra jus humanum duntaxat*. Prior incurritur, dum res purè spiritualis pretiò temporali emitur aut venditur: & hæc velut intrinsecè mala nullam prorsus admittit dispensationem, neque ullâ consuetudine contraria reddi potest licita.

Posterior committitur, quando non datur quidem temporale pro spirituali, aut vicissim, sed dum res una spiritualis vel huic annexa commutatur sinè autoritate legitima cum alia spirituali, v. g. beneficium cum beneficio: vel res temporalis quidem, specialiter tamen ex motivo & virtute Religionis vendi prohibita ab Ecclesia datur pro temporali, ut si officium Ecclesiasticum extrinsecè duntaxat ad res sacras ordinatum, ut puta Sacristæ, Thesaurarii, Oeconomi, Advocati Ecclesiæ &c. vendatur pro pecuniis &c. aliæ plures species hujus Simonia contra jus humanum possunt videri apud Baben-
stuber

stuber *tr. 5. disp. 2. art. 5. n. 38.* Herincx & alios.

594 R. Jam ad alteram partem ejusdem quaesiti. Simonia ex suo genere est peccatum mortale, ita ut ob parvitatem materiae praecise nunquam possit fieri veniale tantum. Ratio prioris (cui Doctores communissime subscribunt) colligitur tum ex illo *Act. 8.* ubi D. Petrus Simoni Mago dixisse fertur: *pecunia tua tecum sit in perditionem.* Unde & Sacri Canones passim graviter invehuntur in hoc vitium, dum illud appellant *exécrabile vitium, piaculare flagitium, turpissimum lucrum, simoniacam pestem, haeresin* &c. uti videre licet ex c. *Reperiuntur.* &c. *Quicumque ac seqq. 1. q. 1.* item c. *Patet. 1. q. 7.* &c. *Per tuas de Simonia.* & alibi. Ex quibus verbis quisque prudentum facile colliget gravitatem hujus delicti. Ratio autem posterioris (quam contra nonnullos tenent Sylvius, Henno *cit. q. 5. art. 3. ff. 1. conclus. 2.*) inde deducitur; nam levitas materiae in hoc vicio peti non potest ex parte pretii; quod enim vilius pretium datur, eo magis vilipenditur res spiritualis, & irreverentiae culpa aggravatur. Neque etiam peti valet ex parte rei sacrae seu spiritualis; haec enim, quantumvis modica, supponitur verè spiritualis, & hoc ipsò toto genere superior quavis te profana seu temporali: at hoc ipsò fit ei gravis injuria, dum pro re temporali distrahitur: ergo &c.

go &c. Atque hinc rectè infert Henno *loc. cit. in fin.* eos graviter peccare, qui Agnus Dei, Scapularia, Chordas, panem & alia ejusmodi benedicta carius vendunt propter benedictionem.

Quæres 3^{tiò}, an condemnandus sit Simoniæ, qui dat aliquid temporale ex motivo quidem obtinendi spirituale (aut vice versa) at finè obligatione interveniente?

R. Quisquis alteri dat temporale quodcunque, sive per modum motivi, quò scilicet alterum movere vult, ut hujus intuitu sibi retribuatur spirituale quid; sive per modum finis, aut pretii, modò detur animò alterum obligandi ad conferendum sibi aliquid spirituale, verè committit Simoniam. Ità hodie *communissimè DD.* Henno *loc. cit. ff. 3. conclus. un. la Croix lib. 3. p. 1. n. 73. Babenstuber tr. 5. disp. 2. art. 5. n. 33. Pichler in Compend. Jur. Can. l. 5. tit. 3. n. 11. & 12. Cardenas & Viva ad proposit. 45. & 46. ab Innocent. XI. damnatas*: idque liquet ex tenore propositionum, quarum prior num. 45. ità sonat: *Dare temporale pro spirituali non est Simonia, quando temporale non datur tanquam pretium, sed duntaxat tanquam motivum conferendi, vel efficiendi spirituale, vel etiam quando temporale fit solum gratuita compensatio pro spirituali, aut e contra.*

Posterior num. 46. ità habet: *Et id quoque*

que locum habet, etiamsi temporale sit principale motivum dandi spirituale; immo etiamsi sit finis ipsius rei spiritualis, sic, ut illud pluris æstimetur, quàm res spiritualis. Ratio verò est: quia temporale aliquid dare ut motivum conferendi aut obtinendi spirituale, involvit pactum vel inchoatum, vel virtuale & tacitum, quò alter ad dandum spirituale obligetur. Similiter dare temporale ut finem rei spiritualis, est virtualiter saltem pacisci, & intendere temporale tanquam pretium, æquè vel pluris æstimatum, quàm spirituale: quod procul dubio culpâ turpissimæ Simonix, & gravis erga res divinas injuriæ non vacat.

Sed quid, ais, si temporale detur duntaxat per modum gratuitæ compensationis, eritnè Simonia?

596

R. Si hæc obligatio dandi temporale deducatur in pactum onerosum sub quocunque demum prætextu v. g. hoc aut simili modo: *si mihi contuleris hoc beneficium, obligo me ad dandos tibi ex gratitudine 100. aureos: aut dabo tibi liberaliter, amicitix causâ &c. beneficium, si te obliges ad dandos mihi liberaliter vel amicitix causâ 100. aureos.* Vel si quis dicat: *obligo me ad dandos 100. dugatos, non velut pretium, sed veluti motivum, ut hanc gratiam mihi recompenses, conferendo beneficium Ecclesiasticum. &c. &c.* in his inquam & similibus casibus revera committitur Simonia. Ità Suarez, Laymann, Illsung tr. 5. disp. 3.

disp. 3. num. 303. Viva ubi *suprà* n. 2. la Croix l. 3. p. 1. n. 70. Ratio est: quia tametsi hujusmodi contractus dicantur, vel potius simulentur fieri ex sola gratitudine vel liberalitate aut amicitia &c. exercitè tamen & in rei veritate vi horum imponitur obligatio nova ad aliquid determinatè præstandum, & quidem distincta à debito gratitudinis, utpote quæ ex se nunquam obligat ad aliquid determinatum. Quò fit, ut talis conventio vel donatio non sit merè liberalis vel gratuita, sed potius lusus & abusus terminorum, quò vitium Simonix palliatur: quemadmodum si diceret Titio: *Dono tibi Equum sub conditione, si mibi vicissim ex gratitudine, amicitia causa, vel liberalitate velis donare 100. florenos*, revera non donares, sed venderes Equum. Ex quo liquet, quàm meritò Innocentius XI. damnaverit propositionem illam n. 45. proximè recensitam in terminis.

Quæres 4to, an ergo nunquam fas sit pro spiritali aliquid temporale recipere, aut exigere?

R. 1. Nunquam fas est aliquid recipere aut exigere per modum pretii, motivi aut debiti pro ipso bono spiritali; bene tamen 2. intuitu cujusdam boni spiritalis præstiti aut præstandi v. g. administrandi Sacramenti &c. licet aliquid recipere aut exigere, velut stipendium ad honestam & congruam sustentationem necessarium. Ratio prioris jam constat

R. P. Elbel, Pars II. de Fide &c.

T t ex

ex dictis n. 595. & 596. Ratio autem posterioris desumitur tum ex Scriptura Sacra 1. Cor. 9. ubi habetur: *Qui in Sacrario operantur, quæ de Sacrario sunt, edunt, & qui altari deserviunt, cum altari participant;* tum ex universali praxi Ecclesiæ, tum denique ex ratione: quemadmodum enim nemo tenetur stipendiis suis militare, ita nec stipendiis suis sese sustentare, & totum sese quasi impendere in obsequium alterius. Et his rationibus vel hoc titulô Pastores pro administratione Sacramentorum, pro exequiis, celebratione Missarum &c. Item Canonici pro præsentia in Choro, aliisque officiis divinis. Necnon Religiosi pro suis orationibus temporalia accipiunt, non velut pretium rei spiritualis, sed velut stipendium sustentationi (quam quivis pro suo labore exigere potest, etsi aliunde habeat, quô se sustentare posset) necessarium. Videantur de hoc Pichler *ubi suprà* n. 4. Reiffenstuel l. 5. decret. tit. 3. §. 10. n. 186. vel Henno *in decalog. disp.* 1. q. 5. art. 3. ff. 5. per totum.

Quæres 5tò, an nunquam liceat aliquid exigere vel recipere pro te temporali, annexa tamen rei spirituali?

598 Ante responsionem notandum hic venit, triplici modo aliquid de se temporale posse annecti rei spirituali. 1. *antecedenter*, 2. *concomitanter*, & 3. *consequenter*. Antecedenter connexa dicitur, quando res temporalis præ-

præsupponitur & ordinatur ad aliquid spirituale: hoc modò Ecclesiæ, calices, patenæ, aliæque vasa sacra & paramenta Ecclesiastica ordinantur ad rem divinam peragendam, item Rosaria ad preces, jus præsentandi vel eligendi &c. ad beneficia & dignitates Ecclesiasticas &c. Concomitanter connexæ dicuntur, quæ ex intrinseca exigentia vel necessitate concurrere debent ad rem spirituales, ut labor corporis, & omnis actio, sinè qua functio sacra spiritualis exerceri non valet, veluti est ablutio ad baptismum, consecratio seu oblatio ad SS. Missæ Sacrificium &c. Consequenter tandem connexa appellantur, quando aliquid temporale, velut effectus præsupponit causam spirituales: hòc modo decimæ & beneficia Ecclesiastica, vel potius jus decimandi & fructus temporales percipiendi de se sunt aliquid temporale: quia tamen supponunt officium spirituale (nam beneficium & fructus dantur propter officium) hinc dicuntur rei spirituali (officio scilicet) consequenter annexa. His benè perceptis & notatis.

R. ad quæsitum. Non licet aliquid exigere aut recipere pro re temporali, rei spirituali annexa concomitanter vel consequenter, quamdiu hæc connexio manet: immò verò ne quidem pro re antecederenter connexa licet aliquid accipere, si res temporalis cum spirituali in concreto sumatur, id est, ut

connexa cum spirituali. Ità ex *communī DD.* tradit R. P. Pichler in *Compend. Juris Can. lib. 5. tit. 3. n. 5.*

Ratio est : quia quæ concomitanter vel consequenter connexa sunt rei spirituali, censentur res spirituales vel spiritualizatæ : immò & antecederenter connexa in concreto & in sensu composito sumpta, pertinent ad ordinem supernaturalem, proptereaque appellari solent *Sacramentalia permanentia* : atqui pro re spirituali nequaquam fas est recipere aliquid temporale per modum pretii æquivalentis : ergo &c. Hac de causa *Can. si quis objecerit. 7. caus. 1. q. 3.* dicitur *quisquis horum alterum vendit, sine quo nec alterum provenit* (ut est Ecclesia, vel jus decimandi &c.) *neutrum invenditum relinquit*, móxque subditur : *nullus ergo emat Ecclesiam, vel præbendam, vel aliquid Ecclesiasticum.* Qui etiam jus Civile *Instit. §. 8. & l. 6. §. 2. ff. de Rev. divis. item l. 83. §. 6. ff. de V. O.* Res sacras extra humanum commercium ponit. Dixitamen, *nefas esse pro re antecederenter connexa in concreto, seu in sensu composito sumpta, &c. aliquid temporale exigere aut recipere &c.* Unde

600 R. jam ad idem quæsitum 2dò. Res temporales antecederenter connexæ cuidam rei spirituali, id est, res consecratæ vel benedictæ in abstracto sumptæ, præcisè quoad materiam vel formam artificiosam, quam habuerunt

runt ante omnem consecrationem vel benedictionem, licitè vendi possunt, modò propter ipsam benedictionem, consecrationem vel ordinem, quem habent ad rem spiritua-lem, pretium non augeatur. Ità cum S. Tho-
ma 2. 2. q. 100. art. 4. Suarezio & *communi Theolog. ac Recent. Canon.* P. Pichler in *Compend. J. C. l. 5. tit. 3. n. 6.* Ratio est : quia antecedenter connexa de se habent valorem intrinsecum pretiò æstimabilem quantum ad materiam & formam, quem valorem non amittunt ex eo, quòd consecrentur : neque etiam iste valor intrinsecus ità connexus est consecrationi, quin in morali hominum ex-
stimatione possit separari, ità, ut pretium non postuletur, neque etiam detur pro consecratione vel benedictione : Unde etiam continuâ praxi ac consuetudine, à nemine quantum scio improbata, passim videmus, numismata, imagines cereas, & rosaria benedicta vendi, nempe secundum materiam, labore, cura, periculo itineris &c. sinè quibus comparari vel asportari non potuissent, in pretium computatis &c. Et certè contra-
rium nulli persuadebitur pro praxi, eò præsertim, quòd hæc praxis ab Ecclesia nunquam legatur reprobata.

Dices : Res temporales spiritualibus con-
sequenter annexæ, uti sunt jus decimandi &c. vendi non possunt sinè nota Simonix : er-
go neque res antecedenter annexæ.

601 R. *Neg. conseq. & paritatem*: res enim *consequenter connexæ* cum spiritualibus, v. g. beneficium Ecclesiasticum seu jus decimandi connexum officio &c. non supponunt aliquid pretiò æstimabile, sicuti supponunt eæ, quæ sunt *antecedenter connexæ*: Rursus ea, quæ spiritualibus consequenter sunt annexa, ipsis connectuntur, veluti quid accessorium principali, unde etiam auctoritate hominis privati talis connexio tolli non valet: è contra in antecedenter annexis temporale præsupponitur tanquam principale & pretiò æstimabile, cui spirituale connectitur, velut quid accessorium, & in morali hominum existimatione, quotidiana praxi confirmata, separabile.

Quæres 6tò, an absque nota Simonix possit à Novitio vel Candidato aliquid postulari pro ingressu in Religionem?

602 R. Pro ipso ingressu in Religionem, id est, pro admissione in novitiatum, aut ad professionem religiosam absque Simonia nihil potest prætendi: nihilominus potest Monasterium quantumvis dives recipere id, quod à Novitio ejusvè Parentibus gratis sibi offertur: immò quodvis Monasterium, præsertim inops, absque Simonix nota potest aliquid temporale prætendere ab ingressuro titulò sustentationis, vel legitimæ, vel titulò dotis respectu Novitiæ. Ratio prioris ab omnibus recepti est: quia ingressus in Novitia-

tium ordinatur ad aliquid supernaturale, scilicet ad professionem ipsam, & ad servitium Deo exhibendum, &c. atqui pro re spiritali & supernaturali nil potest prætendi absque nota Simonix: ergo &c. Ratio autem posterioris est: quia onus sustentandi personam Religiosam, eidemque de omnibus necessariis providendi, est aliquid temporale, non spirituale, quemadmodum onus sustentandi uxorem vel liberos in matrimonio: ergo si pro hoc onere de jure potest prætendi dos vel legitima, &c. à sponsa; poterit pariter prætendi à Monasterio, præsertim inope vel non adeò divite, ut Novitius aut Novitia, ceu sponsa Christi, eandem conferat, &c. Ità cum Navarro, Sanchezio, Castropalao, & aliis, Babenstuber *tr. 5. disp. 2. art. 5. n. 34.* Salmanticenses *tom. 4. tr. 19. c. 2. pu. 4. n. 53.*

Dixi: à Monasterio, *præsertim inope*, 603
prætendi posse &c. Communiter enim advertunt Doctores, quòd, tametsi in similibus casibus à Monasterio etiam bene fundatis fortassis juxta probabiliorem sententiam evitetur labes Simonix; nihilominus nonnunquam, & fortassis sæpius, quàm par est, à Monasteriis bene fundatis contrahatur turpis avaritiæ labes, si adeò sordidè inhient temporalibus, & ab ingressuris tam sollicitè amplas paciscantur dotes, magis attendentes ad pecunias, quàm ad habilitatem personarum,

immo pauperes, quantumvis talentis ac moribus bonis ditatos, omninò excludentes, eò quòd *dativò* careant, aut non videantur vocati, aut vocatæ ad Religionem Spiritu *Columbæ*, cujus *pennæ deargentatæ*, & *posteriora dorsî Ejus in pallore auri*. Videatur de hoc D. Bonaventura in *Apologia contra eos, qui Ordini Minorum adversantur. q. 18.*

Quæres 7timò, an etiam summus Pontifex, & quinam alii incurrere possint Simoniaæ turpissimam labem?

604 R. Summus Pontifex potest incurrere labem Simoniaæ contra jus naturale & divinum, non item contra jus humanum. Ratio hujus est: quia etiam Summus Pontifex subest legi naturali ac divino: ergo in has potest impingere. Juri autem humano seu Pontificio ceu Legislator non stringitur quoad vim directivam, nisi indirectè, veluti diximus in *tract. prælim. Conf. 13. n. 352.* ergo Simoniam juri humano præcisè adversantem non contrahit, esto etiam quoad hoc possit esse scandalum, præsertim pusillis. Cæterùm alii Prælati Summo Pontifice inferiores, utputa, Cardinales, Patriarchæ, Archi Episcopi & Episcopi possunt incurrere labem Simoniaæ, nedum contra jus naturale & divinum, sed etiam contra jus humanum, utpote cui pariter substant obligati secundùm dicta *loc. cit. n. 355.* Et ratio est: quia hi vel maximè possunt dare & accipere spiritualia: ex altera verò parte non

non vacant passionibus & affectibus sinistris, quibus appeti solet pretium Simoniacum, proindéque nedum labem Simoniae possunt incurrere, verum etiam pœnas contra Simoniacos statutas jure humano, uti benè advertit Filliucius *tr.* 45, c. 12. n. 1. & 6.

§. II.

Proponuntur & breviter resolvuntur Casus practici circa Simoniam.

CASUS PRIMUS.

Titius Presbyter cuidam Comiti multis annis exstitit à servitiis sub spe assequendæ quondam promotionis: dum verò nuper vacasset quædam pinguis Parochia, lucrandum sibi existimavit animum Comitissæ prius, quàm lucraretur beneficium anbelatum: accessit proin, Eandem allegatis servitiis, meritisque suis jam à longo tempore collectis, humiliter rogando, dignaretur apud Comitem (cui jus præsentandi competiit) intercedere, quatenus se potius (Titium scilicet) quàm alium vellet præsentare. Comitissa auri cupida illico respondit: Michare domine, jam plures sese insinuarunt apud me, è quibus unus promisit, se fore perpetuò gratum, alter centum taleros, tertius omnino centum dugatos mibi spopondit: talium supplicationes velut magis ponderosæ tam facile sperni non possunt nec debent. Cui Titius: jam video, agebat, quòd sinè auri ponderenec supplica quidquàm valeat, neque merita: ergo & ego

T t 5

pro

pro intercessione spondeo centum dugatos: procul dubio hi conjuncti meis meritis & obsequiis tanto tempore fideliter præstitis præponderabunt. Jam ad hanc speciem facti dubitare licet 1. an Titius sine nota Simonia potuerit servire Comiti, sub spe obtinendi ab eo aliquod beneficium, & in hunc finem postea suæ merita allegare? 2. An ille, qui promissit, se perpetuo gratum fore non incurrerit Simoniam? 3. An Titius & reliqui duo promittendo Comitissæ pro intercessione argenti vel auri pondus non inciderint vitium Simonia?

605

R. ad primum quæsitum hujus casus. Titius nullam commisit Simoniam ex eo, quod præcisè sub spe (ut fertur in casu) servivit Comiti. Ratio est, quia in hoc nullum intervenit pactum dandi vel obtinendi spirituale pro temporali; nam spes nullum prorsus tribuit jus, immò sæpius quàm forsitan par est, solet tales confundere. Neque etiam ex eo arguendus est alicujus Simonia, quod supplicando sua allegaverit merita; conveniens quippe est, ut ad beneficia Ecclesiastica præsententur & promoveantur illi, qui sunt magis digni: atqui merita præsertim spiritualia vel obsequia, quæ Titius tanto tempore Comiti præstitisse dicitur, eundem, cæteris saltem paribus, reddidère magis dignum: ergo hæc potuit justè allegare; id, quod & praxis receptissima confirmat, præ-

præsertim in concursibus, in quibus major dignitas non ex sola doctrina, sed & ex aliis etiam meritis in cura animarum collectis, solet attendi. Videatur de hoc Schmalzgrueber *lic. 5. tit. 3. n. 53. & seqq.* Reiffenstuel eodem *tit. à n. 89. & 105.* vel Pontas in *dictionary casuum v. Simonia, casu 11.*

¶ ad 2dum, illum, qui promisit se perpetuò fore gratum pro intercessione, vel potius pro beneficio, nullam commississe Simoniam, modò non antecederet sese obligaverit ad aliquid determinatè præstandum v. g. ad certam summam vel pensionem annuatim solvendam. Ratio est: quia ex hac suppositione nullum intervenit pactum, neque ulla intentio dandi temporale pro spirituali, sed solùm monstrandi gratitudinem de jure naturæ cuivis benefactori debitam. Fatendum nihilominus est, hujusmodi promissiones esse valde periculosas, eò quòd hoc tempore jamjam videatur invaluisse praxis, quòd ii, qui beneficia conferunt, per hujusmodi verba soleant concipere ac intelligere aliquam particularem obligationem in ordine ad recipiendum aliquid temporale: hac de causa illi, qui nihil tribuunt, communiter audiunt *ingrati*, &c. Quare non sinè fundamento Cardenas in *crisi Theolog. Diss. 27. n. 67.* & alii plures Doctores existimant, per hæc verba: *Ego ero gratus*, scilicet pro beneficio Ecclesiastico) secundum modernam praxin com-

committi veram Simoniam; quod & ego frequentius quidem, non tamen universaliter verificari existimo, & bene ponderandum relinquo illis, quorum interest, utpote è quorum intentione & animo hæc res multum dependet, prout hæctenus dicta pensanti patebit faciliè.

607

R. jam ad 3tium quæsitum ejusdem casûs. Si Titius & alii duo supplicantes supponantur obtulisse argentum vel aurum pro sola intercessione aut favore Comitissæ impetrando &c. probabiliter excusari possent à vitio Simonia. Ità enim tenent multi DD. apud Dianam *part. 4. tr. 4. Resolut. 151.*

Ratio est: quia favor vel intercessio Comitissæ est quid merum temporale, & quidem pretio æstimabile: atqui, ubi datur temporale quid pro alio temporali præcisè. Simonia locum non habet, veluti constat ex dictis suprà n. 591. Et liquet à pari; nam si Titius ab aliquo Advocato postulasset sibi fieri libellum supplicem Comiti porrigendum, eidemque solvisset mercedem debitam pro labore suscepto, in concipiendo vel etiam describendo libello, profectò propterea nemo condemnaret Titium alicujus Simonia: ergo probabiliter nec condemnari potest ex eo, quod (ut supponitur) pro solo favore vel intercessione Comitissæ aurum obtulerit. Dixi *probabiliter nec potest* &c.

608

Nam practicè loquendo longè verosimilius

lius
mit
obla
lati
inte
qui
meo
scun
vel
dare
cert
miti
gan
ferr
34.
tit.
mer
vun
nesi
fi ob
Com
ipfa
han
sion
5. de
tr. 4
Hen
Pich
fere
solu
eò q
nen

lius videtur, quòd hujusmodi offerentes committant veram Simoniam; enimverò per oblationem auri non ità præcisivè & speculativè intendunt solum favorem vel solam intercessionem, quin simul, & principaliter quidem, intendant impetrare beneficium, mediante oblatione; quod vel inde haud obscurè colligere fas est; quia pro solo favore, vel pro sola intercessione nunquam omnino darent vel dedissent tantam summam. Et certè, si Titius (vel quiscunque alius) Comitì obtulisset centum dugatos, simulque rogando postulasset illud beneficium sibi conferri, incurrisset Simoniam ex *cap. tua nos. 34. de Simon. &c. Et si quæstiones. 18. eod. tit.* idque propterea, quia, prudenter præsumeretur, per oblationem hanc, velut motivum quoddam, principaliter intendisse beneficium: ergo idipsum dicendum videtur, si oblatò auri pondere supplicavit pro se per Comitissam. Neque dubitandum, quin & ipsa Comitissa velut auri cupida, summam hanc magis intuitu beneficii, quàm intercessionis suæ, intenderit. Unde Reiffenstuel *lib. 5. decret. tit. 3. §. 7. n. 122. & seqq.* Filliuc. *tr. 45. c. 9. n. 17. La Croix l. 3. part. 1. n. 90. Henno tr. in decalog. disp. 1. q. 5. art. 3. §. 1. Pichler in Compend. Jur. Can. l. 5. tit. n. 9. referens S. Thomam 2. 2. q. 10. art. 2. ad 5. absolutè asserunt, in hoc casu committi Simoniam, eò quòd per pecuniam paretur via ad obtinendum spirituale &c. &c.*

CA-

CASUS SECUNDUS.

Sempronius jam pridem ambiērat quendam Canonicatum Ecclesiasticum, at nescio, quō fato ab aliis semper prævēntus finem suum assequi hactenus nunquam potuerit: novissimè verò, dum quædam apertura (utī vocant) sese monstrāssēt, alium quendam corrivalem, ne rursus ab eodem prævēnirētur, pecuniis corrupit, quatenus hāc vice desisteret à postulatiōne beneficii unā simul adpromittens, se in proxima apertura fideliter laboraturum, ut & ille Canonicatum assequeretur: tum verò ad Patronum vel Collatorem sese conferens & jocum simulans, eundem allocutus fuit sequentibus verbis: jam à longo tempore Dominationem suam sollicitavi, & insuper Deos, Deās, que imploravi pro impetrando Canonicatu, ast nunquam non sinē effectu: hodie denuo supplex venio; sed quid valeat? spondeo centum dugatos, me iterum seroventurum, vel potiùs præteritum iri. Cui Collatur: videat, inquit: si hac vice te præteriero, solvam tibi 100.: sin minùs, tu mihi totidem præstabis: mox verò altera die Sempronio Canonicatum obtulit, à quo & 100. dugatos obtinuit. Quæritur jam 1. an Sempronius non commiserit Simoniam ex eo, quòd alterum competitorē pecuniis corrupit, ut à prætensione ejusdem beneficii abstineret. 2. An non ex eo, quòd adpromiserit, se ad proximam vacaturam pro eodem laboraturum? 3. tiò denique, an Simonie

monia arguendus non sit ex eo, quod spoponderit, vel spondendo certaverit 100. dugatis?

R. ad primum quæsitum, Sempronium 609
non commisisse Simoniam ex eo, quod competitori corruperit pecuniis, quatenus is abstineret à præensione ejusdem beneficii. Ratio est: quia hæc abstinencia, seu etiam dissimulatio à postulatione beneficii non erat quid spirituale: ergo pro hac sinè nota Simonia potuit offerre aliquid temporale: neque dici valet commisisse Simoniam propterea, quod Sempronius hanc pecuniam expenderit pro beneficio, vel pro hujus collatione; tum quia nec beneficium, neque hujus collatio ullatenus fuit in potestate competitoris; tum præsertim, quia ab hoc non postulavit, ut positivè quovis demum modò sibi cooperetur ad obtinendum illud, sed solum ut negativè sese habendo nihil prorsus prætenderet hæc vice: atqui hæc dissimulatio dici nequit aliquid spirituale: ergo Sempronius dando pro hac pecuniam non incidit Simoniam.

R. ad 2dum, Sempronium nec condem- 610
nandum esse Simonia ex eo, quod Competitori adpromiserit, se ad proximam vacaturam pro eodem laboraturum. Ratio est: quia talis labor non est quid spirituale, sed potius temporale, munus scilicet à lingua vel ab obsequio: ergo dici non potest, quod pro illo labore competitoris obtulerit aliquid spirituale.
Secus

Secus dicendum foret, si Sempronius prævidisset, se obtentō Canonicatu ipsō factō obtenturum jus suffragandi, & in compensationem alteri suo corrivali obtulisset suum suffragium in proxima vacatura; quia cū hoc jus suffragandi & ipsum suffragium in ordine ad Canonicatum sit aliquid spirituale vel certē spirituali annexum, illud offerendo pro alio beneficio temporali cōmisisset Simoniam saltem juris humani, juxta cōmunem DD. Vide Reiffenstuel *lib. 5. decret. tit. 3. §. 8. n. 135.*

611

R. jam ad 3tium, Sempronium vi sponsonis commississe Simoniam conventionalem, immō & realem post numeratam saltem pecuniam. Itā Arsdeckin *tom. 2. part. 2. tr. 1. c. 12. §. 2. q. 1. quem sequitur La Croix l. 3. p. 1. n. 80.* Ratio liquet ex dictis: quia per hanc sponsonem reipsa nil aliud intendit, nisi efficaciter permovere animum Collatoris vel Patroni ad Canonicatum sibi potius quā alteri conferendum: vel, ut apertius loquar, nil aliud, quā emere ipsum Canonicatum: atqui certum & exploratum esse debet: hoc fieri non posse absque nota Simonix, prout constare potest ex proximē dictis *n. 608.* nec aliunde videtur ulla ratio excusandi Sempronium ab hac nota: ergo &c.

CASUS TERTIUS.

Quidam Princeps ad preces & instantissimam recommendationem cujusdam Dominicellæ

micellæ Cajo contulit Parochiam satis pinguem; quod dum alius quidam à Ministris Ejusdem Principis inaudisset, Cajo in faciem exprobravit, quòd præsumpserit aspirare ad banc Parochiam, cùm non adeò pridem quoddam crimen commiserit (neglectum scilicet cujusdam animæ) quo se vel omni, vel certè tantò beneficio prorsus reddidit indignum: addidit insuper, se rem banc non dissimulaturum &c. Cajus hac exprobratione non minùs confusus, quam stupefactus, (crediderat enim, nulli mortalium quidpiam constare de illo neglectu) rogavit Ministrum, nollet de hoc delicto Principi vel ulli alteri quidpiam manifestare, ut verò os Ejus penitus obturaret, obtulit Ei notabilem summam. Quæritur jam 1. an Princeps ob recommendationem instantissimam Domicellæ conferendo Parochiam, non inciderit labem Simonie? 2. An Cajus ad se redimendum ab illa vexa absque nota Simonie potuerit obturare os Ministræ, obtrudendo marsupium?

R. ad primum quæsitum cum distinctio- 612
ne. Vel enim princeps supponitur præcisè attendisse ad preces & recommendationem Domicellæ, propterea que Parochiam contulisse? vel hanc contulisse ob dignitatem personæ, licèt ad preces & instantiam Domicellæ? si illud prius, S. Thomas censuit, talem condemnandum esse Simonie, eò quòd præcisè propter favorem humanum contulerit Spirituale beneficium. Si verò hoc po-
R. P. Elbel, Pars 11. de Fide &c. Uu ste

sterius, immunis erit à labe Simoniae. Ità sanè Doctor Angelicus 2. 2. q. 100. art. 5. ad 3^{ium}, ubi ait : *Munus à lingua dicitur vel ipsa laus pertinet ad favorem humanum, qui sub pretio cadit ; vel etiam preces, ex quibus acquiritur favor humanus, vel contrarium evitatur, & ideo, si aliquis ad hoc principaliter intendit, Simoniam committit. Videtur autem ad hoc principaliter intendere, qui preces pro indigno porrectas exaudit. Unde ipsum factum est Simoniacum. Si autem preces pro digno porrigantur, ipsum factum non est Simoniacum ; quin subest debita causa, ex qua illi, pro quo preces porriguntur, spirituale aliquid confertur. Tamen potest esse Simonia in intentione, si non attendatur ad dignitatem personae, sed ad favorem humanum. Hactenus sanctus Doctor.*

Fatendum nihilominus est, quòd si Princeps intuitu hujuscemodi intercessionis conferat beneficium Ecclesiasticum, at, sinè omni pacto vel onere aliquid temporale vel sibi vel suis rependendi &c. labem Simoniae non incurrat. Et ità hodie tenent Laymann *lib. 4. tr. 10. cap. 8. n. 26.* Navarrus, Lessius ; Victor, Cajetanus, Suarez & alii plures ab eo relati. Ratio est : quia ad Simoniam non sufficit, dare rem spiritualem ex motivo rei temporalis v. g. propter amicitiam, consanguinitatem, preces, obsequia &c. sed opus est, ut detur pro re temporali tanquam pro pretio,

pretio, id est, in compensationem illius velut ex justitiæ obligatione: ergo si nullum intervenit pactum, Princeps potest excusari à labe Simonia, licet potuerit graviter peccare nedum contra justitiam legalem, sed & commutativam cum onere restitutionis, si supponatur hoc beneficium contulisse indigno cum damno Ecclesiæ.

Prius quàm ad 2dum quæsitum hujus Causæ directè respondeam, notandum præmitto cum Filliucio *tr. 45. c. 11. Reiffenstuel lib. 5. decret. tit. 3. §. 13. n. 308.* vexationem aliam esse ac dici justam, aliam injustam, utpote contra jus & æquitatem factam. Rursus aliam fieri posse ab eo, qui ad beneficium spirituale nedum obesse, sed & prodesse potest, utputa eligendo, seu suffragando, præsentando, aut conferendo &c. aliam ab eo, qui quidem obesse potest v. g. denigrando aut injustè diffamando, minimè autem prodesse, utpote destitutus omni jure ad illud conferendum. Denique 3tiò, alia dicitur vera, quâ quis molestatur circa jus ad rem, seu circa beneficium spirituale ad quod solum habet *jus ad rem*, utputa quia electus fuit, sed nondum confirmatus; vel quia præsentatus, sed collationem aut certè investituram nondum assecutus &c. alia dicitur vexa, quâ quis molestatur post plenum *jus in re* seu in beneficio per investituram jamjam adeptum. Hòc notato.

614 R. jam ad alterum quæsitum hujus casûs. Si Minister Principis supponitur fuisse talis, qui in ordine ad collationem Parochiæ, vel potius ad installationem (nam collatio supponitur jam facta) prodesse nihil potuit, utpote jure destitutus ad hunc effectum, tametsi multum per omnem modum potuisset obesse &c. Cajus absque nota Simonix potuit eidem obturare os mediante marsupio. Ratio est: quia in tali casu non datur pecunia pro re spirituali acquirenda, sed eo fine duntaxat, ne alter injustè diffamando Cajum vexet, aut vexam comminatam exequatur: at hoc cuivis licet; cum quilibet habeat jus quæsitum in libertate & fama sua, vi cujus injuriam quoquò modò honesto à se repellere potest: ergo &c. &c. Suarez *de Simon. c. 50. n. 23. Palao part. 3. tr. 17. disp. 3. pu. 20. n. 4. Reiffenstuel lib. 5. decret. tit. 3. §. 13. n. 310.*

615 Dixi: Si Minister Principis supponatur fuisse talis, *qui prodesse non potuit, sed tantum obesse*; secus enim dicendum foret, si etiam de jure prodesse potuisset ad illud, velut habens jus eligendi, præsentandi, conferendi, vel confirmandi, &c. &c. à tali enim probabilius non licet redimere vexam injustam. Ita D. Thom. 2. 2. q. 10. art. 2. ad 5^{um}. Pirhing *de Simon. n. 109. Suarez loc. cit. n. 18. Reiffenstuel cit. n. 314.* Ratio est: quia dum quis pecuniam dat alteri, ne sibi in ordine ad beneficium, votum, collationem aut confir-

confirmationem &c. etiam injustè neget, hōc ipso temporale porrigit, ut spirituale obtineat, vel certè ut obtineat votum &c. in ordine ad beneficium: hoc autem non caret vitiō Simonix. Et licèt Palao *loc. cit. n. 4.* probabile existimet, ne quidem in hoc casu Simoniam committi; eò quòd pecunia non detur tanquam pretium electionis aut voti, vel confirmationis &c. sed solùm ad satiandum vel extinguendum pravum affectum Electoris &c. Filiucius tamen *tr. 24. c. 11. n. 7.* probabilius censet, in tali casu labem Simonix non evitari, ob rationes proximè datas, idque satis clarè colligi putat: ex *c. Matthæus c. sicut tuīs, & c. de hoc, de Simonia.*

Dices adhuc: sed quid, si Minister Principis Cajo intentasset vexam post adeptum jam jus plenum per ipsum investituram?

℞. Suppositō semel pleno jure in re, seu 616 in beneficio Ecclesiastico, fas est mediante pecuniā redimere vexam injustam à quocunque demum intentatam. Ità *communiter DD.* nominatim Navarrus *Manual. c. 23. n. 102.* Abbas in *c. dilectus.* Pirhing. *l. cit. n. 105.* Palao *l. cit. n. 1.*

Ratio est: quia talis non dat pecuniam pro ipso beneficio vel pro jure ad illud, utpote quod supponitur, jam plenariè adeptus, sed solùm pro redimenda vexa injusta: atqui injustam vexam redimere pecuniis, cuilibet licet; cūm hæc sit quid merùm temporale:

Uu 3 ergo

ergo &c. Ex quo Reiffenstuel *l. 5. tit. 3. §. 13. n. 309.* sapienter infert, immunem esse à Simonia illum, qui dat, vel præstat temporale alicui, ne se injustè vexet diffamando, accusando, vel talia proponendo, ob quæ collatio beneficii jam actu pleno jure adepti de jure haberetur nulla, vel eò privari posset.

§. III.

Corollaria ex dictis inferenda.

617

Colliges ex hæcenus dictis primò, in ordine ad discernendum, an quis commiserit Simoniam præsertim mentalem, attendendum esse principaliter (saltem pro foro conscientiæ) quo fine quis dederit temporale bonum v. g. hoc horologium, hanc picturam, vel quodvis aliud honorarium pretio æstimabile?

Nam si fateatur se illud dedisse principaliter eo fine, ut in hujus recompensationem seu pretium vel quasi pretium obtineret aliquid spirituale vel spirituale annexum secundum dicta *n. 598.* quibuscunque demum verbis, vel quòvis pallio usus fuerit, utputa gratitudinis, gratuita oblationis vel recompensationis &c. condemnandus erit Simonia: econtrà verò, si in foro conscientiæ & coram Deo sese examinando reperiatur, se illud temporale ex alio motivo & fine, vel titulo dedisse principaliter, esto minùs principaliter, secundariò, & quasi per accidens inde spe-

rave-

raverit aliquid spirituale; immò etsi spes assequendi spirituale fuerit, aliquò modo causa impulsiva & excitativa ad dandum illud temporale, non debet condemnari Simoniæ; quia non dedit temporale bonum pro spirituali velut pretium. Ità Reiffenstuel *loc. cit.* §. 5. n. 100. & 101. referens pro eadem opinione Navarrum *manual. c. 23. n. 101.*

Colliges 2dò, Clericos, qui pro competente salario serviunt Episcopis, Præpositis vel Patronis Beneficiorum Ecclesiasticorum &c. Item 2. Studiosos ac Pedagogos, qui pro competente salario instruunt juventutem &c. 3. Nec non Religiosos aut Laicos quoscunque, qui principaliter ex charitate &c. 4tò demum omnes illos, qui pro nullo vel certè incompetenti salario serviunt eo fine, ut hâc occasione suam probitatem, studium vel dexteritatem demonstrent in effectû, & sese probent dignos altiori promotione, idèoque sub spe aliquando obtinendi quoddam beneficium, non esse condemnandos Simoniæ. Ratio est: tum quia non præstant temporale velut mercem rei spiritualis, neque illud spirituale bonum affectant velut pretium quoddam laborum vel obsequiorum suorum; tum etiam, quia minimè culpanda est intentio vel conatus, quò quis nititur sese probare dignum promotione aut beneficio, dando specimina suorum talentorum, aut virtutum: quin immò plurimùm inter-

est Ecclesiæ nōsse, quinam sint verè digni ad talia munia Ecclesiastica : at, quod non est culpandum vel improbandum, pariter non est puniendum pœnâ in Simoniacos de jure lata : ergo &c. Videatur Reiffenstuel *loc. cit.* à n. 103. Sporer *tr.* 2. in *decalog.* c. 10. *sect.* 4. n. 45.

619 Colliges 3tò, non esse condemnandos Simonia, qui dant temporale pro spirituali, aut vice versa spirituale pro temporali titulo solius gratitudinis. Ità *ex communi DD.* Suarez *tom.* 1. *de Relig. lib.* 4. c. 45. n. 4. Laymann *l.* 4. *tr.* 10. c. 10. c. 8. n. 8. Ratio est: quia, quod præstatur gratuito, non præstatur velut pretium, sed potius opponitur pretio. Insuper honestum ac laudabile est pro accepto beneficio vel obsequio honesto se gratum exhibere. Unde Episcopus vel Patronus conferentes beneficium Clerico in recognitionem obsequiorum &c. culpandi non sunt, neque Simonia condemnandi. Immo & Capellanum Episcopo gratis & absque stipendio servientem, ut illum sibi reddat obligatum ex titulo gratitudinis, non tamen ex pacto, ad sibi conferendum beneficium Ecclesiasticum, à labe Simonia absolvendum censet Illung *tr.* 5. *disp.* 3. n. 303. idque tametsi intentionem & spem suam supponatur Episcopo insinuasse.

620 Colliges 4tò, absque vitio Simonia temporale emolumentum seu pretium recipi, immò

mò & exigi posse à Doctõribus pro doctrina Theologiæ Scholasticæ vel moralis, item 2. pro responso aut consilio nedum juridico, sed etiam morali. Ità Valentia *tom. 3. disp. 6. q. 16. pu. 2.* Illung *cit. n. 307. & 308.* Laymann *lib. 4. tr. 10. c. ult. n. 30. & 32.* Ratio prioris est: quia instructio Theologica, esto de rebus supernaturalibus tractet, non tamen ordinatur ad felicitatem supernaturalem, sed potiùs ab instructore ordinatur ad illuminandum intellectum.

Nec refert, quòd forsan discipulus vel Doctor aliquis ex privato affectu hanc suam doctrinam, aut studium ordinent ad finem altiore; quia hæc particularis ordinatio non extrahit doctrinam ab ordine materiæ pretio æstimabilis. Et dato etiam hoc, quòd non posset aliquid pro ipsa doctrina exigi per modum pretii: posset tamen à Doctore aliquid exigi per modum stipendii ad congruam sustentationem Ejusdem necessarii: quemadmodum Ministri Ecclesiæ ex eodem titulo possunt exigere congruum stipendium pro administratione Sacramentorum, vel Verbi divini. Ratio autem posterioris est: quia ejusmodi responsum nil est aliud, quàm quædam doctrinalis & doctoralis instructio, licet per accidens conducat petentibus ad tranquillitatem conscientiæ & affecurationem salutis &c. atqui pro tali instructione petere competens salarium, prorsus non apparet inhonestum

aut Simoniacum, præsertim cùm sinè multo labore hujusmodi responsa sæpe dari non possint: ergo &c.

621

Colliges 5^{to}, nedum Clericos sæculares, sed etiam Religiosos tam Superiores, quàm subditos (quibus id nullo jure aut statuto particulari fuit interdictum, ut supponi debet) absque labe Simoniae posse pro Missis legendis aliquid exigere, & pacisci de stipendio congruo, haud equidem ut illud detur per modum pretii pro ipso SS. Missæ Sacrificio, vel pro fructibus ejusdem, utpote inæstimabilibus, aut pro labore intrinseco, utpote merùm Spirituali, secundùm dicta superiùs, sed præcisè per modum stipendii vel justæ sustentationis sibi debitæ, esto hanc aliunde ex propriis mediis sibi procurare possent. Ità receptissima DD. opinio, in sacris paginis fundata; *dignus est enim operarius mercede sua. Luc. 10. v. 7. & 1. Cor. 9. v. 7. quis militat suis stipendiis unquam? quis plantavit vineam, & de fructibus ejus non edit? quis pascit gregem, & de lacte gregis non manducat?* Similia habentur *can. Ex his 22. caus. 12. q. 1.* E ratio est: quia ea, quæ alicui de jure naturæ debentur, non solum licitè recipiuntur, sed etiam velut de jure debita exiguntur: atqui administrantibus spiritualia de jure naturæ debentur temporalia ad congruam sustentationem necessaria, ut patet ex textibus mox allegatis: ergo hæc etiam vi pacti possunt
exigi

exigi ab iis, quibus spiritualia ministrantur. Videatur Laymann *ubi supra*. §. 2. n. 15. vel Palao *de Simonia* pu. 4. n. 4.

Colliges 6to, etiam à Religiosis in electionibus ad beneficia vel officia Ecclesiastica committi posse Simoniam; nam si unus Religiosus promittat alteri, quòd velit illum promovere ad Prioratum, vel ad aliud quoddam beneficium curatum sub conditione & onere quasi, ut sibi suffragetur in ordine ad obtinendam Prælaturam, Præposituram, vel aliam dignitatem Ecclesiasticam, & iste propterea suum illi det suffragium, revera uterque incurrit Simoniam. Ità *ex communi DD.* Henno *ubi supra* §. 6. *in Respons. ad petes* 4to, Ratio est: quia hòc modo votum non datur gratis, neque gratis obtinetur illud officium Ecclesiasticum: ergo committitur Simonia saltem juris Ecclesiastici: & si talis Prælatus promississet pecuniam, vel aliud emolumentum temporale, etiam incidisset Simoniam juris naturalis, prout præter alios rectè docet R. D. de Nicollis *in sua Praxi Canon. V. Simonia* n. 33. Quod verò hìc de Religiosis dictum, idipsum intelligas velim de Canonicis sibi met invicem sub præfato onere suffragantibus. Atque hinc non sinè causa Reiffenstuel *lib. 5. decret. tit. 3. §. 8. n. 137.* scribit, revera multas electiones Episcoporum &c. esse ac fuisse nullas; quia plus quàm certum est in hujusmodi electionibus intervenisse
similes

similes conventiones ac promissiones, quibus vel temporali datur pro spirituali, vel spirituale pro spirituali adpromittitur; atqui in priori committitur Simonia juris naturalis, in posteriori verò Simonia juris Ecclesiastici cum nullitate actus, velut patet ex hactenus dictis: ergo &c. Videatur Pirrhing *lib. 5. decret. tit. 3. n. 87.* vel la Croix *lib. 3. part. 1. n. 113.*

Sed quid, inquires, si uterque, vel alteruter saltem solum fictè promittat, ità, ut talis Abbas v. g. post suam electionem non promoveat alium, asserens, se non habuisse animum serium promittendi, aut se obligandi ad talem promissionem?

- 623 R. Probabilius adhuc committi Simoniam. Ità Pontas *in dictionar. Casuum. V. Simonia Cas. V.* citans S. Thomam 2. 2. q. 100. Idipsum tenet Pichler *in compend. Juris Can. l. 5. tit. 3. n. 13.* saltem in casu, quò alteruter seriò se obligavit. Ratio est: quia per talem promissionem quantumvis fictam Abbas supponitur procurasse & obtinuisse suam dignitatem Ecclesiasticam, esto ex parte sua promissionem non adimpleat, eò quòd dicat, se non habuisse serium animum promittendi, de qua fictione, cum in foro fori nihil prorsus constet, procul dubio in eodem foro haberetur pro Simoniaco. Et certum omnino videtur, quòd etiam fictè promittens habuerit animum obtinendi illam dignitatem per promissio-

missionem promotionis &c. immò vi hujus actu eam obtinuerit: atqui ad incurrendam labem Simoniae sufficit, per aliquid temporale velut causam ac motivum pertingere ad spirituale, neque opus est, ut opere, ipso præstetur illud temporale. Nihilominus arbitror pro foro conscientiae mitius posse procedi cum tali poenitente; tum quia multi etiam graves Doctores tenent, per fictam duntaxat promissionem non incurrit Simoniam; quemadmodum, per fictam promissionem matrimonii non contrahuntur vera sponsalia; tum etiam, quia in hoc casu Simonia conventionalis mixta quidem supponitur, nondum tamen completa ex altera saltem parte: atqui propter Simoniam conventionalem mixtam, & nondum completam, jura etiam mitius procedunt saltem quoad poenas, veluti mox dicitur *n. 627. & seqq.* ergo pro foro interno saltem mitius procedi potest ac debet.

CONFIDENTIA
VIGESIMA.

De Poenis Simoniacorum, & de Onere
Restitutionis inde contracto.

SUMMARIUM.

624. Tres duntaxat species Simoniae à jure perstringuntur poenis canonicis.

625. Re-

625. Referuntur pœnæ ob Simoniacam collationem Ordinum.
626. Recensentur pœnæ ob ingressum Religionis simoniacè obtentum.
627. Et pœnæ ob simoniacam provisionem beneficiorum Ecclesiasticorum.
628. Dictæ pœnæ nec ob Simoniam merementalem, probabiliter nec ob conventionalem mixtam incurruntur.
629. Exceptâ Simonia confidentiali mixta.
630. Per omnem verò Simoniam realem, quantumvis occultam, utrinque saltem ex parte completam, dictæ pœnæ contrahuntur, saltem per se loquendo.
631. Potestas à dictis pœnis absolvendi, vel in iis dispensandi, per se loquendo competit soli summo Pontifici.
632. An vel quantum restituere teneatur ille, qui simoniacè obtinuit quoddam beneficium Ecclesiasticum?
633. Pretium temporale simoniacè obtentum pariter est restituendum non quidem danti, sed Ecclesiæ &c.
634. Huic tamen obligationi probabiliter satisfit, ante sententiam Judicis illud restituendo ipsi danti.
635. An, vel cuinam restituendum sit pretium simoniacè obtentum ob ingressum Religionis, vel Collationem Ordinis?
636. Quid si Collator rei spiritualis intuitu talis pretii temporalis simul cessit bono, vel emolumento temporali?
637. Quomodo absque Simonia nota fieri possit aut debeat Resignatio, vel Commutatio beneficiorum Ecclesiasticorum?
638. Quid nomine beneficiorum Ecclesiasticorum hic intelligatur?
639. Et quinam veniant nomine Superiorum, quorum auctoritate fieri debet resignatio &c.
640. Resolvitur Casus I. cujusdam pœnitentis dubitantis, an beneficium, quod à suo Parente, simoniacè sibi impetratum audivit, tuta conscientia retinere possit.

641. Quid si hoc audiisset ante elapsum triennium ;
642. Utrum Episcopus cum tali possit dispensare, super inhabilitate, & nullitate provisionis ?
643. Resolvitur Casus II. cujusdam Simoniaci à S. Pœnitentia dispensati, dubitantis, an conditioni (liberè dimittendi suum beneficium) satisfecerit, illud dimittendo sub schemate permutationis.
644. Item, an non inciderit easdem Censuras, ac pœnas eò quòd infra annum (uti debuisset vi Rescripti) fructus non restituerit ?
645. A quonam talis possit absolvi aut dispensari datur, quòd re ipsa in easdem censuras ac pœnas reincidisset ?
646. Et quos, vel quales fructus teneatur restituere ?
647. Resolvitur Casus III. cujusdam Parochi Emeriti, qui coram Episcopo simulaverat se gratis resignare beneficium suo ex fratre Nepoti, reverà autem ex conventionem privata resignavit sub conditione & onere annuæ pensionis.
648. Præcluditur quædam instantia contra hanc resolutionem.
649. Resignatio hæc fuit invalida.
650. Qui simoniacè procuravit quoddam beneficium Ecclesiasticum, tenetur in Conscientia ante omnem Judicis sententiam illud dimittere.
651. Notabile practicum Simoniacis bene observandum.
652. Qui simoniacè obtinuit beneficium per alterius procuracionem, sed contra suam voluntatem & protestationem &c. potest illud retinere ;
653. Præsertim si ab illo altero in fraudem beneficiarii fuisset procuratum simoniacè.
654. Qui non committit culpam Simonia, non fit obnoxius pœnis Simoniacorum.
655. Hac ratione excusari possunt ac debent illi, qui ex ignorantia invincibili committunt Simoniam.
656. Quo non obstante tenentur dimittere beneficium per talem Simoniam procuratum ?
657. Qui culpam Simonia cum ignorantia pœnarum, censu-

censuras quidem non incurrunt, probabilissimè tamen reliquas pœnas in Simoniacos latas.

658. Licet non desint è Doctoribus, qui taliter delinquentes etiam à reliquis pœnis absolvunt.

§. I.

Præmittuntur, & breviter resolvuntur quæ sita scitu necessaria ad debitè resolvendos casus practicos circa pœnas Simoniacorum, & onus restituendi inde contrahi solitum.

Quæres primò, quænam pœnæ contra Simoniacos statuantur in Jure?

624

Ante responsionem notandum est, tres duntaxat dari species Simonix, quas Jura specialibus pœnis persequuntur. Prima est: quæ committitur in collatione Ordinum: 2da, quæ ob ingressum Religionis; 3tia, (quæ cæteris duabus frequentior accidit) est illa, quæ in provisione beneficiorum, seu etiam officiorum Ecclesiasticorum sæpius quàm par est committi assolet. Tametsi autem jura contra Simoniam in aliis materiis v. g. circa venditionem Sacrarum Reliquiarum &c. commissam non statuerint speciales pœnas; possunt tamen, immò debent Simoniaci à Judicibus Ecclesiasticis puniri pœnis arbitrariis, qualitati criminum commensuratis; cum revera hoc crimen in quacunque materia sit valde abominabile, & hoc ipso pro viribus eliminandum, veluti Doctores communiter monent. Hoc prænotatò

R. jam

R. jam ad quæsitum primò. Pœnæ ob Simoniacam collationem Ordinum à jure statutæ sunt sequentes. Primò Excommunicatio Pontifici reservata, quæ tam ab ipso Ordinante, quàm ob Ordinato incurritur. 2dò. Suspendio, vi cujus Ordinans à collatione omnium Ordinum & exercitio munerum Pontificalium privatur: ordinatus verò à susceptione Ordinum, nec non ab Exercitio susceptorum. *c. 37. & 45. de Simon. & Extravag. 2. eod. tit.* 625

R. 2dò. Ob ingressum Religionis Simoniacè obtentum statuitur 1. Excommunicatio reservata tamen dantem, quàm accipientem temporale pro ipso ingressu: si verò accipiens supponatur integra communitas aut Capitulum, incurrit insuper suspensionem, & quidem nisi occulta sit, pariter reservatam Pontifici, ab officio & executione juris capitularis, & administratione Jurisdictionis. 2. Infamia juris, consequenter & irregularitas. 3. Simoniacè admissus debet transferri in arctius Monasterium, sed post sententiam Judicis primùm. *c. 19. 25. 40. item Extrav. 1. inter comm. de Simonia.* 626

R. 3tiò. Pœnæ ob Simoniacam provisionem beneficiorum, officiorum, Dignitatum & Prælaturarum Ecclesiasticarum &c. in jure statutæ leguntur sequentes. 1. Nullitas provisionis, si hæc facta sit per præsentationem, postulationem, electionem, si per institutionem, admissionem, confirmationem, 627

R. P. Elbel, Pars II. de Fide Ec. X x nem,

nem, vel liberam collationem, ità, ut ante omnem sententiam Judicis ne quidem in conscientia beneficium, vel fructus ex eo percepti retineri valeant. 2. Statuitur excommunicatio S. Pontifici reservata in omnes ad talem Simoniam cooperantes. 3. Inhabilitas Provisi ad idem beneficium de novo obtinendum. 4. item ad alia beneficia obtinenda. 5. Privatio beneficiorum prius obtentorum, ac depositio ab altaris ministerio: sed ultimæ duæ non incurruntur ante sententiam cōdemnatoriam, prout post Navarum, Suarez, Reiffenstuel & alios advertit P. Pichler in *Compend. Jur. Can. l. 5. tit. 3. n. 21*. Hæc omnia habentur *Extrav. 2. inter Comm. b. t. Can. ult. Caus. I. q. 3. c. penult. de elect. item constit. Pii V. cum primum*. Quocirca specialiter observandum, hanc responsionem etiam extendendam atque intelligendam esse de Simonia juris Ecclesiastici *per c. 5. & 7. de rerum permut.* quia *Extravag. cit.* loquitur generaliter de Simonia circa provisionem beneficiale, & à Doctoribus intelligitur generaliter. Minimè tamen extendi debet ad Simoniam circa beneficia minùs strictè sumpta, uti sunt pensiones aut Vicariæ temporales &c. commissam.

Porro Simonia confidentialis vix non illisdem pœnis perstringitur à Jure, cum hoc tamen discrimine. 1. quòd si Episcopus, vel Prælatus Episcopo superior, utputa Cardinalis, &c. si reus, non incurrat excommunicatio-

cationem, sed interdictum ab ingressu in Ecclesiam. 2. quòd inhabilitas ad alia beneficia & privatio priùs jam habitorem incurrantur ipso factò, licèt opus sit sententia declaratoria criminis, 3. quòd beneficium per Simoniam conventionalem nulliter resignatum vel collatum reservetur Summo Pontifici soli; item 4tò, quòd fructus ex tali beneficio male percepti applicari debeant Camerae Apostolicae; quæ tamen ultimæ duæ pœnæ in Germania non habent locum propter Germaniæ concordata, videnda apud la Croix *lib. 4. n. 503.* 5tò denique illud speciale habet Simonia confidentialis, quòd memoratæ pœnæ incurrantur non solum per realem, sed etiam per Simoniam conventionalem mixtam, ut habetur in Bulla Pii V. *Intolerabilis §. 3.* Videantur de his Reiffenstuel *lib. 5. decret. tit. 3. n. 284. & 285.* vel Pichler in *Compend. Juris Can. eod. tit. n. 21.*

Quæres 2dò, an præfatæ pœnæ incurrantur ob quamlibet Simoniam, tam mentalem & conventionalem, quàm etiam realem?

R. Primò. Ob Simoniam mentalem duntaxat nulla incurritur pœna Ecclesiastica, neque 2. probabiliter ob conventionalem (ante sententiam judicis) esto etiam hæc supponatur mixta cum reali, nisi sit Simonia confidentialis.

Ratio prioris partis inter DD. communiter recepta est: quia Ecclesia non judicat de internis: atqui Simonia mentalis potissimum

dependet à voluntate interna secundum dicta superius: ergo &c. Idipsum satis clarè decisum legitur *c. 33. 34. Et c. fin. de Simon.* Ratio autem 2dæ partis, quam contra D. Thom. Valentiam, Palao & alios plures tenent Navarrus *in manuali c. 23. n. 104. Lessius lib. 2. c. 35. dubit. 27. Suarez lib. 4. de Simon. c. 56. n. 33. Engel de Simon. n. 34. Pichler & alii tenent*, est, quia nullibi in jure reperitur aliqua pœna clarè expressa contra aliquam Simoniam conventionalem mixtam, seu utrinque nondum completam: atqui non est in dubio asserenda pœna: quandoquidem juxta *in pœnis 49. de R. J. in 6to: in pœnis benignior est interpretatio facienda. Et l. 42. ff. de pœnis: interpretatione legum pœnæ molliendæ sunt potius, quàm asperandæ.* Profectò etiam stylus curiæ, teste Navarro & aliis, non censet, pœnas has fuisse incurasas, nisi Simonia realis utrinque completa fuerit, saltem ex parte: stylus autem curiæ habetur pro jure & lege juxta *communem DD. ergo &c.* Ea verò, quæ contra hæc objici solent, videri possunt soluta apud Reiffenstuel *lib. 5. tit. 3. §. 11. dñ. 240.*

629 Dixi: *nisi sit Simonia confidentialis*; de hac enim speciale quid statuit Pius V. Bulla *Intolerabilis*, mox citata §. 3. ubi declarat: *Pœnas in eadem Bulla contentas incurri, licet ipsum confidentialis crimen alterius tantum partis conscientia sit admissum*: quæ tamen constitutio, utpote odiosa extendi non debet ultra

tra casum expressum. Quod si alia aliqua Bulla D. Pii de hac re edita sit, ea non videtur usu recepta, ait Lessius *loc. cit.* n. 149. eumque secutus Reiffenstuel, ubi *suprà num.* 241.

R. jam 2dò ad idem quæsitum. Ob 630
solam & omnem quantumvis occultam Simoniam realem, utrinque saltem ex parte completam in susceptione Ordinum, in ingressu Religionis, & in provisione beneficiorum Ecclesiasticorum commissam ipso jure & facto incurruntur pœnæ contra Simoniacos statutæ. Ità Pichler ubi *suprà num.* 18. & alii Doctores proximè allegati. Ratio est: quia cùm jura Simoniam perstringant pœnis, illæ verò pœnæ extendi non possint ad Simoniam merè mentalem, neque ad conventionalem mixtam secundum dicta, sequitur evidenter, quòd saltem incurrantur propter Simoniam realem. Caterùm quòd etiam propter talem Simoniam quantumvis occultam dictæ pœnæ incurrantur, habetur clarè decisum *Extrav. cùm detestabile, de Simonia.*

Quæres 3tiò, quinam in prædictis pœnis dispensare, vel à censuris absolvere valeant?

R. Absolvere à censuris, & dispensare 631
in pœnis Simonia per se loquendo solus Summus Pontifex potest, etsi rarissimè & non sinè certis conditionibus dispensare soleat.

leat. Si tamen delictum sit occultum, & ad forum contentiosum non deductum, à censuris potest absolvere 1. Episcopus *juxta Trident. ss. 24. de Refor. c. 6.* 2. item Religiosi mendicantes pro foro interno duntaxat. Porro Episcopus probabiliter potest dispensare cum eo, qui beneficium simoniacè obtentum sponte, & ante sententiam condemnatoriam dimisit, veluti plures Doctores deducunt ex *can. 2. caus. 1. q. 3.* Item cum eo, qui per alienam Simoniam beneficium se incio obtentum, vel potius procuratum dimisit, ad idem rursus obtinendum, *juxta cap. penult. de Elect.* Sed de his proximè plura *num. 642. & 645.* Videri etiam possunt Pyrrhus Corradus in *prax. dispens. lib. 5. c. 9. & 10.* Pichler *cit. num. 26.* Reiffenstuel *lib. 5. tit. 3. d. num. 341.*

Quæres 4tò, an vel quid teneatur restituere, qui Simoniacè beneficium Ecclesiasticum obtinuit?

632 R. Qui quaecunque demum beneficium Ecclesiasticum simoniacè obtinuit, tenetur ante omnem judicis sententiam sub gravi culpâ restituere, vel potius dimittere nedum ipsum beneficium, sed etiam fructus ex illo perceptos. Ità *unanimiter Doctores.* Ratio est: quia omnis collatio, provisio vel acquisitio beneficii aut officii Ecclesiastici simoniacè facta, est ipso jure irrita & nulla, ità, ut *Simoniacè provisus*

visus nullum acquirat jus, nec faciat fructus suos, sed ad illorum omnium restitutionem sub animæ suæ periculo sit adstrictus, prout expressè statuitur cit. Extravag. cum detestabile, de Simon. Quocirca tamen illud discriminis est observandum, quòd si Simonia intervenerit *realis communis*, hæc pœna incurratur duntaxat, posteaquam Simonia utrinque saltem ex parte fuit completa, utputa si is, qui v. g. 100. dugatos promisit, pro spirituali jam obtento, rependit v. g. 30. aut 50. &c. At verò, ubi Simonia fuit *confidentialis*, ne quidem necessum est, ut pretium jam sit solutum, veluti ex dictis n. 629. satis colligi potest, & expressè tradit Reiffenstuel l. 5. decret. tit. 3. §. 12. n. 288. aliique plures.

Quæres 5tò, an, vel cuinam restituti debeat pretium temporale simoniacè obtentum vel acceptum pro spirituali?

R. ad hoc quæsitum primò. Qui accepit pretium temporale pro beneficio Ecclesiastico, eò quòd ad hujus affecutionem cooperatus fuerit eligendo, vel præsentando, aut recommendando, &c. tenetur ante omnem judicis sententiam sub peccato mortali (si materia accepta supponatur gravis, prout communiter esse solet) pretium illud restituere; idque 2dò probabiliter non ipsi danti, sed Ecclesiæ, cujus est beneficium, aut certè pauperibus. Utraque pars est *communiter recepta inter DD.* cui subscribunt S. Thomas 2. 2. q. 100. art. 6. in corpore. Lessius lib. 2.

c. 35. *dubit.* 30. 169. Bonacina, Sylvester, Palao, & alii. Et ità quantum ad priorem partem deducitur tum *ex arg. cap. De hoc, de Simon.* tum ex eo etiam, quia cum spiritualia hæc distribuenda sint *gratis* vi præcepti divini *Matth.* 10. consequens est; quòd aliquid exigens pro illa re spirituali, faciat injuriam contra justitiam respectu illius, à quo exigitur, consequenter nedum ex jure humano, sed etiam naturali ac divino tenetur ad restitutionem simoniacè accepti. Nec evadis dicendo, te non exigere illud temporale pro ipso spirituali, sed solum pro emolumento temporali, quod beneficiario obveniet; nam & temporale utpote spirituali *consequenter annexum* absque Simonia vendi non potest, secundum dicta superius n. 599. Hinc Alexander VII. volendo præcludere viam hujusmodi effugiis, jure meritissimò damnavit sequentem n. 22. propositionem: *Non est contra justitiam, beneficia Ecclesiastica non conferri gratis, quia Collator conferens illa beneficia Ecclesiastica pecuniâ interveniente, non exigit illam pro collatione beneficii, sed veluti pro emolumento temporali, quod tibi conferre non tenebatur.* De quo videri potest *Viva in eand. propos. n. 2.*

Ratio autem posterioris rursus habetur decisa *eod. cap. De hoc* 11. proximè citat. Adididi: *aut certè pauperibus*: enimverò Reiffenstuel *cit. n. 295.* post S. Thomam & Navarrum existimat, hujusmodi pretium Superioris

rioris arbitrio posse distribui pauperibus, quin immò consuetudine id jamjam introductum fuisse, asserere non verentur.

Dixi insuper, tale pretium *probabiliter* 634
non ipsi danti, sed Ecclesiæ esse restituendum,
&c. Nam plures magni etiam Nominis Doctores putant, hujusmodi pretium ante sententiam judicis nedum posse, sed etiam debere restitui danti, eò quòd ipse offerens nunquam voluerit transferre dominium pretii in alium, quàm in illum, à quo spirituale obtinuit: ergo cùm iste de jure non sit capax acceptandi idem dominium, omnino rationabiliter asseritur, quòd maneat penes ipsum dantem, qui ante judicis sententiam neutiquam illo debet privari. Et ità tenent Sotus, Matthæus de Moya, Bannez & alii quos citat & sequitur Reiffenstuel, *ubi supra n. 296.*

R. jam 2dò ad idem quæsitum. Ante sententiam judicis nulla est obligatio restituendi ea, quæ ob ingressum Religionis simoniacè obtenta fuere. 2. Quæ verò fuerunt obtenta pro collatione Ordinum, aliorumvè Sacramentorum vel Sacramentalium, vel quarumcunque tandem rerum spiritualium, sinè damno aut incommodo seu detrimento ipsius conferentis (uti fieri posset pro dispensatione, absolutione, aut indulgentiis) jure divino ante omnem etiam sententiam judicis debent restitui. Ratio prioris desumitur ex *Extravag. Sanè de Simonia*, ubi S. Pontifex concedit, ut hujusmodi bona *contra ca-*
nonicas

nonicas Sanctiones recepta, ad communem usum Monasteriorum possint retineri & applicari. Ratio autem posterioris sequitur ex proximè dictis n. 633. quia Minister Christi jubetur administrare hujusmodi dona cœlestia gratis: ergo dum exigit pretium, facit injuriam solventi, quemadmodum famulus jussus à suo domino eleemosynam gratis dispensare, faceret injuriam illi, à quo intuitu eleemosynæ aliquid prætenderet, tenereturque ad hujus pretii refusionem. Videatur Lessius lib. 2. de J. & J. c. 35. dubit. 28. n. 162. Laymann ubi supra §. 9. n. 79. Pirrhing de Simon. n. 175.

- 636 Dixi tamen rursus: *quæ obtenta fuerunt sine damno aut incommodo conferentis, &c.* Nam casu quo dans spirituale sese privat commodo vel honore temporali (utì revera resignantes beneficia ordinariè debent facere) nonnulli autumant, obligationem restituendi non oriri ex jure naturali; (siquidem à parte rei nulla sit injuria seu injustitia illi, à quo temporale exigitur) sed ex humano duntaxat. Verùm quidquid sit de hoc, nihil prorsus juvat Simoniacum; cùm enim ex jure humano, saltem Simoniacus fiat inhabilis nedum ad beneficii, sed etiam ad fructuum inde redundantium possessionem, consequens est, quòd ex jure humano saltem teneatur ad restitutionem talis pretii, quippe quod nec pro fructibus aut commodis beneficii, neque etiam pro ipso beneficio poterat acceptare
tutâ

tutâ conscientia, uti bene observat R. P. Reif-
 fenstuel *lib. 5. tit. 3. §. 12. n. 293.* Secus rur-
 sus dicendum foret, si dans spirituale sese pri-
 varet bono temporali revera pretio tempo-
 rali æstimabili, prout fieri potest in tempo-
 ralibus, quæ spiritualibus antecederent con-
 nexa sunt secundum dicta *n. 600.* ut si ven-
 dat vel tribuat calicem consecratum &c. quo
 casu, si plus non accipiat, quàm illud tem-
 porale valet, nullam prorsus committit Si-
 moniam, neque ad ullam restitutionem obli-
 gari potest, ut patet ex *dictis loc. prox. cit.*

Quæres adhuc 6to, quomodo ergo abs-
 que nota Simonix, vel pœnis inde incurren-
 dis fieri possit vel debeat beneficiorum resi-
 gnatio vel permutatio?

R. Ut talis resignatio vel permutatio be- 637
 neficiorum fiat sinè labe Simonix, necessariò
 fieri debet non auctoritate legitimi Superio-
 ris. Ità ex *communi DD. Pichler in Com-
 pend. J. C. de Sim. n. 14. in fine, & Henno no-
 ster tract. in decal. disp. 1. q. 5. §. 7. conclus.*
 1. Ratio hujus petenda est ex jure *Can. cap.*
5. & 7. de rerum permut. itemque *cap. ult. de*
pactis, ubi expressè prohibentur omne pa-
 ctum privatum, & omnes conventiones pro-
 pria auctoritate factæ circa beneficia Eccle-
 siastica: prohibentur, inquam, & quidem
 velut simonix, & nullius penitus momenti:
 ergo &c. Quocirca tamen pro meliori in-
 tellectu hujus resolutionis.

Animadvertendum est primò, nómine be- 638
 neficio-

neficiorum hîc intelligi nedum beneficia Ecclesiastica, sed etiam officia spiritualia temporalibus annexa, siue sint mobilia, siue immobilia, siue perpetua, siue ad certum tempus: immò verò, teste Henno *tr. in decalog. disp. i. q. 5. §. 7. conclus. i.* veniunt omnes actiones, ad provisiones beneficiorum pertinentes, uti sunt præsentatio, electio, confirmatio, &c. unde Simoniam incurrunt, qui dicunt v. g. *Si eligendo dare velis votum Petro, ego illud dabo in proxima electione Paulo tuo cognato: si confirmes Joannem, ego præsentabo hunc tuum amicum &c.* vel, *si cesseris beneficium tenue cognato meo, ego præsentabo vel eligam fratrem tuum ad beneficium pingue &c.* Esto enim in his omnibus non interveniat Simonia juris divini, siquidem spirituale pro spirituali promittitur; Ecclesia tamen hæc omnia iustissimè prohibuit, propter occasionem & periculum Simonia in quantum de facilè adhiberi possunt in ordine ad lucrum temporale. Unde cautè legendam existimo sententiam & opinionem illorum, qui asserunt, *Electores absque Simonia nota posse tractando convenire in electionem alicujus in Generalem aut Provincialem, ut postea tales eligantur in Diffinitores, Guardianos &c.* Nam si Electores isti supponantur coincidere votando in Generalem v. g. sub onere quasi & conditione, ut ipsi eligentes vel eorum aliqui determinati vicissim eligantur in Diffinitores, planè non video, quâ
 con-

conscientia à labe Simoniaë excusari valeant: licèt in hujusmodi electionibus intervenire possint tractatus merè consultorii, quibus Electores aliud non intendunt, nisi inquisitionem in merita & majorem dignitatem Eligendorum.

Animadvertendum porrò est 2dò, nomine Superioris hic non intelligi solum Summum Pontificem, sed etiam Episcopum, immò & beneficii Collatorem, ubi consuetudo hoc introduxit. Et licèt Pius V. *an.* 1567. hanc auctoritatem summæ duntaxat Sedi reservaverit, anno tamen sequenti per motum proprium: *Quantæ Ecclesiæ &c.* videndum in *Bullario Cherub. tom. 2. constit. 58. dicti Pontificis* idipsum revocavit. Ità in re Henno *loc. cit.* Videantur de hac materia Busenbaum *lib. 4. de benefic. Ecclesiast. art. 5.* apud la Croix *eod. lib. 4. n. 884.* vel ipse la Croix *l. cit. à n. 952.* aut Leurenus *p. 3. q. 234.*

§. II.

*Proponuntur, & breviter resolvuntur
Casus practici de Simonia.*

C A S U S P R I M U S.

Titius beneficium quoddam satis pingue quadriennio & amplius possederat pacificè, quo jamjam elapso Parens (nescio qua de causa) Eidem exprobaverat ingratitude suam, tot inquires, debui facere expensas, ut hanc Parochiam adipisceretur: soli Patrono quingentos

gentos solvi florenos, ut te potiùs, quàm alium præsentaret: nihil dicam de reliquis Schmirbalibus, quæ præterea debui facere illis, quorum vel suffragio vel ope indiguisti: & tu pro tot ac tantis beneficiis ne gratum quidem erga me animum monstras. *Titius rei novitate obstupefactus illico instanter rogavit Parentem suum, quatenus similia nulli mortalium unquam manifestaret, sanctè adpromittens, se quàm proximè omnes expensas refusurum.* At paulò post multùm conseruatus venit ad Confessarium, dubitans & quærens, an hanc suam Parochiam à suo Parente inscio se sibi simoniacè procuratam tutà conscientia retinere possit, an verò illam undecum fructibus hætenus perceptis teneatur restituere?

640

R. Titius bono jubeatur esse animo, & manere in sua possessione. Ratio est: quia supponitur hoc suum beneficium jam quadriennio pacificè & bona fide possedisse: at, qui etiam per triennium duntaxat aliquod beneficium cum titulo colorato pacificè possidet bona fide, deinceps non ampliùs potest desuper molestari, per *Regulam Cancellaria 36. de trienniali* &c. uti tenent Lessius de J. & J. lib. 2. c. 35. dubitat. 25. n. 140. Palao de Simon. pu. 25. n. 3. Suarez lib. 4. de Sim. c. 57. n. 9. & alii DD. communiter ergo &c. Nec refert, quòd dicta Regula requirat, ut beneficium absque ingressu Simoniacò fuerit obtentum; quia cùm eadem regula in quantum

tum favorabilis latè, in quantum verò odiosa *strictè* sit interpretanda *arg. cap. Oidia. de R. J. in 6to*; hinc prudenter omnino asseritur, dictam clausulam solum esse intelligendam de eo, qui culpabiliter & scienter aliquod beneficium simoniacè obtinuit, aut certè ante triennium elapsum inaudiât, per alium idem beneficium simoniacè fuisse expiaticatum; non verò de illo, qui Simonia alterius penitus ignarus, beneficium obtentum bona fide per triennium pacificè jamjam possedit. Videatur Reiffenstuel *lib. 5. decret. tit. 3. §. 11. n. 278.*

At, quid ais, si Titius à suo Parente ante elapsum triennium pacificæ possessionis jam intellexisset, suum beneficium præfato modò simoniacè fuisse obtentum;

R. Hòc supposito fuisset obligatus post adeptam, hujusmodi noticiam beneficium dimittere, fructusque inde perceptos restituere. Ità *unanimis & certa DD. sententia.* Ratio patet ex hætenus dictis; omnis quippe provisio simoniacè facta irrita est, & nulla, veluti clarè habetur decisum *c. Nobis fuit. 27. &c. sicut tuis. 33. de Simonia*, ubi dicitur: *Secundùm canonum statuta etiam parvuli, qui cupiditate Parentum Ecclesias per pecuniam sunt adepti, eas dimittere tenentur*: neque aliunde hic supponitur occurrere causa eximens ab hoc onere, sicut respectu Titii nostri intervenit possessio bonæ fidei per triennium continuata: ergo &c.

Dices

Dices adhuc: quid igitur Consilii capessendum foret, casu quo talis Beneficiarius ante elapsum triennium certò resciret, in provisione sui ad beneficium fuisse commissam Simoniam?

642

℞. Recurrendum necessariò foret vel ad summum Pontificem, vel certè ad Episcopum, qui probabiliter dispensare potest cum tali, qui beneficium suum bona fide adiit, esto ad illud pervenerit per simoniacam procuracionem tertii v. g. Parentis &c. modò tamen priùs renuntiet suo beneficio. Ità Pontas *in dictionar. Casuum V. Simonia, Cas. 38.* post sanctum Thomam 2. 2. q. 100. art. 6. *ad 7^{um}*, ubi ait sanctus Doctor: *Dispensare cum eo, qui est beneficiatur simoniace scienter, solus Papa potest: in aliis autem casibus potest etiam Episcopus dispensare; ità tamen, quòd priùs abrenuntiet, quod Simoniacè acquisivit, & tum dispensationem consequatur.* Idipsum satis clarè statuitur *c. si alicujus. 59. de Elect.* nec non *in Concil. Trident. SS. 24. de Reform. cap. 6.* Neque in tali casu abrenuntiatio iungitur in pœnam peccati, sed potiùs est effectus acquisitionis injustæ, & ex jure irritæ, veluti docet idem S. Doctor *loco. cit. ad 3^{um}.*

CASUS SECUNDUS.

Sempronius quandam Parochiam simoniacè sibi procuravit: facti pœnitens totum casum velut occultum Consiliò & opera Confessarii

sarii sui Romam ad S. Pœnitentiariam transcripsit; humillimè supplicans pro absolutione à censuris, & liberatione ab aliis pœnis propterea incurfis. Major Pœnitentiarius eidem Confessario rescripsit, ut Oratorem à censuris absolveret, ac in reliquis pœnis cum eodem misericorditer pro foro conscientiae dispensaret, sed cum onere, ut 1. intra annum liberè dimittat hoc beneficium. 2. ut insuper fructus hactenus perceptos ex eodem beneficio intra ejusdem anni lapsum restituat, secus in easdem pœnas relapsurus. Sempronius ut mandatis Ecclesiae moram gereret, intra ejusdem anni lapsum Parochiam suam dimiserat, ast, sub schemate permutationis, ne scilicet ullatenus sese suspectum redderet de admissò crimine Simoniae: fructus tamen beneficii ne quidem intra ejusdem anni lapsum restituit; partim quia praeviderat, hanc restitutionem sinè nota, vel omnimodo manifestatione commissi criminis vix, aut ne vix quidem sibi fore possibilem: partim insuper, quia pecuniis ex iisdem fructibus collectis opus habuit ad alios sumptus faciendos, licèt cæteroquin nunquam non habuerit animum restituendi eosdem fructus, quàm primum moraliter potuerit. Jam verò dubitat idem Sempronius 1. an satisfecerit primæ conditioni seu oneri sibi injuncto, dimittendo suum beneficium sub schemate permutationis? 2. dō. An non reincident in easdem censuras & pœnas, ed quòd intra anni lapsum non restituerit fructus? Quid Confessarius sciscitanti respondebit?

R. P. Elbel, Pars II. de Fide Ec. Y Y R. ad

643 R. ad primum quæsitum. Sempronius satisfecit primæ conditioni, esto sub schemate permutationis dimiserit suam Parochiam. Ratio est : quia à S. Pœnitentiaria liberè dimitterè censetur, qui illud dimittit non compulsus necessitate externa per sententiam scilicet Judicis, licèt dimittens jam priùs in conscientia fuerit obligatus : sic enim secundùm jura jubetur liberè dimittere primum beneficium, qui aliud cum priori incompatible obtinuit, & re vera censetur illud prius liberè dimittere, dum illud velut incompatible cum priori & vacans ipso jure *per c. 28. & Extravag. Execrabilis. Joann. 22. de præbend. nec non per Trident. SS. 7. c. 4. de Reform.* non expectata jussione vel compulsiva sententia Judicis aut Superioris Ecclesiastici illud dimittit ac cedit alteri : atqui Sempronius supponitur illud prius dimisisse ante omnem sententiam compulsivam Judicis Ecclesiastici : ergo huic conditioni satisfecit, præsertim cùm nec à Jure communi, neque etiam à sacra Pœnitentiaria unquam fuerit prohibitus quærere aliud beneficium licitò & honesto modo. Neque verò præsumendum est, quòd Major Pœnitentiarius voluerit Eum obligare ad dimissionem beneficii absque ullo prorsus schemate vel pallio, quò commissum crimen Simonix quodammodo obtegeret, sed potiùs illud dimittendo se ipsum non sinè scandalo ac famæ vel honoris proprii prostitutione diffamaret : non, inquam hoc præsu-

præsumendum est de benignitate S. Matris Ecclesiæ, præsertim cùm pro foro interno duntaxat fuerit postulatum remedium : in quo utique talia præscribi solent ac debent ; è quibus pœnitens publicè non confundatur aut prostituatur.

¶. jam ad 2dum. Sempronium non reincidentisse in easdem censuras & pœnas, eò quòd 644 intra anni lapsum non restituerit. Ratio est : tum quia in primis dubitari posset, an restitutio fructuum à S. Pœnitentiaria fuerit Sempronio præcepta sub pœna reincidentiæ, si intra annum non restitueret illos : nam supponi posset, quòd S. Pœnitentiaria voluerit obligare ad horum restitutionem secundùm communem stylum Juris : at, de jure non constat, quòd fructus simoniacè percepti sint sub pœna reincidentiæ restituendi intra añum. Tum præsertim, quia tametsi supponatur hoc fuisse demandatum à S. Pœnitentiaria, minimè tamen intelligendum est, quòd easdem pœnas deberet reincidente ob dilationem restitutionis etiam inculpabilem, aut certè graviter non culpabilem : atqui Sempronius differendo hanc restitutionem non commisit culpam gravem ; partim quia rationabiliter timuit periculum diffamationis, ut dicitur ; partim etiam quia eadem pecunia necessario indiguit ad alios sumptus, proptereaque non imprudenter credidit, illud mandatum Ecclesiæ non urgere cum tantis difficultatibus. Adde insuper, illam obligationem *restituenda intra an-*

num velut odiosam, esse strictè interpretandam, ideòque intelligendam non à die commissæ Simonix, neque etiam à die datæ, id est, concessæ Facultatis absolvendi in curia Romana, sed potius à die intimatæ hujus obligationis per Confessarium delegatum; nam mandata Ecclesiæ, sicut & leges supponunt necessario intimationem, quâ supposita primùm incipiunt obligare, juxta communem DD. præsertim in Schola Scotistica: ergo ex hoc etiam titulo Sempronius excusari posset, si supponatur, quod à die intimatæ obligationis & absolutionis nondum fuerit elapsus integer annus.

Dices. Demus igitur, Sempronium, vel alium quemcunque Clericum ob non servatam conditionem in Rescripto S. Pœnitentiariæ contentam denuo reincidisse in easdem censuras, quis illum velut relapsum absolvet aut liberabit à pœnis?

- 645 R. A peccato, & excommunicatione, quamdiu delictum Simonix supponitur occultum, potest absolvi nedum ab Episcopo, verùm etiam à quolibet Confessario Mendicantium, utpotè præditis potestate absolvendi à casibus summo Pontifici reservatis. Ità *ex communi Doctorum Suarez lib. 4. de Simon. c. 61.* Item Castropalao *de Simon. punct. fin. n. 2.* At verò quantum ad pœnam inhabilitatis in ordine ad obtinendum idem beneficium probabilius non solum à nullo Mendicantium, sed nè quidem ab Episcopo dispensari potest juxta opinionem Palao *de Sim. pu. ult. n. 3.* Pirrhing.
de

de *Sim. n. 173. Lessii l. 2. c. 35. dubit. 25. n. 140.* & communio rem aliorum : quia Episcopus in lege Superioris per se loquendo dispensare non valet, nisi id Eidem specialiter demandetur, aut concedatur : at, de tali concessione nihil constat, nequidem ex Concilio Trid. quandoquidem hæc inhabilitas ad idem beneficium primùm post Concilium Tridentinum fuerit introducta : ergo &c. Oppositum tamen nedum Lessius & Palao *cit. n. 4.* sed insuper Henriquez, Krimer, & alii censent hodiedum probabile. Illud nihilominus certum mihi videtur, hujusmodi Clericum simoniacum semper manere obligatum ad restituendos fructus ex beneficio perceptos, quippe quos ex dispositione juris nec fecit, nec unquam facere potuit suos. Videatur Reiffenstuel *lib. 5. decret. tit. 3. §. 14. n. 338. & seqq.*

At, inquires, quosnam igitur fructus tenetur Sempronius restituere ?

¶ Fructus vi beneficii simoniacè obtenti 646 perceptos, id est, illos omnes, ac solos, quos ex beneficio percepit, non autem tenetur restituere fructus illos, quos percepit intuitu laborum aut functionum Parochialium, utputa ratione concionum, administrationis Sacramentorum, vel exequiarum &c. & quidquid demum intuitu stolæ, uti vocant, obtinuit. Ratio est : quia hujusmodi fructus aut proventus non penduntur Clerico velut fructus aut redditus ipsius beneficii, sed velut stipendia alicujus officii Clericalis, propterea que

hujusmodi fructus annumerari solent bonis quasi patrimonialibus Clericorum, ità, ut juxta receptissimam Doctorum sententiam, videndam apud Busenbaum & la Croix *lib. 4. n. 1355.* à Clericis possint liberè expendi in profanos usus. 2dò. Neque tenetur restituere fructus ex beneficio perceptos post absolutio- nem à S. Pœnitentiaria impetratam; cum enim ab hac Eidem fuerit indultum aliquod tempus permanentiæ (non enim *immediate* sed *intra annum* jussus fuit dimittere benefi- cium simoniacè obtentum) pariter censi de- bet indultum, ut interea fructus ex eodem beneficio redundantes percipere valeat. In- super 3. aliqui DD. volunt, quòd talis non te- neatur restituere fructus illos, quibus neces- sariò indiguit ad suam sustentationem eo tempore, quò simoniacè possedit suum bene- ficium; verùm hæc opinio ab aliis meritò re- putatur non satis probabilis, neque satis tuta; quandoquidem Sacri Canones *suprà n. 627.* allegati absolutè dicant, quòd Simoniacus fructus beneficii *non faciat suos.* Secus dicen- dum foret de illo, qui beneficium bonâ fide possedit, proptereaqué & bonâ fide fructus consumpsit, nec inde factus fuit ditior; quia talis possessor non tenetur ampliùs ad ullam restitutionem juxta *communem Doctorum,* quam tradidimus *de Restitut. Conferent. 2da n. 31.* itémque à *n. 51.*

CASUS TERTIUS.

Cajus Parochus ætate grandævus & plenus meri-

meritis, statuit tandem suo ex fratre Nepoti (à quo jam pridem fuerat precibus sollicitatus) resignare suum beneficium, sed cum certis conditionibus & oneribus, scilicet primò, ut idem Nepos quoad dies vitæ præberet sibi sustentationem congruam, & 2. insuper ut annuatim sibi ex beneficio rependeret 100. taleros: hoc ubi nepos sanctè adpromisit, Cajus in manus Episcopi Parochiam suam liberè & gratis (uti asseveraverat vel veriùs loquendo finxerat) resignavit, una tamen simul humillimè supplicando, quatenus Episcopus eandem Parochiam suo ex fratre Nepoti, velut homini capacissimo & aliunde bene merito Parochianisque gratissimo conferret; quod Episcopus tum intuitu meritorum à Cajo collectorum, tum etiam intuitu Nepotis velut hominis insigniter talentati præstitit, nihil tamen prorsus sciens, imò nequidem somnians de pacto, quò Cajus & Nepos priùs inter se convenerant. Jam ad banc facti speciem quæritur primò, an Cajus revera commiserit Simoniam? 2dò Quid de valore hujus resignationis vel collationis tenendum?

R. Ad primum quæsitum, Cajum commississe Simoniam, probabiliùs tamen non contra jus divinum (utì vult Henno) sed contra jus humanum duntaxat. Ratio est: quia jus ad pensionem annuam, seu, quod idem est, ad percipiendos certos fructus ex alieno beneficio (puta præter sustentationem 100. taleros in nostro casu) esto de se sit aliquid temporale, est tamen hodie auctoritate Ecclesiæ

aliquid suo modo spiritualizatum, velut *consequentè annexum* spirituali, scilicet beneficio Ecclesiastico: ergo non fuit datum spirituale pro temporali, sed potius spirituale pro spirituali. Et certè, si in hoc casu intervenire Simonia juris divini, ne quidem Summus Pontifex dispensare posset, ut licitè fieret huiusmodi resignatio sub conditione seu onere annuæ pensionis: at, hoc est contra omnes: ergo probabilius in hoc casu non intercedit Simonia juris divini: quòd autem Simonia juris humani interveniat, nemo inficias ibit, ni fallor: enimverò *cap. ult. de pactis, & cap. 5. de Rev. permut.* expressè velut *simoniacæ* interdicuntur omnes conventiones privatæ circa beneficia Ecclesiastica, aut præbendas, &c. Videatur Filliuccius *tr. 42. c. 9. n. 3.* vel Bassæus *v. Pensio. n. 9.* aut Reiffenstuel *l. 5. decret. tit. 3. §. 8. n. 151.*

Nec dici valet, quòd in hoc casu nullum interveniat pactum simoniacum, sed quod Cajus duntaxat suum beneficium, è quo annuatim v. g. mille florenos perceperat, resignaverit suo Nepoti, reservato sibi jure ad 100. taleros ex eodem beneficio annuatim percipiendos, &c.

648

Contra enim est, quòd jus ad percipiendos fructus sit inseparabile à beneficio in tantum, ut non, nisi auctoritate Summi Pontificis vel Episcopi in certis circumstantiis, minimè verò auctoritate privata paciscentium separari valeat ab illo: ergo Cajus volens resignare bene.

beneficium, debuit pariter resignare jus ad percipiendos ex eo fructus, ità, ut siquidem aliquid sibi reservet ignorante vel dissentiente Resignatario, dici mereatur fur: sin autem aliquid sibi reservet auctoritate privata ipso etiam consentiente, dici debeat Simoniacus, ob rationes proximè allegatas, uti benè ait Henno *Tract. in decal. d. 1. q. 1. §. 7. Concl. 4.*

R. Jam ad alterum quesitum, hanc resignationem fuisse nullam & invalidam. Ita Filiucius *loc. prox. cit. c. 9. n. 16.* Idipsum tenet la Croix *l. 4. n. 958.* ubi ait, resignantem propria auctoritate sub præfata conditione pensionis (sicut reipsa Cajus sub hac conditione non auctoritate Episcopi, sed propria resignavit) præter nullitatem resignationis insuper amitteret titulum; & pro eadem opinione allegat Rotam, Rebuffium, Garziam & alios. Ratio autem est: quia secundum dicta hæc resignatio fuit simoniaca, & quidem non merè pensionalis, sed & beneficalis, utpote in qua non de solo jure pensionis, sed etiam de beneficio transferendo actum fuit: ergo juxta *communem DD.* videndam apud Bassæum *loc. cit.* & Filiucium *cit. c. 9. n. 7.* post se trahit pœnas Simoniacorum: atqui inter reliquas Simoniacorum pœnas etiam numeratur nullitas actûs, & inhabilitas ad idem saltem beneficium obtinendum: ergo hæc resignatio nulla fuit. Similiter nulla fuit collatio facta ad Episcopo, utpote facta subjecto de jure incapaci & inhabili, juxta hætenus dicta, præsertim *n. 627.*

Profectò neque præsumendum est, quòd Episcopus unquam intenderit tali conferre Parochiam tam pinguem.

§. III.

Corollaria ex dictis inferenda.

- 650 **C**olliges hætenus dictis primò, Eum, qui beneficium simoniacè obtinuit, aut omnino sive per se sive per alium quempiam procuravit, illud retinere non posse tutâ conscientia, sed teneri ante omnem sententiam Judicis nedum ipsum beneficium, sed etiam fructus inde perceptos (in sensu jam explicato *n. 646.*) restituere. Ratio liquet ex dictis: quia talis de jure nec in ipsum beneficium, neque etiam in fructus inde reduntantes unquam obtinuit jus, quin potius ad illud obtinendum perpetuam inhabilitatem incurrit secundum dicta. *n. 627.* Idque verum est, tametsi Simonia supponatur occultissimè commissâ, itâ, ut de hac nemini præter quam Deo & soli delinquenti, vel fortassis complici etiam constet. Nihilominus beneficia priùs ritè obtenta tutâ conscientia retinere potest, & insuper alia justò titulo acquirere, fructusque illorum percipere valet, donec Simonia nuper commissâ publicè innotescat, & ad forum contentiosum deducatur, ac proin per sententiam condemnatoriam vel declarativam Judicis aliud statuatur. Itâ Reiffenstuel *lib. 5. decret. tit. 3. §. 11. n. 271.* Ex quibus ulterius.
- 651 Colliges 2dò, quàm sapienter & meritò
idem

idem R. P. Reiffenstuel §. 12. n. 294. scribat
 „ sequentia : videant igitur, suâque con-
 „ scientiam examinent illi, qui beneficium
 „ aliquod contulerunt vel resignârunt, vel ad
 „ illud præsentârunt, elegerunt, aut postulâ-
 „ runt, recommendârunt &c. An propterea
 „ simoniacè exegerint vel receperint tempo-
 „ ralia ; & si quis reum se invenit, illico resti-
 „ tutionem facere non omittat : secus enim in
 „ continuo statu disgratiæ & æternæ damna-
 „ tionis periculo versabitur nisi aliquem ha-
 „ beat titulum à restitutione excusantem,
 „ qualis certè non est risus & contemptus hu-
 „ jus tam certæ doctrinæ, nec crassa vel affe-
 „ ctata ignorantia, multò minùs stolidi per-
 „ tinacia, quâ nonnulli vermem conscientiæ
 „ sopire cupientes, vel nolentes intelligere,
 „ ut bene agant, mentem & aures à rationi-
 „ bus doctrinæ sibi contrariæ avertunt, ac
 „ simpliciter, & sinè ullo fundamento dicunt :
 „ *non credo : non teneor credere &c.* Tales,
 „ utinam non in æternum sentire cogerentur,
 „ quod modò credere nolunt. Hactenus vix
 non in ter. minis laudatus Doctor.

Dices fortassis : pro meo beneficio mihi
 impetrando tertius quidam nedum verbo,
 sed opere etiam, immò auro & argento labo-
 ravit, ast, me invito & contradicente : te-
 neornè illud dimittere, an verò fas mihi est
 illud protinus retinere?

R. Si scivisti, illud beneficium stante 652
 etiam, & non obstante tua contradictione,
 tibi

tibi fuisse simoniacè procuratum, probabiliùs neque acceptare licuit, neque etiam retinere; hòc quippe modo videreris quodammodo rati habere, & approbare Simoniam commissam. At verò, si simoniacæ procurationi contradicendo te opposuisti & nihilominus te ignorante beneficium simoniacè fuit ex practicum, tu velut immunis à culpa, pariter eris immunis ab omni pœna, ità, ut tutò possis illud retinere. Ità *communis Doctorem* sententia, satis declarata *cap. sicut tuis. 33. de simon.* sequentibus omnino verbis: *Quoniam ex eo, quòd contra prohibitionem & voluntatem tuam à qua post modum minimè recessisti, aliquis te penitus ignorante promisit pecuniam & exsolvit, nihil tibi debet ad pœnam, vel ad culpam imputari.* Videatur de hoc Lessius *lib. 2. de J. & J. c. 35. dubit. 25. n. 143.*

653

Quod verò mox dictum fuit de contradicente simul & ignorante, suum beneficium re ipsa per tertium simoniacè sibi fuisse impetratum, id ipsum à fortiori dicendum foret, casu quo alius quidam in fraudem quasi, eo scilicet sine, ut hòc modo te ab assécutione beneficii impediret, dedisset pro eodem beneficio, non aliter, quàm simoniacè impetrando, pecuniam. Nam in hoc casu provisio beneficii valida foret, & provisos licitè illud retineret, esto ex postfacto resciret, Simoniam ab alio fuisse commissam, prout clare statuitur *cap. Nobis fuit. 27. de Simon.* idque omnino sapienter; *quia non est indulgen-*
dum

dum malitiis hominum; & non debet aliquis alterius odio prægravari. cap. Non debet 22. de R. J. in 6to. Ità communis & certa sententia DD.

Colliges 3tò, causas & titulos, qui excu- 654
sant à culpâ simoniæ, pariter excusare à pœ-
nis in simoniacos latis de jure. Unde qui tem-
porale dant pro spirituali vel vicissim, sed
omnino gratis sinè ullo explicito vel implici-
to pacto &c. vel qui aliquid rependunt præci-
sè ex gratitudine ad satisfaciendum obligatio-
ni antidorali &c. à pœnis simoniacorum exi-
mendi sunt. Ratio est: quia ubi nulla præ-
cessit culpâ, ibi nulla infligi debet pœna;
nam: *sinè culpa, nisi causa subsit, non est ali-*
quis puniendus, ut dicitur cap. sinè culpâ. 23.
de R. J. in 6to. atqui in casibus mox recensitis
nulla committitur culpa: ergo &c.

Colliges insuper 4tò, neque illos subji- 655
ciendos esse simoniacorum pœnis, qui reve-
ra Simoniam committunt, sed ex ignorantia
invincibili & inculpabili (qualis meò quidem
judicio revera frequenter committitur à com-
muni plebe, vel à Simplicioribus circa res
spirituales) esto fortassis non ità frequenter
à Clericis circa beneficia spiritualia, vel offi-
cia Ecclesiastica.

Ratio autem hujus resolutionis est eadem,
quæ proximè fuit data; ubi enim intervenit
ignorantia invincibilis, ibi culpa locum non
habet secundum communissimam Doctorum,
insinuatam *de actibus hum. part. 2. Confer. 2.*

n. 38. at, ubi culpa locum non habet, ibi nec poena, secundum proximè dicta: ergo ignorantia inculpabilis, seu invincibilis excusat à poenis Simoniae.

Bene est, inquires fortassis: Ego simoniacè obtinui meum beneficium, procurando illud per pecunias, ast non scivi, in hoc casu Simoniam committi, quin potius persuasum mihi habui, modernam praxin id ferre: ergo possum illud protinus salvâ conscientia retinere ac possidere.

656 R. *Transmisso antecedente.* Cujus suppositum foret pessimum, *neg. conseq.* Enimverò nullitas provisionis & inhabilitas ad idem beneficium non sunt poenae, sed statuuntur per SS. Canones in detestationem criminis ad præcludenda majora mala, ne scilicet ad hujusmodi beneficia quærat aditus etiam ab indignis, quos non capacitas, non merita, nec animarum zelus, sed mammona iniquitatis, vel etiam iniquitas Mammonis, id est, divitiarum promoveret. Illud tamen solatii causâ tibi insinuaverim, quòd si revera ex invincibili ignorantia simoniacæ labis hoc attentaveris, & post agnitum errorem beneficio obtento renuntiaveris, ab Episcopo probabiliter dispensari valeas & habilitari ad idem beneficium, secundum dicta superius n. 642. Num autem Episcopus sit dispensaturus, tu videris.

657 Dixi insuper eos, qui ex ignorantia invincibili & inculpabili Simoniam committunt, esse

esse eximendos à pœnis &c. Major quippe controversia movetur inter Doctores, an etiam illi, qui scienter, vel certè cum dubio practico, & hœc ipso culpabiliter Simoniam committunt, & solum ignorant pœnas à jure statutas, an inquam, tales nihilominus incurrant pœnas Simoniacorum?

Quocirca omnes quidem Doctores fatentur, ab iis non incurrì censuras, utpote latas in contumaces duntaxat: tales verò contumaces dici nequeunt: ergo &c. At verò reliquas pœnas Simoniacorum etiamnum à talibus incurrì, communissima sanè & probabilissima fert sententia Doctorum, videnda apud Azorium *part. 1. l. 1. c. 15. q. 1. & 2.* Herinex noster *part. 2. tr. 10. disp. 5. p. 3. n. 28. & 29.* Laymann *l. 1. tr. 4. c. 20. n. 6.* & alios passim.

Ratio hujus est: quia ignorantia solius pœnæ non excusat à culpa, quæ est causà inductiva pœnæ, immò verò, quisquis scienter aliquam legem prævaricatur, ipso facto sese implicitè saltem censetur subijcere pœnis à jure statutis in prævaricatores, propterea quæ Deus, licèt misericors & justissimus, nihilominus in inferno affligit diversis pœnarum generibus peccatores, estò peccantes ignoraverint, se hoc vel illud pœnarum genus incursum: ergo pariter Simoniaci scienter & culpabiliter tales, condebitis & statutis à jure pœnis afficiendi sunt, quantumvis supponantur illas ignorasse.

Histamen non obstantibus R. P. Pichler in 658

com-

compend. J. Can. jam sæpiùs cit. lib. 5. tit. 3. n. 22. hodie dum probabile existimat, ab iis, qui solas etiam pœnas Simonix ignorarunt, eas non incurri; eò quòd pœnæ à jure statutæ non incurrantur ab ignorantibus jus, veluti DD. communiter tradunt, nominatim Krimmer, & Sanchez, videndi apud eundem Pichler l. 4. *Compend. tit. 7. n. 4.* Et hanc ob causam mulier ignorans virum, cum quo peccat, esse conjugatum, non incurrit impedimentum criminis &c. Non ausim huic opinioni suam denegare probabilitatem, propterea quæ infinuandam duxi; quippe quæ fortassis Confessario aliquando posset servire; præsertim in casu, ubi ex parte pœnitentis animadverteret magnam difficultatem, & inde subsequendum animæ periculum, casu quo ad sectandam priorem opinionem, quam ego nedum tutiorem (ut de se liquet) sed & longè probabiliorem censeo, adigeretur. Et hæc tum in primum Decalogi præceptum, tum etiam de Fide, Spe, & Charitate dicta velim, non tam dogmatizando, quàm subjiciendo, ea, quæ par est, cum humilitate judicio sanctæ Matris Ecclesiæ Romanæ. Faxit benignissimus Deus, ut, dum hæc legendo revolvimus, in nobis jugiter augeatur Fides, firmetur Spes, & inflammetur Charitas ad animarum salutem & majorem gloriam illius, qui omnium actionum nostrarum esse debet scopus & ultimus.

F I N I S.

INDEX



INDEX ALPHABETICUS

Rerum & Materiarum in hoc opusculo
contentarum.

*NB. Littera C. Conferentiam, n. verò cum
cifra numerum marginalem denotat.*

Absolvere ab excommunicatione & aliis pœ-
nis hæreticorum, quinam valeant c. 5.
n. 144. Quid sit Absolutio in foro in & exter-
no, & quæ differentia inter Absolutionem in
foro Sacramentali, & non Sacramentali. Ibi-
dem n. 145. An ab his pœnis Episcopi Germa-
niæ valeant absolvere ibid. n. 146. Et quid nam
circa hoc valeant Prælati Regulares respectu
suorum subditorum, aliique Confessarii privi-
legiati c. 5. n. 149. & seqq. An vel à quonam
absolvi valeant relapsi in hæresin ib. n. 159. An
fas sit negare absolutionem illi, qui de hæresi
est suspectus n. 160. An hæretici materiales
tantum ad Fidem Catholicam conversi possint
vel debeant absolvi c. 5. n. 165. An quisvis
Confessarius in Germania absolvere valeat
hæreticos etiam formales ad gremium S. Ma-
tris Ecclesiæ revertentes. c. 5. n. 166. & seqq.

Absolvere à censuris & pœnis ob simoniam
incurfis, quinam valeant. c. 20. n. 631. item
num. 645.

Adoratio, quid sit, & quotuplex c. 14. n. 422.

R. P. Elbel, Pars II. de Fide &c.

Z z &

& 423. Qualis adoratio debeatur Deo, Christo, SS. Eucharistiæ Sacramento, Humanitati Christi, B. Virgini, & reliquis Sanctis, nec non Sanctorum Imaginibus & Reliquiis c. 14. n. 424. & seqq. Qualis cultus exhiberi possit singularibus Dei amicis nondum canonizatis. ibidem. n. 441. Qualis cultus SS. Cruci, aut Sanguini Christi exhibendus c. 14. n. 447. & seqq.

Actus misericordiæ, qui & quot dentur. c. 9. n. 268. & 269.

Apostasia quid sit, & quotuplex. c. 3. n. 86. Quas pœnas incurrant Apostatæ à fide. ibid. n. 153. Et quasnam incurrunt Apostatæ à Religione. ibid. n. 153. A quonam hi absolvi possint vel debeant c. 3. n. 155.

Ars Cabalistica, an licitè exerceatur. c. 16. num. 502.

Artificialium usus, in ordine ad procurandos effectus extraordinarios, an permittendus. c. 16. n. 518.

Astrologia judiciaria quid, & an toleranda c. 16. n. 486.

Attentio quid sit, & quotuplex, & quænam necessaria ad veram orationem. c. 13. n. 418.

Beneficia Ecclesiastica, quomodo sinè nota simoniæ impetrari possint vel debeant. c. 19. n. 605. Quomodo absque nota simoniæ fieri possit vel debeat beneficiorum resignatio. c. 20. n. 637. Quid nomine beneficiorum Ecclesiasticorum in puncto simoniæ intelligatur. ibid. n. 638. Quinam veniant nomine Superiorum,

riorum, quorum auctoritate talis resignatio fieri debet. c. 20. n. 639.

Biblia Sacra legentes, an, vel quinquam peccent. c. 4. n. 136.

Bona temporalia, quot modis sint annexa spiritualibus. c. 19. n. 598.

Bonorum triplex genus distinguitur in ordine ad regulandam charitatem. c. 7. n. 209. 211. & 230. Alia bona dicuntur necessaria ad naturam vel statum, & alia superflua: & quænam illa? c. 9. n. 275.

Charitas Theologica quid? c. 7. n. 199. Quotuplex? ibid. 200, quid amor intensivè, & quid appretiativè summus. c. 7. num. 201. Quomodo teneamur diligere Deum super omnia, ibid. n. 202. quoties, & quando hoc præceptum per se obliget. n. 203. & 204. An huic satisfieri possit per actum implicitum & virtuales amoris. c. 7. n. 205. Quomodo Rudiores ad actum supernaturalem charitatis practicè excitari possint vel debeant. ibid. n. 206. Quomodo teneamur diligere proximum, & quisnam nomine proximi intelligendus sit. c. 7. n. 208. Qualis ordo charitatis sit observandus tum respectu diversorum bonorum, tum etiam diversarum necessitatum. ibid. à n. 210. Quomodo, vel quando teneamur succurrere proximo in necessitate spirituali constituto ibid. n. 213. item n. 219. 222. & seqq. rursus n. 228. Quam ob causam charitas habitualis seu gratia sanctificans perdat. ibid. n. 214. An vel quomodo contra charitatem peccet,

Index Alphabeticus

cet, qui proximum innocentem vita privat, ut sibi paret mortem c. 7. à num. 215. Contra charitatem Dei quomodo peccari possit. c. 7. n. 226. Qualis ordo dilectionis servandus inter ipsos proximos, nec non inter bona naturalia, & supernaturalia. ibid. n. 230. & 231. Contra ordinem charitatis agitur, præferendo creaturas irrationales rationalibus c. 7. num. 232.

Charitatis signa alia dicuntur communia seu generalia, alia specialia c. 8. n. 234. Quænam ex his etiam inimicis sint exhibenda. ibid. n. 235. & seqq. An fas sit negare veniam proximo deprecanti ibid. n. 251. An insuper teneamur proximum diligere actu interno. c. 8. num. 243.

Chirurgus, an teneatur gratis succurrere, aut mederi pauperibus. c. 9. n. 293.

Communicatio fidelium cum infidelibus, quæ, vel quando aut in quibus circumstantiis sit licita. c. 4. n. 105. Quænam sit cum Judæis permixta ibid. n. 107. Quænam cum hæreticis. c. 4. n. 108. & seqq.

Concionator volens è suggestu corrigere populum quidnam observare debeat. c. 10. n. 320.

Contentio quid sit, & quale peccatum. c. 11. n. 339. & 340.

Controversiæ hisce temporibus ab hæreticis excitari solitæ, an à fidelibus licitè legantur. c. 4. n. 133.

Conversis ad veram fidem, an debita sit sustentatio ex hac ipsa causa. c. 9. n. 290.

Coop-

Cooperari ad peccatum alterius, an, vel quando fas sit. c. 12. n. 361. 369. item n. 384. & seqq. An ex metu mortis liceat adjuvare furem vellatronem in asportanda cista furtiva. c. 12. n. 386. An vel quando fas sit proximo præbere ansam, vel etiam materiam peccandi. c. 12. n. 387. & 388.

Correctio fraterna quid & quomodo cadat sub præceptum c. 20. n. 296. 297. & 315. Utrum hoc præceptum æqualiter obliget Superiores & subditos. ibid. n. 299. item n. 309. & seqq. Qualis modus observari debeat circa correctionem fraternam, ib. n. 300. An etiam Superiores Religiosorum, vel alii Religiosi teneantur servare ordinem corrigendi à Christo Domino præscriptum, c. 10. n. 302. item n. 313. & 317. Utrum ancilla Dominam, Uxor Maritum &c. teneantur fraternè corrigere ibid. à n. 310. An subditus teneatur supplere fraternam correctionem, casu quo advertit eam à Superiore non adhiberi &c. n. 319. An hoc præceptum obliget in casu, ubi de delicto certò non constat, vel non apparet certa spes emendationis C. 10. n. 321. & 322.

Cultus patriæ, Hyperdulix & Dulix, quid sint. C. 14. n. 423. Qualis cultus debeat Deo, Christo, SS. Eucharistiæ Sacramento, Humanitati Christi, Sanctissimo Nomini Jesu, B. Virgini, Sanctis, Sanctorumque Reliquiis & imaginibus. c. 14. n. 424. & seqq. Qualis cultus debeat hominibus in fama Sanctitatis defunctis, nondum tamen beatificatis

aut canonizatis. *ibid.* 441. & seqq. Qualis cultus S. Cruci Christi. n. 447. Quid si locò veræ exponatur falsa seu suppositia Crucis particula, aut apocryphæ Sanctorum Reliquiæ. c. 14. n. 446. Quomodo colendus sit Sacratissimus Christi Sanguis, hinc inde in diversis Ecclesiis reservatus. *ibid.* n. 448. Quid de Reliquiis Sanctorum nondum approbatis, vel ab Ecclesia recognitis, c. 14. n. 449. & seqq. Qualis cultus debeatur ceris Papalibus. *ibid.* n. 453.

Cyngaros consulere, eorumvè divinationibus se accommodare, an liceat. c. 16. n. 511.

D*æmon* ex Energumenis, an licitè consulatur, & quid de ejus responsis tenendum sit. c. 15. n. 479. & 480.

Desperatio quid sit. c. 6. n. 180. Quid tenendum de illis, qui ideò liberius peccant, eò quòd credant se certò certius damnatum iri, vel qui dicunt, se non ampliùs posse ab hoc vel illo vicio abstinere. c. 6. à n. 182. Quid de eo, qui desperat de sanitate, propterque non ampliùs vult sumere medicinam. c. 6. n. 185. Vel qui ideò faciliùs consentiunt in peccatum, eò quòd sibi persuadent, pœnitentiam à Confessario propterea parum, vel nihil omnino augmentatum iri. c. 6. n. 187. Quomodo peccet, qui ex desperatione alium provocat ad duellum. c. 6. n. 188. Quomodo hujusmodi homines desperabundi à Confessario sint tractandi. *ib.* n. 191. Quomodo ad actum spei adjuvandi aut exigendi. *ib.* n. 193. An licitè desperaret ille, qui ex certa revelatione scit se damna-

damnatum iri. c. 6. n. 198. An detur parvitas
materiæ in peccato desperationis. ibi. n. 197.

Devotio quid sit, c. 13. n. 394. Quænam
principaliter devotionem impedian. ibidem
n. 415.

Discordia quid sit, & quale peccatum. c. 11.
n. 336. & 337.

Dispensare in irregularitate ob hæresin in-
curſa, quinam valeant. c. 5. n. 151. Et qui-
nam valeant dispensare in pœna inhabilitatis
&c. ob simoniam incurſa. c. 20. n. 631.

Dissimulare fidem, an, vel quando liceat?
Et quænam sit differentia inter dissimulatio-
nem & negationem fidei. c. 3. n. 49. & 50.
item n. 64. 67. ac seqq.

Distractio inter orandum, an, vel quan-
do sint peccaminosæ. c. 13. n. 419. & 420.

Divinatio quid sit, & quotuplex. c. 16. n.
481. Quot dentur species divinationis cum
pacto expreſſo, & quot cum pacto implicito
ibid. n. 483. & 484. Quale & quàm grave pec-
catum sit divinatio. ibid. n. 485. Quid tenen-
dum de divinationibus ex Astrologia, Physio-
gnomia, Somniis, aut sortibus petita. c. 16. à
n. 486. Quid de divinatione ex arte Cabalisti-
ca tenendum. ibid. à n. 502. Quid de divina-
tionibus ex inspectionibus aquarum, specu-
lorum &c. ibid. n. 505. & seqq. Quid denique
de divinatione, vel etiam consultatione Cyn-
garorum tenendum sit? c. 16. n. 511.

Divites, an, vel quando teneantur dare
eleemosynam. c. 9. n. 275. item. n. 292.

Dubitans de aliqua veritate fidei, an habendus sit pro hæretico. c. 3. n. 85.

Dulia quid sit? c. 14. n. 423. Vide *Cultus Dulce*.

Eleemosyna quid sit, & quotuplex. c. 9. n. 271. An vel quando cadat sub præceptum. ib. n. 272. Quinam eleemosynam dare possint vel non. ib. n. 273. Quomodo teneamur sollevare indigentiam proximi in necessitate constituti. c. 9. n. 276. & seqq. item 287. & 295. An fictus pauper licitè petat eleemosynam, & an revera acquirat dominium illius. c. 9. n. 283. & 284. An quæstus eleemosynarius justè valeat prohiberi. ibid. 288. An peccent, qui conversis ad fidem Catholicam non subministrant media sustentationi necessaria c. 9. n. 290. an Medici, Chyrurgi & Pharmacopola teneantur pauperibus gratis succurrere, vel administrare ea, quibus indigent. c. 9. n. 293. & 294. An extremè indigenti teneamur gratis succurrere per eleemosynam. ibid. n. 281. An vel quænam dentur causæ excusantes ab eleemosyna. conf. 9. n. 279.

Fides ut sic quid? & quid, vel quotuplex sit Fides Divina. c. 1. n. 7. & 8. Quodnam sit objectum materiale & formale fidei Divinae. ib. n. 9. & 10. Quæ, & quanta sit necessitas fidei Divinae supernaturalis, ibid. n. 11. & 12. Quid sit fides explicita, & quid implicita. n. 15. Quomodo utraque hæc sit necessaria ad salutem. c. 1. n. 16. & 17. Quænam fidei mysteria quivis fidelium teneatur scire & credere

dere necessitate præcepti. ib. n. 18. Quomodo quis respectivè teneatur hujusmodi mysteria scire ibid. n. 20. & 21. An peccet fidelis, qui non discit memoriter symbolum fidei, & orationem Dominicam. c. 1. n. 22. Quando nam vel quomodo omnes adulti teneantur assentiri mysteriis fidei sibi sufficienter propositis. c. 1. n. 23. Et quando hæc mysteria censeri debeant satis fuisse proposita. ibid. n. 24. Quid de pueris ac puellis quoad hoc tenendum sit. ib. n. 25. An vel quoties præceptum fidei obliget per se, & quoties obliget per accidens. c. 1. à n. 26. An huic præcepto satisfieri possit ex eo, quòd quis in genere duntaxat credat, quidquid à Deo revelatum fuit c. 1. n. 37. Quantam unusquisque fidelium debeat adhibere diligentiam in addiscendis fidei mysteriis. ibid. n. 38. Fidem exterius profiteri, an, vel quando teneamur. c. 2. n. 44. & seqq. Vide *Professio externa fidei*. Fidem veram nunquam licet negare. c. 2. n. 52. Quando nam quis verbis aut factis, vel etiam signis censeatur negare veram fidem. c. 1. n. 58. & seqq. item à n. 71.

Fraterna correctio quid, & quomodo, vel quando obliget. c. 10. n. 296. Vid. *Correctio fraterna*.

Hæresis quid c. 3. n. 81. Quid hæresis formalis, & quid materialis. ibid. n. 82. Quæ vel quanta pertinacia requiratur ad formalem hæresin. ibid. n. 83. An ille, qui protestatur se velle amplecti fidem Lutheranam, habendus

fit pro hæretico ib. n. 88. Quid censendum de illo, qui negat, S. Pontificem à Cathedra loquentem, esse infallibilem, vel esse supra Concilium œcumenicum. c. 3. n. 95. & 102. ac seqq. Quid de eo, qui de aliqua veritate fidei dubitat ibid. n. 85. Quomodo tractandi sint, qui petunt instrui in Fide Catholica. c. 3. n. 91.

Hæreticus aut in fidelis, an in sua secta licitè perseveret, tamen si judicet, Fidem Catholicam esse verosimiliorem. c. 1. n. 29. Quid Confessario sit observandum, vel quomodo procedendum sit cum talibus, præsertim in articulo mortis jamjam constitutis. ibid. n. 30. & seqq. item n. 41. An hodie dentur hæretici materiales. c. 3. n. 97. & 98.

Hæreticorum pœnæ, quæ & quot. c. 5. à n. 137. Vide *Pœnæ hæreticorum*. An de hæresi suspectus justè privari possit beneficio absolutionis. c. 5. n. 161. Quomodo inter hæresin formalem & materialem distinguendum sit, & qualiter hæresis debeat exterius fuisse manifestata, ut propter eam pœnæ incurrantur. c. 5. n. 163. & 164. Hæretici ad Fidem conversi, an in Germania absolvi possint, aut debeant c. 5. n. 165. Vide *absolvere ab hæresi*.

Hyperdulæ Cultus quid sit. c. 14. n. 423. Vide *Cultus hyperdulæ*.

Idololatria propriè dicta quid sit, & quotuplex c. 15. n. 461. & 462. undenam suam traxerit originem ibid. n. 463. An illi, qui cultum idololatricum in Theatris repræsentant, vel qui Sanctorum imagines colunt, vel qui
SS. Eu-

SS. Eucharistiæ Sacramentum adorant, dici mereantur Idololatræ c. 15. à n. 476. An sinè nota idololatriæ fas sit alloqui, dæmonem in Energumenis, ejusdemvè responsis fidem adhibere. c. 15. n. 479. & 480.

Ignorantia an vel quæ excuset à pœnis in simoniacos de jure statutis. c. 20. n. 657.

Infideles seu hæretici an ab infidelitate sint excusandi, dum adhærent suæ sectæ, esto judicent Fidem Catholicam esse verosimiliorum. c. 1. n. 29. Quomodo à Confessario sint tractandi præsertim in articulo mortis. ibid. n. 31. & seqq. An in loco sacro sepeliendi? ibidem n. 36.

Infidelitas quid sit, & quotuplex. c. 3. n. 76. & 77. Quale & quàm grave peccatum sit. ibid. n. 84. Sitnè habendus infidelis, qui dicit, se velle amplecti Fidem Lutheranam. c. 3. n. 88. Vel qui dicit, se credere id, quod sui Parentes credunt, cum tamen unus ex his sit Catholicus alter Acatholicus, ibid. n. 93. An sit infidelibus accensendus, qui negat omnes conso- dales S. Ursulæ fuisse Virgines, ibidem n. 94. Vel qui pertinaciter asserit, se hoc nunquam crediturum, tametsi S. Pontifex è Cathedra idipsum declararet. c. 3. n. 95. Sintnè habendi pro infidelibus illi, qui decisiones à S. Pontifice è Cathedra factas nolunt recipere eo sensu, quem S. Pontifex intendit. c. 3. n. 100. Vel qui negant summum Pontificem esse supra Concilium. ibi. n. 102. Ob peccatum infidelitatis, amittitur fides. ibid. n. 103. Quomodo

do infideles sint instruendi, prius quam ad professionem fidei admittantur. n. 104.

Inimicos diligere, an vel quantum teneamur. c. 8. n. 233. item n. 244. An unquam fas sit inimicum odisse ibid. n. 293. Quid si poenitens dicat, se non posse ignoscere, aut certe non posse oblivisci injuriæ, c. 8. n. 263. An inimicus licitè excludatur ab oratione communii. ibid. n. 266. Undenam dimetienda sit gravitas vel levitas peccati inimicitia. c. 8. n. 267. Quomodo Confessario procedendum sit cum iis, quos novit mutuâ inimicitia implexos. c. 8. n. 260. & seqq.

Injuria propriè talis quid sit, & quomodo differat ab offensa. c. 8. n. 242.

Invidia quomodo differat ab odio. c. 11. num. 452.

Irregularitas an, vel quando incurratur ob hæresin. c. 5. n. 142. Quinam in eadem dispensare valeant. ibidem. n. 51.

Irreligiositas quid sit. c. 18. n. 555.

Judaismus in quo consistat. c. 3. n. 80.

L*atria* seu cultus latriæ quid sit. c. 14. n. 423. Cuinam debeatur. ibid. n. 424. & seqq.

Liber hæreticus quid sit, & quinam veniant nomine imprimentium, defendentium, fautorum &c. c. 24. à n. 114. Librorum prohibitorum triplex classis insinuat. ibid. n. 117. & 118. Quænam poenæ ob horum lectionem incurrantur. n. 119. An vel qualiter istæ poenæ incurrantur in nostris partibus Germaniæ scilicet. c. 4. n. 120. An Uxor Catholica tenea-

teneatur denuntiare Maritum hæresi infectum. *ibid.* n. 121. An Bibliopega peccet compingendo libros hæreticos, vel tales penes se retinendo ad aliquod tempus c. 4. n. 124. & 125. Utrum Catholico liceat acceptare libros hæreticos in compensationem debitorum. *ib.* n. 126. An ob evitandum infamiæ periculum Catholico permittendum, ut librum hæreticum prælegat acatholico. c. 4. n. 127. & 128. an ob similem causam licuerit ancillæ Catholicæ comitari Rusticum Lutheranum emigrantem in aliam Provinciam acatholicam. *ibid.* n. 129. & 130. Utrum omnis, qui librum acatholicum vel hæreticum legit, incurrat censuram. *ibid.* n. 131. Quid agendum, dum quis legendo reperit nonnullas hæreses in libro, cujus Authorem ignorat. c. 4. n. 132. An fas sit cuivis legere controversias hujus temporis *ibid.* n. 133. Quid si in eodem volumine reperiatur compactus liber hæreticus cum Catholico, c. 4. n. 134.

Lectio librorum hæreticorum, an ab Ecclesia justè prohibeatur fidelibus c. 4. n. 112. Quid ad hanc censuram incurrendam (latam scilicet in legentes librum hæreticum) necessarium sit. n. 113. & seq. Legens librum pernitiosum quemcunque, an vel qualiter peccet. c. 4. n. 135. Et quid de legentibus Sacra Biblia c. 4. n. 136.

Locus sacer quis dicatur. c. 18. num. 566. Quando vel quomodo censeatur pollui, aut indignè violari. *ibidem.* n. 575.

Magia

Magia ut sic, quid sit. c. 17. n. 520. Quid, & quotuplex sit magia superstitiosa. ibidem n. 521. & 522. Quidnam, vel quantum magi aut sagæ valeant 1. circa Elementa? 2. circa corpora humana? & 3. in animas hominum. c. 17. an. 523. An per magiam homo excitari valeat ad amorem lascivum. ib. num. 537. Et quid Confessario agendum sit cum tali poenitente. c. 17. n. 538. An per artem magicam fur cogi possit ad restitutionem ablatorum. c. 17. n. 540. An sinè nota magiæ vel superstitionis fas sit repercutere Sagam aut magum, vel etiam torquere animalia intoxicata eo fine, ut cessent ab ulteriori infestatione c. 17. n. 541. item n. 553. An liceat alia signa contraria ponere, ut magus aut Saga cesset à maleficio, præsertim in casu, quo dubitatur, an tale signum non sit superstitiosum. c. 17. n. 542. & 543. Quid agendum cum poenitente, qui se profitetur magum &c. an fas sit ab eo prætereundum probam artis magicæ. c. 17. n. 544. & 545. it. n. 551. De quibus Sagæ vel Magi specialiter sint examinandi. c. 17. n. 547. Quomodo ad frugem meliorem sint reducendi ib. n. 548. Magorum opera an dici mereantur, vera miracula. c. 17. n. 549. & 550.

Maleficium quid sit c. 17. n. 529. Quid phyltrum & veneficium. ib. n. 530. & 537. quænam remedia sint adhibenda contra maleficia. ibid. n. 551. An fas sit solvere maleficium per aliud maleficium. c. 17. n. 532. Quid, si dubitetur, an à Mago vel Saga solvi possit sinè
 novo

novo maleficio. ibi. à n. 533. An is, qui malef-
fium vel phyltrum amoris posuit, teneatur
illud rursus auferre. ibid. n. 539. An ad se li-
berandum à maleficio vel infestatione fas sit,
Sagam repercutere, vel etiam signa contraria
apponere præsertim si dubitetur, an hæc non
sint supersticiosa. c. 17. n. 541. & seqq. item
n. 545. & 553. An fas sit vertere scopam pro-
pè vel retro portam cubiculi, aut projicere
pulvinar, eo fine, ne Saga possit egredi è cu-
biculo &c. c. 17. n. 552.

Medici, an teneantur gratis succurrere
pauperibus. c. 9. n. 294.

Necessitas proximi, quæ dicatur extrema,
quæ gravis, & quænam communis. c. 9.
n. 274. An, quando, vel quomodo consan-
guineis, vel aliis in necessitate constitutis, per
eleemosynam teneamur succurrere. ibi. à n.
276. An, vel quænam causæ excusent à largi-
tione eleemosynæ. ibi. n. 279. An teneamur
proximo in extrema necessitate constituto
succurrere gratis, an verò sufficiat necessita-
tem sublevare cum onere recompensationis.
c. 9. n. 281.

Negare veram fidem an unquam fas sit. c.
1. n. 52. quandonam verbis, vel signis, vel
etiam factis quis censeatur veram fidem nega-
re ibi n. 53. & seqq. item à n. 71. an ille, qui
tempore persecutionis aufugit, censeatur
per hoc negare veram fidem c. 2. n. 74.

Occidere injustum stupratorem ob conser-
vandam pudicitia bonum, an fas sit. c. 7.
n. 220.

Odium

Odium Dei quàm sit grave peccatum. c. 7. n. 227. sitnè aliquando licitum odisse inimicum. c. 8. n. 239. item n. 249. & seqq. Quid sit odium & quotuplex c. 31. à n. 326. An vel quando fas sit, sibimet, vel etiam proximo malum velle. c. 11. n. 330. & seqq. item n. 341. & 343. Quomodo à Confessario tractandi sint, qui in continuo odio vivunt. ibidem n. 348. & n. 353. quomodo peccant, qui aliis malè volunt vel imprecantur. c. 11. à n. 349. Quænam sit differentia inter odium & inimitiam. ibid. 352.

Offensa quid sit. c. 8. n. 242. Ad quid teneatur, qui alium offendit. ibid. n. 244. & 245. Quid si duo mutuò sese offendisse supponantur. ibidem n. 246. An offensus teneatur acceptare reconciliationem, ibi. n. 247. & n. 255. Quid si offensus nolit amplius dare veniam, vel admittere reconciliationem. c. 8. n. 256.

Opera misericordiæ quæ, & quot c. 9. n. 270.

Oratio propriè dicta quid. c. 13. n. 395. quænam actus, vel quænam condiciones ad hanc sint necessariae. ibi. n. 396. quid sit oratio vocalis, & quid mentalis. ibidem n. 397. Quis orandus. c. 13. n. 398. item n. 410. Quinam utiliter orare possint, aut debeant. c. 13. n. 399. & n. 400. Pro quibus orandum sit. ibi. n. 401. An liceat quempiam positivè excludere ab oratione communi. ibi. n. 408. Quid sit orandum seu postulandum à Deo. c. 14. à n. 402. an liceat postulare rem indifferentem. ibi.

ibi. n. 404. item n. 410. An, vel quomodo peccet, qui ex desperatione non amplius vult orare. ibi. n. 405. vel qui preces debitas, nimium differt. n. 407. vel qui orando rem malam postulat. c. 13. n. 412. Quid causæ subfit, cur non rarò videamur incassum orare. ibi. n. 416. Qualis intentio & attentio necessaria sit ad veram orationem. ibid. n. 417. & 418. An oratio fusa pro pluribus sit minoris efficacix. c. 13. n. 421.

Ordo charitatis qualis sit observandus circa dilectionem tum sui ipsius, tum etiam respectu proximi. c. 7. n. 210. Qualis ordo dilectionis porrò sit observandus inter ipsos proximos. ibi. n. 229.

Paganismus quid sit. c. 3. n. 79.

Parentibus quàm gravis incumbat obligatio instruendi proles suas in rebus ad salutem necessariis c. 1. n. 39.

Pastoribus item animarum quanta incumbat obligatio, tum sciendi ea, quæ ad salutem sunt necessaria, tum alios etiam sibi subjectos in iisdem instruendi. c. 1. n. 19. & 40.

Pauperibus, an, quinam vel quando teneantur mediante Eleemosyna succurrere. c. 9. n. 276. & seqq. an pauper fictitius acquirat dominium Eleemosynæ, an verò teneatur eandem restituere Domino, à quo recepit. c. 9. n. 283. Vide *Eleemosyna*.

Pecuniæ ope dæmonis obtentæ, an licitè expenderentur. c. 17. n. 554.

R. P. Elbel, Pars II. de Fide &c. Aaa Per-

Index Alphabeticus

Persona Sacra quid, vel quinam hujus nomine intelligantur. c. 18. n. 560.

Pertinacia ad formalem hæresin necessaria, in quo consistat. c. 3. n. 83.

Pharmacopolæ an teneantur gratis dare medicamina pauperibus infirmis. c. 9. n. 294.

Pœnæ hæreticorum quæ, & quot. c. 5. n. 137. Quid ad has incurrendas requiratur. ibi. 138. & seqq. An pœnæ civiles & Canonice etiam in nostra Germania ab hæreticis æqualiter incurrantur tam à Clericis, quàm à Laicis. c. 5. n. 140. & 141. seqq.

Pœnæ Simoniacorum quot, & quæ. c. 20. n. 624. & seqq. Quinam ab his pœnis absolvere, vel in iisdem respectivè dispensare valeant. ibid. n. 631.

Prælati Regulares an, vel quantum valeant circa suos subditos in hæresin vel Apostasiam prolapsos. c. 5. n. 155.

Præsumptionis peccatum quid sit. c. 6. n. 181. Quinam censendi sint præsumptuosi. ibid. n. 194. & 195. An in peccato præsumptionis detur parvitas materiæ. c. 6. n. 197.

Professio fidei externa, an, quando, vel à quibus facienda sit. c. 2. n. 44. item n. 51. 61. & 71. An à privato homine interrogatus teneatur fidem suam exterius profiteri. c. 2. num. 72.

Proximus noster quomodo sit diligendus. c. 7. n. 207. Quando vel quomodo teneamur eidem in necessitate constituto succurrere: ib. n. 213. 218. 222. Rursus n. 228. Qualis ordo

do dilectionis sit servandus inter ipsos proximos. c. 7. n. 229. & seqq. Quomodo, vel quando teneamur proximo dare Eleemosynam. c. 9. n. 276. & seqq. An vel quomodo fas sit proximo malum velle. c. 11. n. 330. & seqq. item n. 341. & à n. 349.

Pueris atque puellis quandonam vera fides censi debeat fuisse satis proposita. c. 1. n. 25. Quidnam Confessario observandum sit, vel agendum, casu quo dubitat, an tales præcepto fidei unquam satisfecerint. c. 1. n. 43.

Relapsus in hæresin quisnam censeatur, & à quo vel quibus absolvi valeat. c. 5. n. 157. & seqq.

Religionis nomine quid intelligatur c. 13. n. 390. Quid sit Virtus Religionis, quodnam hujus objectum, & qui vel quot dentur actus Religionis c. 13. n. 391. 392. & 393. Religionis virtus an inter morales sit præstantissima. ibi. n. 413. An etiam aliarum virtutum actus imperare soleat. c. 13. n. 414.

Religiosi Superiores an justè possint præcipere, ut frater fratrem delinquentem immediate denuntiet Superiori sinè omni correctione fraterna præmissa. c. 10. à n. 302. item n. 314. Quid Superiori Religioso agendum sit, casu quo animadvertit, subditum fuisse ab alio sibi delatum prætermissa omni correctione fraterna, ibi. n. 305. Quænam cautelæ sint observandæ Religioso, volenti alium deferre ad Superiorem. c. 10. n. 312. Quid si Religiosus dubitet, an teneatur suum contra

trem denuntiare. ibi. n. 313. Religiosi an possint committere Simoniam, suscipiendo Novitium intuitu bonorum temporalium. c. 19. n. 602. An, vel quando in electionibus ad officia vel beneficia Ecclesiastica Simoniam incurrant. ibid. n. 622.

Reliquiæ Sanctorum, an à fidelibus licite colantur. c. 14. n. 435. & seqq. Quid si exponantur publicæ venerationi Reliquiæ falsæ, aut nondum approbatæ seu authentizatæ. ibi. num. 449.

Res Sacra quid sit, vel quid hujus nomine intelligatur. c. 18. n. 568.

Resignatio beneficiorum Ecclesiasticorum, quomodo fieri possit, aut debeat absque nota Simonix. c. 20. n. 637. item n. 649.

Sacrilegium quid sit, & quotuplex. c. 18. n. 561. & 562. Quid sit Sacrilegium personale, quid locale, & quid reale, & quod modis vel actibus hæc incurrantur. ibid. n. 563. & seqq. Quantum peccatum sit Sacrilegium. c. 18. n. 571. & 572. An vel quomodo committatur Sacrilegium locale ratione effusi humani Sanguinis vel Seminis. ibi. n. 575. & 578. An obstrictus voto castitatis peccando contra hanc virtutem committat Sacrilegium. c. 18. n. 584. & 585. An Novitius peccando contra castitatem committat Sacrilegium in Confessione necessario explicandum ibi. n. 586. An auferens rem non sacram è loco Sacro Sacrilegii crimen incurrat. ibi. n. 587. An Sacrilegium possit committi omittendo actum &c. c. 18. n. 588.

Saga

Sagæ vel Magi quid, aut quantum valeant
1. in Elementa. 2. in corpora, & 3. in animas
hominum. c. 17. n. 523. & seqq. An *Sagæ* re-
ipſa ope dæmonis ſoleant transferri per aëra
de loco in locum c. 17. à n. 526. An fas ſit *Sa-*
gam repercutere ad declinandam vexam inju-
ſtam ſeu intoxicationem &c. ib. n. 542. Quid
ſi *Saga* propter talem repercutionem à dæmo-
ne intoxicaretur, vel aliò modo affligeretur.
c. 17. n. 553. Quomodo *Sagæ* à Confeſſario
ſint examinandæ. ibid. n. 538. & 547. An pe-
cuniæ à *Saga* vel mago ope dæmonis obtentæ
licite expendantur. c. 17. n. 554.

Sancti, an à fidelibus licite invocentur.
c. 14. n. 431. & ſeqq. Quid ſi cum fama *San-*
*cti*tatis deſunctus ſupponatur nondum beati-
ficatus aut canonizatus. ib. n. 441. & ſeqq.
Quid de Sanguine Chriſti, nec non de Sancto-
rum Reliquiis cenſendum ſit, c. 14. à n. 448.

Sanguinis humani transplantatio an licite
ſiat in ordine ad recuperandam ſanitatē.
c. 16. n. 517.

Scandalum quid ſit, & quotuplex c. 12. n.
354. & ſeqq. Quam grave peccatum ſit. ib. n.
357. An fas ſit facere malum ob evitandum
ſcandalum. n. 359. An propterea intermitti
debeant opera de conſilio, vel de præcepto.
ibid. n. 360. item n. 378. & 380. An, & quan-
do fas ſit cooperari peccato alterius. c. 12.
n. 361. item n. 383. rurfus. n. 386. & ſeqq. An
absque nota ſcandali liceat poſtulare opus,
quod alter prævidetur non præſtiturus ſine

Index Alphabeticus

peccato. ibid. n. 365. & seqq. Sitnè aliquando licitum suadere minus malum ad evitandum majus. c. 12. n. 369. Quomodo peccent peccato scandalì 1. feminae urentes vestitu lascivo. ibid. n. 371. & 382. Quomodo coram aliis turpia seu lasciva effutientes, ibid. n. 372. & 385. Quomodo sollicitantes ad concubitum. c. 12. n. 374. & 377. vel domum meretrici locantes. ibid. n. 375. Sitnè aliquando licitum proximo praeberè materiam vel ansam peccandi. c. 12. n. 387. Ad quid teneatur ille, qui proximum scandalizavit. c. 12. num. 389.

Schedulae lucanae (uri vocantur) an absque nota superstitionis possint applicari pro felici partis expeditione, c. 15. à n. 465.

Schisma quid sit, & quid esse Schismaticum c. 3. n. 87. Quibus poenis Schismatici fiant obnoxii. c. 5. num. 143.

Seditio quid sit & quale peccatum. c. 11. n. 338.

Sepultura Ecclesiastica, an concedenda sit haeretico, de quo dubitatur, fueritnè ante mortem absolutus à censura. c. 1. n. 36.

Signa charitatis, quænam dicantur communia, & quænam ex his proximo etiam inimico teneamur exhibere. ibid. à n. 235.

Simonia quid sit. c. 19. n. 589. Quotuplex sit hujus pretium, & quot Simoniarum species. ib. à n. 591. An absque nota Simoniae liceat dare temporale pro spirituali per modum motivi, aut per modum gratulationis compensationis. ibid. à n. 594. Quinam possint Simoniae notam incurrere. c. 19. n. 604. Quot modis Simonia committi possit aut soleat. ibid. n. 605. & seqq. Quot species Simoniae poenis Ecclesiasticis perstringantur. c. 20. n. 624. Quænam sint illae poenae in particulari. c. 20. n. 625. & seqq.

Sollicitare feminam ad concubitum quàm grande peccatum. c. 12. n. 372. Quid si animò ficto duntaxat fiat, ad explorandum scilicet, sitnè reipsa meretrix, nec ne. c. 12. n. 377.

Somniorum genus quotuplex. c. 16. n. 489. An fas est divinare ex somniis. ib. n. 490. Unde colligendum, sitnè

fitnè somnium à Deo , vel à dæmone , vel à natura
causatum. c. 16. n. 491.

Sortes quid sint, & quotuplex eorum genus. c. 16.
n. 492. An, vel quando fas sit uti fortibus. ibi. n. 493.

Spes Theologica quid sit. c. 6. n. 169. Quotuplex.
ibi. n. 170. Quodnam sit objectum materiale & for-
male illius. ibid. n. 171. & 172. Quomodo sit ad sa-
lutem necessaria. c. 6. n. 173. Præceptum spei an af-
firmativum sit, vel verò negativum ibi. n. 174. & 175.
an, vel quoties obligemur ad actum spei. c. 6. n. 176.
& 177. An etiam teneamur ad actum timoris. ibi. n.
178. Virtuti Spei quænam vitia opponantur. c. 6. n.
179. quomodo homines rudiores practicè sint exci-
tandi ad actum spei. ibi. n. 193. An adhuc sperare
posset ille cui damnationis revelatio fuisset facta. c. 6.
n. 198.

Suadere minus malum ad impediendum majus, an
fas sit. c. 12. n. 366. & seqq.

Superior Religiosus an justè præcipiat , ut frater
fratrem immediatè sibi denuntiet , prætermisâ omni
correctione fraterna. c. 19. n. 302. Vide *Correctio*
fraterna, vel *Religiosi Superiores*.

Superstitio quid, & quotuplex. c. 15. n. 454. & 455.
quid sit *Superstitio cultûs indebiti*, *cultûs superflui*,
& *cultûs falsi*. ibi. n. 456. & seqq. Quomodo hi cul-
tus sint peccaminosi ex genere suo. ibid. n. 459. Quæ
& quot sint Species Superstitionis rei indebitæ, seu
falsi Numinis. c. 15. n. 460. Sitnè superstitiosum uti
Schedulis lucanis pro felici expeditione partûs. ibi. n.
164. & seqq. An finè Superstitionis nota quispiam
reddi possit invulnerabilis per certam orationem, vel
per SS. Eucharistiæ Sacramentum, vel per certas her-
bas. c. 15. n. 467. 468. & 469. An per applicationem
cujusdam Virgæ detegi possint maleficia, vel etiam
thesauri in visceribus terræ latentes. c. 15. n. 470. Qui-
bus in casibus committi soleat cultus superfluous & in-
congruus, & in quibus non. c. 15. n. 474. & seqq. Alii
plures casus, in quibus superstitio committi solet, bre-
viter recensentur. c. 16. n. 502. & seqq.

Index Alphabeticus Rerum & materiarum &c.

Tentatio ut sic seu in genere quid sit, & quid tentatio Dei in specie. c. 18. n. 556. & 557. Tentatio Dei in specie. c. 18. n. 556. & 557. Tentatio Dei alia implicita dicitur & alia explicita seu formalis. ibi. n. 558. Utraque ex suo genere mortaliter mala. ibi. n. 559. Quinam in particulari censeantur tentare Deum. c. 18. n. 581. & seqq.

Turpia seu etiam lasciva componentes, scribentes, pingentes aut repræsentantes, quomodo peccent peccato scandalii. c. 12. n. 385.

Vana Observantia quid sit, quot hujus species dentur, & quomodo differat à divinatione. c. 16. n. 494. & seqq. Undenam colligenda sit vanitas Observantiæ. ibi. n. 500. Quid agendum, casu quo dubitatur, num aliquod medium habeat virtutem ex natura sua in ordine ad effectum intentum, c. 16. n. 501. Varii casus de vana observantia breviter recensentur. ibi. à n. 502. Quid de oratione sancti Christophori, de responsis seu divinationibus Cingarorum, & quid de pulvere Sympathico tenendum sit. c. 16. à n. 510.

Vendere res indifferentes, quibus proximus bene vel malè uti potest, an liceat. c. 12. n. 383. Quid si dubitetur, sitnè emens illà re abusus nec ne. ibid. n. 384.

Veneficium quid sit. c. 17. n. 530. Quænam remedia contra veneficia sint adhibenda. ibid. n. 531. & seqq. rursus. n. 546.

Verba lasciva seu impudica coram aliis proferentes, qualiter peccent. c. 12. n. 372. An & qualiter hujusmodi homines teneantur exprimere numerum personarum scandalizatarum. ibid. n. 373.

Virgæ usus in ordine ad detegenda maleficia, an sit permittendus: & quid de usu virgæ avellanæ seu etiam Coryli in ordine ad investigandos thesauros. c. 15. n. 470. & seqq.

Virtus ut sic, quid sit, & quotuplex. c. 1. n. 1. & 2. quid sit virtus Theologica, & quotuplex. ibi. n. 3. & 4. quas ob causas virtutes Theologicæ deperire soleant. c. 1. n. 5.

Vitia Charitatis opposita, & quot. c. 11. n. 324.

Laus DEO semper.

Et.

quid ten-
Tenta-
ratio Dei
nalis. ibi.
nala. ibi.
tentare

ribentes,
cent pec-

cies den-
c. 16. n.
s Obser-
o dubita-
ex natura
501. Va-
ententur.
phori, de
& quid de

. 510
nus bene
quid si du-
ne. ibid.


am reme-
l. 531. &

proferen-
aliter hu-
rum per-

efficia, an
llanæ seu
sauros. c.

n. 1. &
ibi. n. 3.
deperire

n. 324.



Biblioteka Jagiellońska



stdr0025067





R. P. EBBEL
THEOLOGIA
MORALIS
DECALOGAL



PARS II.